

**THOMAE A
KEMPIS ... DE
IMITATIONE
CHRISTI LIBRI
QUATUOR:...**

Hieronymus Wierix,
Thomas : von Kempen, ...





Ex Bibliotheca
majori Coll. Rom.
Societ. Jesu

216.47.

2
C
11

Ротисуд. pro Thom. a Kemp.

R
III



Collig. Ann. soc. Jesu. Catal. Inscrip.

THOMÆ A KEMPIS
CANONICI REGVLARIS

ORD. S. AVGVSTINI

DE IMITATIONE
CHRISTI.

LIBRI QVATVOR;

Nunc postremò ad autographo-
rum fidem recensiti.

CURAVNDICIUS KEMPENSIBVS
Herberti Ros-vveydi Soc. IESV,

Aduersus C. Caietanum Abbatem S. Baronti.

AD S.D.N. PAVLVM V.



ANTVERPIÆ,
EX OFFICINA PLANTINIANA,
Apud Balthasarem & Ioannem Moretos.

M.DC. XVII. 4

B. S.



SANCTISSIMO

DOMINO NOSTRO

PAVLO V.

PONT. MAX.

BEATITATEM

P P.



VARTVS iam an-
nus agitur , P A-
TER SANCTIS-
SIME , cūm vetus

Romanum Martyrologium,
que illustrissimus Cardina-
lis illustrissimus diu desiderauit
Romam transmissi

ATI

RAE de-

Anl

videlicet

ad

ad suum fontem riuus, ad Solem radius, ad cælum fidus. Quod Româ igitur olim profectum, & in diuersas orbis partes sparsum fuerat, velut fidele diuesque depositoryum seruauit Belgium: cumque iam multis annorum centuriis densâ obliuionis caligine iacuisset obductum, ex eodem Belgio in apertum prodiit.

Semestre iam spatium labitur, cum Caietanus Abbas S. Baronti Thomam Kempensem Belgam Romam euocauit, in ius traxit, & religiosum virum peculio suo, quod duobus pænè sæculis obtinuerat, ex improviso nudare, manupretio priuare, imò vitâ postumâ (quam illi benigna
Fama

Fama non inuidit) spoliare
conatus est.

Equidem gaudeo in eâ vr-
be hanc violentam manus in-
iectionem factam , vbi totius
orbis cardo vertitur , vbi iusti-
tiæ tribunal , æquitatis sedes
ob omni æuo fuit. Quod enim
à D. Petro in hunc diem in au-
ctorum censendis libris Roma
iudicium tenuit , quod Chri-
stianus orbis suscepit , non est
viri Catholici , non religiosi,
declinare . Detulit superiori-
bus mensibus Domnus Con-
stantinus causæ suæ non tam
iudicium quàm patrôcinium
SANCTITATI VESTRAE. Ego
verò contestationẽ amplector,
& æquitati causæ meæ confi-
sus , vel eum iudicem eligo,
* 3 quem

quem aduersarius patronum
sibi delegit. Vindicias itaque
Romæ postulo, & Thomam
nostrum liberali manu asser-
tum Romæ sisto; ne aut defu-
gisse auctoritatem viderer, ad
quam aduersarius confugit,
aut patriæ potius quàm veri-
tatis rem gessisse.

Et quidem eâ moderatione
me nactum esse Pontificem
gratulor, quo non minùs Bel-
gæ quàm Italo Romæ ius di-
citur; vt non magis vrbs,
quàm orbis Pontificem æquū
parentemq; habeat. Viuit et-
iam nunc in posterorū animis
PAVLI I. beneficium, quòd
Sanctorum reliquias, sine ho-
nore, sine titulo in semirutis la-
tentes & occultas cœmeteriis,
in

in apertum Solem lucemque
produxerit, ornarit aris, hono-
rarit memoriis: SANCTITATI
VESTRAE, PAVLE V. gratula-
bitur posteritas, quòd plurima
sanctorum virorù monumen-
ta auspiciis tuis è tenebris eru-
ta lucem adspiciant; quòd Ro-
ma suum vetus è Belgio Mar-
tyrologium, TE PONTIFICE
receperit; quòd Belgium, suum
Româ Thomam pristinae li-
bertati assertum TE IVDICE
vindicarit. Antuerpiæ, è Do-
mo Professâ, XXVIII. Martij,
anno M. D C. XVII.

SANCTITATI VESTRAE

deuotus in Christo filius

HERIBERTVS ROS-VVEYDVVS
Societatis I E S V.

ELOGIA
MAGNORVM VIRORVM
D. E

HISCE LIBRIS,
qui olim, maximè in Italia,
IOANNI GERSONI
falsò inscribebantur.

B. P. IGNATII LOIOLÆ
Societatis IESV fundatoris.

*Ludouicus Gonzalez in Actis beati
IGNATII summâ diligentia rogatu
Ioannis III. Lusitaniæ Regis
annotatis, quæ manuscripta Romæ
in domo Professâ asservantur, ita
testatur:*

SOLITVM fuisse sanctum Patrem
quotidie legere vnum caput ex
libello Ioannis Gersonis: & qui-
dem vnum eo ordine, quo in eo
disposita sunt capita. A prandio
verò, & aliis horis, solitum alte-
rum

rum caput euoluere, quod veluti casu, aperto libello, sine vlllo foliorum discrimine obtigisset: semper-
que inuenisse in eo materiam, præsentianimi statui accommodatam, & quam ipse beatus Pater eo tempore in animo impressam haberet. adeo-
que familiarem ei fuisse istum libellum, vt moribus suis, verbis, motibus, actionibus denique omnibus, salutaris illius libri documenta perfectissimè exprimeret; vt qui cum beato Patre assidue versabantur, agnouerint in eius vitâ viuam imaginem expressam Ioannis Gersonis, cuius lectionem commendabat omnibus quibuscum tractabat.

Petrus Ribadeneira lib. I .cap. XIII.

Vitæ B. P. IGNATII.

THOMÆ de Kempis de Imitatione Christi libello plurimum tum utebatur, illiusque lectionem valdè semper probauit, atque ita illius libri spiritum & doctrinam

* 5

hau-

tam auidè arripuit, tam perfectè in
se expressit, vt (multorum iudicio)
IGNATII vita solida quædam, emi-
nens ac viua esset imago eorum
præceptorum omnium, quæ aureo
illo libello continentur.

*Nicolaus Orlandinus par. 1. lib. v. hi-
stor. Societatis IESV, num. 9.*

Quo domum receptus est die
Hieronymus Natalis, monuit
beatus IGNATIVS, vt biduo pòst
ministrare coquo & hortulano in-
ciperet, & quotidie caput ex Ger-
sone, in quo medicaretur, legeret:
tum alia capita, vt necessitas vel
infirmetas postularet. Idquæ dixit
beatus Pater cum mirificâ (vti
semper solebat) laude eius libelli:
addens, fore, quod in se ipse qui-
dem esset expertus, vbi etiam for-
tuitò aperiret, vt quæ præsentì ne-
cessitati conuenientia essent, oc-
currerent.

CAR-

CARDINALIS BELLARMINI.

Ipse de se in libro de Scriptoribus Ecclesiasticis, in Ioanne Gersone.

OPVSCVLVM est vtilissimum, & iure in totâ Ecclesiâ summo omnium consensu receptum & frequentatum, & in omnes linguas conuersum. Ego certè ab adolescentiâ & vsque ad senectam, hoc opusculum sæpissimè volui, & reuolui: & semper mihi nouum apparuit, & nunc etiam mirificè cordi meo sapit.

REGIS MAVRITANIÆ.

Henricus Sommalius Societatis IESV in epistolâ ad Leonardum Betenium Cænobij S. Trudonis Abbatem.

QVANTA sit huius libelli dignitas, quâ se omnibus longè lateque probauit, vel ex hoc liquido patet: quòd post sacros codices, nullus tam crebrò typis fuerit excusus:

cusus : nullus tam cupidè ab omnibus expetitus ac lectitatus, à summis, mediis, infimis : nullus qui in tam varias sit linguas transfusus, atque omnium calculis approbatus. Referam hîc, quod nisi grauissimis testimoniis niteretur, incredibile videri posset. Cùm quidam è Societate IESV ante annos plus minus duodeuiginti, Argirium Mauritanix profectus fuisset, pretium redemptionis captiuorum laturus; Rex, qui aliquando Christianus fuerat, eum in suam duxit Bibliothecam, variâ librorum supellectili instructam : varios hîc illi codices visendos porrigit, atque in his librum de Imitatione Christi, vulgari Turcarum linguâ conuersum. adiecit autem, pluris se vnicum illum facere, quàm reliquos omnes Mahumetanorum.

OMIT-

OMITTO alia virorum grauiſſi-
 morum teſtimonia, cùm conſtet
 viris ſanctiſſimis librum hunc ita fa-
 miliarem fuiſſe, ut S. Carolus Borro-
 maus Cardinalis & Pius V. eum viæ
 vitæq; ſuæ comitem ſemper adſciue-
 rint: ex hoc B. Philippus Neriſ religioſum ſpiritum imbibit; eo Alexan-
 der Saulius Papienſis Episcopus ani-
 mum ſuum grauiſſimis diœceſis ſuæ
 curis diſtractum refecit & oblectauit.
 Hunc Ioannes Vendvillius, Torna-
 cenſium in Belgio Antiſtes, eo loco ha-
 buit, ut quoties Thomam à Kempis ſi-
 bi depoſceret (quod indies facitabat)
 non aliâ voce, quàm DA LIBRVM,
 καὶ ἐξ οὗτοῦ uteretur. Denique commu-
 nis omnium noſtrūm parens ac dux
 B. IGNATIVS Filiis ſuis eum librum
 maximè commendavit. Quo factum
 eſt, ut nullum pænè in Societatis no-
 ſtræ domiciliis cubiculum ſit, cuius au-
 ctor iſte non ſit inquilinus.

I N D E X
L I B R O R V M
E T
C A P I T V M.

LIBER PRIMVS.

Admonitiones, ad spiritualement
vitam vtilis.

C APVT I. De imitatione Christi, & contemptu omnium vanitatum mundi.	Pag. 1
CAP. II. De humili sentire suiipsius.	3
CAP. III. De doctrina veritatis.	5
CAP. IV. De prouidentia in agendis.	9
CAP. V. De lectione sanctarum Scriptura- rum.	10
CAP. VI. De inordinatis affectionibus.	11
CAP. VII. De vana spe, & elatione su- gienda.	12
CAP. VIII. De cauenda nimia familiari- tate.	13
CAP. IX. De obedientia, & subiectione.	14
CAP.	

INDEX LIB. ET CAP.

CAP. X. De cauenda superfluitate verborum.	16
CAP. XI. De pace acquirenda, & zelo proficiendi.	17
CAP. XII. De vtilitate aduersitatis.	20
CAP. XIII. De tentationibus resistendis.	21
CAP. XIV. De temerario iudicio vitando.	25
CAP. XV. De operibus ex charitate factis.	26
CAP. XVI. De sufferentia defectuum aliorum.	28
CAP. XVII. De monastica vita.	30
CAP. XVIII. De exemplis sanctorum Patrum.	31
CAP. XIX. De exercitiis boni Religiosi.	34
CAP. XX. De amore solitudinis, & silentij.	38
CAP. XXI. De compunctione cordis.	42
CAP. XXII. De consideratione humana miserie.	45
CAP. XXIII. De meditatione mortis.	49
CAP. XXIV. De iudicio, & pœnis peccatorum.	53
CAP. XXV. De seruenti emendatione totius vite nostræ.	58

LIBER

INDEX LIBRORVM

LIBER SECVNDVS.

Admonitiones, ad interna trahentes.

CAP. I. <i>De interna conuersatione.</i>	65
CAP. II. <i>De humili submissione.</i>	70
CAP. III. <i>De bono pacifico homine.</i>	71
CAP. IV. <i>De pura mente, & simplici intentione.</i>	73
CAP. V. <i>De propria consideratione.</i>	74
CAP. VI. <i>De latitia bonæ conscientia.</i>	76
CAP. VII. <i>De amore IESV super omnia.</i>	78
CAP. VIII. <i>De familiari amicitia IESV.</i>	80
CAP. IX. <i>De carentia omnis solati.</i>	83
CAP. X. <i>De gratitudine, pro gratia Dei.</i>	87
CAP. XI. <i>De paucitate amatorum Crucis IESV.</i>	90
CAP. XII. <i>De Regia via sanctæ Crucis.</i>	93

LIBER TERTIVS.

De interna consolatione.

CAP. I. <i>De interna Christi locutione, ad animam fidelem.</i>	102
CAP. II. <i>Quod veritas intus loquitur, sine strepitu verborum.</i>	103
CAP.	

ET CAPITVM.

- CAP. III. Quòd verba Dei, cum humilitate sunt audienda : & quòd multi ea non ponderant. 105
- CAP. IV. Quòd in veritate & humilitate, coram Deo conuersandum est. 109
- CAP. V. De mirabili effectu diuini amoris. 111
- CAP. VI. De probatione veri amatoris. 115
- CAP. VII. De occultanda gratia, sub humilitatis custodia. 118
- CAP. VIII. De vili aestimatione suiipsius, in oculis Dei. 122
- CAP. IX. Quòd omnia ad Deum, sicut ad finem vltimum, sunt referenda. 124
- CAP. X. Quòd spreto mundo, dulce est seruire Deo. 125
- CAP. XI. Quòd desideria cordis examinanda sunt, & moderanda. 128
- CAP. XII. De informatione patientia, & luctamine aduersus concupiscentias. 130
- CAP. XIII. De obedientia humilis subditi, ad exemplum IESV Christi. 133
- CAP. XIV. De occultis Dei iudiciis considerandis, ne extollamur in bonis. 135
- CAP. XV. Qualiter standum sit ac dicendum, in omni re desiderabili. 137
- CAP. XVI. Quòd verum solatium, in solo Deo est quarendum. 139
- CAP.

INDEX LIBRORVM

CAP. XVII. Quòd omnis sollicitudo , in Deo statuenda sit.	141
CAP. XVIII. Quòd temporales miseria, exemplo Christi, aequanimiter sint ferenda.	142
CAP. XIX. De tolerantia iniuriarum , & quis verus patiens probetur.	144
CAP. XX. De confessione propria infirmitatis, & huius vitæ miseriis.	147
CAP. XXI. Quòd in Deo , super omnia bona & dona, requiescendum est.	150
CAP. XXII. De recordatione multiplicium beneficiorum Dei.	154
CAP. XXIII. De quatuor , magnam importantibus pacem.	157
CAP. XXIV. De euitatione curiosa inquisitionis , super alterius vita.	160
CAP. XXV. In quibus firma pax cordis, & verus profectus consistit.	161
CAP. XXVI. De eminentia libera mentis, quam supplex oratio magis meretur, quàm lectio.	164
CAP. XXVII. Quòd priuatus amor, à summo bono maximè retardat.	166
CAP. XXVIII. Contra linguas obrectatorum.	168
CAP. XXIX. Qualiter instante tribulatione Deus inuocandus est, & benedicendus.	169
CAP.	

ET CAPITVM.

- CAP. XXX. De diuino petendo auxilio, & confidentia recuperanda gratia. 171
- CAP. XXXI. De neglectu omnis creatura, vt creator possit inueniri. 174
- CAP. XXXII. De abnegatione sui, & abdicatione omnis cupiditatis. 177
- CAP. XXXIII. De instabilitate cordis, & de intentione finali ad Deum habenda. 179
- CAP. XXXIIII. Quodd amanti sapit Deus super omnia, & in omnibus. 181
- CAP. XXXV. Quodd non est securitas à tentatione, in hac vita. 183
- CAP. XXXVI. Contra vana hominum iudicia. 185
- CAP. XXXVII. De pura & integra resignatione sui, ad obtinendam cordis libertatem. 187
- CAP. XXXVIII. De bono regimine in externis, & recurſu ad Deum in periculis. 189
- CAP. XXXIX. Quodd homo non sit importunus in negotiis. 190
- CAP. XL. Quodd homo nihil boni ex se habet, & de nullo gloriari potest. 192
- CAP. XLI. De contemptu omnis temporalis honoris. 195
- CAP. XLII. Quodd pax non est ponenda in hominibus. 196
- CAP.

INDEX LIBRORVM

CAP. XLIII. Contra vanam & facularem scientiam.	197
CAP. XLIV. De non attrahendo sibi res exteriores.	199
CAP. XLV. Quòd omnibus non est credendum : & de facili lapsu verborum.	200
CAP. XLVI. De confidentia in Deo habenda , quando insurgunt verborum iacula.	204
CAP. XLVII. Quòd omnia grauia , pro aeterna vita sunt toleranda.	207
CAP. XLVIII. De die aternitatis, & huius vite angustiis.	209
CAP. XLIX. De desiderio aeterna vita, & quanta sint certantibus bona promissa.	213
CAP. L. Qualiter homo desolatus se debet in manus Dei offerre.	218
CAP. LI. Quòd humilibus insistendum est operibus, cum deficitur à summis.	222
CAP. LII. Quòd homo non reputet se consolatione dignum , sed magis verberibus reum.	224
CAP. LIII. Quòd gratia Dei non miscetur terrena sapientibus.	226
CAP. LIIII. De diuersis motibus naturæ & gratiæ.	228
CAP.	

ET CAPITVM.

CAP. LV. De corruptione natura, & efficacia gratia diuina. 234

CAP. LVI. Quòd nos ipsos abnegare, & Christum imitari debemus per crucem. 238

CAP. LVII. Quòd homo non sit nimis deiectus, quando in aliquos labitur defectus. 240

CAP. LVIII. De altioribus rebus, & occultis iudiciis Dei non scrutandis. 242

CAP. LIX. Quòd omnis spes & fiducia, in solo Deo est figenda. 248

LIBER QVARTVS.

De Sacramento.

CAP. I. Cum quanta reuerentia, Christus sit suscipiendus. 253

CAP. II. Quòd magna bonitas & charitas Dei, in Sacramento, homini exhibetur. 260

CAP. III. Quòd utile sit, sepè communicare. 264

CAP. IV. Quòd multa bona prestantur, deuotè communicantibus. 268

CAP. V. De dignitate Sacramenti, & statu sacerdotali. 272

CAP.

INDEX LIBRORVM

CAP. VI. Interrogatio de exercitio , ante Communionem.	275
CAP. VII. De discussione propria conscientie, & emendationis proposito.	276
CAP. VIII. De oblatione Christi in cruce, & propria resignatione.	279
CAP. IX. Quod nos & omnia nostra, Deo debemus offerre, & pro omnibus orare.	281
CAP. X. Quod sacra Communio, de facili non est relinquenda.	284
CAP. XI. Quod Corpus Christi, & sacra Scriptura, maximè sunt animæ fidei necessaria.	289
CAP. XII. Quod magna diligentia se debeat, communicaturus Christo, preparare.	294
CAP. XIII. Quod toto corde anima deuota Christi vnionem in Sacramento affectare debet.	297
CAP. XIV. De quorundam deuotorum ardenti desiderio, ad Corpus Christi.	299
CAP. XV. Quod gratia deuotionis, humilitate, & suiipsius abnegatione, acquiritur.	301
CAP. XVI. Quod necessitates nostras Christo aperire, & eius gratiam postulare debemus.	304
CAP.	

ET CAPITVM.

CAP. XVII I. De ardentī amore, & vehementi affectu suscipiendi Christum.

305

CAP. XVII II. Quòd homo non sit curiosus scrutator Sacramenti, sed humilis imitator Christi, subdendo sensum suum sacrae fidei.

309



In omnibus requiem quæsiui et nusquam inueni nisi in angello cum libello.



THOMAS A KEMPIS CANONICVS REGVLARIS
Obijt A°. MCCCCLXXI. XXV. Iulij. Ætat. XCII.

Hieronymus Wierx fecit.

THOMÆ A KEMPIS
CANONICI REGVLARIS

Ordinis S. AVGVSTINI

DE IMITATIONE
CHRISTI

LIBER PRIMVS.

*Admonitiones, ad spiritualem
vitam utiles.*

CAPVT I.

*De imitatione Christi, & contemptu
omnium vanitatum mundi.*



QVI sequitur me, non ambulat in tenebris: dicit Dominus. Hæc sunt verba Christi, quibus admonemur, quatenus vitam eius & mores imitemur, si velimus veraciter illuminari, & ab omni cæcitate cordis liberari. Summum igitur studium nostrum sit, in vita Iesu Christi meditari.

Ioan. 8.

A

2 Do-

2 Doctrina Christi, omnes doctrinas Sanctorum præcellit: & qui spiritum haberet, absconditum ibi manna inueniret. Sed contingit, quòd multi ex frequenti auditu Euangelij, paruum desiderium sentiunt: quia spiritum Christi non habent. Qui autem vult plenè & sapidè Christi verba intelligere; oportet, vt totam vitam suam illi studeat conformare.

3 Quid prodest tibi, alta de Trinitate disputare: si careas humilitate, vnde displiceas Trinitati? Verè alta verba, non faciunt sanctum & iustū: sed virtuosa vita, efficit Deo charum. Opto magis sentire compunctionem, quàm scire eius definitionē. Si scires totam Bibliam exterius, & omnium Philosophorū dicta: quid totum prodesset, sine charitate Dei & gratia? Vanitas vanitatum, & omnia vanitas, præter amare Deum, & illi soli seruire. Ista est summa sapientia, per contemptum mundi tendere ad regna caelestia.

4 Vanitas igitur est; diuitias perituras quærere, & in illis sperare. Vanitas quoque est, honores ambire, & in altum statum se extollere. Vanitas

1. Cor
13.

Eccle. 1

tas est, carnis desideria sequi: & illud desiderare, vnde postmodum grauiter oportet puniri. Vanitas est, longam vitam optare, & de bona vita parum curare. Vanitas est, presentem vitam solum attendere: & quæ futura sunt, non prouidere. Vanitas est, diligere, quod cum omni celeritate transit: & illic non festinare, ubi sempiternum gaudium manet.

5 Memento illius frequenter prouerbij: quia non satiatur oculus visu: *Ecclesi. 1.* nec auris impletur auditu. Stude ergo cor tuum, ab amore visibilium abstrahere, & ad inuisibilia te transferre. Nam sequentes suam sensualitatem, maculant conscientiam, & perdunt Dei gratiam.

CAP. II.

De humili sentire suiipsius.

1 OMNIS homo, naturaliter sci- *Ecclesi. 1.*
re desiderat; sed scientia sine *& Ari.*
timore Dei, quid importat? Melior *Plot. l. 1.*
est profecto humilis rusticus, qui *Metap.*
Deo seruit; quam superbus Philoso-
phus, qui se neglecto, cursum cæli

cōsiderat. Qui benè seipsum cognoscit, sibi ipsi vilescit, nec laudibus delectatur humanis. Si scirem omnia, quæ in mundo sunt, & non essem in charitate: quid me iuuaret corā Deo, qui me iudicaturus est ex facto?

2 Quiesce, à nimio sciendi desiderio: quia magna ibi inuenitur distractio, & deceptio. *1 Cor. 8.* Scientes libenter volunt videri, & sapientes dici. Multa sūt, quæ scire, parum vel nihil animæ profunt. Et valdè insipiens est, qui aliquibus intendit, quàm his, quæ salutis suæ deseruiunt. Multa verba, non satiant animam; sed bona vita, refrigerat mentem: & pura conscientia, magnā ad Deum præstat confidētiā.

3 Quantò plus & meliùs scis, tantò grauiùs inde iudicaberis, nisi sanctiùs vixeris. Noli ergo extolli, de vlla arte vel sciētia: sed potiùs time, de data tibi notitia. Si tibi videtur, quòd multa scis, & satis benè intelligis: sci-to tamen, quia sunt multò plura, quæ *Rom. 12* nescis. Noli altū sapere, sed ignorantiam tuam magis fatere. Quid te vis alicui præferre, cū plures doctiores te inueniantur, & magis in lege periti?

Si

Si vis vtiliter aliquid scire, & discere:
ama nesciri, & pro nihilo reputari.

4 Hæc est altissima & vtilissima le-
ctio, sui ipsius vera cognitio, & despe-
ctio. De seipso nihil tenere, & de
aliis sæper benè & altè sentire, magna
sapientia est & perfectio. Si videres
alium apertè peccare, vel aliqua gra-
uia perpetrare, non deberes te tamen
meliorè æstimare: quia nescis, quàm
diu possis in bono stare. Omnes fra- *Gen. 8.*
giles sumus, sed tu neminem fragilio-
rem te ipso tenebis.

C A P. III.

De doctrina veritatis.

FELIX, quæ veritas per se docet, *Psal.*
non per figuras & voces trãseun- *93.*
tes, sed sicuti se habet. Nostra opinio,
& noster sêsus, sæpè nos fallit, & mo-
dicum videt. Quid prodest magna ca-
uillatio, de occultis & obscuris rebus, *Ecll. 3.*
de quibus nec arguemur in iudicio,
quia ignorauimus? Grandis insipien-
tia, quòd neglectis vtilibus & necessa-
riis, vltro intendimus curiosis & dam- *Psal.*
nosis: oculos habentes, non videmus. *113.*

A 3

2 Et

2 Et quid curæ nobis, de generibus & speciebus? Cui æternum Verbum loquitur, à multis opinionibus expeditur. Ex vno verbo omnia, & vnum loquuntur omnia: & hoc est principium, quod & loquitur nobis. Nemo sine illo intelligit, aut rectè iudicat. Cui omnia vnū sunt, & omnia ad vnum trahit, & omnia in vno videt; potest stabilis corde esse, & in Deo pacificus permanere. O veritas Deus, fac me vnum tecum, in charitate perpetua. Tædet me sæpè, multa legere & audire: in te est totum, quod volo & desidero. Taceant omnes doctores: sileant vniuersæ creaturæ, in conspectu tuo; tu mihi loquere solus.

Matth.

11. &

Luce

10.

3 Quàntò aliquis magis sibi vnitus, & interiùs simplificatus fuerit, tantò plura & altiora, sine labore intelligit; quia desuper lumen intelligentiæ accipit. Purus, simplex, & stabilis spiritus, in multis operibus non dissipatur: quia omnia ad Dei honorem operatur, & in se otiosus, ab omni propria exquisitione esse nititur. Quis te magis impedit & molestat quàm
tua

tua immortificata affectio cordis? Bonus & deuotus homo opera sua prius intus disponit, quæ foris agere debet. Nec illa trahunt eum, ad desideria vitiosæ inclinationis, sed ipse inflectit ea, ad arbitrium rectæ rationis. Quis habet fortius certamen, quàm qui nititur vincere seipsum. Et hoc deberet esse negotium nostrum; vincere videlicet seipsum, & quotidie seipso fortiores fieri, atque in melius aliquid proficere.

4 Omnis perfectio in hac vita, quamdam imperfectionem sibi habet annexam; & omnis speculatio nostra, quadam caligine non caret. Humilis tui cognitio, certior via est ad Deum, quàm profunda scientiæ inquisitio. Non est culpanda scientia, aut quælibet simplex rei notitia, quæ bona est in se considerata, & à Deo ordinata: sed præferenda est semper bona conscientia, & virtuosa vita. Quia verò, plures magis student scire, quàm bene viuere: ideò sæpè errant, & plenè nullum vel modicū fructum ferunt.

5 O si tantam adhiberent diligentiam, ad extirpanda vitia, & virtutes

A 4. inse-

inferendas, sicuti ad mouendas quaestiones: non fieret tanta mala & scandala in populo, nec tanta dissolutio in cœnobiis. Certè adueniente die iudicij, non quæretur à nobis, quid legimus, sed quid fecimus: nec quàm benè diximus, sed quàm religiosè viximus. Dic mihi, vbi sunt modò omnes illi domini & magistri, quos benè nouisti, dum adhuc viuerent, & studiis florent? Iam eorum præbendas, alij possident; & nescio, vtrùm de eis recogitant. In vita sua aliquid esse videbantur, & modò de illis taceretur.

Eccle. 1. 6 O quàm citò transit gloria mundi? Vtinam vita eorum, scientiæ ipsorum concordasset: tunc benè studuissent, & legissent. Quàm multi

Tit. 1. pereunt, per vanam scientiam in sæculo, qui parum curant de Dei serui-

Rom. 1. tio! Et quia magis eligunt magni esse quàm humiles, ideò euanescent in

Mat. 18 cogitationibus suis. Verè magnus est, *et 23.* qui magnam habet charitatem. Verè

Phil 3. magnus est, qui in se paruus est, & pro nihilo omne culmen honoris ducit. Verè prudens est, qui omnia terrena arbitratur vt stercora, vt Chri-

stum

stum lucrifaciat. Et verè benè doctus est, qui Dei voluntatem facit, & suam voluntatem relinquit.

CAP. IIII.

De providentia in agendis.

NON est credendum omni verbo, nec instinctui; sed cautè & longanimiter, res est secùdum Deum ponderanda. Proh dolor, sæpè malum faciliùs quàm bonum, de alio creditur & dicitur, ita infirmi sumus. Sed perfecti viri, non facilè credunt omni enarranti: quia sciunt infirmitatem humanam, ad malum procliviam, & in verbis satis labilem. i. Ioan. 4. Gen. 3.

2 Magna sapientia, nō esse præcipientem in agendis, nec pertinaciter in propriis stare sensibus. Ad hanc etiā pertinere, non quibuscumque hominum verbis credere: nec audita vel credita, mox ad aliorum aures effundere. Cum sapiente & cōscientioso viro, cōsiliū habe: & quære potiùs à meliore instrui, quàm tuas adinventiones sequi. Bona vita, facit hominem sapientem secùdum Deum, & expertum in multis. Pro. 19. Pro. 17. Prover. 12. Pro. 15. Eccl. 1.

tis. Quantò quis in se humilior fuerit, & Deo subiectior: tantò in omnibus erit sapientior, & pacatior.

C A P. V.

De lectione sanctarum Scripturarum.

VERITAS est in Scripturis sanctis quærenda, nō eloquentia. Omnis Scriptura sacra, eo spiritu debet legi, quo facta est. Quærere potius debemus, vtilitatem in Scripturis, quàm subtilitatem sermonis. Ita libenter deuotos & simplices libros legere debemus, sicut altos & profundos. Non te offendat auctoritas scribentis, utrùm parua vel magna litteraturæ fuerit; sed amor puræ veritatis, te trahat ad legendum. Non quæras, quis hoc dixerit; sed quid dicatur, attende.

2 Homines transeunt, sed veritas Domini manet in æternum. Sine personarum acceptione, variis modis loquitur nobis Deus. Curiositas nostra sæpè nos impedit, in lectione Scripturarum: quum volumus intelligere & discutere, vbi simpliciter esset trans-

transeundum. Si vis profectum haurire, lege humiliter, simpliciter, & fideliter: nec umquam velis habere nomen scientiæ. Interroga libenter, & PROM. I.
audi tacens verba Sanctorum: nec et II.
displiceant tibi parabola seniorum,
sine causa enim non proferuntur.

CAP. VI.

De inordinatis affectionibus.

I Q V A N D O C U M Q V E homo, aliquid inordinate appetit, statim in se inquietus fit. Superbus & avarus, numquam quiescunt: pauper & humilis spiritu, in multitudine pacis conuersantur. Homo, qui necdum perfecte in se mortuus est, citò tentatur, & vincitur in paruis & vilibus rebus. Infirmus in spiritu, & quodammodo adhuc carnalis, & ad sensibilia inclinatus, difficulter se potest à terrenis desideriis ex toto abstrahere. Et ideo sæpè habet tristitiam, quum se subtrahit: leuiter etiam indignatur, si quis ei resistit.

2 Si autem persecutus fuerit, quod concupiscit, statim ex reatu concien-

tia grauetur: quia sequutus est passionem suam, quæ nihil inuat ad pacem, quam quæsiuit. Resistendo igitur passionibus, inuenitur pax vera cordis, nō autem eis seruiendo. Non est ergo pax, in corde hominis carnalis: non in homine exterioribus dedito, sed in feruido & spirituali.

CAP. VII.

De vana spe, & elatione fugienda.

IERE. 17. **V**ANVS est, qui spem suam ponit in hominibus, aut in creaturis. Non te pudeat aliis seruire, amore Iesu Christi: & pauperem, in hoc sæculo videri. Non stes super te ipsum, sed in Deo spem tuam cōstitue. Ps. 30. Fac, quod in te est, & Deus aderit bonæ voluntati tuæ. IER. 9. Non confidas in tua scientia, vel astutia cuiuscumque viuentis: sed magis in Dei gratia, qui adiuuat humiles, & de se præsumentes humiliat.

2 Ne glorieris in diuitiis, si adsūt: nec in amicis, quia potentes sunt; sed in Deo, qui omnia præstat, & seipsum super omnia dare desiderat. Non

te

te extollas, de magnitudine vel pulchritudine corporis, quæ modica infirmitate, corrumpitur & defœdatur. Non placeas tibi ipsi, de habilitate aut ingenio tuo: ne displiceas Deo, cuius est totum quidquid boni naturaliter habueris.

3 Non te reputes aliis meliorem; *Exod. 3.*
ne fortè coram Deo deterior habeas. *Eccl. 12.*
ris, qui scit, quid est in homine. Non *Iob 9.*
superbias de operibus bonis: quia aliter sunt iudicia Dei, quàm hominum: cui sæpè displicet, quod hominibus placet. Si aliquid boni habueris, crede de aliis meliora, vt humilitatem conferues. Non nocet, si omnibus te supponas: nocet autem plurimum, si vel vni te præponas. Iugis pax cum humili: in corde autem superbi, zelus & indignatio frequens.

CAP. VIII.

De cauenda nimia familiaritate.

1 **N**ON omni homini, reueles cor *Eccle. 3.*
tuum: sed cum sapiente & timente Deum, age causam tuam. Cum iuuenibus & extraneis, rarus esto.

A 7 Cum

Cum diuitibus noli blandire, & corā magnatis non libenter appareas. Cum humilibus & simplicibus, cum deuotis & morigeratis sociare: & quæ adificationis sunt, pertracta. Non sis familiaris alicui mulieri: sed in communi, omnes bonas mulieres Deo commenda. Soli Deo & Angelis eius, opera familiaris esse, & hominum notitiam deuota.

2 Charitas habenda est ad omnes, sed familiaritas non expedit. Quandoque accidit, vt persona ignota, ex bona fama luceſcat: cuius tamen præſentia oculos intuentium offuſcat. Putamus aliquando aliis placere, ex coniunctione noſtra: & incipimus magis diſplicere, ex morum improbitate, in nobis conſiderata.

CAP. IX.

De obedientia & ſubiectione.

1 **V**ALDE magnum eſt, in obedientia ſtare, ſub prælato viuere, & ſui iuris non eſſe. Multo tutius eſt, ſtare in ſubiectione, quàm in prælatura. Multi ſunt ſub obedientia,

tia, magis ex necessitate, quàm ex charitate: & illi pœnam habent, & leuiter murmurant. Nec libertatem mentis acquirant; nisi ex toto corde, propter Deum se subiiciant. Curre hîc vel ibi: non inuenies quietem, nisi in humili subiectione, sub prælati regimine. Imaginatio locorum & mutatio, multos fefellit.

2 Verum est, quòd vnusquisque libenter agit pro sensu suo; & inclinatur ad eos magis, qui secum sentiunt. Sed si Deus est inter nos, necesse est, vt relinquamus etiam quandoque nostrum sentire, propter bonum pacis. Quis est ita sapiens, qui omnia plenè scire potest? Ergo, noli nimis in sensu tuo confidere: sed velis etiam libenter, aliorum sensum audire. Si bonum est tuum sentire, & hoc ipsum propter Deum dimittis, & alium sequeris, magis ex inde proficies.

3 Audiui enim sæpè, securius esse audire & accipere consilium, quàm dare. potest etiam contingere, vt bonum sit vniuscuiusque sentire: sed nolle aliis acquiescere, quum id ratio,
aut

aut causâ postulat, signum est superbia & pertinaciæ.

CAP. X.

De cauenda superfluitate verborum.

Mat. 4. **I** CAVEAS tumultum hominum,
Or. 14. quantum potes: multum enim
Ioan. 6. impedit tractatus sæcularium gestorum, etiam si simplici intentione proferantur. Citò enim inquinamur vanitate, & captiuamur. Vellem me pluries tacuisse, & inter homines non fuisse. Sed quare tam libenter loquimur, & inuicem fabulamur: cum tamen rarò, sine læsione conscientiæ, ad silentium redimus? Ideò tam libenter loquimur: quia per mutuas locutiones, ab inuicem consolari quærimus: & cor diuersis cogitationibus fatigatū, optamus reuelare. Et multum libenter de his, quæ multum diligimus, vel cupimus, vel quæ nobis contraria sentimus, libet loqui & cogitare.

2 Sed proh dolor, sæpè inaniter & frustrà. Nam hæc exterior consolatio, interioris & diuinæ cōsolationis, non modicum detrimentum est. Ideò
vigi-

vigilandum est, & orandum, ne tempus otiosè transeat. Si loqui licet & expedit, quæ ædificabilia sunt, loquere. Malus vsus, & negligentia profectus nostri, multum facit ad incustodiam oris nostri. Iuuat tamen non parum, ad profectum spirituales, deuota spiritualium rerum collatio: maximè vbi pares animo & spiritu, in Deo sibi sociantur. *Act. 1. Ro. 15.*

CAP. XI.

De pace acquirenda, & zelo proficiendi.

MULTAM possemus pacè habere, si non vellemus nos, cum aliorum dictis & factis, & quæ ad nostram curam non spectant, occupare. Quomodo potest ille diu in pace manere, qui alienis curis se intermiscet? qui occasiones forinsecus querit? qui parum vel rarò se intrinsecus colligit? Beati simplices, quoniam multam pacem habebunt.

2 Quare quidam Sanctorum, tam perfecti & contemplatiui fuerunt? Quia omnino seipsos mortificare, ab omni-

omnibus terrenis desideriis, studuerunt: & ideò totis medullis cordis, Deo inhaerere, atque liberè sibi vacare, potuerunt. Nos nimium occupamur propriis passionibus, & de transitoriis nimis sollicitamur. Rarò etiam vnum vitium perfectè vincimus, & ad quotidianum profectum, non accendimur: ideò frigidi, & tepidi remanemus.

3 Si essemus nobisipsis perfectè mortui, & interiùs minimè implicati: tunc possemus etiam diuina sapere, & de caelesti contemplatione aliquid experiri. Totum & maximum impedimentum est, quia non sumus à passionibus & concupiscentiis liberi: nec perfectam Sanctorum viam, conamur ingredi. Quando etiam modicum aduersitatis occurrit, nimis citò deiicimur, & a! humanas consolationes conuertimur.

4 Si niteremur, sicut viri fortes, stare in prælio: profectò auxilium Domini super nos, videremus de caelo. Ipse enim certantes, & de sua gratia sperantes, paratus est adiungere: qui nobis certandi occasiones procurat, vt
vin-

vincamus. Si tantum in istis exterioribus obseruantis, profectum religionis ponimus, citò finem habebit deuotio nostra. Sed ad radicem, securim ponamus: vt purgati à passionibus, pacificam mentè possideamus.

5 Si omni anno, vnum vitium extirparemus, citò viri perfecti efficeremur. Sed modò è contrario, sæpè sentimus; vt meliores & puriores in initio conuersionis, nos fuisse inueniamus, quàm post multos annos professionis. Feruor & profectus noster, quotidie deberet crescere; sed nunc pro magno videtur, si quis primi feruoris partem, posset retinere. Si modicam violentiam faceremus in principio, tunc postea cuncta possemus facere, cum leuitate & gaudio.

6 Graue est assueta dimittere, sed grauius est contra propriam voluntatem ire. Sed si non vincis parua & leuia, quãdo superabis difficiliora? Resiste in principio inclinationi tuæ, & malam dedisce consuetudinem: ne fortè paulatim, ad maiorem te ducat difficultatem. O si aduerteres, quantam tibi pacem, & aliis lætitiàm faceres,

tes, teipsum benè habendo, puto, quòd sollicitior esses, ad spiritualem profectum.

C A P. XII.

De utilitate aduersitatis.

1 **B**ONUM nobis est, quòd aliquando habemus aliquas grauitates & contrarietates; quia sæpè hominem ad cor reuocant, quatenus se in exilio esse cognoscat, nec spem suam in aliqua re mundi ponat. Bonum nobis est, quòd patiamur quandoque contradictores, & quòd malè & imperfectè de nobis sentiat, etià si benè agimus & intendimus. Ista sæpè iuuant ad humilitatem, & à vana gloria nos defendunt. Tunc enim meliùs interiorè testem Deū quærimus, quando foris vilipendimur ab hominibus, & non benè nobis creditur.

2 Ideò deberet se homo in Deo taliter firmare, vt non esset ei necesse, multas humanas consolationes quærere. Quando homo bonæ voluntatis tribulatur, vel tentatur, aut malis cogitationibus affligitur: tunc Deum sibi

sibi magis necessarium intelligit, sine quo nihil boni se posse deprehendit. Tunc etiam tristatur, gemit, & orat pro miseris, quas patitur. Tunc tædere eum diutius vivere, & mortem optat venire: ut possit dissolui, & cum Christo esse. Tunc etiam benè aduertit, perfectam securitatem & plenam pacem, in mundo non posse constare.

C A P. XIII.

De tentationibus resistendis.

I QVAMDIU in mundo vivimus, sine tribulatione & tentatione esse non possumus. Vnde in Iob scriptum est: Tentatio est vita humana super terram. Ideò unusquisque sollicitus esse deberet circa tentationes suas, & vigilare in orationibus: ne diabolus locum inueniret decipiendi, qui numquam dormitat, sed circuit quærens, quem deuoret. Nemo tam perfectus est & sanctus, qui non habeat aliquando tētationes, & plenè eis carere non possumus.

2. Sunt tamē tentationes homini sepe valdè vtilēs, licet molestæ sint &

gra-



graues; quia in illis homo humiliatur, purgatur, & eruditur. Omnes Sancti, per multas tribulationes & tentationes, transierunt & profecerunt. Et qui tentationes sustinere nequiuerunt, reprobi facti sunt, & defecerunt. Non est aliquis ordo tam sanctus, nec locus tam secretus, vbi non sint tentationes vel aduersitates.

3 Non est homo securus à tentationibus totaliter, quàm diu vixerit: quia in nobis est, vnde tentamur, ex quo in cōcupiscentia nati sumus. Vna tentatione seu tribulatione recedente, alia superuenit: & semper aliquid ad patiendum habebimus, nam bonum felicitatis nostræ perdidimus. Multi quærent tentationes fugere, & grauius incidunt in eas. Per solam fugam non possumus vincere, sed per patientiam & veram humilitatē, omnibus hostibus efficimur fortiores.

4 Qui tātummodò exteriùs declinat, nec radicem euellit, parum proficiet: imò citiùs ad eum tentationes redient, & peius sentiet. Paulatim, & per patientiā cum longanimitate (Deo iuuante) meliùs superabis, quàm cum du-

duritia & importunitate propria. Sæpius accipe consilium in tentatione, & cum tentato noli duriter agere: sed consolationemingere, sicut tibi optares fieri.

5 Initium omnium malarum tentationum, inconstantia animi, & parua ad Deum confidentia. Quia sicut nauis sine gubernaculo, hinc inde à fluctibus impellitur: ita homo remissus, & suum propositum deferens, variè tentatur. Ignis probat ferrum, & tentatio hominem iustum. Nescimus sæpè, quid possumus: sed tentatio aperit, quid sumus. Vigilandum est tamen, præcipuè circa initium tentationis: quia tunc facilius hostis vincitur, si ostium mentis nullatenus intrare finitur: sed extra limen, statim ut pulsauerit, illi obuiatur. Vnde quidam dixit:

Principiis obsta, serò medicina paratur.

Nam primò occurrit menti simplex cogitatio: deinde fortis imaginatio: postea delectatio, & motus prauus, & assensio. Sicque paulatim ingreditur hostis malignus ex toto, dum illi non resistitur in principio. Et quanto diutius, ad resistendum quis torpuerit: tantò

Ouid.
lib. i. de
remed.
amoris.

tantò in se quotidie debilior fit, & hostis contra eum potentior.

6 Quidam in principio conuersionis suæ, grauiiores tentationes patiuntur; quidam autem in fine. Quidam verò, quasi per totam vitam suam, malè habent. Nonnulli satis leniter tentantur, secundùm diuinæ ordinationis sapientiam & æquitatem; quæ statum & merita hominum pensat, & cuncta ad electorum suorum salutem præordinat.

7 Ideò non debemus desperare, quum tentamur: sed eò feruentius Deum exorare, quatenus nos in omni tribulatione dignetur adiuuare: qui utique secundùm dictum Pauli, talem faciet cum tentatione prouentum, ut possimus sustinere. Humiliemus ergo animas nostras sub manu Dei, in omni tentatione & tribulatione: quia humiles spiritu saluabit, & exaltabit.

8 In tentationibus & tribulationibus, probatur homo, quantum profecit, & ibi maius meritum existit, & virtus melius patescit. Nec magnum est, si homo dcuotus sit & feruidus, quum grauitatem non sentit: sed si tempore aduer-

aduersitatis, patienter se sustinet, spes magni profectus erit. Quidam à magnis tentationibus custodiuntur, & in paruis quotidianis sæpè vincuntur: vt humiliati, nunquam de se ipsis in magnis confidant, qui in tam modicis infirmantur.

CAP. XIII.

De temerario iudicio vitando.

1 **A**D te ipsum oculos reflecte, & aliorum facta, caueas iudicare. *Mat. 7. Rom. 15. Eccle. 3.*
In iudicando alios, homo frustrà laborat, sapiùs errat, & leuiter peccat: seipsum verò iudicando & discutiendo, semper fructuosè laborat. Sicut nobis res cordi est, sic de ea frequenter iudicamus: nam verum iudicium, propter priuatum amorem, faciliter perdimus. Si Deus semper esset pura intentio nostri desiderij, non tam faciliter turbaremur, pro resistentia sensus nostri.

2 Sed sæpè aliquid ab intra latet, vel etiam ab extra concurrit, quod nos etiam pariter trahit. Multi occultè se ipsos quærunt, in rebus quas agunt, &

B

ne-

nesciunt. Videntur etiam in bona pace stare, quando res pro eorū velle fiunt, & sentire. Si autem aliter fit quā cupiunt, citò mouentur & tristes fiunt.

Mat. 12. Propter diuersitatem sensuum & opinionum, satis frequenter oriuntur dissensiones, inter amicos & ciues, inter religiosos & deuotos.

Ier. 13. 3 Antiqua consuetudo difficulter relinquitur: & vltra proprium videre, nemo libenter ducitur. Si rationi tuæ magis inniteris vel industriæ, quā virtuti subiectiuæ Iesu Christi, rarè & tardè eris homo illuminatus; quia Deus vult nos sibi perfectè subiici, & omnem rationem per inflammatum amorem transcendere.

CAP. XV.

De operibus ex charitate factis.

Mat. 13. 1 **P**RO nulla re mundi, & pro nullo hominis dilectione, aliquod malum est faciendum: sed pro vilitate tamen indigētis, opus bonum liberè aliquando intermittendum est, aut etiam pro meliori mutandum. Hoc enim facto, opus bonum non destruitur,

tur, sed in melius commutatur. Sine charitate, opus externū nihil prodest: *1. Cor. 13.* quidquid autem ex charitate agitur, quantumcumque etiam paruum sit & despectum, totum efficitur fructuosum. Magis siquidem Deus pensat ex quanto quis agit, quàm quantum facit. Multum facit, qui multum *Luce 7.* diligit.

2 Multum facit, qui rem benè facit. Benè facit, qui magis communitati, *Phil. 2.* quàm suæ volūtatī sēruit. Sæpè videtur esse charitas, & est magis carnalitas: quia naturalis inclinatio, propria voluntas, spes retributionis, affectus commoditatis, rarò abesse volunt.

3 Qui veram & perfectam charitatem habet, in nulla re seipsum quærit; *Phil. 2.* sed DEI solummodò gloriam, in omnibus fieri desiderat. Nulli etiam invidet, quia nullum priuatum gaudium amat; nec in seipso vult gaudere, sed in Deo, super omnia bona, optat beatificari. *Cor. 13.* Nemini aliquid boni attribuit, *Pf 17.* sed totaliter ad Deum refert, à quo *Eccl 24.* fontaliter omnia procedunt, in quo finaliter omnes Sancti fruibiliter quiescunt. O qui scintillam haberet veræ

charitatis, profectò omnia terrena sentiret plena fore vanitatis.

CAP. XVI.

De sufferentia defectuum aliorum.

I QVÆ homo in se, vel in aliis emendare non valet, debet patienter sustinere, donec DEVS aliter ordinet. Cogita, quia sic fortè melius est, pro tua probatione & patientia, sine qua non sunt multùm ponderanda merita nostra. Debes tamen, pro talibus impedimentis supplicare: vt Deus tibi dignetur subuenire, & possis benignè portare.

2 Si quis semel aut bis admonitus, non acquiescit, noli cum eo contendere; sed totum Deo committe, vt fiat voluntas eius, & honor, in omnibus seruis suis, qui scit benè mala in bonum conuertere. Stude patiens esse in tolerando aliorum defectus, & qualescunque infirmitates; quia & tu multa habes, quæ ab aliis oportet tolerari. Si non potes te talem facere, qualem vis; quomodo poteris alium ad tuum habere beneplacitum? Libenter habemus

mus alios perfectos, & tamen proprios non emendamus defectus.

3 Volumus, quòd alij strictè corrigantur, & ipsi corrigi nolumus. Displicet larga aliorum licentia, & tamen nobis nolumus negari, quod petimus. Alios restringi per statuta volumus, & ipsi nullatenus patimur ampliùs cohiberi. Sic ergo patet, quàm rarò proximum, sicut nosipsum pensamus. Si essent omnes perfecti, quid tunc haberemus ab aliis, pro Deo pati?

4 Nunc autem Deus sic ordinavit, *Gal. 6.*
 ut discamus alter alterius onera portare: quia nemo sine defectu, nemo sine onere, nemo sibi sufficiens, nemo sibi satis sapiens: sed oportet nos inuicem *1. Thes 5. & 1 Cor. 12.*
 portare, inuicem consolari, pariter adiuuare, instruere, & admonere. Quantæ autem virtutis quisque fuerit, meliùs patet occasione aduersitatis. Occasiones namque hominem fragilem non faciunt, sed qualis sit, ostendunt.

CAP. XVII.

De monastica vita.

Gal. 6. **1** **O**PORTET quòd discas te ipsum in multis frangere, si vis pacem & concordiam, cum aliis tenere. Non est paruum in monasteriis, vel in congregatione habitare, & inibi sine querela conuersari, & vsque ad mortem fidelis perseuerare. Beatus, qui ibidem benè vixit, & feliciter consummauit. Si vis debite stare & proficere, teneas te tamquam exulem peregrinum super terram. Oportet te stultum fieri propter Christum, si vis religiosam ducere vitam.

1 Pet. 2 **2** **H**abitus & tonsura, modicum confert: sed mutatio morum, & integra mortificatio passionum, verum faciunt religiosum. Qui aliud quærit quàm purè Deum, & animæ suæ salutem, non inueniet nisi tribulationem & dolorem. Non potest etiam diu stare pacificus, qui non nititur esse minimus, & omnibus subiectus.

Mat. 20 **3** **A**d seruiendum venisti, non ad regendum: ad patiendū & laborandum, scias

scias te vocatum, non ad otia dum
vel fabulandum. Hic ergo probantur
homines, sicut aurum in fornace. Hic
nemo potest stare, nisi ex toto corde,
se voluerit propter Deum humiliare.

CAP. XVIII.

De exemplis sanctorum Patrum.

INTVERE sanctorum Patrum vi- Heb. 11
uida exépla, in quibus vera perfe-
ctio refulsit & religio, & videbis, quā
modicum sit, & pænè nihil, quod nos
agimus: Heu, quid est vita nostra, si il-
lis fuerit comparata? Sancti & amici
Christi, Domino servierunt in fame
& siti, in frigore & nuditate, in labore
& fatigatione, in vigiliis & ieiuniis, in
orationibus & meditationibus san-
ctis, in persecutionibus & oppro-
briis multis.

2 O quā multas & graues tribula-
tiones, passi sunt Apostoli, Martyres,
Confessores, Virgines, & reliqui om-
nes, qui Christi vestigia voluerunt se-
qui. Nam animas suas in hoc mundo 1o. 12.
oderunt, ut in æternā vitam eas possi-
derent. O quā strictam & abdicatam Mat 7.

B 4

vitam

vitam, sancti Patres in eremo duxerunt? quàm longas & graues tentationes pertulerunt? quàm frequenter ab inimico vexati sunt? quàm crebras & feruidas orationes Deo obtulerunt? quàm rigidas abstinentias peregerunt? Quàm magnum zelum & feruorem, ad spirituales profectum habuerunt? Quàm forte bellum, aduersus edomationem vitiorum gesserunt? Quàm puram & rectam intentionem ad Deum tenuerunt? Per diem laborabant, & noctibus orationi diutinæ vacabant: quamquam laborando, ab oratione mentali, minimè cessarent.

3 Omne tempus vtiliter expendebant; omnis hora ad vacandum Deo brevis videbatur: & præ magna dulcedine contemplationis, etiam obliuioni tradebatur, necessitas corporalis refectiois. Omnibus diuitiis, dignitatibus, honoribus, amicis & cognatis, renuntiabant: nil de mūdo habere cupiebant, vix necessaria vitæ sumebant: corpori seruire, etiam in necessitate dolebant. Pauperes igitur erant rebus terrenis, sed diuites valdè in gratia & virtutibus. Foris egebant, sed intus gratia &

Mat. 19

& consolatione diuina, reficiebantur.

4 Mundo erant alieni, sed Deo proximi ac familiares amici. Sibiipsis videbantur tamquam nihili, & huic mundo despecti: sed erant in oculis Dei pretiosi & dilecti. In vera humilitate stabant, in simplici obedientia vivebant, in charitate & patientia ambulabant: & ideò quotidie in spiritu proficiebant, & magnam apud Deum gratiam obtinebant. Dati sunt in exemplum omnibus religiosis: & plus prouocare nos debent ad benè proficiendum, quàm tepidorum numerus ad relaxandum. Iac. 4.

5 O quantus feruor omnium religiosorum, in principio suæ sanctæ institutionis fuit? O quanta deuotio orationis? quanta æmulatio virtutis? quàm magna disciplina vixit? quanta reuerentia & obedientia, sub regula magistri, in omnibus effloruit? Testantur adhuc vestigia derelicta, quòd verè viri sancti & perfecti fuerunt: qui tam strenuè militantes, mundum suppedi-
tauerunt. Iam magnus putatur, si quis transgressor non fuerit: si quis, quod accepit, cum patiëntia tolerare potuerit.

B 5

6 Och

6 Och teporis & negligentia status nostri, quod tam citò declinamus à pristino feruore; & iam tædet viuere, præ lassitudine & tepore! Vtinam in tepenitùs non dormiret profectus virtutum, qui multa sapiùs exempla vidisti deuotorum.

CAP. XIX.

De exercitiis boni religiosi.

1 **V**ITA boni religiosi, omnibus virtutibus pollere debet: vt sit
Mat. 5. talis interiùs, qualis videtur hominibus exteriùs. Et meritò, multò plus debet esse intus, quàm quod cernitur foris: quia inspector noster est Deus, quem summooperè reuereri debemus,
Psal. 33
Heb. 4. vbicumque fuerimus, & tamquam
Psal. 15. angeli in còspectu eius mundi incedere. Omni die renouare debemus propositum nostrum, & ad feruorem nos excitare: quasi hodie primùm, ad conuersionem venissemus, atque dicere, Adiuua me Domine Deus, in bono proposito, & sancto seruitio tuo: & da mihi nunc hodie perfectè incipere, quia nihil est, quod hætenus feci.

2 Secun-

2 Secundum propositum nostrum, cursus profectus nostri: & multa diligentia opus est, benè proficere volenti. Quod si fortiter proponens, sæpè deficit: quid ille, qui rarò aut minùs fixè, aliquid proponit? Variis tamen modis contingit, desertio propositi nostri: & levis omissio exercitiorù, vix sine aliquo dispendio transit. Iustorum propositum, in gratia Dei potiùs, quàm in propria sapientia pender: in quo & semper cōfidunt, quidquid arripiunt. Nam homo proponit, sed Deus disponit, nec est in homine via eius. Prov. 16

3 Si pietatis causa, aut fraternæ utilitatis proposito, quandoque consuetum omittitur exercitium, facilè postea poterit recuperari. Si autem tædio animi aut negligentia, faciliter relinquitur, satis culpabile est, & noxium sentietur. Conemur quantum possumus, adhuc leuiter deficiemus in multis. Semper tamen aliquid certi proponendum est, & contra illa præcipuè, quæ ampliùs nos impediunt. Exteriora nostra & interiora pariter, nobis scrutanda sunt & ordinanda, quia vtræque expediunt ad profectum. Eccle. 7.

4 Si non continuè te vales colligere, saltem interdum : & ad minus semel in die , manè videlicet , aut vesperè. *Deut. 4.* Manè propone, vesperè discute mores tuos; qualis hodie fuisti in verbo, opere, & cogitatione: quia in his sepiùs forsitan offendisti Deū & proximum. Accinge te sicut vir, contra diabolicas nequitias: frena gulam, & omnem carnis inclinationem faciliùs frenabis. Numquam sis ex toto ociosus: sed aut legens, aut scribens, aut orans, aut meditans, aut aliquid vtilitatis pro communi laborans. Corporalia tamen exercitia, discretè sunt agenda, nec omnibus æqualiter assumenda.

5 Quæ communia non sunt, non sunt foris ostendenda: nam in secreto, tutiùs exercentur priuata. Cauendum tamen, ne piger sis ad communia, & ad singularia promptior: sed expletis integrè & fideliter debitis & iniunctis, si iam vltra vacat, redde te tibi, prout deuotio tua desiderat. Non possunt omnes habere vnum exercitium: sed aliud isti, aliud illi, magis deseruit. Etiam pro temporis cōgruentia, diuersa placent exercitia: quia alia in festis, alia in feriis.

feriatis, magis sapiunt diebus. Aliis indigemus tempore tentationis, & aliis tempore pacis & quietis. Alia, quum tristamur, libet cogitare: & alia, quum læti in Domino fuerimus.

6 Circa principalia festa, renouanda sunt bona exercitia: & Sanctorum suffragia feruentius imploranda. De festo in festum proponere debemus, quasi tunc de hoc seculo migraturi, & ad æternum festum peruenturi. Ideoque sollicitè nos præparare debemus in deuotis temporibus, & deuotius conuersari, atque omnem obseruantiam strictius custodire, tamquam in breui præmium laboris nostri à Deo percepturi.

7 Et si dilatum fuerit, credamus nos minùs benè præparatos, atque indignos tantæ adhuc gloriæ, quæ reuelabitur in nobis tempore præfinito: & studeamus nos melius ad exitum præparare. Beatus seruus (ait Euangelista Lucas) quem, cùm venerit Dominus, inuenerit vigilantem. Amen dico vobis, super omnia bona sua, constituet eum. Rom. 8.
Luc. 12.
Mat. 14

CAP. XX.

De amore solitudinis, & silentij.

Eccle. 3. 1 **Q**VÆRE aptum tempus vacandi tibi, & de beneficiis Dei frequenter cogita. Relinque curiosa. Tales perlege materias, quæ cōpunctionem magis præstant, quàm occupationem. Si te subtraxeris à superfluis loquutionibus & otiosis circuituionibus, nec non à nonitatibus & rumoribus audiendis; inuenies tempus sufficiens & aptum, pro bonis meditationibus infistēdis. Maximi Sanctorum humana consortia, vbi poterant, vitabant, & Deo in secreto viuere eligebant.

Seneca 2 Dixit quidā: Quoties inter homi-
epist. 7. nes fui, minor homo redij: Hoc sepius experimur, quando diu cōfabulamur.

Facilius est omnino tacere, quàm verbo non excedere. Facilius est domi latere, quàm foris se posse sufficienter custodire. Qui igitur intendit ad interiora & spiritualia peruenire, oportet eum cum Iesu à turba declinare. Nemo securè apparet, nisi qui libenter latet. Nemo securè loquitur, nisi qui

qui libèter tacet. Nemo securè præest, nisi qui libenter subest. Nemo securè præcipit, nisi qui benè obedire didicit.

3 Nemo securè gaudet, nisi bonæ cōscientiæ in se testimoniū habeat. Semper tamen Sanctorum securitas, plena timoris Dei exitit. Nec eò minùs solliciti, & humiles in se fuerunt, quia magnis virtutibus & gratia emicuerunt. Pravorum autem securitas, ex superbia & præsumptione oritur, & in fine in deceptionem sui ipsius vertitur. Numquam promittas tibi securitatem in hac vita, quamvis bonus videaris cœnobita, aut deuotus eremita.

4 Sæpè meliores in æstimatione hominum, grauiùs periclitati sunt, propter suam nimiam confidentiam. Vnde multis vtilius est, vt non penitùs tentationibus careant, sed sæpiùs impugnentur; ne nimiùm securi sint: ne fortè in superbiam eleuentur; ne etiam ad exteriores consolationes, licentiùs declinent. O qui numquam transitoriam lætitiā quæreret: qui numquam cum mundo se occuparet, quàm bonam cōscientiam seruaret? O qui omnem vanam sollicitudinem amputaret,
&

& dumtaxat salutaria ac diuina cogitaret, & totam spem suam, in Deo constitueret, quàm magnam pacem & quietem possideret!

5 Nemo dignus est cœlesti consolatione, nisi diligenter se exercuerit, in sancta compunctione. Si vis corde renus compungi, intra cubile tuum, & exclude tumultus mundi, sicut scriptum est: *Psal. 4.* In cubilibus vestris compungimini. In cella inuenies, quod de foris sæpius amittes. Cella continuata dulcescit, & malè custodita tædium generat. Si in principio conuersionis tuæ, benè eam incolueris & custodieris, erit tibi postea dilecta amica, & gratissimum solatium.

6 In silentio & quiete, proficit anima deuota, & discit abscondita Scripturarum. Ibi inuenit fluentia lachrymarum, quibus singulis noctibus se lauet & mundet: vt conditori suo tantò familiarior fiat, quantò longiùs ab omni sæculari tumultu degit. Qui ergo se abstrahit à notis & amicis, approximabit illi Deus, cum Angelis sanctis. Melius est latere, & sui curam agere: quàm se neglecto, signa facere.

Lauda-

Laudabile est homini religioso, raro foras ire, fugere videri, nolle etiam homines videre.

7 Quid vis videre, quod non licet habere? Transiit mundus, & concupiscentia eius. Trahunt desideria sensualitatis ad spatiandum: sed quum hora transierit, quid nisi grauitatem conscientiae, & cordis dispersionem reportas? Lætus exitus, tristem sepè reditum *Prov. 14* parit: & læta vigilia serotina, triste mane facit. Sic omne carnale gaudium, blandè intrat: sed in fine, mordet & *Eccle. 1.* perimit. Quid potes alibi videre, quod hîc non vides? Ecce cælum, & terra, & omnia elementa; nam ex istis, omnia sunt facta.

8 Quid potes alicubi videre, quod diu potest sub sole permanere? Credis te forsitan satiari, sed non poteris pertingere. Si cuncta videres præsentia, *Eccle. 3.* quid esset nisi visio vana? Leua oculos *Pf. 122.* tuos ad Deum in excelsis, & ora pro peccatis tuis & negligentis. Dimitte vana vanis: tu autem intende illis, quæ tibi præcepit Deus. Claude super te *Mat. 6.* ostium tuum, & voca ad te Iesum, dilectum tuum. Mane cum eo in cella,
quia

quia non inuenies alibi tantam pacem. Si non exisses, nec quidquam de rumoribus audisses, melius in bona pace permansisses. Ex quo noua delectat aliquando audire, oportet te exinde turbationem cordis tolerare.

CAP. XXI.

De compunctione cordis.

Prov. 19. I **S**i vis aliquid proficere, cōserua te in timore Dei, & noli esse nimis liber: sed sub disciplina, cohibe omnes sensus tuos, nec ineptæ ne tradas lætitiæ. Da te ad cordis compunctionem, & inuenies deuotionem. Compunctio multa bona aperit, quæ dissolutio citò perdere consuevit. Mirum est, quòd homo potest vmquam perfectè in hac vita letari: qui suum exilium, & tam multa pericula animæ suæ, considerat & pensat.

2 Propter leuitatem cordis, & negligentiam defectuum nostrorum, non sentimus animæ nostræ dolores: sed sæpè vanè ridemus, quādo meritò flere deberemus. Non est vera libertas, nec bona lætitia, nisi in timore Dei cū
bona

bona conscientia. Felix, qui abiiicere potest omne impedimentum distractionis, & ad vnionem se recolligere sanctæ compunctionis. Felix, qui à se abdicat, quidquid conscientiam suam maculare potest vel grauare. Certa viriliter, consuetudo consuetudine vincitur. Si tu scis homines dimittere, ipsi benè te dimittent tua facta facere.

3 Non attrahas tibi res aliorum, nec te implices causis maiorū. Habe semper oculū super te primum, & admo-
neas teipsum specialiter, præ omnibus tibi dilectis. Si non habes fauorem ho- *Gal. 1.*
minum, noli ex hoc tristari: sed hoc sit tibi graue, quia non habes te satis benè & circumspectè, sicut deceret Dei seruum, & deuotum religiosum conuerfari. Vtilius est sæpè & securius, quòd *Psal. 76*
homo non habeat multas consolationes in hac vita, secundum carnem præcipuè. Tamen quòd diuinas non habemus, aut rariùs sentimus, nos in culpa sumus: quia compunctionem cordis non quærimus, nec vanas & externas omnino abiiçimus.

4 Cognosce te indignū diuina consolatione, sed magis dignum multa tribu-

Iud. 2. tribulatione. Quando homo est perfectè compunctus, tunc grauis &
Eccl. 20. amarus est ei totus mundus. Bonus
item 2. homo, sufficientem inuenit materiam
Reg. 13. dolendi & flendi. Siue enim se considerat, siue de proximo pensat, scit quia nemo sine tribulatione hîc uiuit. Et quantò strictiùs sese considerat, tantò ampliùs dolet. Materiae iusti doloris & internæ compunctionis, sunt peccata & vitia nostra, quibus ita inuoluti iacemus, vt rarò cælestia contemplari valeamus.

Eccl. 7. 5 Si frequentiùs de morte tua, quàm de longitudine vitæ cogitares, non dubium quin feruentiùs te emenda-

Mat. 25 res. Si etiam futuras inferni siue purgatorij pœnas, cordialiter perpenderes, credo quòd libenter laborem & dolorem sustineres, & nihil rigoris formidares. Sed quia ad cor ista non transeunt, & blandimenta adhuc amamus, ideò frigidi & valdè pigri remanemus.

6 Sæpè est inopia spiritus, vnde tam leuiter conqueritur miserum corpus: Ora igitur humiliter ad Dominum, vt det tibi compunctionis spiritum,
 &

& dic cum Propheta: Ciba me Domine pane lachrymarum, & potum da mihi, in lachrymis, in mensura. *Psal. 79*

CAP. XXII.

De consideratione humane miserie.

1 **M**ISERES, vbicumque fueris, & quocumque te verteris, nisi ad Deum te conuertas. Quid turbaris, quia non succedit tibi, sicut vis & desideras? Quis est, qui habet *Eccle. 6.* omnia, secundum suam voluntatem? Nec ego, nec tu, nec aliquis hominum super terram. Nemo est in mundo, sine aliqua tribulatione vel angustia, quamuis Rex sit vel Papa. Quis est, qui melius habet? utique qui pro Deo, aliquid pati valet.

2 Dicunt multi imbecilles & infirmi, *Luc. 12.* Ecce, quàm bonam vitam ille homo habet, quàm diues, quàm magnus, quàm potens & excelsus? Sed attende ad cælestia bona, & videbis quòd omnia ista temporalia, nulla sunt; sed valdè incerta & magis grauantia, quia nunquam sine sollicitudine & timore possidentur. *Prom. 19*
tas,

tas, habere temporalia ad abundan-
ab 14 *eccl. 2.* tiam, sed fufficit ei mediocritas: Verè
 miseria est, viuere super terram. Quā-
 tō homo voluerit esse spiritualior, tā-
 tō præfens vita fit ei amarior; quia
 sentit meliùs, & videt clariùs huma-
 næ corruptionis defectus. Nam com-
 edere, bibere, vigilare, dormire,
 quiescere, laborare, & ceteris necessi-
 tatibus naturæ subiacere; verè magna
 miseria est, & afflictio homini de-
 uoto, qui libenter esset absolutus, &
 liber ab omni peccato.

3 Valdè enim grauatur interior ho-
 mo, necessitatibus corporalibus in
 hoc mundo. Vnde Propheta deuotè
Pfal. 24 rogat, quatenus liber ab istis esse va-
 leat, dicens: De necessitatibus meis
 erue me Domine. Sed væ, non cog-
 noscentibus suam miseriam: & am-
 plius væ illis, qui diligunt hanc mise-
Rom. 8. ram & corruptibilem vitam. Nam in
 tantum quidam hanc amplectuntur
 (licet etiam vix necessaria laborando,
 aut mendicando habeant) vt si pos-
 sent hîc semper viuere, de regno Dei
 nihil curarent.

Rom. 8. 4 O infani & infideles corde, qui
 tam

tam profundè in terris iacent, vt nihil, nisi carnalia sapiant. Sed miseri, adhuc in fine grauitè sentient, quàm vile & nihilum erat, quod amaue-
runt. Sancti autem Dei, & omnes deuoti amici Christi, non attenderunt, 1. Pet. I
Heb. I I
quæ carni placuerunt, nec quæ in hoc tempore floruerunt: sed tota spes eorum & intentio, ad æterna bona anhelabat. Ferebatur totum desiderium ipsorum sursum ad mansura & inuisibilia, ne amore visibilium traherentur ad infima. Noli frater amittere confidentiam proficiendi ad spiritualia, adhuc habes tempus & horam. Rom. I 3
Heb. I 6

§ Quare vis procrastinare propositum tuum? Surge, & in instanti incipe, & dic: Nunc tempus est faciendi, nunc tempus est pugnandi, nunc aptum tempus est emendandi. Quando malè habes, & tribularis, tunc tempus est promerendi. Oportet te transire per ignem & aquam, antequam venias in refrigerium. Nisi tibi vim feceris, vitium nō superabis. Quamdiu istud fragile corpus gerimus, sine peccato esse non possumus, nec sine radio & dolore viuere. Libenter habere-

Rom 7. beremus ab omni miseria quietem;
Genes 3. sed quia per peccatum perdidimus
 innocentiam, amisimus etiam veram
2. Cor. 5. beatitudinē. Ideò oportet nos tenere
 patientiam, & D E I expectare miseri-
 cordiā; donec transeat iniquitas hæc,
 & mortalitas absorbeatur à vita.

Gen. 6. 6 O quanta fragilitas humana, quæ
 8. semper prona est ad vitia? Hodie con-
 fiteris peccata tua, & cras iterum per-
 petras confessa. Nunc proponis caue-
 re, & post horam agis, quasi nihil pro-
2. Mach. 9. posuisses. Meritò ergo nosipsum hu-
 miliare possumus, nec vnquam ali-
 quid magni de nobis sentire; quia tam
 fragiles & instabiles sumus. Citò et-
 iam potest perdi per negligentiam,
 quod multo labore vix tandem ac-
 quisitum est per gratiam.

7 Quid fiet de nobis adhuc in fi-
 ne, qui tepescimus tam manè? Væ
 nobis, si sic volumus declinare ad
 quietem, quasi iam pax sit & securitas,
 quum necdum appareat vestigium
 veræ sanctitatis, in conuersatione no-
 stra. Benè opus esset, quòd adhuc ite-
 rum institueremur, tamquam boni
 nouitij ad mores optimos: si fortè spes
 esset

esset de aliqua futura emendatione, & maiori spiritali profectu.

CAP. XXIII.

De meditatione mortis.

1 **V**ALDE citò erit tecum hîc factum, vide aliter quomodo te habeas: hodie homo est, & cras non comparet. Cùm autem sublatus fuerit ab oculis, etiam citò transit à mente. O hebetudo & duritia cordis humani, quod solùm præsentia meditatur, & futura non magis prævīdet. Sic te in omni facto & cogitatu deberes tenere, quasi hodie esses moriturus. Si bonam conscientiam haberes, non multùm mortem timeres. Meliùs esset peccata cauere, quàm mortem fugere. Si hodie non es paratus, quomodo cras eris? Cras est dies incerta, & quî scis, si crastinum habebis?

Iob. 9.

Eccl. 14.

nē Luce

12. &

Heb. 9.

Matt.

25.

Luc. 12.

Sap. 4.

Mat. 24

Eccl. 25.

2 Quid prodest diu viuere, quando tam parum emendamur? Ah longa vita non semper emendat, sed sæpè culpam magis auget. Utinam per vnā diem benè essemus conuersati in hoc mundo. Multi annos computant cō-

C uer-

uersionis, sed sæpè paruus est fructus emendationis. Si formidolosum est mori, forsitan periculosius erit diutius viuere. Beatus, qui horam mortis suæ semper ante oculos habet, & ad moriendum quotidie se disponit. Si vidisti aliquando hominem mori, cogita, quia & tu per eandem transibis viam.

Heb. 9. 3 Quum manè fuerit, puta te ad vesperum non peruenturum. Vespere autem factò, manè non audeas tibi

Luc. 21 polliceri. Semper ergo paratus esto, & taliter viue, vt numquam te imparatum mors inueniat. Multi subito & improuisè moriuntur. Nam hora, qua non putatur, filius hominis venturus est. Quando illa extrema hora

Matth. 24. venerit, multum aliter sentire incipies

Luc 12. de tota vita tua præterita: & valdè dolebis, quòd tam negligens & remissus fuisti.

Eccli. 41 4 Quàm felix & prudens, qui talis nunc nititur esse in vita, qualis optat inueniri in morte. Dabit namq; magnam fiduciam feliciter moriendi, perfectus contemptus mundi, feruens desiderium in virtutibus proficiendi,
amor

mor disciplina, labor pœnitentiæ, promptitudo obedientiæ, abnegatio sui, & supportatio cuiuslibet aduersitatis pro amore Christi. Multa bona potes operari, dum sanus es: sed infirmatus, nescio, quid poteris. Pauci ex infirmitate meliorantur: sic & qui multum peregrinantur, raro sanctificantur.

5 Noli confidere super amicos & proximos, nec in futurum tuam differas salutem: quia citius obliuiscuntur tui homines, quàm æstimas. Melius est nunc tempestiuè prouidere, & aliquid boni præmittere, quàm super aliorum auxilio sperare. Si non es pro teipso sollicitus inodò, quis erit pro te sollicitus in futuro? Nunc tempus est valdè pretiosum. Nunc sunt dies salutis. Nunc tempus acceptabile. Sed proh dolor, quòd hoc vtilius non expendis, in quo promereri vales, vnde æternaliter viuas! Veniet, quando vnum diem seu horam, pro emendatione desiderabis, & nescio, an impetrabis.

6 Eia charissime, de quanto periculo te poteris liberare: de quàm ma-

*Isa. 30.
Eccl. 31.
Jer. 17.
Eccl. 48
Mat. 6*

gno timore eripere, si modo semper timoratus fueris, & suspectus de morte. Stude nunc taliter viuere, vt in hora mortis valeas potius gaudere, quam timere. Dilce nunc mori mundo, vt tunc inespas viuere cum Christo. Dilce nunc omnia contemnere, vt tunc possis liberè ad Christum pergere. Castiga nunc corpus tuum per pœnitentiam, vt tunc certam valeas habere confidentiam.

Luc. 12 7 Ah stulte, quid cogitas te diu victurum; quum nullum diem habeas hic securum? Quàm multi decēpti sunt, & insperatè de corpore extracti? Quotiens audisti à dicentibus, quia ille gladio cecidit, ille submersus est, ille ab alto ruens ceruicem fregit, ille manducando obriguit, ille ludendo finem fecit. Alius igne, alius ferro, alius peste, alius latrocinio interiit: & sic omnium finis mors est, & vita hominum tamquam vmbra subito pertransit.

Iob 14 8 Quis memorabitur tui post mortem? & quis orabit pro te? Age, age nunc charissime, quicquid agere potes: quia nescis quando morieris, nescis

nescis etiam quid te post mortem sequetur. Dum tempus habes, congrega tibi diuitias immortales. Præter salutē tuam, nihil cogites; solum quæ Dei sunt, cures. Fac nunc tibi amicos, venerando Dei Sanctos, & eorum actus imitando: vt cū defeceris in hac vita, illi te recipiant in æterna tabernacula.

Mat. 6.

Luce

12.

Gal. 6.

Luce

16.

Heb. 11

19. Serua te tamquam peregrinū & hospitem super terram, ad quem nihil spectat de mundi negotiis. Serua cor liberum, & ad Deum sursum erectum, quia non habes hīc manentem ciuitatem. Illuc preces & gemitus quotidianos, cum lachrymis dirige, vt spiritus tuus mereatur ad Dominum, post mortem, feliciter transire. Amen.

1. Pet. 2

Hebr.

13.

CAP. XXIIII.

De iudicio, & pænis peccatorum.

IN omnibus rebus respice finem, & qualiter ante districtum stabis iudicem, cui nihil est occultum; qui muneribus non placatur, nec excusationes recipit: sed, quod iustum

Hebr.

10.

Job 9. est, iudicabit. O miserrime & insipiens peccator, quid respondebis Deo, omnia mala tua scienti: qui interdum formidas vultum hominis

Luc. 16 irati? Vt quid non prævides tibi in die iudicii, quando nemo poterit per alium excusari vel defendi: sed unusquisque, sufficiens onus erit sibiipso?

2 Cor. 6 Nunc labor tuus est fructuosus, fletus acceptabilis, gemitus exaudibilis, dolor satisfactorius, & purgativus.

Iac. 1. 2. Habet magnum & salubre purgatoriū patiens homo, qui suscipiens iniurias, plus dolet de alterius mali-

Luc. 23 tia, quàm de sua iniuria: qui pro con-

Act. 7. trariantibus sibi libenter orat, & ex corde culpas indulget, qui veniam ab aliis petere non retardat: qui facilius miseretur, quàm irascitur: qui sibi ipsi violentiam frequenter facit, & carnem omnino spiritui subiugare conatur. Melius est modò purgare peccata, & vitia resecare, quàm in futuro purganda reseruare. Verè nos ipsos decipimus per inordinatum amorem, quem ad carnem habemus.

3 Quid aliud ignis ille deuorabit, nisi

nisi peccata tua? Quantò ampliùs tibi ipsi nunc parcis, & carnem sequeris: tantò duriùs postea lues, & maiorem materiam comburendi reseruas. In quibus homo peccauit, in illis grauiùs punietur. Ibi acediosi, ardentibus stimulis perurgentur: & gulosi, ingenti siti ac fame cruciabuntur. Ibi luxuriosi, & voluptatù amatores, ardenti pice & fœtido sulphure perfundentur: Et sicut furiosi canes, præ dolore inuidiosi ululabunt.

4 Nullum vitium erit, quod suum proprium cruciatum non habebit. Ibi superbi, omni confusione replebuntur: & auari, miserrima egestate artabuntur. Ibi erit vna hora grauior in pœna, quàm hîc centum anni in amarissima pœnitentia. Ibi nulla requies est, nulla consolatio damnatis: *Iob 40. Or 41.* hîc tamen interdum cessatur à laboribus, atque amicorum fruitur solatiis. Esto modò sollicitus & dolens, pro peccatis tuis: vt in die iudicij, securus sis cum Beatis. Tunc enim iusti *Sap. 5.* stabunt in magna constantia aduersus eos, qui se angustiauerunt, & depresserunt. Tunc stabit ad iudicandum,

C 4 dum,

dum, qui modò se subiicit humiliter iudiciis hominum. Tunc magnam fiduciam habebit pauper & humilis, & pauebit vndique superbus.

5 Tunc videbitur sapiens in hoc mundo fuisse, qui pro Christo didicit stultus & despectus esse. Tunc placebit omnis tribulatio patienter perpeffa, & omnis iniquitas oppilabit os suum. Tunc gaudebit omnis deuotus, & mœrebit omnis irreligiosus.

2. Cor. Tunc plus exultabit caro afflicta, quàm
4. si in delitiis fuisset semper nutrita. Tunc splendebit habitus vilis, & ob-
tenebrescet vestis subtilis. Tunc plus laudabitur pauperculū domicilium, quàm deauratum palatium. Tunc iuuabit plus constans patientia, quàm
Isa. 29. omnis mundi potentia. Tunc ampliùs exaltabitur simplex obedientia, quàm omnis sæcularis astutia.

6 Tunc plus lætificabit pura & bona conscientia, quàm docta philosophia. Tunc plus ponderabit contemptus diuitiarum, quàm totus thesaurus terrigenarum. Tunc magis consolaberis super deuota oratione, quàm super delicata comestione. Tunc potiùs

tius gaudebis de seruatō silentio ,
quàm de longa fabulatione. Tunc
plus valebunt sancta opera , quàm
multa pulchra verba. Tunc plus pla-
cebit stricta vita & ardua pœnitentia,
quàm omnis delectatio terrena. Di-
sce te nunc in modico pati , ṽt tunc à
grauioribus valeas liberari. Hic pri-
mò proba, quid possis postea. Si nunc
tam parum vales sustinere, quomodo
aterna tormenta poteris sufferre? Si
modò modica passio tam impatien-
tem efficit, quid gehenna tunc faciet?
Ecce verè non potes duo gaudia ha-
bere , delectari h̃ic in mundo , &
postea regnare cum Christo.

7 Si vsque in hodiernum diem, *Luc. 12*
semper in honoribus & voluptatibus
vixisses ; quid totum tibi profuisset ,
si iam mori in instanti cōtingeret?

Omnia ergo vanitas , prater amare *Eccle 1.*
Deum, & illi soli seruire. Qui enim *Rom. 8.*
Deum ex toto corde amat: nec mor-
tem , nec supplicium , nec iudicium,
nec infernum metuit : quia perfectus
amor , securum ad Deum accessum
facit. Quem autem adhuc peccare
delectat, non mirum, si mortem & iu-
dicium

dicium timeat. Bonum tamen est, vt
si necdum amor à malo te reuocat,
saltem timor gehennalis coërceat.
Qui verò timorem Dei postponit,
diu stare in bono non valebit, sed dia-
boli laqueos citiùs incurret.

C A P. XXV.

*De feruenti emendatione totius
vitæ nostræ.*

2 Tim. 1 **E**STO vigilans & diligens, in Dei
4. seruitio : & cogita frequenter ,
ad quid venisti , & cur sæculum reli-
quisti? Nónne vt Deo viueres, & spi-
Mat. 5. ritualis homo fieres? Igitur ad pro-
fectum ferueas, quia mercedem labo-
Apo. 21 rum tuorum in breui recipies: nec erit
C 22. tunc ampliùs timor aut dolor, in fini-
Eccli. 51 bus tuis. Modicum nunc laborabis,
& magnam requiem, imò perpetuam
Apo 21 lætitiã, inuenies. Si tu permanferis
C 22. fidelis & feruidus in agendo , Deus
Matt. procul dubio erit fidelis & locuples
25. in retribuendo. Spem bonam retine-
Rom. 5. re debes, quòd ad palmam peruenies:
sed securitatem capere non oportet,
ne torpeas, aut elatus fias.

2 Cùm

2 Cùm quidam anxius, inter metum & spem frequenter fluctuaret, & quadam vice mœrore confectus, in Ecclesia ante quoddam altare se in oratione prostrauisset, hæc intra se reuoluit dicens: O si scirem, quòd adhuc perseueraturus essem! statimque audiuit diuinum intus responsum: Quid, si hoc scires, quid facere velles? Fac nunc, quod tunc facere velles, & benè securus eris. Moxque consolatus, & confortatus, diuinæ se commisit voluntati, & cessauit anxia fluctuatio. Noluitque curiosè inuestigare, vt sciret, quæ sibi essent futura: sed magis studuit inquirere, quæ esset voluntas Dei beneplacens & perfecta, ad omne opus bonum inchoandum & perficiendum. Rom. 12

3 Spera in Domino, & fac bonitatem (ait Propheta) & inhabita terram, & pascêris in diuitiis eius. Vnum est, quod multos à profectu, & feruenti emendatione retrahit: horror difficultatis, seu labor certaminis. Enimuerò, illi maximè præ ceteris in virtutibus proficiunt, qui ea, quæ sibi magis grauiâ & contraria sunt, viri-

lius vincere nituntur. Nam ibi homo plus proficit, & gratiam meretur ampliore: vbi magis seipsum vincit, & in spiritu mortificat.

4 Sed non omnes habent æquè multum, ad vincendum & moriendum. Diligens tamen æmulator, valentior erit ad proficiendum, etiam si plures habeat passiones, quàm alius benè morigeratus, minùs tamen feruens ad virtutes. Duo specialiter ad magnam emendationem iuuant: videlicet, subtrahere se violenter, ad quod natura vitiosè inclinatur: & feruenter instare pro bono, quo ampliùs quis indiget. Illa etiam studeas magis cauere & vincere, quæ tibi frequentius in aliis displicent.

5 Vbique profectum tuum capias: vt si bona exempla videas vel audias, ad imitandum accendaris. Si quid autem reprehensibile consideraueris, caue ne idem facias; aut si aliquando fecisti, citius emendare te studeas. Sicut oculus tuus alios considerat, sic iterum ab aliis notaris. Quàm iucundum & dulce est, videre feruidos & deuotos fratres, benè morigeratos & disciplina-

plinos. Quàm triste est & graue, *Ephē. 5.*
 videre inordinatè ambulantes: qui ea, *1. Cor. 12.*
 ad quæ vocati sunt, non exercent. *Eccle. 3.*
 Quàm nociuum est, negligere voca-
 tionis suę propositum: & ad non com-
 missa sensum inclinare?

6 Memor esto arrepti propositi, &
 imaginem tibi propone Crucifixi. Be-
 nè verecundari potes, inspecta vita Ie-
 su Christi: quia necdum magis illi te
 conformare studuisti, licet diu in via
 Dei fuisti. Religiosus, qui se intentè
 & deuotè in sanctissima vita & passio-
 ne Domini exercet, omnia vtilia &
 necessaria sibi, abundāter ibi inueniet:
 nec opus est, vt extra Iesum, aliquid
 melius quærat. O si Iesus crucifixus *Gal. 2.*
 in cor nostrum veniret, quàm citò & *6.*
 sufficienter, docti essemus?

7 Religiosus feruidus, omnia benè
 portat & capit, quæ illi iubentur. Re-
 ligiosus negligens & tepidus, habet
 tribulationem super tribulationem, &
 ex omni parte patitur angustiam: quia
 interiori consolatione caret, & exte-
 riorē quærere prohibetur. Religio-
 sus extra disciplinam viuens, graui
 pater ruinā. Qui laxiora quærit &

remissiora, semper in angustiis erit: quia aut vnum, aut reliquum sibi displicebit.

8 Quomodo faciunt, tam multi alij religiosi, qui satis arctati sunt, sub disciplina claustrali? Rarò exeunt, abstractè viuunt, pauperrimè comedunt, grossè vestiuntur, multum laborant, parum loquuntur, diu vigilant, maturè surgunt, orationes prolongant, frequenter legunt, & se in omni disciplina custodiunt. Attende Carthusienses, Cistercienses, & diuersæ Religionis monachos ac moniales: qualiter omni nocte, ad psallendum Domino assurgunt. Et ideò turpe esset, vt tu deberes in tam sancto opere pigritare: vbi tanta multitudo religiosorum, incipit Deo iubilare.

9 O si nihil aliud faciendum incumberet, nisi Dominum Deum nostrum toto corde & ore laudare! O si numquam indigeres comedere, nec bibere, nec dormire: sed semper posses Deum laudare, & solummodò spiritualibus studiis vacare: tunc multò felicior esses quàm modò, cùm carnalibus qualicumque necessitate seruis.

Vti-

Vtinam non essent istæ necessitates, sed solummodò spirituales animæ refectiones, quas (heu) satis rarò degustamus.

10 Quando homo ad hoc peruenit, quòd de nulla creatura consolationem suam quærit, tunc ei Deus primò perfectè sapere incipit: tunc etiam benè contentus de omni euentu rerum erit. Tunc nec pro magno lætatur; nec pro modico contristabitur: sed ponit se integrè & fiducialiter in Deo, qui est ei omnia in omnibus: cui nihil vtiq; perit nec moritur, sed omnia ei viuunt, & ad nutum incun-ctanter deseruiunt.

Ro. 11.
Co. 1.
Cor. 3.
12. &
15.

11 Memento semper finis, & quia perditum non redit tempus. Sine sollicitudine & diligentia, numquam acquires virtutes. Si incipis tepescere, incipies malè habere. Si autem dederis te ad feruorem, inuenies magnam pacem, & senties leuiorem laborem, propter Dei gratiam, & virtutis amorem. Homo feruidus & diligens, ad omnia est paratus. Maior labor est resistere vitiis & passionibus, quàm corporalibus insudare laboribus. Qui

Ecclesi. 7.

Apost. 3.

Ecclesi. 19.

paruòs

paruos non vitat defectus, paulatim
 labitur ad maiores. Gaudebis semper
 vespere, si diem expendas fructuose.
 Vigila super teipsum, excita teipsum,
 admone teipsum; & quicquid de aliis
 sit, non negligas teipsum. Tantum
 proficies, quantum tibiipsum vim intur-
 leris. Amen.

F I N I S.



THO-

paruos
 12.


65

THOMÆ A KEMPIS
CANONICI REGVLARIS
Ordinis S. AVGVSTINI
DE IMITATIONE
CHRISTI
LIBER SECVNDVS.

*Admonitiones, ad interna
trahentes.*

CAPVT I.

De interna conuersatione.

I  EGNUM Dei intra vos *Luca 7.*
est, dicit Dominus. Cō- *Ioel. 2.*
uerte te ex toto corde ad
Dominum: & relinque
hunc miserum mundum, & inueniet
anima tua requiem. Disce exteriora
contemnere, & ad interiora te dare, &
videbis regnum Dei in te venire. Est *Ro. 14.*
enim regnum Dei, pax & gaudium
in Spiritu sancto, quod non datur im-
piis. Veniet ad te Christus, osten-
dens

Pſ. 44. dens tibi consolationem suam : si dignam illi ab intus, paraueris mansionem. Omnis gloria eius & decor, ab intra est, & ibi complacet sibi. Frequens illi visitatio cum homine interno, dulcis fermocinatio, grata consolatio, multa pax, familiaritas stupenda nimis.

2 Eia anima fidelis, præpara huic sponſo cor tuum : quatenus ad te venire, & in te habitare dignetur. Sic *Ioā.* 14. enim dicit : Si quis diligit me, sermonem meum seruabit, & ad eum veniemus, & mansionem apud eum faciemus. Da ergo Christo locum, & ceteris omnibus nega introitum. Cùm Christum habueris, diues es, & sufficit tibi. Ipse erit prouisor tuus, & fidelis procurator in omnibus, vt non sit opus in hominibus sperare. Homines enim citò mutantur, & deficiunt velociter : Christus autem manet in æternum, & astat vsque in finem firmiter.

Ier. 17. 3 Non est magna fiducia ponenda, in homine fragili & mortali, etiam si utilis sit & dilectus : neque tristitia multa ex hoc capienda, si interdum ad-

aduersetur & contradicat. Qui hodie tecum sunt, cras contrariari possunt; & è conuerso, sæpè vt aura vertuntur. Pone totam fiduciam tuam 1 Pet. 5 in Deo, & sit ipse timor tuus, & amor tuus. Ipse pro te respondebit, & faciet benè, sicut melius fuerit. Non Heb. 13 habes hîc manentem ciuitatem; & vbicumque fueris, extraneus es & peregrinus: nec requiem aliquando habebis, nisi Christo intimè fueris vnitus.

4 Quid hîc circumspicis, cùm iste non sit locus tuæ requietionis? In celestibus debet esse habitatio tua, & sicut in transitu, cuncta terrena sunt aspicienda. Transeunt omnia, & tu Phil. 3. cum eis pariter. Vide, vt non inhæreas; ne capiaris, & pereas. Apud Altissimum sit cogitatio tua, & deprecatio tua ad Christum, sine remissione dirigatur. Si nescis speculari alta & cælestia, requiesce in passione Christi: & in sacris vulneribus eius, libenter habita. Si enim ad vulnera, & pretiosa stigmata Iesu, deuotè confugis, magnam in tribulatione confortationem senties: nec multùm curabis Sap. 5.

rabis hominum despectiones, facilliterque verba detrahentia perferes.

Matt. 1.

12. 16.

Joã

15.

5 Christus fuit etiam in mundo, ab hominibus despectus: & in maxima necessitate, à notis & amicis, inter opprobria derelictus. Christus pati voluit & despici, & tu audes de aliquo conqueri? Christus habuit aduersarios & obloquutores, & tu vis omnes habere amicos & benefactores? Vnde coronabitur patientia tua, si nihil aduersitatis occurrerit? Si nihil aduersitatis vis pati, quomodo eris amicus Christi? Sustine cum Christo, & pro Christo, si vis regnare cum Christo.

6 Si semel perfectè introisses in interiora Iesu, & modicum de ardenti amore eius sapuisses: tunc de proprio commodo vel incommodo nihil curares, sed magis de opprobrio illato gauderes: quia amor Iesu, facit hominem seipsum contemnere. Amator Iesu & veritatis, & verus internus & liber ab affectionibus inordinatis, potest se ad Deum liberè conuertere, & eleuare supra seipsum in spiritu, & frui in eum quiescere.

7 Cui sapiunt omnia, prout sunt, non

non ut dicuntur, aut æstimantur: hic verè sapiens est, & doctus magis à Deo, quàm ab hominibus. Qui ab intra scit ambulare, & modicum ab extra res ponderare, non requirit loca, nec expectat tempora, ad habenda deuota exercitia. Homo internus, citò se recolligit: quia numquam se totum ad exteriora effundit. Non illi obest labor exterior, aut occupatio ad tempus necessaria: sed sicut res eueniunt, sic se illis accommodat. Qui intus benè dispositus est & ordinatus, non curat mirabiles & peruersos hominum gestus. Tantum homo impeditur & distrahitur, quantum sibi res attrahit.

8 Si rectè tibi esset, & benè purgatus esses, omnia tibi in bonum cederent, & profectum. Ideò multa tibi displicent, & sæpè conturbant: quia adhuc non es perfectè tibiipsi mortuus, nec segregatus ab omnibus terrenis. Nil sic maculat & implicat cor hominis, sicut inpurus amor in creaturis. Si tentis consolari exterius, poteris speculari cælestia, & frequenter iubilare interius.

CAP.

CAP. II.

De humili submissione.

Rom. 8. 1 **N**on magni pendas, quis pro
& 1. te, vel contra te sit: sed hoc
Cor. 4. age & cura, ut Deus tecum sit in
Psal. 27. omni re, quam facis. Habeas con-
 scientiam bonam, & Deus benè te de-
 fensabit. Quem enim Deus adiuuare
 voluerit, nullius peruersitas nocere
 poterit. Si tu scis tacere & pati, vi-
 debis proculdubio auxilium Domi-
 ni. Ipse nouit tempus & modum li-
 berandi te, & ideo te debes illi resi-
 gnare. Dei est adiuuare, & ab omni
 confusione liberare. Sæpè valdè pro-
 dest, ad maiorem humilitatem ser-
 uandam, quod defectus nostros alij
 sciunt, & redarguunt.

2 Quando homo pro defectibus
 suis se humiliat, tunc facilius alios
 placat, & leuiter satisfacit sibi irascen-
 tibus. Humilem Deus protegit, & li-
Iac. 3. berat: humilem diligit, & consolatur:
Iob 5. humili homini se inclinat: humili lar-
 gitur gratiam magnam, & post eius
Matt. 11 depressionem, leuat ad gloriam. Hu-
 mili

mili sua secreta reuelat, & ad se dulciter trahit & inuitat. Humilis accepta confusione, satis benè est in pace: quia stat in Deo, & non in mundo. Non reputes te aliquid profecisse, nisi omnibus inferiorem te esse sentias.

C A P. III.

De bono pacifico homine.

TENE te primò in pace, & tunc poteris alios pacificare. Homo pacificus magis prodest, quàm benè doctus. Homo passionatus, etiam bonum in malum trahit, & faciliter malum credit. Bonus pacificus homo, omnia ad bonum conuertit. Qui benè in pace est, de nullo suspicatur. 1. Cor. 13. Qui autè malè contentus est & commotus, variis suspicionibus agitur: nec ipse quiescit, nec alios quiescere permittit. Dicit sæpè, quod dicere non deberet: & omittit, quod sibi magis facere expediret. Considerat, quod alij facere tenentur: & negligit, quod ipse teneatur. Mat. 7. Habe ergo primò zelum super teipsum, & tunc iustè Act 1.

iustè zelare poteris etiam proximum tuum.

2 Tu benè scis facta tua excusare & colorare, & aliorum excusationes
Gal. 6. non vis recipere. Iustius esset, vt te ac-
1 Cor. cusares, & fratrem tuum excusares. Si
13. portari vis, porta & alium. Vide, quā longè es adhuc, à vera charitate & humilitate: quæ nulli nouit irasci, vel indignari, nisi tantum sibi. Non est magnum, cum bonis & māsuetis conuersari, hoc enim omnibus naturaliter placet; & vnusquisque libenter pacem habet, & secum sentientes magis diligit. Sed cum duris & peruersis, aut indisciplinatis, aut nobis contrariantibus, pacificè posse viuere, magna gratia est, & laudabile nimis, virileque factum.

3 Sunt, qui seipfos in pace tenent, & cum aliis etiam pacem habent. Et sunt, qui nec pacem habent, nec alios in pace dimittunt: aliis sunt graues, sed sibi semper grauiores. Et sunt, qui seipfos in pace retinent, & ad pacem alios reducere student. Est tamen tota pax nostra in hac misera vita, potius in humili sufferentia ponenda.

ponenda, quàm in non sentiendo contraria. Qui melius scit pati, maiorem tenebit pacem. Iste est victor sui & dominus mundi, amicus Christi & hæres cæli.

CAP. IIIL.

De puramente, & simplici intentione.

DVABVS alis, homo subleuatur à terrenis, simplicitate scilicet & puritate. Simplicitas debet esse in intentione, puritas in affectione. Simplicitas intēdit Deum, puritas apprehendit, & gustat. Nulla bona actio te impediet, si liber intus ab inordinato affectu fueris. Si nihil aliud, quàm Dei beneplacitum, & proximi vtilitatem intendis & quæris, interna libertate perfrueris. Si rectum cor tuum esset, tunc omnis creatura speculum vitæ, & liber sanctæ doctrinæ esset. Non est creatura tam parua & vilis, quæ Dei bonitatem non repræsentet.

Rom. I.

2 Si tu esses intus bonus & purus, tunc omnia sine impedimento videres, & benè caperes. Cor purum, pe-

Prov. 3.

Pf. 118

D netrat

netrat cælum & infernum. Qualis vnusquisque intus est, taliter iudicat exteriùs. Si est gaudium in mundo, hoc vtique possidet puri cordis homo: Et si est alicubi tribulatio & angustia, hoc meliùs nouit mala conscientia. Sicut ferrum missum in ignem, amittit rubiginem, & totum candens efficitur: sic homo integrè ad Deum se conuertens, à torpore exuitur, & in nouum hominem transmutatur.

3 Quando homo incipit tepescere, tunc paruum metuit laborem, & libenter externam accipit consolationem. Sed quando perfectè incipit se vincere, & viriliter in via Dei ambulare: tunc minùs ea reputat, quæ sibi priùs graua esse sentiebat.

CAP. V.

De propria consideratione.

1a. 17.

1 **N**ON possumus nobis ipsis nimis credere, quia sæpè gratia nobis deest, & sensus. Modicum lumen est in nobis, & hoc citò per negligentiam amittimus. Sæpè etiam non aduertimus,

mus, quòd tam cæci intus sumus. Sæpè malè agimus, & peiùs excusamus. *Pf. 140.*
 Passione interdum mouemur, & zelum putamus. Parua in aliis reprehendimus, & nostra maiora pertransimus. *Mat. 7.*
 Satis citò sentimus & ponderamus, quid ab aliis sustinemus: sed quantum alij de nobis sustinent, non aduertimus. Qui benè & rectè sua ponderaret, non esset, quod de alio grauiter iudicaret.

2 Internus homo, suiipsius curam, *Mat. 16*
 omnibus curis antepōnit: Et qui sibi ipsi diligèter intendit, faciliter de aliis tacet. Numquam eris internus & deuotus, nisi de alienis silueris, & ad te ipsum specialis respexeris. Si tibi & Deo totaliter intendis, modicum te *1. Cor. 4*
 mouebit, quod foris percipis. Vbi es, *Gal. 1.*
 quando tibi ipsi præsens non es? Et quando omnia percurristi, quid (te neglecto) profecisti? Si debes habere pacem, & vnionem veram: oportet, quòd totum adhuc postponas, & te solum prae oculis habeas.

3 Multum proinde proficies, si te feriatum ab omni temporali cura conserues. Valdè deficies, si aliquid tem-

porale reputaueris. Nil magnum, nil altum, nil gratum, nil acceptum tibi *Eccle. 1.* sit, nisi purè Deus, aut de Deo sit. Totum vanum existima, quidquid consolationis occurrit de aliqua creatura. Amans Deum anima, sub Deo despicit vniuersa. Solus Deus æternus & immensus, implens omnia, solatium animæ, & vera cordis lætitia.

CAP. VI.

De lætitia bonæ conscientie.

1. Cor. 1. **G**LORIA boni hominis, testimonium bonæ conscientie. Habe bonam conscientiam, & habebis semper lætitiā. Bona conscientia, valdè multa potest portare, & valdè *Sap. 17.* læta est inter aduersa. Mala conscientia, semper timida est & inquieta. Suauiter requiesces, si cor tuum te non reprehenderit. Noli lætari, nisi quum benefeceris. Mali numquam habent veram lætitiā, nec internam sentiunt pacem: quia non est pax impiis, dicit Dominus. Et si dixerint: In pace sumus, non venient super nos mala: & quis nobis nocere audebit? *Luc 12.* *Isai. 57.* Ne

credas eis : quoniam repente exurget
ira Dei, & in nihilum redigentur a-
ctus eorum, & cogitationes eorum
peribunt.

2 Gloriari in tribulatione, non est *Rom. 8.*
graue amanti : sic enim gloriari, est *Gal. 6.*
gloriari in cruce Domini. Breuis glo- *Ioan. 3.*
ria, quæ ab hominibus datur, & acci-
pitur. Mundi gloriam, semper comi-
tatur tristitia. Bonorum gloria, in con- *2. Cor. 3*
scientiis eorum, & non in ore homi-
num. Iustorum lætitia, de D E O, & in
Deo est : & gaudium eorum, de veri-
tate. Qui veram & æternam gloriam
desiderat, temporalem non curat. Et
qui temporalem requirit gloriam, aut
non ex animo contemnit, minùs ama-
re conuincitur cælestem. Magnam
habet cordis tranquillitatem, qui nec
laudes curat, nec vituperia.

3 Facile erit contentus & pacatus,
cuius conscientia munda est. Non es
sanctior, si laudaris : nec vilior, si vitu-
peraris. Quòd es, hoc es ; nec maior
dici vales, quàm (Deo teste) sis. Si at-
tendis, quid apud te sis intus, non cu-
rabis, quid de te loquantur homines.
Homo videt in facie, Deus autem in *1. Reg.*

D 3

corde. *16.*

corde. Homo considerat actus, Deus verò pensat intentiones. Benè semper agere, & modicum de se tenere, humilis animæ indicium est. Nolle consolari ab aliqua creatura, magnæ puritatis; & internæ fiduciæ, signum est.

4 Qui nullum extrinsecus pro se testimonium quærit, liquet quòd totaliter se Deo commisit. Non enim, *2. Cor. 10.* qui seipsum commendat, ille probatus est (ait B. Paulus) sed quem Deus commendat. Ambulare cum Deo intus, nec aliqua affectione teneri foris, status est interni hominis.

CAP. VII.

De amore IESU super omnia.

Ps. 118. **B**EATVS, qui intelligit, quid sit amare Iesum: & contemnere se ipsum, propter Iesum. Oportet dilectum pro dilecto relinquere, quia Iesus vult solus super omnia amari. Dilectio creaturæ fallax & instabilis: dilectio Iesu, fidelis & perseuerabilis. Qui adhæret creaturæ, cadet cum labili: qui amplectitur Iesum, firmabitur in æuum. Illum dilige, & amicum

cum tibi retine: qui omnibus recedentibus, te non relinquet, nec parietur in fine perire. Ab omnibus oportet te aliquando separari, siue velis, siue nolis.

2 Teneas te apud Iesum, viuens ac moriens: & illius fidelitati te committe, qui omnibus deficientibus, solus potest te iuuare. Dilectus tuus talis est naturæ, vt alienum non velit admittere: sed solus vult cor tuum habere, & tamquam rex in proprio throno sedere. Si scires te benè ab omni creatura euacuare, Iesus deberet libèter tecum habitare. Pænè totum perditum inuenies, quidquid extra Iesum, in hominibus posueris. Non confidas, nec in-nitaris super calamum ventosum: quia omnis caro fœnum, & omnis gloria eius, vt flos fœni cadet. *Isai. 40.*

3 Citò decipieris, si ad externam hominum apparentiam, tantum aspexeris. Si enim tuum in alijs quæris solatium & lucrum, senties sæpiùs detrimentum. Si quæris in omnibus Iesum, inuenies utique Iesum. Si autem quæris teipsum, inuenies etiam teipsum, sed ad tuam perniciem. Plus enim homo nociuior sibi, si Iesum non

D 4

quærit,

quærit, quàm totus mundus, & omnes sui aduersarij.

CAP. VIII.

De familiari amicitia IESU.

I Q V A N D O Iesus adest, totum bonum est, nec quidquam difficile videtur. Quando verò Iesus non adest, totum durum est. Quando Iesus intus non loquitur, consolatio vilis est. Si autem Iesus, vnum tantum verbum loquitur, magna consolatio fitur. *1o. 11.* Nonne Maria Magdalena, statim surrexit de loco, in quo fleuit, quando Martha illi dixit: Magister adest, & vocat te? Felix hora, quando Iesus vocat de lachrymis ad gaudium spiritus. Quàm aridus & durus es sine Iesu. Quàm insipiens & vanus, si cupis aliquid extra Iesum. *Mat. 16.* Nonne hoc est maius damnum, quàm si totum perderes mundum?

2 Quid potest tibi mundus conferre, sine Iesu? Esse sine Iesu, grauis est infernus: & esse cum Iesu, dulcis paradisus. Si fuerit tecum Iesus, nullus poterit nocere inimicus. *Rom. 8.* *Mat. 13* Qui inuenit Iesum,

Iesum, inuenit thesaurum bonum, immò bonum super omne bonum. Et qui perdit Iesum, perdit nimis multum, & plus quàm totum mundum. *Luc. 12.*

Pauperrimus est, qui viuit sine Iesu: & ditissimus, qui benè est cum Iesu.

3 Magna ars est, scire cum Iesu conuersari; & scire Iesum tenere, magna prudentia. Esto humilis & pacificus, *Prov. 3.*

& erit tecum Iesus. Sis deuotus & quietus, & manebit tecum Iesus. Potes citò fugare Iesum, & gratiam eius perdere, si volueris ad exteriora declinare. Et si illum effugaueris & perdideris, ad quem fugies, & quem tunc quæres amicum? Sine amico, non potes benè viuere: & si Iesus, non fuerit tibi præ omnibus amicus, eris nimis tristis & desolatus. Fatuè igitur agis, *Gal. 6.* si in aliquo altero confidis, aut letaris.

Eligendum est magis, totum mundum habere cōtrarium, quàm Iesum offensum. Ex omnibus ergo charis, sit Iesus solus dilectus specialis.

4 Diligantur omnes propter Iesum, Iesus autem propter seipsum. Solus Iesus Christus, singulariter est amandus: qui solus bonus & fidelis, præ

D 5 om-

Mat. 5. omnibus inuenitur amicis. Propter
Luc. 5. ipsum, & in ipso, tam amici quàm ini-
mici, tibi sint chari: & pro omnibus
his exorandus est, vt omnes ipsum
cognoscant & diligant. Numquam
cupias singulariter laudari vel amari,
quia hoc solius Dei est, qui similem
sibi non habet; Nec velis, quod ali-
quis tecum in corde suo occupetur;
neque tu cum alicuius occuperis amo-
re: sed sit Iesus in te, & in omni bono
homine.

§ Esto purus & liber ab intus, sine
alicuius creaturę implicamēto. Opor-
tet te esse nudum, & purum cor ad
Deum gerere: si vis vacare & videre,
quàm suauis sit Dominus. Et reuerà
ad hoc non peruenies, nisi gratia eius
fueris præuentus & intractus: vt om-
nibus euacuatis & licentiatis, solus
cum solo vniaris. Quando enim gra-
tia Dei venit ad hominem, tunc po-
tens fit ad omnia. Et quando recedit,
tunc pauper & infirmus erit, & quasi
tantum ad flagella relictus. In his non
debet deiici, nec desperare; sed ad
voluntatem Dei æquanimiter stare,
& cuncta superuenientia sibi, ad lau-
dem

dem Iesu Christi perpeti : quia post
hiemem sequitur æstas ; post noctem
redit dies ; & post tempestatem magna
serenitas.

CAP. IX.

De carentia omnis solatiij.

NON est graue, humanum con-
temnere solatium, cùm adest
diuinum. Magnum est, & valdè ma-
gnum tam humano quàm diuino pos-
se carere solatio : & pro honore Dei, *Phil. 2.*
libenter exilium cordis velle sustine-
re : & in nullo seipsum quærere, nec ad
proprium meritum respicere. Quid
magni est, si hilaris sis & deuotus,
adueniente gratia ? optabilis cunctis
hæc hora. Satis suauiter equitat,
quem gratia Dei portat. Et quid mi-
rum, si onus non sentit : qui portatur
ab omnipotente, & ducitur à summo
ductore?

2 Libenter habemus aliquid pro so-
latio, & difficulter homo exiit à se-
ipso. Vicit sanctus martyr Laurentius
sæculum, cum suo sacerdote : quia
omne, quod in mundo delectabile

videbatur, despexit: & summum Dei sacerdotem Sixtum, quem maximè diligebat, pro amore Christi, etiam à se tolli clementer ferebat. Amore igitur creatoris, amorem hominis superavit: & pro humano solatio, diuinum beneplacitum magis elegit. Ita & tu, aliquem necessarium & dilectum amicum, pro amore Dei discere relinquere. Nec grauitè feras, quum ab amico derelictus fueris, sciens, quoniam oportet nos omnes tandem ab inuicem separari.

3 Multum & diu, oportet hominem in seipso certare, antequam discat seipsum plenè superare, & totum affectum suum in Deum trahere. Quando homo stat super seipsum, facile labitur ad consolationes humanas. Sed verus amator Christi, & studiosus sectator virtutum, non cadit super consolationes, nec quærit tales sensibiles dulcedines: sed magis fortes exercitationes, & pro Christo dueros sustinere labores.

4 Cùm igitur spiritualis à Deo consolatio datur, cum gratiarum actione accipe eam: sed DEI munus intellige esse,

esse, non tuum meritum. Noli extolli, noli nimiū gaudere, nec inaniter presumere: sed esto magis humilior ex dono, cautior quoque & timorator in cūctis actibus tuis: quoniam transibit hora illa, & sequetur tentatio. Quum ablata fuerit consolatio non statim desperes: sed cum humilitate & patientia, expecta cælestem visitationem: quoniam potens est Deus ampliorem tibi redonare consolationem. Istud non est nouum, nec alienum viam Dei expertis: quia in magnis Sanctis & in antiquis Prophetis, fuit sæpè talis alternationis modus.

5 Vnde quidam, præsentē iam gratia dicebat: Ego dixi in abundantia mea, *Psal. 29*
Non mouebor in æternum. Absente
verò gratia, quid in se fuerit expertus,
adiungit dicēs: Auertisti faciem tuam *Ibidem.*
à me, & factus sum conturbatus. Inter hæc tamen nequaquam desperat,
sed instantiùs Dominum rogat, & dicit: Ad te Domine clamabo, & ad *Ibidem.*
Deum meum deprecabor. Denique
orationis suæ fructum reportat, & se
exauditum testatur dicens: Audiuit *Ibidem.*
Dominus, & misertus est mei: Domi-

nus factus est adiutor meus. Sed in

Ibidem. quo? Conuertisti, inquit, planctum meum in gaudium mihi, & circumdedisti me lætitia. Si sic actum est cum magnis Sanctis, non est desperandum nobis infirmis & pauperibus, si interdum in feruore, & interdum in frigiditate sumus: quoniam spiritus venit & recedit, secundum suæ beneplacitum voluntatis. Vnde beatus Iob ait:

Iob 7. Visitas eum diluculo, & subito probas illum.

6 Super quid igitur sperare possum, aut in quo confidere debeo, nisi in sola magna misericordia Dei, & in sola spe gratiæ cælestis? Siue enim adsint homines boni, siue deuoti fratres, vel amici fideles; siue libri sancti, vel tractatus pulchri; siue dulcis cantus & hymni; omnia hæc modicum iuuant, modicum sapiunt, quando desertus sum à gratia, & in propria paupertate relictus. Tunc non est melius remedium quàm patientia, & abnegatio mei in voluntate DEI.

Luc. 9. 7 Numquam inueni aliquem tam religiosum & deuotum, qui non habuerit interdum gratiæ subtractionē,
aut

aut non senferit feruoris diminutionem. Nullus sanctus fuit tam altè raptus & illuminatus, qui priùs, vel postea, non fuerit tentatus. Non enim dignus est, alta Dei contemplatione, qui pro Deo non est exercitatus aliqua tribulatione. Solet enim sequentis consolationis, tentatio præcedens esse signum. Nam tentationibus probatis, cælestis promittitur consolatio. Qui vicerit, inquit, dabo ei edere de *Apoc. 2.* ligno vitæ.

8 Datur autem consolatio diuina, vt homo fortior sit, ad sustinendum aduersa. Sequitur etiam tentatio, ne se eleuet de bono. Non dormit diabolus, nec caro adhuc mortua est: ideo non cesses te præparare ad certamen: quia à dextris & à sinistris hostes sunt, qui numquam quiescunt. *1. Pet. 5.*

CAP. X.

De gratitudine, pro gratia Dei.

1 **C**VR quæris quietem, cùm natus sis ad laborem? Pone te ad patientiam magis, quàm ad consolationes: & ad crucem portandam magis, *Iob 3.*

Luc. 14. magis, quàm ad lætitiàm. Quis enim sæcularium, non libenter consolationem & lætitiàm spiritualem acciperet, si semper obtinere possèt? Excedunt enim spirituales consolationes, omnes mundi delicias, & carnis voluptates. Nam omnes deliciæ mundanæ, aut vanæ sunt, aut turpes. Spirituales verò deliciæ, solæ iucundæ & honestæ, ex virtutibus progenitæ, & à Deo puris mentibus infusæ. Sed istis diuinis cōsolationibus, nemo semper pro suo affectu frui valet? quia tempus tentationis, non diu cessat.

2 Multum autem contrariatur supernæ visitationi, falsa libertas animi, & magna confidentia sui. Deus benè facit consolationis gratiam dando; sed homo malè agit, non totum Deo, cum gratiarum actione, retribuendo. Et ideo non possunt in nobis dona gratiæ fluere, quia ingrati sumus auctori: nec totum refundimus fontali origini. Semper enim debetur gratia; dignè gratias referenti: & auferetur ab elato, quod dari solet humili.

3 Nolo consolationem, quæ mihi aufert compunctionem: nec affecto
con-

contemplationem, quæ ducit in elationem. Non enim omne altum, sanctum: nec omne dulce, bonum: nec omne desiderium, purum: ne omne charum, Deo gratum. Libenter accepto gratiam, unde semper humilior & timorator inueniar, atque ad relinquendum me paratior fiam. Doctus dono gratiæ, & eruditus subtractionis verberare, non sibi audebit quidquam boni attribuere: sed potius se pauperem, & nudum confitebitur. Da Deo, quod Dei est: & tibi ascribe, *Mat. 22* quod tuum est: hoc est, Deo gratias pro gratia tribue; tibi autem soli culpam & dignam pœnam, pro culpa deberi sentias.

4. Pone te semper ad infimum, & dabitur tibi summum: nam summum, non stat sine infimo. Summi sancti apud Deum, minimi sunt apud se. Et quanto gloriosiores, tanto in se humiliores. Pleni veritate & gloria cælesti, non sunt vanæ gloriæ cupidi. In Deo confirmati & fundati, nullo modo possunt esse elati. Et qui totum Deo ascribunt, quidquid boni acceperunt, gloriam ab inuicem non quarunt:

runt: sed gloriam, quæ à solo Deo est, volunt: & Deum in se, & in omnibus Sanctis, laudare super omnia cupiunt, & semper in idipsum tendunt.

5 Esto igitur gratus pro minimo, & eris dignus maiora accipere. Sit tibi minimum, etiam pro maximo: & magis contemptibile, pro speciali dono. Si dignitas datoris inspicitur, nullum datum paruum, aut nimis vile videbitur. Non enim paruum est, quod à summo Deo donatur. Etiam si pœnas & verbera dederit, gratum esse debet: quia semper pro salute nostra facit, quidquid nobis aduenire permittit. Qui gratiam DEI retinere desiderat, sit gratus pro gratia data, patiens pro ablata. Oret, ut redeat: cautus sit & humilis, ne amittat.

CAP. XI.

De paucitate amatorum crucis IESU.

IHABET Iesus nunc, multos amatores regni sui cœlestis, sed paucos baiulatores suæ crucis. Multos habet desideratores consolationis, sed paucos tribulationis. Plures inuenit
focios

focios mensæ, sed paucos abstinentiæ. Omnes cupiunt cum eo gaudere, pauci volunt pro eo, aut cum eo aliquid sustinere. Multi Iesum sequuntur, usque ad fractionem panis: sed pauci ^{Luc. 9.} 22. usque ad bibendum calicem passionis. Multi miracula eius venerantur, pauci ignominiam crucis sequuntur. Multi Iesum diligunt, quamdiu aduersa non contingunt. Multi illum laudant & benedicunt, quamdiu consolationes aliquas ab ipso percipiunt. Si autem Iesus se absconderit, & modicum eos reliquerit, aut in querimoniam, vel in deiectionem nimiam cadunt.

2 Qui autem Iesum propter Iesum, & non propter suam propriam aliquam consolationem diligunt, ipsum in omni tribulatione & angustia cordis, sicut in summa consolatione, benedicunt. Et si numquam eis consolationem dare veller, ipsum tamen semper laudarent, & semper gratias agere vellent.

3 O quantum potest amor Iesu ^{phil. 2.} purus, nullo proprio commodo, vel amore permixtus! Nonne omnes
merce-

mercenarij sunt dicendi, qui consolationes semper quærunt? nōne amatores sui magis, quàm Christi probantur, qui sua commoda, & lucra semper meditantur? Vbi inuenietur talis, qui velit Deo seruire gratis?

4 Rarò inuenitur tam spiritualis aliquis, qui omnibus sit nudatus. Nam verum pauperem spiritu, & ab omni creatura nudum quis inueniet? *Prov. 31* Procul & de vltimis finibus pretium eius. Si dederit homo omnem substantiam suam, adhuc nihil est. Et si fecerit pœnitentiam magnam, adhuc exiguum est. Et si apprehenderit omnem scientiam, adhuc longè est. Et si habuerit virtutem magnam, & deuotionem nimis ardentem, adhuc multum sibi deest: Scilicet vnum, quod summè sibi necessarium est. *Mat. 16* Quid illud? Vt omnibus relictis se relinquat, & à se totaliter exeat, nihilque de priuato amore retineat. Cumque omnia fecerit, quæ facienda nouerit, nil se fecisse sentiat.

5 Non grande ponderet, quòd grande æstimari possit: sed in veritate seruum inutilem se pronunciet, sicut Veritas

ritas ait: Cùm feceritis omnia, quæ *Luc. 14*
 præcepta sunt vobis, dicite, Serui inu-
 tiles sumus. Tunc verè pauper, & nu-
 dus spiritu esse poterit, & cùm Pro-
 pheta dicere: Quia vnicus & pauper *Psal. 24.*
 sum ego. Nemo tamen isto ditior, ne-
 mo potentior, nemo liberior: qui se
 & omnia, relinquere scit, & ad infi-
 mum se ponere.

CAP. XII.

De regia via sanctæ Crucis.

ID V R V S multis, videtur hic ser- *Mat. 26*
 mo: Abnega temetipsum, tolle
 crucem tuam, & sequere Iesum. Sed
 multo durius erit, audire illud extre-
 mum verbum: Discedite à me male- *Mat. 25*
 dicti, in ignem æternum. Qui enim
 modò libenter audiunt, & sequuntur
 verbum crucis; tunc non timebunt *Psal. 111.*
 ab auditione æternæ damnationis.
 Hoc signum crucis erit in cælo, cùm
 Dominus ad iudicandum venerit.
 Tunc omnes serui crucis, qui se Cru-
 cifixo conformauerunt in vita, acce-
 dent ad Christum iudicem, cum ma-
 gna fiducia.

2 Quid

2 Quid igitur times tollere crucem,
per quam itur ad regnum? In cruce sa-
lus, in cruce vita, in cruce protectio
ab hostibus; in cruce infusio supernæ
suauitatis, in cruce robur mentis, in
cruce gaudium spiritus; in cruce sum-
ma virtutis, in cruce perfectio sancti-
tatis. Non est salus animæ, nec spes
Luc. 14. æternæ vitæ, nisi in cruce. Tolle ergo
crucem tuam, & sequere Iesum, & ibis
Ioan. 19 in vitam æternam. Præcessit ille ba-
iulans sibi crucem, & mortuus est pro
te in cruce: vt & tu tuam portes cru-
cem, & mori affectes in cruce. Quia si
commortuus fueris, etiam cum illo
pariter viues. Et si socius fueris pœnæ,
1. Cor. 1 eris & gloriæ.

3 Ecce in cruce totum constat, & in
moriendo totum iacet: & non est alia
via ad vitam, & ad veram internam
pacem, nisi via sanctę crucis, & quoti-
dianæ mortificationis. Ambula vbi
vis, quære quodcumque volueris: &
non inuenies altiore viam suprâ, nec
securiorem viam infrâ, nisi viam san-
ctę crucis. Dispone & ordina omnia,
secundum tuum velle & videre: &
non inuenies, nisi semper aliquid
pati

pati debere, aut sponte, aut inuitè: & ita crucem semper inuenies. Aut enim in corpore dolorem senties, aut in anima spiritus tribulationem sustinebis.

4 Interdum à Deo relinquêris, interdum à proximo exercitaberis, & quod amplius est, sæpè tibimetipsi grauis eris; nec tamen aliquo remedio vel solatio, liberari seu alleuiari poteris: sed donec Deus voluerit, oportet vt sustineas. Vult enim Deus, vt tribulationem sine consolatione, pati discas, & vt illi totaliter te subiicias, & humilior ex tribulatione fias. Nemo ita cordialiter sentit passionem Christi, sicut is, cui contigerit similia pati. Crux ergo semper parata est, & vbiq; te expeçtat. Non potes effugere, vbi- cumque cucurreris: quia quocumque iueris, teipsum tecum portas, & semper teipsum inuenies. Conuerte te suprà, conuerte te infrà: conuerte te extrà, conuerte te intrà: & in his omnibus, inuenies crucem: & necesse est te vbiq; tenere patientiam, si internam vis habere pacem, & perpetuam promereri coronam.

5 Si

5 Si libenter crucem portas, portabit te, & ducet te ad desideratum finem, vbi scilicet finis patiendi erit, quamuis hîc non erit. Si inuitè portas, onus tibi facis, & teipsum magis grauas : & tamen oportet, vt sustineas. Si abiicis vnâ crucem, aliam proculdubio inuenies, & forsitan grauiorem.

6 Credis tu euadere, quod nullus mortalium potuit præterire? Quis sanctorum in mundo, sine cruce & tribulatione fuit? Nec enim Iesus Christus, Dominus noster, vna hora sine dolore passionis fuit, quamdiu vixit. Oportebat (ait) Christum pati, & resurgere à mortuis, & ita intrare in gloriam suam. Et quomodo tu aliam viam quæris, quàm hanc regiam viam, quæ est via sanctæ crucis?

7 Tota vita Christi, crux fuit & martyrium : & tu tibi quæris requiem & gaudium? Erras, erras, si aliud quæris, quàm pati tribulationes: quia tota ista vita mortalis, plèna est miseriis, & circumsignata crucibus. Et quântò altius quis in spiritu profecerit, tantò grauiores sapè cruces inuenit: quia exilij

lij sui pœna, magis ex amore crescit.

8 Sed tamen, iste sic multipliciter afflictus, non est sine leuamine consolationis : quia fructum maximum sibi sentit accrescere , ex sufferentia suæ crucis. Nam dum sponte se illi subiicit , omne onus tribulationis, in fiduciam diuinæ consolationis conuertitur. Et quantò caro magis per afflictionem atteritur , tanto spiritus ampliùs 2 Co. II
per internam gratiam roboratur . Et & 2.
nonnumquam in tantum confortatur, ex affectu tribulationis & aduersitatis, ob amorem conformitatis crucis Christi, vt se sine dolore & tribulatione esse non vellet : quoniam tantò se acceptiorem Deo credit, quantò plura & grauiora, pro eo perferre potuerit. Non est istud hominis virtus, sed gratia Christi, quæ tanta potest & agit in carne fragili: vt quod naturaliter semper abhorret & fugit, hoc feruore spiritus aggrediatur & diligat.

9 Non est secundùm hominem crucem portare , crucem amare, corpus castigare & seruituti subiicere: honores fugere, contumelias libenter sustinere, seipsum despiciere & despici optare:

E

tare:

1. Cor. 3

tare: aduersa queque cum damnis perpeti, & nihil prosperitatis in hoc mundo desiderare. Si ad te ipsum respicis, nihil huiusmodi ex te poteris. Sed si in Domino confidis, dabitur tibi fortitudo de cælo, & subiicientur ditioni tuæ, mundus & caro. Sed nec inimicum diabolum timebis, si fueris fide armatus, & cruce Christi signatus.

Mat. 20

Luc. 18.

10 Pone te ergo, sicut bonus & fidelis seruus Christi, ad portandam viriliter crucem Domini tui, pro te ex amore crucifixi. Præpara te, ad toleranda multa aduersa & varia incommoda, in hac misera vita: quia sic tecum erit, vbicumque fueris: & sic reuerà inuenies, vbicumque latueris. Oportet ita esse: & non est remedium euadendi à tribulatione malorum & dolore, quàm vt te patiaris. Calicem Domini affectanter bibe, si amicus eius esse, & partem cum eo habere desideras. Consolationes Deo committe: faciat ipse cum talibus, sicut sibi magis placuerit. Tu verò, pone te ad sustinendum tribulationes, & reputa eas maximas consolationes: quia non sunt condignæ passionibus huius temporis, ad futuram

nam gloriam promerendam, etiam si solus omnes posses sustinere.

11 Quando ad hoc veneris, quod tribulatio tibi dulcis est, & sapit pro Christo: tunc benè tecum esse æstima, quia inuenisti paradisum in terra. Quamdiu pati graue tibi est, & fugere quæris; tamdiu malè habebis, & sequetur te vbique fuga tribulationis. Rom. 8.
Gal. 6.

12 Si ponis te, ad quod esse debes, videlicet ad patiendum & moriendum, fiet citò melius, & pacem inuenies. Etiam si raptus fueris, vsque ad tertium celum cum Paulo, non es propterea securatus, de nullo contrario patiundo. Ego (inquit Iesus) ostendam illi, quanta oporteat eum, pro nomine meo pati. Pati ergo tibi remanet, si Iesum diligere, & perpetuò illi seruire placet. 2. Cor. 12.
Act. 9.

13 Vtinam dignus esses, aliquid pro nomine Iesu pati: quàm magna gloria remaneret tibi, quanta exultatio omnibus Sanctis Dei, quanta quoque ædificatio esset proximi? Nam patientiam omnes recommendant, quamuis pauci tamen pati velint. Meritò debes libenter, modicum pati pro Chri-

sto, cùm multi grauiora patiuntur pro mundo.

Psal. 43 14 Scias pro certo, quia morientem te oportet ducere vitam. Et quantò quisque plus sibi moritur, tantò magis Deo viuere incipit. Nemo aptus est ad comprehendendum cælestia, nisi se submiserit ad portandum pro Christo aduersa. Nihil Deo acceptius, nihil tibi salubrius in mundo isto, quàm libenter pati pro Christo. Et si eligendum tibi esset, magis optare deberes, pro Christo aduersa pati, quàm multis consolationibus recreari: quia Christo similior esses, & omnibus Sanctis magis conformior. Non enim stat meritum nostrum, & profectus status nostri, in multis suauitatibus & consolationibus: sed potius in magnis grauitatibus, & tribulationibus perferendis.

15 Si quidem aliquid melius & vtilius saluti hominum, quàm pati fuisset, Christus vtrique verbo & exemplo ostendisset. Nam & sequentes se discipulos, omnesque eum sequi cupientes, manifestè ad crucem portandam hortatur, & dicit:

Si

Si quis vult venire post me, abneget *Luc. 9.*
 semetipsum, & tollat crucem suam,
 & sequatur me. Omnibus ergo per-
 lectis & scrutatis, sit hæc conclusio
 finalis: Quoniam per multas tribu- *Act. 14*
 lationes, oportet nos intrare in re-
 gnum Dei.

F I N I S.



E ; THO-

THOMÆ A KEMPIS

CANONICI REGVLARIS

Ordinis S. AVGVSTINI

DE IMITATIONE

CHRISTI

LIBER TERTIVS.

De interna consolatione.

CAPVT I.

*De interna Christi locutione, ad
animam fidelem.*

Psal. 84



1 Reg. 3

Mat. 13

VDIAM, quid loquatur
in me Dominus Deus.Beata anima, quę Dominũ
in se loquentem audit : &

de ore eius, consolationis verbum ac-
cipit. Beatae aures, quę venas diuini
susurri suscipiunt, & de mundi huius
susurrationibus nihil aduertunt. Beate
planè aures, quę non vocem foris so-
nantem, sed intus auscultant veritatem
docentem. Beati oculi, qui exteriori-
bus

bus clausi, interioribus autem sunt intenti. Beati, qui interna penetrant, & ad capienda arcana cælestia, magis ac magis, per quotidiana exercitia, se student præparare. Beati, qui Deo vacare gestiunt, & ab omni impedimento sæculi, se excutiunt.

2 Animaduerte hæc anima mea, & claude sensualitatis tuæ ostia : vt possis Ps. 84.
audire, quid in te loquatur Dominus Deus tuus. Hæc dicit dilectus tuus :
Salus tua ego sum, pax tua, & vita tua. Ps. 34.
Serua te apud me, & pacem inuenies.
Dimitte omnia transitoria, quære eterna. Quid sunt omnia temporalia, nisi seductoria? Et quid iuuant omnes creaturæ, si fueris à creatore deserta? Omnibus ergo abdicatis, creatori tuo te redde placitam ac fidelem, vt veram valeas apprehendere beatitudinem.

C A P. II.

*Quòd veritas intùs loquitur sine
strepitu verborum.*

LOQVERE Domine, quia audit 1. Reg. 3
seruus tuus. Seruus tuus sum Ps. 118
ego, da mihi intellectû, vt sciam testi-

E 4 monia

monia tua. Inclina cor meum in verba oris tui ; fluat vt ros eloquium tuum.

Dicebant olim filij Israel ad Moyſen:

Exo. 26 Loquere tu nobis, & audiemus : non loquatur nobis Dominus, ne fortè moriamur. Non ſic Domine, non ſic oro: ſed magis cum Samuele propheta, humiliter ac deſideranter obſecro:

1. Reg. 3 Loquere Domine, quia audit ſeruus tuus. Non loquatur mihi Moyſes, aut aliquis ex Prophetis: ſed tu potiùs loquere Domine Deus, inſpirator & illuminator omnium Prophetarũ: quia tu ſolus ſine eis, poteſ me perfectè imbuere; illi autè ſine te, nihil proficiunt.

2 Poſſunt quidem verba ſonare, ſed ſpiritum non conferunt. Pulchriter dicunt, ſed te tacente, cor non accendunt. Literas tradunt, ſed tu ſenſum aperis. Myſteria proferunt, ſed tu reſeras intellectum ſignatorum. Mada- ta edicunt, ſed tu iuuas ad perficiendum. Viam oſtendunt, ſed tu confortas ad ambulandum. Illi foris tantũ agunt, ſed tu corda inſtruis & illuminas. Illi exteriùs rigant, ſed tu fœcunditatem donas. Illi clamant verbis, ſed tu auditui intelligentiam tribuis.

3 Non

3 Non ergo loquatur mihi Moyſes, ſed tu Domine Deus meus æterna veritas: ne fortè moriar, & ſine fructu efficiar, ſi fuero tantùm foris admonitus, & intus non accenſus: ne ſit mihi ad iudicium, verbum auditum, & non factum: cognitum, nec amatum: creditum, & non ſervatum. Loquere igitur Domine, quia audit ſervus tuus, verba enim vitæ æternæ habes. Loquere mihi, ad qualemcumque animæ meæ conſolationem, & ad totius vitæ meæ emendationem: tibi autem, ad laudem & gloriam, & perpetuum honorem.

1 Reg. 3

Ioan. 6.

CAP. III.

*Quòd verba Dei, cum humilitate ſunt
audienda: & quòd multi ea
non ponderant.*

1 **A**Vdi fili verba mea, verba ſuauiſſima, omnem Philoſophorum & Sapientium huius mūdi ſcientiam excedentia. Verba mea ſpiritus & vita ſunt, nec humano ſenſu penſanda. Non ſunt ad vanam complacentiam trahenda, ſed in ſilentio audienda.

Ioan. 6.

E s

dien-

dienda, & cum omni humilitate atque magno affectu suscipienda. Et *Psal. 93* dixi: Beatus, quem tu erudieris Domine, & de lege tua docueris eum: ut mitiges ei à diebus malis, & non de-foletur in terra.

2 Ego, inquit Dominus, docui *Heb. 1.* Prophetas ab initio, & vsque nunc non cesso omnibus loqui: sed multi, ad vocem meam surdi sunt, & duri. Plures mundum libentiùs audiunt, quàm Deum: faciliùs sequuntur carnis suæ appetitum, quàm Dei beneplacitum. Promittit mundus temporalia & parua, & seruitur ei auuiditate magna: ego promitto summa, & æterna, & torpescunt mortaliu corda. Quis tanta cura, mihi in omnibus seruit & obedit, sicut mundo & dominis eius seruitur? Erubescit *Isaie 23* Sidon, ait mare. Et si causam quæris, audi quare. Pro modica præbenda, longa via curritur: pro æterna vita, à multis vix pes semel à terra leuatur. Vile pretium quæritur: pro vno numismate interdum turpiter litigatur: pro vana re & parua promissione, die noctuque fatigari non timetur.

3 Sed

3 Sed pro dolor, pro bono incommutabili, pro præmio inæstimabili, pro summo honore & gloria interminabili, vel ad modicum fatigari pigritatur. Erubescere ergo serue piger & querulose, quòd illi paratiores inveniuntur ad perditionem, quàm tu ad vitam. Gaudent illi amplius ad vanitatem quàm tū ad veritatem. Equidem à spe sua nonnumquam frustrantur, *Rom. 1.* sed promissio mea neminem fallit, nec *Mat. 24* confidentem mihi dimittit inanem. Quod promisi, dabo; quod dixi, implebo; si tamen vsque in finem, fidelis in dilectione mea quis permanserit. Ego remunerator sum omnium bonorum, & fortis probator omnium deuotorum. *Apo. 2.* *Mat. 5.* *Eccl. 25.*

4 Scribe verba mea in corde tuo, & pertracta diligenter: erunt enim in tempore tentationis, valdè necessaria. Quod non intelligis cū legis, cognosces in die visitationis. Dupliciter soleo electos meos visitare, tentatione scilicet & consolatione. Et duas lectiones eis quotidie lego, vnam increpando eorum vitia, alteram exhortando ad virtutum incrementa. Qui
E 6 habet

habet verba mea, & spernit ea, habet
qui iudicet eum in nouissimo die.

*Oratio, ad implorandam deuotionis
gratiam.*

Gen. 18
& Reg
18.

5 **D**omine Deus meus, omnia bona mea tu es. Et quis ego sum, vt audeam ad te loqui? Ego sum pauperrius seruulus tuus, & abiectus vermiculus: multò pauperior & contemptibilior, quàm scio, & dicere audeo. Memento tamen Domine, quia nihil sum, nihil habeo, nihilque valeo. Tu solus bonus, iustus & sanctus; tu omnia potes, omnia præstas, omnia imples, solum peccatorem inanem relinquens. Reminiscere miserationum tuarum, & imple cor meum gratia tua, qui non vis esse vacua opera tua.

Psal. 68.

6 Quomodo possum me tolerare, in hac misera vita: nisi me confortaue- rit misericordia, & gratia tua? Noli auertere faciem tuam à me: noli visitationem tuam prolongare: noli consolationem tuam abstrahere, ne fiat anima mea, sicut terra sine aqua tibi.

Pf. 142

Domine, doce me facere voluntatem tuam; doce me coram te dignè & humiliter

militer conuersari : quia sapientia mea
tu es, qui in veritate me cognoscis, &
cognouisti antequam fieret mundus,
& antequam natus essem in mundo.

CAP. IIII.

*Quòd in veritate & humilitate, co-
ram Deo conuersandum est.*

FILI, ambula coram me in veri-
tate; & in simplicitate cordis tui,
quære me semper. Qui ambulat co-
ram me in veritate, tutabitur ab incur-
sibus malis, & veritas liberabit eum à
seductoribus & detractionibus ini-
quorum. Si veritas te liberauerit, verè
liber eris, & non curabis de vanis ho-
minum verbis. Domine verum est.
Sicut dicis, ita quæso, mecum fiat. Ve-
ritas tua me doceat; ipsa me custodiat,
& vsque ad salutarem finem conser-
uet. Ipsa me liberet ab omni affectio-
ne mala, & inordinata dilectione : &
ambulabo tecum, in magna cordis
libertate.

2 Ego te docebo (ait Veritas) quæ
recta sunt, & placita coram me. Cogi-
ta peccata tua, cum displicentia magna

& mœrore : & numquam reputes te aliquid esse, propter opera bona. Reuerà peccator es, & multis passionibus obnoxius & implicatus. Ex te semper ad nihil tendis; citò laberis, citò vinceris; citò turbaris, citò dissolueris.

1. Cor. 4. Non habes quidquam, vnde possis gloriari, sed multa, vnde te debeas vilificare: quia multo infirmior es, quàm vales comprehendere.

3 Nihil ergo magnum tibi videatur ex omnibus, quæ agis. Nil grande, nil pretiosum & admirabile, nil reputatione appareat dignum : nil altum, nihil verè laudabile & desiderabile, nisi quod æternum est. Placeat tibi super omnia æterna Veritas, displiceat tibi semper tua maxima vilitas. Nil sic timeas, sic vituperes & fugias, sicut vitia & peccata tua: quæ magis displicere debent, quàm quælibet rerum damna. Quidam non sincerè

Ecclesi. 3. coram me ambulant, sed quadam

2. curiositate & arrogantia ducti, volunt secreta mea scire, & alta Dei intelligere, se & suam salutem negligentes. *Cor. 3.* Hi sæpè in magnas tentationes & peccata, propter suam superbiam & curiosi-

riositatē, me eis aduersante, labuntur.

4 Time iudicia Dei, expauesce iram omnipotentis. Noli autem discutare opera Altissimi, sed tuas iniquitates perscrutare, in quantis deliquisti, & quā multa bona neglexisti. Quidam solū portant suam deuotionem in libris, quidam in imaginibus, quidam autem in signis exterioribus & figuris. Quidam habent me in ore, sed *Isai 29.* modicum est in corde. Sunt alij, qui intellectu illuminati & affectu purgati, ad æterna semper anhelant: de terrenis grauitè audiunt, necessitatibus naturæ dolenter inserviunt: & hi sentiunt, quid spiritus veritatis loquitur *Psal. 24* in eis. Quia docet eos terrena despiciere, & amare cælestia: mundum negligere, & cælum tota die ac nocte *Psal. 1.* desiderare.

CAP. V.

De mirabili effectū diuini amoris.

BENEDICO te pater cælestis, pater Domini mei Iesu Christi, quia mei pauperis dignatus es recordari. O pater misericordiarum, & Deus *2. Cor. 1.* totius

totius consolationis, gratias tibi, qui me indignum omni cōsolatione, quandoque tua recreas consolatione. Benedico te semper & glorifico, cum vnigenito Filio tuo & Spiritu sancto paraclito in sæcula sæculorum. Eia Domine Deus amator sancte meus, cū tu veneris in cor meum, exultabunt omnia interiora mea. Tu es gloria mea & exultatio cordis mei. Tu spes mea & refugium meum, in die tribulationis meæ.

Psal. 32.

Psal. 31

2 Sed quia adhuc debilis sum in amore, & imperfectus in virtute; ideo necesse habeo à te confortari & consolari: propterea visita me sapius, & instrue disciplinis sanctis. Libera me à passionibus malis, & sana cor meum ab omnibus affectionibus inordinatis: ut intus sanatus & benè purgatus, aptus efficiar ad amandum, fortis ad patiendum, stabilis ad perseuerandum.

Mat. 11

3 Magna res est amor, magnum omnino bonum: quod solum leue facit omne onerosum, & fert æqualiter omne inæquale. Nam onus sine onere portat, & omne amarum dulce accipit.

lapidum efficit. Amor Iesu nobilis, ad magna operanda impellit, & ad desideranda semper perfectiora excitat. Amor vult esse sursum, nec vllis infimis rebus retineri. Amor vult esse liber, & ab omni mundana affectione alienus, ne internus eius impediatur aspectus: ne per aliquod commodum temporale implicationes sustineat, aut per incommodum succumbat. Nihil dulcius est amore, nihil fortius, nihil altius, nihil latius, nihil iucundius, nihil plenius nec melius in cælo & in terra: quia amor ex Deo natus est, nec potest, nisi in Deo, super omnia creata quiescere.

4 Amans volat, currit, & lætatur; liber est, & non tenetur. Dat omnia pro omnibus, & habet omnia in omnibus; quia in vno summo super omnia quiescit, ex quo omne bonum fluit & procedit. Non respicit ad dona, sed ad donantem se conuertit super omnia bona. Amor modum sæpè nescit, sed super omnem modum feruescit. Amor onus non sentit, labores non reputat; plus affectat, quàm valet: de
im-

impossibilitate non causatur, quia cuncta sibi posse & licere arbitratur. Valet igitur ad omnia, & multa implet, & effectui mancipat, ubi non amans deficit & iacet.

Rom. 8. 5 Amor vigilat, & dormiens non dormitat. Fatigatus, non lassatur: arctatus, non coarctatur: territus, non conturbatur: sed sicut viuax flamma & ardens facula, sursum erumpit, secureque pertransit. Si quis amat, nouit, quid hæc vox clamer. Magnus clamor in auribus Dei est, ipse ardens affectus animæ, quæ dicit: Deus meus, amor meus: tu totus meus, & ego totus tuus.

6 Dilata me in amore, ut discam interiori cordis ore degustare, quam suaue sit amare, & in amore liquefieri & natare. Tenear amore, vadens supra me, præ nimio feruore & stupore. Cantem amoris canticum, sequar te dilectum meum in altum, deficiat in laude tua anima mea, iubilans ex amore. Amem te, plusquam me, nec me, nisi propter te: & omnes in te, qui verè amant te, sicut iubet lex amoris lucens ex te.

7 Est

7 Est amor velox, sincerus, pius, iu- ^{1. Cor.}
 cundus & amœnus: fortis, patiens, ^{13.}
 fidelis, prudens, longanimis, virilis, &
 seipsum nunquam querens. Vbi enim
 seipsum aliquis quærit, ibi ab amore ^{1. Cor.}
 cadit. Est amor circumspēctus, hu- ^{10.}
 milis & rectus: non mollis, non levis, ^{Phil. 2.}
 nec vanis intendens rebus; sobrius,
 castus, stabilis, quietus, & in cunctis
 sensibus custoditus. Est amor subie-
 ctus, & obediens prælatis, sibi vilis &
 despectus, Deo deuotus & gratificus,
 fidens & sperans semper in eo, etiam
 cū sibi non sapit Deus: quia sine
 dolore, non viuitur in amore.

8 Qui non est paratus omnia pati,
 & ad voluntatem stare dilecti, non
 est dignus amator appellari. Opor- ^{Rom. 8.}
 tet amantem, omnia dura & ama-
 ra, propter dilectum libenter ample-
 cti; nec ob contraria accidentia, ab
 eo deflecti.

CAP. VI.

De probatione veri amatoris.

1 **F**ili, non es adhuc fortis & prudēs
 amator. Quare Domine? Quia
 propter

propter modicam contrarietatem deficiis à cœptis, & nimis auidè consolationem quæris. Fortis amator stat in tentationibus, nec callidis credit persuasionibus inimici. Sicut ei in prosperis placeo, ita nec in aduersis displiceo.

Phil. 8.

2 Prudens amator, non tam donum amantis considerat, quàm dantis amorem. Affectum potius attendit, quàm censum: & infra dilectum, omnia data ponit. Nobilis amator, non quiescit in dono, sed in me super omne donum. Non est ideò totum perditum, si quandoque minùs benè de me, vel de Sanctis meis sentis, quàm velles. Affectus ille bonus & dulcis, quem interdum percipis, effectus gratiæ præsentis est, & quidam prægustus patriæ cælestis: super quo nō nimium innitendum, quia vadit, & venit. Certe

Mat. 4.

tare autem aduersus incidentes malos motus animi, suggestionemque spernere diaboli, insigne est virtutis, & magni meriti.

3 Non ergo te conturbent alienæ phantasiæ, de quacumque materia ingestæ. Forte serua propositum, & intentione-

tentionem rectam ad Deum. Nec est illusio, quòd aliquando in excessum subito raperis, & statim ad solitas ineptias cordis reuerteris. Illas enim inuitè magis pateris, quàm agis: & quàm diu displicent & reniteris, meritum est & non perditio.

4 Scito, quòd antiquus inimicus, omnino nititur impedire desiderium tuum in bono, & ab omni deuoto exercitio euacuare: à Sanctorum scilicet cultu, à pia passionis meæ memoria, à peccatorum vtili recordatione, à proprii cordis custodia, & à firmo proposito proficiendi in virtute. Multas malas cogitationes ingerit, vt tædium tibi faciat & horrorem: vt ab oratione reuoceat, & sacra lectione. Displicet sibi humilis confessio, & (si posset) à Communionem cessare faceret. Non credas ei, neque cures illum, licet sapiùs tibi deceptionis tetenderit laqueos. Sibi imputa, cum mala inferit, & immunda. Dicto illi: Vade immunde spiritus, erubescere miser, valdè immundus es tu, qui talia inferis auribus meis. Discede à me seductor pessime, non habebis in me partem vllam: sed

Mat. 4.
c. 16.

sed IESVS mecum erit, tamquam bel-
lator fortis, & tu stabis confusus.
Malo mori, & omnem pœnam subire,
quàm tibi consentire. Tace & obmu-
tesce, non audiam te ampliùs, licet plu-
res mihi moliris molestias. Dominus
illuminatio mea & salus mea, quem ti-
mebo? Si consistent aduersum me ca-
stra, non timebit cor meum. Dominus
adiutor meus, & redemptor meus.

Pf. 26. § Certa tamquam miles bonus: &
Eccl. 1. si interdum ex fragilitate corruis, re-
Tim. 6. sume vires fortiores prioribus, confi-
dens de ampliori gratia mea: & multũ
præcaue, à vana complacentia & su-
perbia. Propter hoc multi in errorem
ducuntur, & in cæcitatem panè incu-
rabilem quandoque labuntur. Sit ti-
bi in cautelam, & perpetuam humili-
tatem, ruina hæc superborum, de se
stultè præsumantium.

CAP. VII.

*De occultanda gratia, sub humili-
tatis custodia.*

FILI, vtiliùs est tibi & securiùs,
deuotionis gratiam abscondere,
nec

nec in altum te efferre, nec multum inde loqui, neque multum ponderare: sed magis temetipsum despicere, & tamquam indigno datam timere. Non est huic affectioni tenaciùs inhærendum, quæ citiùs potest mutari in contrarium. Cogita in gratia, quàm miser & inops esse soles sine gratia. Nec est in eo tantùm spiritualis vitæ profectus, cùm consolationis habueris gratiam: sed quum humiliter, & abnegatè, patienterque tuleris eius subtractionem: ita, quòd tunc ab orationis studio non torpeas, nec reliqua opera tua ex vſu facienda, omnino dilabi permittas: sed sicut melius potueris & intellexeris, libenter quod in te est, facias: nec propter ariditatem, seu anxietatem mentis quam sentis, te totaliter negligas.

2 Multi enim sunt, qui cùm non benè eis successerit, statim impatientes fiunt aut desides. Nō enim semper est in potestate hominis via eius, sed Dei est dare, & consolari, quando vult, & quantum vult, & cui vult, sicut sibi placuerit, & non amplius. Quidam incauti, propter deuotionis gratiam, seipsos

iere. 19.
& Ro. 9

seipfos destruxerunt: quia plus agere voluerunt, quàm potuerunt, non penſantes ſuæ paruitatis menſuram, ſed magis cordis affectû ſequentes, quàm rationis iudicium. Et quia maiora præſumpſerunt, quàm Deo placitum fuit, idcirco gratiam citò perdiderunt.

Iſai. 14. Facti ſunt inopes, & viles relictî, qui in cælum poſuerunt nidum ſibi: vt humiliati & depauperati, diſcant non in alis ſuis volare, ſed ſub pennis meis ſperare. Qui adhuc noui ſunt, & imperiti, in via Domini, niſi conſilio diſcretorum ſe regant, faciliter decipi poſſunt & elidi.

3 Quod ſi ſuum ſentire magis ſequi, quàm aliis exercitatis credere volunt, erit eis periculofus exitus, ſi tamen retrahi à proprio conceptu noluerint. Rarò ſibiipſis ſapientes, ab aliis regi humiliter patiuntur. Melius eſt, ſapere modicum cum humilitate, & parua intelligentia, quàm magni ſcientiarum theſauri, cum vana complacentia. Melius eſt tibi minus habere, quàm multum, vnde poſſes ſuperbire. Non ſatis diſcretè agit, qui ſe totum lætitiæ tradit, obliuiſcens priſti-

pristinæ inopiæ suæ, & casti timoris Domini, qui timeret gratiam oblatam amittere. Nec etiam satis virtuosè sapit, qui tempore aduersitatis, & cuiusque grauitatis, nimis desperatè se gerit, & minùs fidenter de me quàm oportet, recogitat ac sentit.

4 Qui tempore pacis, nimis securus esse voluerit: sapè tempore belli, *1 Thes. 5.*
nimis deiectus & formidolosus reperiatur. Si scires semper humilis & modicus in te permanere, nec non spiritum tuum benè moderare & regere, non incideres tam citò in periculum, & offensam. Consilium bonum est, vt feruoris spiritu concepto, mediteris, quid futurum sit abscedè-
re lumine. Quod dum contigerit, re- *Iob 7.*
cogita, & denuò lucem posse reuerti, quam ad cautelam tibi, mihi autem ad gloriam, ad tempus subtraxi.

5. Vtilior est sapè talis probatio, quàm si semper prospera, pro tua haberes voluntate. Nam merita non sunt ex hoc existimanda, si quis plures visiones aut consolationes habeat, vel si peritus sit in Scripturis, aut in altiori ponatur gradu: sed si vera

F. fue-

fuerit humilitate fundatus, & diuina charitate repletus: si Dei honorem purè & integrè semper quærat: si seipsum nihil reputet, & in veritate *Pf. 83.* despiciat, atque ab aliis etiam despici & humiliari magis gaudeat, quàm honorari.

CAP. VIII.

*De vili æstimatione sui ipsius,
in oculis Dei.*

Gen. 18. I **L**OQV AR ad Dominum meum, cùm sim pulvis & cinis? Si me amplius reputauero, ecce tu stas contra me: & dicunt testimonium verum iniquitates meæ, nec possum contradicere. Si autem me vilificauero, & ad nihilum redegero, & ab omni propria reputatione defecero, atq; (sicut sum) puluerisauero, erit mihi propitia gratia tua, & vicina cordi meo lux tua: & omnis æstimatio, quantulacumque minima, in valle nihilitatis meæ submergetur, & peribit in æternum. Ibi ostendis me mihi, quid sum, quid fui, & quò deueni: quia nihil sum, & nesciui. Si mihi ipsi relinquer,

linquor, ecce nihil, & tota infirmitas. Si autem subito me respexeris, statim fortis efficior, & nouo repleor gaudio. Et mirum valdè, quòd sic repentè subleuor, & tam benignè à te complector, qui proprio pondere semper ad ima feror.

2 Facit hoc amor tuus, gratis præueniens me, & in tam multis subueniens necessitatibus, à grauibus quoque custodiens me periculis, & ab innumeris (vt verè dicam) eripiens malis. Me *Ioan. 12* siquidem malè amando, me perdidisti: & te solum quærendo, & purè amando, me & te pariter inueni, atque ex amore profundius ad nihilum me redege. Quia tu, ô dulcissime, facis mecum supra meritum omne, & supra id, quàm audeo sperare vel rogare.

3 Benedictus sis Deus meus; quia licet ego omnibus bonis sim indignus, tua tamen nobilitas & infinita bonitas, numquam cessat benefacere etiam *Mat. 5.* ingratis, & longè à te auersis. Conuertere nos ad te, vt simus grati, humiles, & deuoti: quia salus nostra tu es, virtus, & fortitudo nostra.

CAP. IX.

*Quòd omnia ad Deum, sicut ad finem
vltimum sunt referenda.*

FILI, ego debeo esse finis tuus
supremus & vltimatus, si verè
desideras esse beatus. Ex hac inten-
tione purificabitur affectus tuus, sæ-
piùs ad seipsum & ad creaturas, malè
incuruatus. Nam si teipsum in ali-
quo quæris, statim in te deficis & a-
rescis. Omnia ergo ad me principa-
liter referas, quia ego sum, qui omnia
Eccle. 1. dedi. Sic singula considera, sicut ex
summo bono manantia: & ideò ad
me, tamquam ad suam originem,
cuncta sunt reducenda.

Ioan. 4. 2 Ex me pusillus & magnus, pau-
per & diues, tamquam ex fonte viuo,
aquam viuam hauriunt: & qui mihi
spontè, & liberè deseruiunt, gratiam
1 Cor. 1. pro gratia accipient. Qui autem ex-
tra me voluerit gloriari, vel in ali-
quo priuato bono delectari, non sta-
bilietur in vero gaudio, neque in
corde suo dilatabitur, sed multiplici-
ter impiedietur & angustiaabitur. Nihil
ergo

ergo tibi de bono adscribere debes,
nec alicui homini virtutem attribuas:
sed totum da Deo, sine quo nihil ha-
bet homo. Ego totū dedi, ego totum 1 Cor. 4.
habere volo: & cum magna districtio-
ne, gratiarum actiones requiro.

3 Hæc est veritas, qua fugatur glo-
riæ vanitas. Et si intrauerit cælestis
gratia, & vera charitas, non erit aliqua
inuidia, nec contractio cordis, neque
priuatus amor occupabit. Vincit e-
nim omnia diuina charitas, & dilatat
omnes animæ vires. Si rectè sapi-
bis, in me solo gaudebis, in me solo spera-
bis: quia nemo bonus, nisi solus Deus, Mat. 19
qui est super omnia laudandus, & in & Luc. 18.
omnibus benedicendus.

C A P. X.

*Quòd spreto mundo, dulce
est seruire Deo.*

1 **N** V N C iterum loquar Domine,
& non filebo; dicam in auribus
Dei mei, Domini mei, & Regis mei,
qui est in excelsis. O quàm magna Ps. 30.
multitudo dulcedinis tuæ Domine,
quam abscondisti timentibus te! Sed

F 3 quid

quid es amantibus? quid toto corde tibi seruientibus? Verè ineffabilis dulcedo contemplationis tuæ, quam largiris amantibus te. In hoc maximè *Gen. 1.* ostendisti mihi dulcedinem charitatis *Pf. 118* tuæ, quia cùm non essem, fecisti me: *& Mat. 15.* cùm errarem longè à te, reduxisti me, vt seruirem tibi: & præcepisti, vt diligam te.

2 O fons amoris perpetui, quid dicam de te? Quomodo potero tui obliuisci, qui mei dignatus es recordari, etiam postquam contabui & perij? Fecisti vltra omnem spem, misericordiam cum seruo tuo: & vltra omne meritum, gratiam & amicitiam exhibuisti. Quid retribuam tibi, pro gratia ista? Non enim omnibus datum est, vt omnibus abdicatis, sæculo renuntient, & monasticam vitam assument. Numquid magnum est, vt tibi *Iud. 16* seruiam, cui omnis creatura seruire tenetur? Non magnum mihi videri debet seruire tibi: sed hoc potius magnum mihi, & mirandum apparet, quòd tam pauperem & indignum, dignaris in seruum recipere, & dilectis seruis tuis adunare.

3 Ecce

3 Ecce omnia tua sunt, quæ habeo, *1 Cor. 4*
 & vnde tibi seruiſſo. Verumtamen vice
 verſa, tu magis mihi ſeruiſ, quàm
 ego tibi. Ecce, cælum & terra, quæ in
 miniſterium hominis creasti, præſtò
 ſunt, & faciunt quotidie quæcumque
 mandasti: Et hoc parum eſt, quin *Pſal. 90*
 etiam Angelos, in miniſterium homi- *& Heb.*
 nis ordinasti. Transcendit autem hæc *1.*
 omnia, quòd tu ipſe homini ſeruire
 dignatus eſ, & teipſum daturum ei
 promiſiſti.

4 Quid dabo tibi, pro omnibus
 iſtis millibus bonis? Utinam poſſem
 tibi ſeruire cunctis diebus vitæ meæ!
 Utinam vel vno die, dignum ſerui-
 tium exhibere ſufficerem! Verè tu eſ
 dignus omni ſeruitio, omni honore, &
 laude æterna. Verè Dominus meus
 eſ, & ego pauper ſeruus tuus, qui to-
 tis viribus teneor tibi ſeruire, nec
 vnquam in laudibus tuis debeo fa-
 ſtidire. Sic volo, ſic deſidero: &
 quidquid mihi deeſt, tu digneris ſup-
 plere.

5 Magnus honor, magna gloria
 tibi ſeruire, & omnia propter te con-
 temnere. Habebunt enim gratiam

F 4 ma-

Mat. 19 magnam, qui spontè se subiecerint tuæ sanctissimæ seruituti. Inuenient suauissimam Spiritus sancti consolationem, qui pro amore tuo, omnem carnalem abiecerint delectationem.

Mat. 7 Consequentur magnam mentis libertatem, qui arctam pro nomine tuo ingrediuntur viam, & omnem mundanam neglexerint curam.

Mat. 11 6. O grata & iucunda Dei seruitus,
& 1. qua homo veraciter efficitur liber &
Ioan. 5. sanctus! O sacer status religiosi famulatus, qui hominem Angelis reddit æqualem, Deo placabilem, dæmonibus terribilem, & cunctis fidelibus commendabilem! O amplectendum, & semper optandum seruitium, quo summum promeretur bonum, & gaudium acquiritur, sine fine mansurum!

C A P. XI.

Quòd desideria cordis examinanda sunt, & moderanda.

F I L I, oportet te adhuc multa addiscere; quæ nòdum benè didicisti. Quæ sunt hæc Domine? Vt desiderium tuum, ponas totaliter secundum

dùm beneplacitum meum : & tuiip- *Mat. 6.*
 sius amatot non sis, sed meæ volunta-
 tatis cupidus æmulator. Desideria te
 sæpè accendunt, & vehementer im-
 pellunt: sed considera, an propter ho-
 norem meum, an propter tuum com-
 modum magis mouearis. Si ego sum
 in causa, benè contentus eris, quomo-
 documque ordinauero : si autem de *Phil. 2.*
 proprio quæsitū aliquid latet, ecce hoc
 est, quod te impedit & grauat.

2 Caue ergo, ne nimium innitaris
 super desiderio præconcepto, me non
 consulto: ne fortè postea pœniteat, aut
 displiceat, quod primò placuit, &
 quasi pro meliore zelaſti. Non enim
 omnis affectio, quæ videtur bona, sta-
 tim est sequenda : sed neque omnis
 contraria affectio ad primum fugien-
 da. Expedit interdum refrenatione
 vti, etiam in bonis studiis & desideriis:
 ne per importunitatem, mentis distra-
 ctionem incurras; ne aliis per indisci-
 plinationem, scandalum generes; vel
 etiam per resistantiam aliorum, subito
 turberis & corruas.

3 Interdum verò oportet violentia *Phil. 2.*
 vti, & viriliter appetitui sensitivo cō-

F 5 tra-

Rō. 8. & traire, nec aduertere quid velit caro, &
 2. Cor. 4 quid non velit: sed hoc magis fatagere,
 2. Cor. vt subiecta sit etiam nolens spiritui. Et
 10
 1. Cor. 9 tamdiu castigari debet, & cogi serui-
 tuti subesse, donec parata sit ad om-
 nia, paucisque contentari discat, &
 simplicibus delectari, nec contra ali-
 quod inconueniens mussitare.

CAP. XII.

*De informatione patientia, & lucta-
 mine aduersus concupiscentias.*

Heb. 10. I D O M I N E Deus, vt video, pa-
 tientia est mihi valdè necessa-
 ria: multa enim in hac vita, accidunt
 contraria. Nam qualitercumque or-
 dinauero de pace mea, non potest esse
 1ob 7. sine bello & dolore, vita mea. Ita est
 fili. Sed volo te, non talem quærere
 pacem, quæ tentationibus careat, aut
 contraria non sentiat: sed tunc etiam
 1ac. 1. æstima te pacem inuenisse, cùm fue-
 ris variis tribulationibus exercita-
 tus, & in multis contrarietatibus pro-
 batus.

2 Si dixeris, te non posse multa pa-
 ti, quomodo tunc sustinebis ignem
 pur-

purgatorij? De duobus malis, minus est semper eligendum. Vt ergo æterna futura supplicia possis euadere, mala præsentia studeas pro Deo æquanimiter tolerare. An putas quòd homines sæculi huius, nihil vel parum patiantur? Nec hoc inuenies, etiamsi delicatissimos quæseris. Sed habent, inquis, multas delectationes, & proprias sequuntur voluntates: ideoque parum ponderant suas tribulationes. Esto, ita sit, vt habeant quidquid voluerint: sed quamdiu putas, durabit?

3 Ecce, quemadmodum fumus *Ps. 67.* deficient abundantes in sæculo, & nulla erit recordatio præteritorum gaudiorum. Sed & cum adhuc viuunt, non sine amaritudine & tædio ac timore, in eis quiescunt. Ex eadem namque re, vnde sibi delectationem concipiunt, inde doloris pœnam frequenter recipiunt. Iustè illis fit: vt, quia inordinatè delectationes quærunt & sequuntur, non sine confusione & amaritudine, eas expleant.

4 O quàm breues, quàm falsæ, quàm inordinatæ & turpes omnes sunt?

F 6 Verum-

Verumtamen, præ ebrietate & cæcitate non intelligunt: sed velut muta animalia, propter modicum corruptibilis vitæ delectamentum, mortem animæ incurrunt. Tu ergo fili, post concupiscentias tuas non eas, & à voluntate tua auertere. Delectare in Domino, & dabit tibi petitiones cordis tui.

Ecclesi.

18.

Ps. 36.

5 Etenim si veraciter vis delectari, & abundantius à me consolari: ecce in contemptu omnium mundanorum, & in abscissione omnium infimarum delectationum, erit benedictio tua, & copiosa tibi reddetur consolatio. Et quantò te plus ab omni creaturarum solatio subtraxeris, tantò in me suauiores & potentiores cōsolationes inuenies. Sed primò, non sine quadam tristitia & labore certaminis, ad has pertinges. Obsister inolita consuetudo, sed meliori consuetudine deuincetur. Remurmurabit caro: sed feruore spiritus frenabitur. Instigabit & exacerbabit te serpens antiquus, sed oratione fugabitur: insuper & labore vtili, aditus ei magnus obstruetur.

CAP.

CAP. XIII.

*De obedientia humilis subditi, ad
exemplum IESV Christi.*

FILI, qui se subtrahere nititur
ab obedientia, ipse se subtrahit à
gratia. Et qui quærit habere priuata,
amittit communia. Qui non libenter *Mat. 16*
& sponte, suo superiori se subdit, si-
gnum est, quòd caro sua necdum per-
fectè sibi obedit, sed sæpè recalcitrat
& remurmurat. Disce ergo celeriter
superiori tuo te submittere, si carnem
propriam optas subiugare. Citiùs
namque exterior vincitur inimicus, si
interior homo non fuerit deuastatus.
Non est molestior & peior animæ ho-
stis, quàm tu ipse tibi, non benè con-
cordans spiritui. Oportet omnino,
verum te assumere tui ipsius contem-
ptum, si vis præualere aduersus car-
nem & sanguinem.

2. Quia adhuc nimis inordinate te
diligis, ideò plenè te resignare aliorũ
voluntati trepidas. Sed quid magnum; *Luce 2.*
si tu, qui pulvis es & nihil, propter *& Ioã.*
Deum te homini subdis: quando ego *12.*

F 7 om-

omnipotens & altissimus, qui cuncta creauit ex nihilo, me homini propter te humiliter subieci? Factus sum omnium humillimus & infimus, ut tuam superbiam mea humilitate vinceret. Disce obtemperare pulvis. Disce te humiliare terra & limus, & sub omnium pedibus incuruare. Disce voluntates tuas frangere, & ad omnem subiectionem te dare.

3 Exardesce contra te, nec patiaris tumorem in te viuere: sed ita subiectum & paruulum te exhibe, ut omnes super te ambulare possint, & sicut lutum platearum conculcare. Quid habes homo inanis conqueri? Quid sordide peccator potes contradicere exprobratibus tibi, qui toties Deum offendisti, & infernum multoties meruisti? Sed pepercit tibi oculus meus, quia pretiosa fuit anima tua in conspectu meo: ut cognosceres dilectionem meam, & gratus semper beneficiis meis existeres: & ut ad veram subiectionem & humilitatem, te iugiter dares, patienterque proprium contemptum ferres.

CAP.

CAP. XIII.

*De occultis Dei iudiciis consideran-
dis, ne extollamur in bonis.*

INTONAS super me iudicia tua Domine, & timore ac tremore concutis omnia ossa mea, & expauescit anima mea valdè. Sto attonitus, & considero; quia cæli non sunt mundi, in conspectu tuo. Si in angelis reperisti prauitatem, nec tamen pepercisti, quid fiet de me? Ceciderunt stellæ de cælo, & ego pulvis quid presumo? Quorum opera videbantur laudabilia, ceciderunt ad infima: & qui comedebant panem Angelorum, vidi filiquis delectari porcorum. Iob 15.
Iob 40.
Apo. 8.
Ps. 77.

2 Nulla est ergo sanctitas, si manum tuam Domine subtrahas. Nulla prodest sapientia, si gubernare desistas. Nulla iuuat fortitudo, si conferuare desinas. Nulla secunda castitas, si eam non protegas. Nulla propria prodest custodia, si non adsit tua sacra vigilantia. Nam relictī, mergimur & perimus: visitati verò, erigimur & viuimus. Instabiles quippe su-

sumus, sed per te confirmamur: tepescimus, sed à te accendimur.

3 O quàm humiliter, & abiectè mihi de meipso sentiendum est: quàm nihili pendendum, si quid boni videar habere! O quàm profundè submittere me debeo, sub abyssalibus iudiciis tuis Domine: vbi nihil aliud me esse inuenio, quàm nihil & nihil! O pondus immensum! ô pelagus intransnatabile: vbi nihil de me reperio, quàm in toto nihil! Vbi est ergo latebra gloriæ? vbi confidentia de virtute concepta? Absorpta est omnis gloriatio vana, in profunditate iudiciorum tuorum super me.

Ecclesi.

*23. &
Isa. 29.*

4 Quid est omnis caro, in conspectu tuo? Numquid gloriabitur lutum, cōtra formantem se? Quomodo potest erigi vaniloquio, cuius cor in veritate subiectum est Deo? Non eum totus mundus eriget, quem veritas sibi subiecit; nec omnium laudantium ore mouebitur, qui totam spem suam in Deo firmavit. Nam & ipsi, qui loquuntur, ecce omnes nihil, deficient enim eum sonitu verborum: Veritas autem Domini manet in æternum.

Ps. 116

C A P.

CAP. XV.

*Qualiter standum sit & dicendum,
in omni re desiderabili.*

FILI, sic dicas in omni re: Domine, si tibi placitū fuerit, fiat hoc ita. Domine, si fuerit honor tuus, fiat hoc in nomine tuo. Domine, si mihi videris expedire, & vtile esse probaueris; tunc dona mihi hoc vti, ad honorem tuum. Sed si mihi nocivum fore cognoveris, nec animæ meæ saluti prodesse, aufer à me tale desiderium. Non enim omne desiderium est à Spiritu sancto, etiam si homini videatur rectum & bonum. Difficile est pro vero iudicare, utrū spiritus bonus, an alienus te impellat, ad desiderandum hoc vel illud: an etiam ex proprio mouearis spiritu. Multi in fine sunt decepti, qui primò bono spiritu videbantur inducti.

2 Igitur semper cum timore Dei & cordis humilitate, desiderandum est & petendum, quidquid desiderabile menti occurrit: maximeque cum propria resignatione, mihi totum committen-

mittendum est, atque dicendum: Domine, tu scis qualiter melius est: fiat hoc vel illud, sicut volueris. Da quod vis, & quantum vis, & quando vis. Fac mecum, sicut scis, & sicut tibi magis placuerit, & maior honor tuus fuerit. Pone me, ubi vis, & liberè age mecum in omnibus. In manu tua sum, gyra & reuersa me per circuitum. En seruius tuus ego, paratus ad omnia: quoniam non desidero mihi viuere, sed tibi: vtinam dignè & perfectè.

Oratio pro beneplacito Dei perficiendo.

Sap. 9. 3 **C**ONCEDE mihi benignissime Iesu gratiam tuam, vt mecum sit, & mecum laboret, mecumque in finem vsque perseueret. Da mihi, hoc semper desiderare & velle, quod tibi magis acceptum est, & chariùs placet. Tua voluntas, mea sit: & mea voluntas, tuam semper sequatur, & optimè ei concordet. Sit mihi vnum velle & nolle tecum: nec aliud posse velle aut nolle, nisi quod tu vis & nolis.

4 Da mihi omnibus mori, quæ in mundo

mundo sunt: & propter te amare contemni, & nesciri in hoc sæculo. Da mihi super omnia desiderata in te requiescere, & cor meum in te pacificare. Tu vera pax cordis, tu sola requies: extra te, dura sunt omnia & inquieta. In hac pace, in idipsum: hoc est, in te *psal. 4* vno summo æterno bono, dormiam & requiescam. Amen.

C A P. XVI.

Quòd verum solatium, in solo Deo est querendum.

QUID QUID desiderare possum, vel cogitare ad solatium meum, non hìc exspecto, sed in posterum. Quòd si omnia solatia mundi solus *Mat. 16* haberem, & omnibus delitiis frui possem: certum est, quòd diu durare non possent. Vnde non poteris anima mea plenè consolari, nec perfecte recreari: nisi in Deo consolatore pauperum, ac susceptore humilium. Expecta modicum anima mea, expecta diuinum promissum, & habebis abundantiam omnium bonorum in cælo. Si nimis inordinate ista

ista appetis præsentia, perdes æterna & cælestia. Sint temporalia in vſu, æterna in deſiderio. Non potes aliquo bono temporali ſatiari, quia ad hæc fruenda non es creata.

- 2 Etiam ſi omnia creata bona haberes, non poſſes eſſe felix & beata: ſed in Deo, qui cuncta creauit, tota beatitudo tua & felicitas conſiſtit: non qualis videtur & laudatur, à ſtultis mundi amatoribus: ſed qualem expectant boni Chriſti fideles, & præguſtant interdum ſpirituales ac mundicordes,
- Sap. 2.* *Phil. 3.* quorum conuerſatio eſt in cælis. Vanum eſt & breue, omne humanum ſolatum. Beatum & verum ſolatum, quod intus à veritate percipitur. Deuotus homo, vbique ſecum fert conſolatorem ſuum Ieſum, & dicit ad eum. Adeſto mihi Domine Ieſu, in omni loco & tempore. Hæc mihi ſit conſolatio, libenter velle carere omni humano ſolatio. Et ſi tua defuerit conſolatio, ſit mihi tua voluntas & iuſta probatio, pro ſummo ſolatio. Non
- Pſ. 102* enim in perpetuum irascêris, neque in æternum comminaberis.

C A P.

CAP. XVII.

*Quòd omnis sollicitudo, in Deo
statuenda sit.*

FILI, sine me tecum agere, quod volo : ego scio , quid expedit tibi. Tu cogitas , vt homo : Tu sentis in multis, sicut humanus suadet affectus. Domine, verum est quod dicis. *Mat. 6.* Maior est sollicitudo tua, pro me , quàm *Ioã. 6* omnis cura, quam ego gerere possum pro me. Nimis enim casualiter stat, qui non proiicit omnem sollicitudinem suam in te. Domine, dummodò voluntas mea recta & firma ad te permaneat, fac de me, quidquid tibi placuerit. Non enim potest esse nisi bonum, quidquid de me feceris.

2 Si me vis esse in tenebris , sis benedictus : & si me vis esse in luce , sis iterum benedictus. Si me dignaris consolari, sis benedictus : & si me vis tribulari, sis æquè semper benedictus. Fili, sic oportet te stare, si mecum desideras ambulare. Ita promptus esse debes ad patiendum , sicut ad gaudendum. Ita libenter debes esse inops
&

& pauper, sicut plenus & diues.

- Iob 2.** 3 Domine, libenter patiar pro te, quidquid volueris venire super me. Indifferenter volo de manu tua, bonum & malum, dulce & amarum, lætum & triste suscipere: & pro omnibus mihi contingentibus, gratias agere.
- Pf. 22.** Custodi me ab omni peccato, & non timebo mortem nec infernum; Dummodò in eternum me non proicias, nec deleas de libro vitæ: non mihi nocebit, quidquid venerit tribulationis super me.

CAP. XVIII.

Quòd temporales miseria, exemplo Christi, aequanimiter sunt ferendæ.

- Ioan. 3.** 1 **F**ILI, ego descendi de cælo, pro tua salute: suscepi tuas misérias, non necessitate, sed charitate trahente: vt patientiam disceres, & temporales misérias non indignanter ferres.
- Luce 2.** Nam ab hora ortus mei, vsque ad exitum in cruce, non defuit mihi tolerantia doloris. Defectum rerum temporalium, magnum habui: multas querimonias

monias de me frequenter audiui: confusiones & opprobria benignè sustinui: pro beneficiis ingratitudinem recepi: pro miraculis blasphemias, pro doctrina reprehensiones.

2 Domine, quia tu patiens fuisti *Ioan. 5.*
in vita tua, in hoc maximè, implendo præceptum Patris tui: dignum est, ut ego misellus peccator, secundum voluntatem tuam patienter me sustineam: & donec ipse volueris, onus corruptibilis vitæ, pro salute mea porrem. Nam etsi onerosa sentitur præsens vita, facta est tamen iam per gratiam tuam, valdè meritoria: atque exemplo tuo, & Sanctorum tuorum vestigiis, infirmis tolerabilior & clarior. Sed & multò magis consolatoria, quàm olim in Lege vetere fuerat, quum porta cæli clausa persisteret: & obscurior etiam via ad cælum videbatur, quando tam pauci regnum cælorum quærere curabant. Sed neque qui tunc iusti erant & saluandi, ante passionem tuam, & sacræ mortis debitum, cæleste regnum poterant introire. *Mat. 7.*

3 O quantas tibi gratias teneor refer-

referre, quòd viam rectam & bonam dignatus es mihi & cunctis fidelibus, ad æternum regnum tuum ostendere? Nam vita tua, via nostra: & per sanctam patientiam, ambulamus ad te; qui es corona nostra. Nisi tu nos præcessisses & docuisses, quis sequi curaret? Heu, quanti longè retroquæ manerent, nisi tua præclara exempla inspicerent. Ecce, adhuc tepescimus, auditis tot signis tuis & doctrinis: **Ioã. 11.** quid fieret, si tantum lumen, ad sequendum te, non haberemus?

CAP. XIX.

*De tolerantia iniuriarum, & quis
verus patiens probetur.*

QUID est, quod loqueris fili? **Heb. 12.** Cessa conqueri, considerata mea & aliorum Sanctorum passione. Nondum vsque ad sanguinem restitisti. Parum, est, quod tu pateris, in **Heb. 11.** comparatione eorum, qui tam multa passi sunt, tam fortiter tētati, tam grauius tribulati, tam multipliciter probati & exercitati. Oportet te igitur aliorum grauiora, ad mentem reducere, vt

re, vt leuiùs feras tua minima. Et si tibi minima non videntur, vide ne & hoc tua faciat impatientia. Siue tamen parua, siue magna sint, stude cuncta patienter sufferre.

2 Quanto meliùs ad patiendum te disponis, tanto sapientiùs agis, & ampliùs promereris: feres quoque leuiùs animo & vsu ad hoc non segniter paratis. Nec dicas: Non valeo hæc ab homine tali pati, nec huiuscemodi mihi patienda sunt: graue enim intulit damnum, & impropere mihi, quæ numquam cogitaueram: sed ab alio libenter patiar, & sicut patienda videro. Insuper est talis cogitatio, quæ virtutem patientiæ non considerat, nec à quo coronanda erit, sed magis personas & offensas sibi illatas perpendit.

3 Non est verus patiens, qui pati non vult, nisi quantum sibi visum fuerit, & à quo sibi placuerit. Verus autem patiens, non attendit à quo homine, vtrum à Prælato suo, an ab aliquo æquali, aut inferiori: vtrum à bono & sancto viro, vel à peruerso & indigno exerceatur. Sed indifferen-

G ter

ter ab omni creatura, quantumcumque, & quotiescumque ei aliquid aduersi acciderit, totum hoc de manu Dei gratanter accipit, & ingens lucrum reputat: quia nil apud Deum, quantumlibet paruum, pro Deo tamen passum, poterit sine merito transire.

4 Esto itaque expeditus ad pugnam, *2. Tim.* si vis habere victoriam. Sine certamine, non potes venire ad patientiæ coronam. Si pati non vis, recusas coronari. Si autem coronari desideras, certa viriliter, sustine patienter. Sine labore, non tenditur ad requiem: nec sine pugna, peruenitur ad victoriam. Fiat Domine mihi possibile per gratiam, quod mihi impossibile videtur per naturam. Tu scis, quod modicum possum pati, & quod citò deicior, leui exurgente aduersitate. Efficiatur mihi quælibet exercitatio tribulationis, pro nomine tuo amabilis & optabilis: nam pati, & vexari pro te, valde salubre est animæ meæ.

CAP.

CAP. XX.

*De confessione propriæ infirmitatis,
& huius vitæ miseris.*

I CONFITEBOR aduersum me Ps. 31.
iniustitiam meam : confitebor
tibi Domine infirmitatem meam. Sæ-
pè parua res est, quæ me deiicit &
contristat. Propono me fortiter actu-
rum, sed quum modica tentatio ve-
nerit, magna mihi angustia fit. Valdè
vilis quandoque res est, vnde grauis
tentatio prouenit. Et dum puto me
aliquantulum tutum, cùm non sentio,
inuenio me nonnumquam penè deui-
ctum ex leui flatu.

2 Vide ergo Domine humilitatem Ps. 24.
meam, & fragilitatem tibi vndique
notam. Miserere, & eripe me de lu- Ps. 68.
to, vt non infigar, non permaneam
deiectus vsquequaque. Hoc est,
quod me frequenter reuerberat, &
coram te confundit; quòd tam la-
bilis sum, & infirmus ad resistendum
passionibus. Et si non omnino ad
consensionem, tamen mihi etiam mo-
lesta & grauis est earum infectio,

G 2 & ta-

& tædet valdè sic quotidie viuere in lite. Ex hinc nota mihi fit infirmitas mea: quia multò faciliùs irruunt abominandæ semper phantasiæ, quàm discedunt.

3 Vtinam fortissime Deus Israel, zelator animarum fidelium, respicias serui tui laborem & dolorem, assistasque illi in omnibus, ad quæcumque perrexerit. Roborame cælesti fortitudine, ne vetus homo, misera caro spiritui necdum plenè sub acta, præualeat dominari: aduersus quam certare oportebit, quamdiu spiratur in hac vita miserrima. Heu, qualis est hæc vita, vbi non desunt tribulationes & miseriæ: vbi plena laqueis & hostibus sunt omnia? Nam vna tribulatione seu tentatione recedente, alia accedit: sed & priore adhuc durante conflictu, alij plures superueniunt, & insperatè.

4 Et quomodo potest amari vita, tantas habens amaritudines, tot subiecta calamitatibus & miseriis? Quomodo etiam dicitur vita, tot generans mortes & pestes? Et tamen amatur, & delectari in ea à multis quaeritur.

ritur. Reprehēditur frequenter mundus, quòd fallax sit & vanus, nec tamen facilè relinquitur, quia concupiscentiæ carnis nimis dominantur. Sed alia trahunt ad amandum, alia ad contemnendum. Trahunt ad amorem mundi, desiderium carnis, desiderium oculorum, & superbia vitæ: sed pœnæ ac miseriæ iustè sequentes ea, odium mundi pariunt & tædium.

1 Ioã. 2.

5 Sed vincit, proh dolor, delectatio prava mentem mundo deditam, & esse sub sentibus delitias reputat: quia *Iob 30.* Dei suauitatem, & internam virtutis amœnitatem, nec vidit, nec gustauit. Qui autem mundum perfectè contemnunt, & Deo viuere sub sancta disciplina student, isti diuinam dulcedinem veris abrenuntiatoribus promissam, non ignorant, & quam grauius mundus errat, & variè fallitur, clariùs vident.

G 3

CAP.

CAP. XXI.

Quòd in Deo, super omnia bona & dona, requiescendum est.

I SUPER omnia & in omnibus, requiesces anima mea in Domino semper, quia ipse Sanctorum æterna
Rom. 8. requies. Da mihi, dulcissime & amantissime Iesu, in te super omnem creaturam requiescere; super omnem salutem & pulchritudinem; super omnem gloriam & honorem; super omnem potentiam & dignitatem; super omnem scientiam & subtilitatem; super omnes diuitias & artes; super omnem lætitiā & exultationem; super omnem famam & laudem; super omnem suauitatem & consolationem; super omnem spem & promissionem; super omne meritum & desiderium; super omnia dona & munera, quæ potes dare & infundere: super omne gaudium & iubilationem, quam potest mens capere & sentire; denique super Angelos & Archangelos, & super omnem exercitum cæli: super omnia visibilia & inuisibilia:

lia : & super omne quod tu Deus meus non es.

2 Quia tu Domine Deus meus super omnia optimus es: tu solus altissimus: tu solus potentissimus: tu solus sufficientissimus & plenissimus, tu solus suauissimus & solatiofissimus: tu solus pulcherrimus & amantissimus: tu solus nobilissimus & gloriosissimus super omnia: in quo cuncta bona simul & perfectè sunt, & semper fuerunt & erunt: atque ideo minus est & insufficiens, quidquid præter te ipsum mihi donas, aut de te ipso reuelas, vel promittis, te non viso, nec plenè adepto: Quoniam quidem non potest cor meum veraciter requiescere, nec totaliter contentari, nisi in te requiescat, & omnia dona omnemque creaturam transcendat.

3 O mi dilectissime sponse IESU Christe, amator purissime, dominator vniuersæ creaturæ: quis mihi det *Ps. 53.* pennas veræ libertatis, ad volandum & pausandum in te? O quando ad plenum dabitur mihi vacare & videre, quàm suavis es. Domi-

ne Deus meus? Quando ad plenum me recolligam in te, vt præ amore tuo, non sentiam me: sed te solum, supra omnem sensum & modum, in modo *Dan. 13* non omnibus noto? Nunc autem frequenter gemo, & infelicitatem meam cum dolore porto. Quia multa mala, in hac valle miseriarum occurrunt, quæ me sæpiùs conturbant, contristant, & obnubilant: sæpiùs impediunt & distrahunt, alliciunt & implicant, ne liberum habeam accessum ad te, & ne iucundis fruam amplexibus, præstò semper beatis spiritibus. Moueat te suspirium meum, & desolatio multiplex in terra.

4 O Iesu, splendor æternæ gloriæ, solamen peregrinantis animæ: apud te est os meum sine vöce, & silentium meum loquitur tibi. Vsquequò tardat venire Dominus meus? Veniat ad me pauperculum suum, & lætum faciat. Mittat manum suam, & miserum eripiat de omni angustia. Veni, veni: quia sine te, nulla erit læta dies aut hora, quia tu lætitia mea: & sine te, vacua est mensa mea. Miser sum, & quodammodò incarceratus, & com-

compedibus grauatus : donec luce præsentia tuæ me reficias, ac libertati dones, vultumque amicabilem demonstres.

5 Quærant alij pro te aliud, quodcumque libuerit : mihi aliud interim nil placet, nec placebit, nisi tu Deus meus, spes mea, salus æterna. Non reticebo, nec deprecari cessabo : donec gratia tua reuertatur, mihi que tu intus loquaris : Ecce adsum : Ecce ego ad te, quia inuocasti me. lacrymæ tuæ, & desiderium animæ tuæ, humiliatio tua & contritio cordis, inclinauerunt me & adduxerunt ad te. Et dixi : Domine, vocaui te, & desiderauui frui te, paratus omnia respuere propter te. Tu enim prior excitasti me, vt quærerem te. Sis ergo benedictus Domine, qui fecisti hanc bonitatem cum seruo tuo, secundum multitudinem misericordiæ tuæ.

6 Quid habet vltra dicere seruus tuus coram te, nisi vt humiliet se valde ante te, memor semper propriæ iniquitatis & vilitatis ? Non enim est *Psal. 85* similis tui, in cunctis mirabilibus cæli

& terræ. Sunt opera tua bona valdè,
iudicia vera, & prouidentia tua regun-
tur vniuersa. Laus ergo tibi & glo-
ria, ô Patris Sapiaientia: te laudet & be-
nedicat os meum, anima mea, & cun-
cta creata simul.

CAP. XXII.

*De recordatione multiplicium
beneficiorum Dei.*

Ps 118. ¹ **A**PERI Domine cor meum in
lege tua, & in præceptis tuis
doce me ambulare. Da mihi intelligen-
re voluntatem tuam, & cum magna
reuerentia ac diligenti consideratio-
ne, beneficia tua, tam in generali
quàm in speciali memorari: vt dignè
tibi ex hinc, valeam gratias refer-
re. Verùm scio & confiteor, nec pro
minimo puncto, me posse debitas
gratiarum laudes persolvere. Minor
ego sum, omnibus bonis mihi præ-
stitis: & cùm tuam nobilitatem at-
tendo, deficit præ magnitudine spi-
ritus meus.

² Omnia, quæ in anima habemus
& corpore, & quæcumque exterius
vel

vel interiùs , naturaliter vel supernaturaliter possidemus , tua sunt beneficia , & te beneficium , pium ac bonum commendant , à quo bona cuncta accepimus. Et si alius plura , alius pauciora accepit , omnia tamen tua sunt : & sine te , nec minimum potest haberi. Ille , qui maiora accepit , non potest merito suo gloriari , neque super alios extolli , nec minori insultare : quia ille maior & melior , qui sibi minùs adscribit , & in regratiando humilior est , atque deuotior. Et qui omnibus vilio rem se existimat , & indigniorem se iudicat , aptior est ad percipienda maiora.

3 Qui autem pauciora accepit , contristari non debet ; nec indignanter ferre , neque ditiori inuidere : sed te potiùs attendere , & tuam bonitatem maximè laudare , quòd tam affluenter , tam gratis & libenter , sine personarum acceptione tua munera largiris. Omnia ex te , & ideò in omnibus es laudandus. Tu scis , quid unicuique donari expediat : & cur iste minus , & ille amplius habeat , non nostrum sed tuum est hoc dis-

cernere, apud quem singulorum definita sunt merita.

- 4 Vnde Domine Deus, pro magno etiam reputo beneficio, non multa habere, vnde exteriùs & secundùm homines, laus & gloria apparet: ita vt considerata quis paupertate & vilitate personæ suæ, non modò grauitatem, aut tristitiam, vel deiectionem inde concipiat, sed potiùs consolationem & hilaritatem magnam: quia
- 1 Cor. I. tu Deus pauperes & humiles, atque huic mundo despectos, tibi elegisti
- Psal. 44 in familiares & domesticos. Testes sunt ipsi Apostoli tui, quos principes super omnem terram constituisti.
- 1 Thes. 2. Fuerunt tamen sine querela conuersati in mundo, tam humiles & simplices, sine omni malitia & dolo, vt
- Act. 5. etiam pati contumelias gauderent pro nomine tuo: & quæ mundus abhorret, ipsi amplecterètur affectu magno.
- § Nihil ergo amatorem tuum, & cognitorem beneficiorum tuorum, ita latificare debet, sicut voluntas tua in eo, & beneplacitum eternæ dispositionis tuæ: de qua tantum contentari debet & consolari, vt ita libenter velit esse

esse minimus , sicut aliquis optaret
esse maximus : & ita pacificus & con-
tentus in nouissimo , sicut in loco pri-
mo : atque ita libenter despicabilis &
abiectus , nullius quoque nominis &
famæ , sicut ceteris honorabilior &
maior in mundo. Nam voluntas tua,
& amor honoris tui , omnia excedere
debet : & plus eum consolari , magis-
que placere , quàm omnia beneficia
sibi data vel danda.

CAP. XXIII.

*De quatuor, magnam importan-
tibus pacem.*

FILI, nunc docebo te viam pa- Matt.
26. &
Ioan. 5.
& 6.
cis, & veræ libertatis. Fac Do-
mine, quod dicis, quia hoc mihi gra-
tum est audire. Stude fili, alterius po-
tius facere voluntatem , quàm tuam.
Elige semper minùs , quàm plus ha-
bere. Quære semper inferiorem lo-
cum, & omnibus subesse. Opta sem-
per & ora, vt voluntas Dei integrè in
te fiat. Ecce talis homo ingreditur fi-
nes pacis & quietis.

2 Domine, sermo tuus iste brevis, Matt. 5

G. 7 mul-

158 DE IMITATIONE
multum in se continet perfectionis.
Paruus est dictu, sed plenus sensu, &
vber in fructu. Nam si posset à me fi-
deliter custodiri, non deberet tam fa-
cilis in me turbatio oriri. Nam quo-
ties me impacatum sentio & grau-
tum, ab hac doctrina me recessisse in-
uenio. Sed tu, qui omnia potes, & ani-
mæ profectum semper diligis, adauge
maiores gratiam: vt possim tuum
complevere sermonem, & meam perficere salutem.

Oratio contra cogitationes malas.

Ps. 70. 3 **D**OMINE Deus meus, ne elon-
geris à me: Deus meus in auxi-
lium meum respice: quoniam insur-
rexerunt in me variæ cogitationes, &
timores magni, affligentes animam
meam. Quomodo pertransibo illæ-
sus? quomodo perfringam eas? Ego,
Isa. 45. humiliabo. Aperiam ianuas carceris,
& arcana secretorum reuelabo tibi.
Fac Domine, vt loqueris: & fugiant
à facie tua, omnes iniquæ cogitatio-
nes. Hæc spes, & vnica consolatio
mea, ad te in omni tribulatione con-
fuge-

fugere, tibi confidere, te ex intimo inuocare, & patienter consolationem tuam expectare.

Oratio, pro illuminatione mentis.

4 **C**LARIFICA me, Iesu bone, claritate interni luminis: & educa de habitaculo cordis mei, tenebras vniuersas. Cohibe euagationes multas, & vim facientes elide tentationes. Pugna fortiter pro me, & expugna malas bestias, concupiscentias dico illecebrosas: vt fiat pax in virtute tua, & abundantia laudis tuæ, resonet in aula sancta, hoc est, in conscientia pura. Impera ventis & *Mat. 8.* tempestatibus: dic mari, Quiesce; & Aquiloni, Ne flaueris, & erit tranquillitas magna.

5 Emitte lucem tuam & veritatem, *Ps. 42.* vt luceant super terram: quia terra sum inanis & vacua, donec illumines me. Effunde gratiam de super: perfunde cor meum rore cælesti: ministra deuotionis aquas, ad irrigandam faciem terræ, ad producendum fructum bonum & optimum. Eleua mentem pressam mole peccatorum,

rum , & ad cælestia totum deside-
rium meum suspende: vt gustata sua-
uitate supernæ felicitatis , pigeat de
terrenis cogitare.

6 Rape me , & eripe ab omni crea-
turarum indurabili consolatione: quia
nulla res creata, appetitum meum va-
let plenariè quietare & consolari.
Iunge me tibi , inseparabili dilectio-
nis vinculo : quoniam tu solus suffi-
cis amanti , & absque te friuola sunt
vniuersa.

CAP. XXIV.

*De evitacione curiosa inquisitionis,
super alterius vita.*

Eccle. 3. 1 **F**ILI, noli esse curiosus, nec va-
o 1. **F**uas gerere sollicitudines. Quid
Tim. 5. hoc, vel illud ad te? tu me sequere.
Ioã. 21. *Gal. 6.* Quid enim ad te, vtrùm ille sit talis
vel talis, aut iste sic & sic agit vel lo-
quitur? Tu non indiges respondere
pro aliis, sed pro te ipso rationem red-
des. Quid ergo te implicas? Ecce,
ego omnes cognosco: & cuncta, quæ
sub sole fiunt, video: & scio, quali-
ter cumvnoquoque sit, quid cogitet,
quid

quid velit, & ad quem finem tendat eius intentio. Mihi igitur omnia committenda sunt: tu verò serua te in bona pace, & dimitte agitantem agitare, quantum voluerit. Veniet super eum, quidquid fecerit vel dixerit, quia me fallere non potest.

2 Non sit tibi curæ de magni nominis vmbra, non de multorum familiaritate, nec de priuata hominum dilectione. Ista enim generant distractiones, & magnas in corde obscuritates. Libenter loquerer tibi verbum meum, & abscondita reuelarem, si aduentum meum diligenter obseruares, & ostium cordis mihi aperires. Esto prouidus, & vigila in orationibus, & humilia te in omnibus.

C A P. XXV.

In quibus firma pax cordis, & verus profectus consistit.

1 **F**ILI, ego locutus sum: Pacem Ioan. 14
relinquo vobis, pacem meam do vobis: non quomodo mundus dat, ego do vobis. Pacem omnes desiderant, sed quæ ad veram pacem pertinent,

tinent, non omnes curant. Pax mea,
 cum humilibus & mansuetis corde.
 Pax tua erit, in multa patientia. Si me
 audieris, & vocem meam sequutus
 fueris, poteris multa pace frui. Quid
 igitur faciam? In omni re attende ti-
 bi, quid facias, & quid dicas: & om-
 nem intentionem tuam ad hoc dirige,
 ut mihi soli placeas, & extra me nihil
 cupias vel quæras. Sed & de aliorum
 dictis vel factis, nil temerè iudices:
 nec cum rebus, tibi non commissis, te
 implices; & poterit fieri, ut parum
 vel rarò turberis.

2 Numquam autem sentire ali-
 quam turbationem, nec aliquam pati
 cordis vel corporis molestiam, non
 est præsentis temporis, sed status eter-
 næ quietis. Non ergo æstimes te ve-
 ram pacem inuenisse, si nullam sense-
 ris grauitatem: nec tunc totum esse
 bonum, si neminem pateris aduersa-
 rium: nec hoc esse perfectum, si cun-
 cta fiant secundum tuum affectum.
 Neque tunc aliquid magni te reputes,
 aut specialiter dilectum existimes, si in
 magna fueris deuotione atque dulce-
 dine: quia in istis, non cognoscitur
 verus

verus amator virtutis : nec in istis, consistit profectus & perfectio hominis.

3 In quo ergo Domine? In offere-
 rendo te ex toto corde tuo voluntati
 diuinæ, non quærendo quæ tua sunt,
 nec in paruo nec in magno, nec in
 tempore, nec in æternitate : ita vt vna
 æquali facie, in gratiarum actione
 permaneas, inter prospera & contra-
 ria, omnia æqua lance pensando. Si
 fueris tam fortis & longanimus in
 spe, vt subtracta interiori consolatio-
 ne, etiam ad ampliora sustinenda cor
 tuum præparaueris, nec te iustificaue-
 ris, quasi hæc, tantaque pati non debe-
 res; sed me in omnibus dispositioni-
 bus iustificaueris, & sanctum lauda-
 ueris : tunc in vera & recta via pacis
 ambulas, & spes indubitata erit, quòd
 rursus in iubilo faciem meam sis vi-
 surus. Quòd si ad plenum tui ipsius
 contemptum perueneris, scito quòd
 tunc abundantia pacis perfruêris, se-
 cundùm possibilitatem tui incolatus.

CAP.

CAP. XXVI.

*De eminentia liberæ mentis, quam
supplex oratio magis mere-
tur, quàm lectio.*

I DOMINE, hoc opus est perfecti viri, numquam ab intentione cælestium animum relaxare: & inter multas curas, quasi sine cura transire: non more torpentis, sed prærogatiua quadam liberæ mentis, nulli creaturæ inordinata affectione adhærendo.

2. Obsecro te, piissime Deus meus, præserua me à curis huius vitæ, ne nimis implicer; à multis necessitatibus corporis, ne voluptate capiar; ab vniuersis animæ obstaculis, ne molestiis fractus deiiciar. Non dico ab his rebus, quas toto affectu ambit vanitas mundana: sed ab his miseriis, quæ
Gen 3. animam serui tui, comuni maledicto
& Rom. mortalitatis, pœnaliter grauant & re-
 7. tardant: ne in libertatem spiritus, quoties libuerit, valeat introire.

3. O Deus meus, dulcedo ineffabilis, verte mihi in amaritudinem,
 om-

omnem consolationem carnalem, ab æternorum amore me abstrahentem : & ad se, intuitu cuiusdam boni delectabilis præsentis, malè allicientem. Non me vincat, Deus meus, non me Ro. 12. vincat caro & sanguis : non me decipiat mundus, & brevis gloria eius : non me supplantet diabolus, & astutia illius. Da mihi fortitudinem resistendi, patientiam tolerandi, constantiam perseverandi. Da pro omnibus mundi consolationibus, suauissimam spiritus tui vñctionem : & pro carnali amore, tui nominis infunde amorem.

4 Ecce cibus, potus, vestis, ac cetera utensilia, ad corporis sustentaculum pertinentia, feruenti spiritui sunt onerosa. Tribue talibus fomētis temperatè vti, non desiderio nimio implicari. Abiicere omnia non licet, quia natura sustentanda est : requirere autem superflua, & quæ magis delectant, lex sancta prohibet : nam aliàs caro aduersus spiritum insolesceret. Inter hæc, quæso, manus tua me regat & doceat, ne quid nimium fiat.

CAP.

CAP. XXVII.

*Quòd priuatus amor, à summo bono,
maximè retardat.*

FILI, oportet te dare totum pro toto, & nihil tuiipsum esse. Scito, quòd amor tuiipsum, magis nocet tibi, quàm aliqua res mundi. Secundum amorem & affectum, quem geris, quælibet res plus vel minùs adhæret. Si fuerit amor tuus purus, simplex, & benè ordinatus, eris sine captiuitate rerum. Noli concupiscere, quòd non licet habere. Noli habere, quòd te potest impedire, & libertate interiori priuare. Mirum, quòd non ex toto fundo cordis, teipsum mihi committis, cum omnibus quæ desiderare potes vel habere.

Exodi

18. &

Mich. 4

2 Quare vano mœrore consume-
ris? Cur superfluis curis fatigaris?
Sta ad beneplacitum meum, & nul-
lum patieris detrimentum. Si quæris
hoc vel illud, & volueris esse ibi vel
ibi, propter tuum commodum, &
proprium beneplacitum magis ha-
bendum: numquam eris in quietu-
dine,

dine, nec liber à sollicitudine, quia in omni re reperietur aliquis defectus, & in omni loco erit qui aduersetur.

3 Iuuat igitur, non quælibet res adepta, vel multiplicata exteriùs: sed potiùs contempta, & decisa ex corde radicitus. Quòd non tantùm de censu æris & diuitiarum intelligas, sed de honoris etiam ambitu, ac vanæ laudationis desiderio, quæ omnia transeunt cum mundo. Munit parum locus, si deest spiritus feruoris: nec diu stabit *Isa. 41.* pax illa quæ sita forinsecus, si vacat à vero fundamento status cordis, hoc est, nisi steteris in me; permutare te potes, sed non meliorare. Nam occasione orta & accepta, inuenies quod fugisti, & amplius.

Oratio pro purgatione cordis, & celesti sapientia.

4 **C**ONFIRMA me Deus, per gratiam sancti Spiritus. Da virtutem corroborari in interiori homine, & cor meum ab omni inutili sollicitudine & angore euacuare, nec variis desideriis trahi cuiuscumque rei *Psal. 50. Eph. 3. Matt. 6*

Eccle. 1.
Q. 2. rei vilis aut pretiosæ: sed omnia inspicere sicut transeuntia, & me pariter cum illis transiturum: quia nihil permanens sub sole, ubi omnia vanitas, & afflictio spiritus. O quàm sapiens, qui ita considerat!

Sap. 9. 5 Da mihi Domine cælestem sapientiam, ut discam te super omnia quærere & inuenire, super omnia sapere & diligere: & cetera, secundum ordinem sapientiæ tuæ, prout sunt, in-

Eph. 4. telligere. Da prudenter declinare blandientem, & patienter ferre aduersantem: quia hæc magna sapientia, non moueri omni vento verborum, nec aurem malè blandienti præbere Sirenæ: sic enim incepta pergitur via securè.

CAP. XXVIII.

Contra linguas obtreſtatorum.

I Cor. 4. **I** FILII, non ægrè feras, si quidam de te malè senſerint: & dixerint, quod non libenter audias. Tu deteriora de teipſo ſentire debes, & neminem infirmiorẽ te credere. Si ambulas ab intra, non multum ponderabis volantia

lantia verba. Est non parua prudentia, filere in tempore malo, & introrsus ad me conuerti, nec humano iudicio disturbari.

2 Non sit pax tua in ore hominum. Siue enim benè, siue malè interpretati fuerint, non es idè alter homo. Vbi est vera pax, & vera gloria? Nōne in me? Et qui non appetit hominibus *Ioan. 16* placere, nec timet displicere, multa perfruetur pace. Ex inordinato amore, & vano timore, oritur omnis inquietudo cordis, & distractio sensuum.

C A P. XXIX.

Qualiter instante tribulatione, Deus inuocandus est, & benedicendus.

SIT nomen tuum (Domine) benedictum in sæcula: qui voluisti *Iob 1:* hanc tentationem & tribulationem, *& Psal. 112.* venire super me. Non possum eam effugere, sed necesse habeo ad te confugere: vt me adiuues, & in bonum mihi conuertas. Domine, modò sum in tribulatione, & non est cordi meo benè, sed multùm vexor à præsentibus
H pas-

Mat. 26 passione. Et nunc, Pater dilecte, quid dicam? Deprehensus sum inter angustias. Saluifica me ex hora hac. Sed propterea veni in hanc horam, ut tu clarificeris, cum fuero validè humiliatus, & per te liberatus. *Ps. 36.* Complaceat tibi Domine, ut eruas me: nam ego pauper, quid agere possum, & quò ibo sine te? Da patientiam Domine, etià hac vice. Adiuvà me Deus meus, & non timebo quantumcumque gravatus fuero.

2 Et nunc inter hæc, quid dicam?
Mat. 6. Domine, fiat voluntas tua. Ego benè merui tribulari, & grauari. Oportet utique, ut sustineam: & utinam patienter, donec transeat tempestas, & melius fiat! Potens est autem omnipotens manus tua, etiam hanc tentationem à me auferre, & eius impetum mitigare: ne penitus succumbam, quemadmodum & priùs sæpiùs egisti mecum, Deus meus, misericordia mea. Et quantò mihi difficilius, tantò tibi facilius est hæc mutatio dexteræ excelsi.

CAP.

CAP. XXX.

De diuino petendo auxilio, & confidentia recuperanda gratia.

FILI, ego Dominus, confortans in die tribulationis. Venias ad me, cum tibi non fuerit bene. Hoc est, quod maxime consolationem impedit cælestem, quia tardiùs te conuertis ad orationem. Nam antequam me intentè roges, multa interim solatia quæris, & recreas te in externis. Ideoque fit, vt parum omnia profint, donec aduertas, quia ego sum, qui eruo sperantes in me: nec est extra me valens auxilium, neque ytile consilium, sed neque durabile remedium. Sed iam resumpto Spiritu post tempestatem, reconualesce in luce miserationum mearum: quia propè sum, (dicit Dominus) vt restaurem vniuersa, non solùm integrè, sed & abundanter ac cumulatè.

2 Numquid mihi quidquam est difficile, aut ero similis dicenti & non facienti? Vbi est fides tua? Sta firmiter, & perseueranter. Esto longa-

H 2 nimis

Nahū 1

Matth. 11

Matth. 23.

nimis & vir fortis, veniet tibi consolatio in tempore suo. Expecta me, expecta: veniam, & curabo te. Tentatio est, quæ te vexat: & formido vana, quæ te exterret. Quid importat sollicitudo de futuris contingentibus, nisi vt tristitiam super tristitiam habeas? Sufficit diei malitia sua. Vanum est & inutile, de futuris conturbari vel gratulari, quæ fortè nunquam euenient.

3 Sed humanum est, huiusmodi imaginationibus illudi: & parui adhuc animi signum, tam leuiter trahi ad suggestionem inimici. Ipse enim non curat, vtrum veris an falsis illudat & decipiat: vtrum præsentium amore, aut futurorum formidine, prosternat. Non ergo turbetur cor tuum, neque formidet. Crede in me, & in misericordia mea habeto fiduciam. Quando tu putas te elongatum à me, sæpè sum propinquior. Quando tu æstimas panem totum perditum, tunc sæpè maius merendi instat lucrum. Non est totum perditum, quando res accidit in contrarium. Non debes iudicare secundum præsens sentire:

re: nec sic grauitati alicui, vndecumque venienti, inhære & accipere, tamquam omnis spes sit ablata emergendi.

4 Noli putare te relictum ex toto, quamuis ad tempus tibi miserim aliquam tribulationem, vel etiam optatam subtraxerim consolationem: sic enim transitur ad regnum cælorum. Et hoc sine dubio magis expedit tibi, & ceteris seruis meis: vt exercitemini aduersis, quàm si cuncta ad libitum haberetis. Ego noui cogitationes absconditas: quia multum expedit pro salute tua, vt interdum sine sapore relinquaris: ne fortè cleueris in bono successu, & tibi ipsi placere velis in eo, quod nõ es. Quod dedi, auferre possum: & restituere, cùm mihi placuerit.

5 Cùm dederò, meum est: cùm retraxero, tuum non tuli: quia meum *1as. I.* est omne datum bonum, & omne donum perfectum. Si tibi admisero grauitatem, aut quamlibet contrarietatem, ne indigneris, neque concidat cor tuum: ego citò subleuare possum, & omne onus in gaudium transmu-

H 3 tare.

tare. Verumtamen iustus sum, & re-
commendabilis multum, quum sic
facio totum.

6 Si rectè sapias, & in veritate aspi-
cis, numquam debes propter aduersa
tam deiectè contristari, sed magis
gaudere, & gratias agere: imò hoc
vnicum reputare gaudium, quòd af-
fligens te doloribus, non parco tibi.
Ioa. 16. Sicut dilexit me Pater, & ego vos dili-
go, dixi dilectis discipulis meis: quos
vtique non misi ad gaudia temporalia,
sed ad magna certamina: non ad ho-
nores, sed ad despectiones: non ad
otium, sed ad labores: nō ad requiem,
sed ad afferendum fructum multum,
in patientia. Horum memento, fili
mi, verborum.

CAP. XXXI.

*De neglectu omnis creatura, ut crea-
tor possit inueniri.*

DOMINE, benè indigeo adhuc
maiori gratia, si debeam illuc
peruenire, vbi me nemo poterit, nec
vlla creatura impedire. Nam, quàm
diu res aliqua me retinet, non possum
libe-

liberè ad te volare. Cupiebat liberè volare, qui dicebat: *Ps. 54.* Quis dabit mihi pennas sicut columbæ, & volabo, & requiescam? *Mat. 6.* Quid simplici oculo quietius? Et quid liberius, nil desiderante in terris? Oportet igitur omnem supertransire creaturam, & seipsum perfectè deserere, ac in excessu mentis stare, & videre, te omnium cōditorem cum creaturis nil simile habere. Et nisi quis ab omnibus creaturis fuerit expeditus, non poterit liberè intendere diuinis. Idè enim pauci inueniuntur cōtemplatiui, quia pauci sciunt se à perituris & creaturis, ad plenum sequestrari.

2 Ad hoc magna requiritur gratia, quæ animam leuet, & suprà semetipsam rapiat. Et nisi homo sit in spiritu eleuatus, & ab omnibus creaturis liberatus, ac Deo totus vnitus: quidquid scit, quidquid etiam habet, non est magni ponderis. Diu parus erit, & infrà iacebit, qui aliquid magnum æstimat, nisi solum vnum immensum, æternum bonum. Et quidquid Deus non est, nihil est, & pro nihilo computari debet. Est magna

H 4 disse-

differentia, sapientia illuminati & deuoti viri, & scientia literati atque studiosi clerici. Multò nobilior est illa doctrina, quæ de sursum ex diuina influentia manat: quàm quæ laboriosè, humano acquiritur ingenio.

3 Plures reperiuntur contemplationem desiderare, sed quæ ad eam requiruntur, non student exercere. Est magnum impedimentum, quia in signis & sensibilibus rebus statur, & parum de perfecta mortificatione habetur. Nescio quid est, quo spiritu ducimur, & quid prætendimus, qui spirituales dici videmur: quòd tantum laborem, & ampliorem sollicitudinem, pro transitoriis & vilibus rebus agimus, & de interioribus nostris vix rarò, plenè recollectis sensibus, cogitamus.

4 Proh dolor, statim post modicam recollectionem foras erumpimus: nec opera nostra, districta examinatione trutinamus. Vbi iacent affectus nostri, non attendimus: & quàm impura sint omnia, non deploramus.

Gen. 6. Omnis quippe caro corruperat viam
et 7. suam,

suam, & ideò sequebatur diluuium magnum. Cùm ergo interior affectus noster multùm corruptus sit, necesse est, vt actio sequens, index carentiæ interioris vigoris, corrumpatur. Ex puro corde, præcedit fructus bonæ vitæ.

§ Quantum quis fecerit, quæritur: sed ex quanta virtute agit, non tam studiosè pensatur. Si fuerit fortis, diues, pulcher, habilis, vel bonus scriptor, bonus cantor, bonus laborator, inuestigatur: quàm pauper sit spiritu: quàm patiens & mitis: quàm deuotus & internus, à multis taceretur. Natura exteriora hominis respicit, gratia ad interiora se conuertit. Illa frequenter fallitur, ista in Deo sperat, vt non decipiatur.

C A P. XXXII.

*De abnegatione sui, & abdicatione
omnis cupiditatis.*

FILI, non potes perfectam possidere libertatem, nisi totaliter abneges temetipsum. Compediti sunt omnes proprietarij, & suiipsius amatores, Matt. 16. & 19.

H § tores,

tores, cupidi, curiosi, gyrouagi, quærentes semper mollia, non quæ Iesu Christi, sed hoc sapè fingentes & componentes, quod non stabit. Peribit enim totum, quod non est ex Deo ortum. Tene breue & consummatum verbum: Dimitte omnia, & inuenies omnia. Relinque cupidinem, & reperies requiem. Hoc mente pertracta: & quum impleueris, intelliges omnia.

2 Domine, hoc non est opus vnius diei, nec ludus paruulorum: imò in hoc breui, includitur omnis perfectio Religiosorum. Fili, non debes auerti, nec statim deiici, audita via perfectorum; sed magis ad sublimiora prouocari, & ad minus ad hæc ex desiderio suspirare. Vtinam sic tecum esset, & ad hoc peruenisses, vt tui ipsius amator non esses, sed ad nutum meum purè stares, & eius quem tibi præposui Patris: tunc mihi valde placeres, & tota vita tua in gaudio & pace transiret. Adhuc multa habes ad relinquendum: quæ nisi mihi ex integro resignaueris, non acqui-
Apo. 3 res, quod postulas. Suadeo tibi emere à

re à me aurum ignitum, vt locuples fias, id est, cælestem sapientiam, omnia infima conculcantem. Postpone terrenam sapientiam, omnem humanam & propriam complacentiam.

3 Dixi, viliora tibi emenda pro pretiosis & altis, in rebus humanis. Nam valdè vilis & parua, ac panè obliuioni tradita videtur, vera cælestis sapientia: non sapiens alta de se, nec magnificari quærens in terra, quam multi ore tenus prædicant, sed vita longè dissentiunt: ipsa tamen est pretiosa margarita, à multis abscondita. Math. 13.

C A P. XXXIII.

De instabilitate cordis, & de intentione finali, ad Deum habenda.

FILI, noli credere affectui tuo: qui nunc est, citò mutabitur in aliud. Iob 14. Quamdiu vixeris, mutabilitati subiectus es, etiam nolens: vt modò lætus, modò tristis: modò pacatus, modò turbatus: nunc deuotus, nunc indeuotus: nunc studiosus, nunc acediosus: nunc grauis, nunc
H 6 leuis

leuis inueniaris. Sed stat super hæc mutabilia sapiens, & benè doctus in spiritu, non attendens, quid in se sentiat, vel qua parte flet ventus instabilitatis: sed vt tota intentio mentis eius, ad debitum & optimum proficiat finem. Nam sic poterit vnus & idem, inconcussusque permanere, simplici intentionis oculo, per tot varios euentus, ad me imprætermisè directo.

- Mat. 6.** 2. Quàntò autem purior fuerit intentionis oculus, tantò constantius inter diuersas itur procellas. Sed in multis caligat oculus puræ intentionis: respicitur enim citò in aliquod delectabile, quod occurrit. Nam &
- Isa. 11.** rarò totus liber quis inuenitur, à næuo propriæ exquisionis. Sic Iudæi olim venerant in Bethaniam, ad Martham & Mariam: non propter Iesum tantùm, sed & vt Lazarum viderent. Mundandus est ergo intentionis oculus, vt sit simplex & rectus, atque vltra omnia varia media ad me dirigendus.

CAP.

CAP. XXXIIII.

Quòd amanti, sapit Deus super omnia, & in omnibus.

ECCE Deus meus, & omnia, Quid volo amplius, & quid felicius desiderare possum? O sapidum & dulce verbum! sed amanti verbum, non mundum, nec ea quæ in mundo sunt. Deus meus, & omnia. Intelligenti, satis dictum est: & sæpè repetere, iucundum est amanti. Te siquidem præsentem, iucunda sunt omnia: te autem absente, fastidiunt cuncta. Tu facis cor tranquillum, & pacem magnam, lætitiàmque festivam. Tu facis benè sentire de omnibus, & in omnibus te laudare: nec potest aliquid sine te diu placere, sed si debet gratum esse & benè sapere, oportet gratiam tuam adesse, & condimento tuæ sapientiæ condiri.

2 Cui tu sapis, quid ei rectè non sapiet? Et cui tu non sapis, quid ei ad iucunditatem esse poterit? Sed deficiunt in sapientia tua mundi sapientes, & qui carnem sapiunt: quia ibi

1 Cor. I.
Rom. 8.
1.
Ioan. 2.

H 7 plu-

plurima vanitas , & hîc mors inuenitur. Qui autem te per contemptum mundanorum , & carnis mortificationem sequuntur, verè sapientes esse cognoscuntur : quia de vanitate ad veritatem, de carne ad spiritum transferuntur. Istis sapit Deus : & quidquid boni inuenitur in creaturis , totum ad laudem referunt sui conditoris. Dissimilis tamen, & multùm dissimilis sapor creatoris & creaturæ , æternitatis & temporis, lucis increatæ, & lucis illuminatæ.

3 O lux perpetua , cuncta creata transcendēs lumina, fulgura coruscationem de sublimi penetrantem omnia cordis mei intima. Purifica, lætifica, clarifica , & viuifica spiritum meum , cum suis potentiis , ad inhærendum tibi iubilosis excessibus. O quando veniet hæc beata & desiderabilis hora , vt tua me saties præsentia, & sis mihi omnia in omnibus. Quamdiu hoc datum non fuerit , nec
Rom. 7. plenum gaudium erit. Adhuc , proh dolor , viuit in me vetus homo , non est totus crucifixus , non est perfectè mortuus. Adhuc concupiscit fortiter
 contra

contra spiritum, bella mouet intestina, nec regnum animæ patitur esse quietum.

4 Sed tu, qui dominaris potestatis maris, & motum fluctuum eius mitigas, exurge, adiuua me. Dissipa gentes, quæ bella volunt: contedere eas in virtute tua: ostende quæso magnalia tua, & glorificetur dextera tua: quia non est spes alia, nec refugium mihi, nisi in te Domine Deus meus. Ps. 88.
Ps. 72.
Ps. 30.

CAP. XXXV.

Quòd non est securitas à tentatione, in hac vita.

FILI, numquam securus es in hac vita, sed quoad vixeris, semper arma spiritualia tibi sunt necessaria. Inter hostes versaris, & à dextris & à sinistris impugnaris. Si ergo non vteris vndique scuto patientiæ, non eris diu sine vulnere. Insuper, si non ponis cor tuum fixè in me, cum mera voluntate cuncta patiendi propter me, non poteris ardorem istum sustinere, nec ad palmam pertinere Iob 7.
2 Cor. 6

gere beatorum. Oportet te ergo viriliter omnia pertransire, & potenti manu vti aduersus obiecta. Nam vincenti datur manna, & torpenti relinquitur multa miseria.

2 Si quæris in hac vita requiem, quomodo tunc peruenies ad æternam requiem? Non ponas te ad multam requiem, sed ad magnam patientiam. Quære veram pacem, non in terris, sed in cælis: non in hominibus nec in ceteris creaturis, sed in Deo solo. Pro amore Dei, debes omnia libenter subire, labores scilicet & dolores, tentationes, vexationes, anxietates, necessitates, infirmitates, iniurias, oblocutiones, reprehensiones, humilia-
tiones, confusiones, correctiones & despectiones. Hæc iuuant ad virtutem: hæc probant Christi tyronem: hæc fabricant cælestem coronam. Ego reddam mercedem æternam pro breui labore, & infinitam gloriam, pro transitoria confusione.

3 Putas tu, quòd sèper habebis pro tua voluntate consolationes spirituales? Sancti mei non semper habuerunt tales, sed multas grauitates, & tenta-
tio-

tiones varias, magnasq; desolationes. Sed patienter sustinuerunt se in omnibus, & magis confisi sunt Deo, quàm sibi: scientes, quia non sunt condignæ *Rom. 8.* passionibus huius temporis, ad futuram gloriam promerendam. Vis tu statim habere, quod multi post multas lacrymas & magnos labores, vix obtinuerunt? Exspecta Dominum, viriliter *Ps. 26.* age, & confortare: noli diffidere, noli discedere: sed corpus & animam expose constanter, pro gloria Dei. Ego reddam plenissimè: ego tecum ero, in omni tribulatione.

CAP. XXXVI.

Contra vana hominum iudicia.

FILI, iacta cor tuum firmiter in Domino, & humanum ne metuas iudicium, ubi te conscientia pium reddit & insontem. Bonum est & beatum taliter pati, nec hoc erit graue humili cordi, & Deo magis, quàm sibi ipsi confidenti. Multi multa loquuntur, & idè parua fides est adhibenda. Sed & omnibus satis esse, non est possibile. Et si Paulus omnibus studuit: *1 Cor. 9.*
in

2 *Cor.* 4 in Domino placere, & omnibus omnia factus est: tamen etiam pro minimo duxit, quod ab humano die iudicatus fuerit.

2 Egit satis pro aliorum ædificatione & salute, quantum in se erat & poterat: sed ne ab aliis aliquando iudicaretur, vel non despiceretur, cohibere non potuit. Ideo totum Deo commisit, qui totum nouerat: & patientia ac humilitate, contra ora loquentium iniqua, aut etiam vana ac mendosa cogitantium, atque pro libitu suo quæque iactantium, se defendit. *Act.* 26 *Phil.* 1. Respondit tamen interdum, ne infirmis, ex sua taciturnitate generaretur scandalum.

3 Quis tu, ut timeas à mortali homine? *2. Mac.* 2. Hodie est, & cras non compareret. Deum time, & hominum terrores non expauesces. Quid potest aliquis in te verbis, aut iniuriis? Sibi potius nocet, quam tibi: nec poterit iudicium Dei effugere, quicumque est ille. *Rom.* 2. *Cor.* 1. Tu habe Deum præ oculis, & noli contendere verbis querulosis. Quod si ad præsens tu vidêris succumbi, & confusionem pati, quam non me-

meruisti: ne indigneris ex hoc, neque per impatientiam minuas coronam tuam: sed ad me potius respice in cælum, qui potens sum eripere, ab omni confusione & iniuria, & vnicuique reddere secundum opera sua. Heb. 12

CAP. XXXVII.

*De pura & integra resignatione sui,
ad obtinendam cordis libertatem.*

FILI, relinque te, & inuenies me. Sta sine electione & omni proprietate, & lucraberis semper. Nam & adiicietur tibi amplior gratia, statim vt te resignaueris, nec resumpseris. Domine, quoties me resignabo, & in quibus me relinquam? Semper, & omni hora: sicut in paruo, sic & in magno. Nihil excipio, sed in omnibus te nudatum inueniri volo. Alioquin, quomodo poteris esse meus, & ego tuus: nisi fueris ab omni propria voluntate, intus & foris spoliatus? Quanto celerius hoc agis, tanto melius habebis: & quanto plenius & sincerius, tanto mihi plus placebis, & amplius lucraberis.

2 Qui-

2 Quidam se resignant, sed cum aliqua exceptione: non enim plenè Deo confidunt, ideò sibi providere satagunt. Quidam etiam primò totum offerunt, sed postea tentatione pulsati, ad propria redeunt, ideò minimè in virtute proficiunt. Hi ad veram puri cordis libertatem, & iucundæ familiaritatis meæ gratiam, non pertingent: nisi integra resignatione, & quotidiana sui immolatione priùs facta: sine qua non stat, nec stabit vnio fructiua.

3 Dixi tibi sæpissimè, & nūc iterum **Mat. 16** dico. Relinque te, resigna te, & fruëris magna interna pace. Da totum pro toto: nil exquire, nil repete: sta purè & inhesitanter in me, & habebis me. Eris liber in corde, & tenebræ non cōculcabunt te. Ad hoc conare, hoc ora, hoc desidera: vt ab omni proprietate possis exspoliari, & nudus nudum Iesum sequi: tibi mori, & mihi æternaliter viuere. Tunc deficient omnes vanæ phantasix, conturbationes iniquæ, & curæ superfluxæ. Tunc etiam recedet immoderatus timor, & inordinatus amor morietur.

CAP.

CAP. XXXVIII.

De bono regimine in externis, & recurſu ad Deum, in periculis.

FILI, ad iſtud diligenter tendere debes, vt in omni loco & actione, ſeu occupatione externa, ſis intimus liber, & tuiipſius potens, & ſint omnia ſub te, & tu non ſub eis: vt ſis Dominus actionum tuarum & rector, nō ſeruus nec emptitiuus: ſed magis exemptus veruſque Hebræus, in ſortem ac libertatem tranſiens filiorum Dei: qui ſtant ſuper præſentia, & ſpeculantur æterna: qui tranſitoria ſiniſtro inuentur oculo, & dextro cæleſtia: quos temporalia non trahunt ad inhærendum, ſed trahunt ipſi magis ea ad benè ſeruiendum: prout ordinata ſunt à Deo, & inſtituta à ſummo opifice, qui nil inordinatum in ſua reliquit creatura.

2 Si etiam in omni euentu ſtas, non in apparentia externa, nec oculo carnali luſtras viſa vel audita: ſed mox in qualibet cauſa, intras cum Moyſe in *Exo. 33* tabernaculum, ad conſulendum Dominum:

minum : audies nonnumquam diuinum responsum , & redies instructus de multis præsētibus & futuris. Semper enim Moyſes , recurſum habuit ad tabernaculum , pro dubiis & quaſtionibus ſoluendis: fugitque ad orationis adiutorium , pro periculis & improbitatibus hominum ſubleuandis.

Mat. 6. Sic & tu confugere debes, in cordis tui ſecretarium , diuinum intentius implorando ſuffragium. Propter-

Iof. 9. eà namque Iofue & filij Iſrael, à Gabaonitis leguntur decepti : quia os Domini prius non interrogauerunt, ſed nimiùm creduli dulcibus ſermonibus, falſa pietate deluſi ſunt.

CAP. XXXIX.

*Quòd homo non ſit importunus,
in negotiis.*

FILI, committe mihi ſemper cauſam tuam , ego benè diſponam in tempore ſuo. Exſpecta ordinationem meam, & ſenties inde proſectum. Domine, ſatis libenter tibi omnes res committo; quia parum po-
teſt

test cogitatio mea proficere. Vtinam
nō multū adhærerem futuris euen-
tibus, sed ad beneplacitum tuum in-
cunctanter me offerrem!

2 Fīli, sapè homo rem aliquam
vehementer agit, quam desiderat :
sed cū ad eam peruenerit, aliter sen-
tire incipit : quia affectiones, circa
idem, non sunt durabiles : sed magis
de vno ad aliud impellunt. Non est
ergo minimum, etiam in minimis, se-
ipsum relinquere.

3 Verus profectus hominis, est
abnegatio sui ipsius : & homo abne-
gatus, valdè liber est & securus. Sed *1 Pet. 3*
antiquus hostis, omnibus bonis ad-
uersans, à tentatione non cessat : sed
die noctuque graues molitur insidias,
si fortè in laqueum deceptionis possit
præcipitare incautum. Vigilate & ora- *Mat. 26*
te, dicit Dominus, vt non intretis in
tentationem.

CAP.

CAP. XL.

Quòd homo nihil boni ex se habet, & de nullo gloriari potest.

Psal. 3. 1 **D**OMINE, quid est homo, quòd memor es eius: aut filius hominis, quia visitas eum? Quid promeruit homo, vt dares illi gratiam tuam? Domine, quid possum conqueri, si me deferis? aut quid iustè obtendere possum, si quod peto, non feceris? Certè hoc in veritate cogitare possum, & dicere: Domine nihil sum, nihil possum, nihil boni ex me habeo; sed in omnibus deficio, & ad nihil semper tendo. Et nisi à te fuero adiutus, & interiùs informatus, totus efficior tepidus & dissolutus.

Pf. 101 2 Tu autem Domine, semper idem ipse es, & permanes in eternum semper bonus, iustus & sanctus, benè, iustè, ac sanctè agens omnia, & disponens in sapientia. Sed ego, qui ad defectum sum magis pronus quàm ad profectum, non sum semper in vno statu perdurans: quia septem tempora mutantur super me. Verumta-
men

men citò melius fit, cùm tibi placuerit, & manum porrexeris adiutricem: quia tu solus sine humano suffragio poteris auxiliari, & in tantum confirmare, vt vultus meus ampliùs in diuersa non mutetur, sed in te vno cor meum conuertatur, & quiescat.

3. Vnde, si benè scirem omnem humanam consolationem abiicere, siue propter deuotionem adipiscendam, siue propter necessitatem, qua compellor te quærere, quia non est homo, qui me consoletur: tunc possem meritò de gratia tua sperare, & de dono nouæ consolationis exultare.

4. Gratias tibi, vnde torum venit, quotiescumque mihi benè succedit. Ego autem vanitas & nihilum ante te, inconstans homo & infirmus. Vnde ergo possum gloriari, aut cur appeto reputari? Numquid de nihilo? & hoc vanissimum est. Verè inanis gloria, mala pestis, vanitas maxima: quia à vera trahit gloria, & cælesti spoliatur gratia. Dum enim homo complacet sibi, displicet tibi: dum inhiat laudibus humanis, priuatur veris virtutibus.

I s Est

CAP. XLI.

De contemptu omnis temporalis honoris.

FILI, noli tibi attrahere, si videas alios honorari & eleuari, te autem despici & humiliari. Erige cor tuum ad me in cælum, & non contristabit te contemptus hominum in terris. Domine, in cæcitare sumus, & vanitate citò seducimur: Si rectè me inspicio, numquam mihi facta est iniuria ab aliqua creatura, vnde nec iustè habeo conqueri aduersum te.

2 Quia autem frequenter & grauius peccaui tibi, meritò armatur cōtra me omnis creatura. Mihi igitur iustè debetur confusio & contemptus; tibi autem laus, honor & gloria. Et nisi me ad hoc præparauero, quòd velim libenter ab omni creatura despici & relinqui, atque penitus nihil videri, non possum interiùs pacificari & stabiliri; nec spiritaliter illuminari, neque plenè tibi vniri.

I. 2 CAP.

CAP. XLII.

*Quòd pax non est ponenda
in hominibus.*

FILI, si ponis pacem tuam cum aliqua persona, propter tuum sentire & conuiuere, instabilis eris & implicatus. Sed si recursum habes, ad semper viuentem & manentem veritatem, non contristabit amicus recedens aut moriens. In me debet amici dilectio stare: & propter me diligendus est, quisquis tibi bonus visus est, & multum charus in hac vita. Sine me non valet, nec durabit amicitia: nec est vera & munda dilectio, quam ego non copulo. Ita mortuus debes esse, talibus affectionibus dilectorum hominum, vt (quantum ad te pertinet) sine omni humano optares esse consortio. Tantò homo Deo magis appropinquat, quantò ab omni solatio terreno longius recedit. Tantò etiam altiùs ad Deum ascendit, quantò profundius in se descendit, & plus sibi ipsi vilescit.

2 Qui autem sibi aliquid boni attri-

tribuit, gratiam Dei in se venire impedit: quia gratia Spiritus sancti, cor 1. Pet. 3
humile semper quærit. Si scires te perfectè annihilare, atque ab omni creato amore euacuare, tunc deberem in te cū magna gratia emanare. Quando tu respicis ad creaturas, subtrahitur tibi adspēctus creatoris. Disce te in omnibus, propter creatorem vincere, tunc ad diuinam valebis cognitionem pertingere. Quantumcumque modicum sit, si inordinatè diligitur & respicitur, retardat à summo, & vitiat.

CAP. XLIII

Contra vanam & sacularem sciētiam.

FILI, non te moueant pulchra & subtilia hominum dicta. Non enim est regnum Dei in sermone, sed 1. Cor. 4
in virtute. Attende verba mea, quæ corda accendunt, & mentes illuminant: inducunt compunctionem, & variam ingerunt consolationē. Numquam ad hoc legas verbum, vt doctior aut sapientior possis videri. Stude mortificationi vitiorum, quia hoc

amplius tibi proderit, quàm notitia multarum difficilium quæstionum.

2 Quum multa legeris & cognoveris, ad vnum semper oportet redire principium. Ego sum, qui doceo hominem scientiam: & clariorem intelligentiam paruulis tribuo, quàm ab homine possit doceri. Cui ego loquor, citò sapiens erit, & multum in spiritu proficiet. Væ eis, qui multa curiosa ab hominibus inquirunt, & de via mihi seruiendi parum curant. Veniet tempus, quando apparebit Magister magistrorum Christus, Dominus Angelorum, cunctorum auditurus lectiones, hoc est singulorum examinaturus conscientias. Et tunc scrutabitur Ierusalem in lucernis, & manifesta erunt abscondita tenebrarum, tacebuntque argumenta linguarum.

3 Ego sum, qui humilem in puncto eleuo mentem: vt plures eternæ veritatis capiat rationes, quàm si quis decem annis studuisset in scholis. Ego doceo sine strepitu verborum, sine confusione opinionum, sine fastu honoris, sine pugnatione argumentorum.

rum. Ego sum , qui doceo terrena despiciere , præsentia fastidire , æterna quærere , æterna sapere : honores fugere , scandala sufferre , omnem spem in me ponere , extra me nil cupere , & super omnia me ardentè amare.

4 Nam quidam amando me intimè , didicit diuina , & loquebatur mirabilia. Plus profecit in relinquendo omnia , quàm in studendo subtilia. Sed aliis loquor communia , aliis specialia : aliquibus in signis & figuris dulciter appareo , quibusdam verò in multo lumine reuelo mysteria. Vna vox librorum , sed non omnes æquè informat : quia intus sum doctor veritas , scrutator cordis , cogitationum intellectus , actionum promotor , distribuens singulis , sicut dignum iudicauero.

CAP. XLIIII.

De non attrahendo sibi res exteriores.

FILI , in multis oportet te esse in scium , & æstimare te tamquam mortuum super terram , & cui totus Gal. 6.

I 4 mun-

mundus crucifixus sit. Multa etiam oportet surda aure pertransire, & quæ tuæ pacis sunt magis cogitare. Utilius est oculos à rebus displicentibus auertere, & unicuique suum sentire relinquere, quàm contentiosis sermonibus deferuire. Si benè steteris cum Deo, & eius iudicium adspexeris, faciliùs te victum portabis.

3 O Domine, quousque venimus? Ecce damnum defletur temporale, pro modico quæstu laboratur & curritur, & spirituale detrimentum in obliuionem transit, & vix serò redditur. Quod parum vel nihil prodest attenditur, & quod summè necessarium est, negligenter præteritur: quia totus homo ad externa defluit, & nisi citò resipiscat, libens in exterioribus iacet.

CAP. XLV.

Quòd omnibus non est credendum: & de facili lapsu verborum.

Pf. 59. **I** D A mihi auxilium Domine de tribulatione, quia vana salus hominis. Quàm sæpè ibi non inueni fidem,

fidem, vbi me habere putavi? Quoties etiam ibi reperi, vbi minùs præsumpsi? Vana ergo spes in hominibus, salus autem iustorum, in te Deus. Benedictus sis Domine Deus meus in omnibus, quæ accidunt nobis. Infirmi sumus & instabiles, citò fallimur & permutamur.

2 Quis est homo, qui ita cautè & circumspèctè in omnibus se custodire valet, vt aliquando in aliquam deceptionem vel perplexitatem non veniat? Sed qui in te Domine confidit, *Pro. 10* ac simplici ex corde quærit, non tam facilè labitur. Et si inciderit aliquam tribulationem, quocumque modo fuerit etiam implicatus, citiùs per te eruetur, aut à te consolabitur: quia tu non deseres in te sperantem vsque in finem. Rarus fidus amicus, in cunctis amici perseuerans pressuris. Tu Domine, tu solus es fidelissimus in omnibus, & præter te non est alter talis.

3 O quàm benè sapuit sancta illa anima, quæ dixit: Mens mea solidata est, & in Christo fundata. Si ita *In vita* *S. Agathe* mecum foret, non tam facilè timor *the* humanus me sollicitaret, nec verbo-

I s rum

rum iacula mouerent. Quis omnia præuidere, quis præcauere futura mala sufficit? Si præuisa sæpè etiam lædunt, quid improuisa nisi grauiter feriunt? Sed quare mihi misero non melius prouidi? Cur etiam tam facile aliis credidi? Sed homines sumus, nec aliud quàm fragiles homines sumus, etiamsi angeli à multis æstimamur & dicimur. Cui credam Domine? cui, nisi tibi? Veritas es, quæ non fallis, nec falli potes. Et rursum, omnis homo mendax, infirmus, instabilis, & labilis maximè in verbis: ita vt statim vix credi debeat, quod rectum in facie sonare videtur.

Mich. 7

4 Quàm prudenter præmonuisti, cauendum ab hominibus: & quia inimici hominis, domestici eius: nec credendum, si quis dixerit: Ecce hîc, aut ecce illic. Doctus sum damno meo, & vtinam ad cautelam maiorem, & non ad insipientiam mihi. Cautus esto (ait quidam) cautus esto, serua apud te quod dico. Et dum ego sileo, & absconditum credo, nec ille silere potest, quod silendum petiit, sed statim prodit me & se, & abiit.

Ab

Ab huiusmodi fabulis & incautis hominibus protege me Domine, ne in manus eorum incidam, nec umquam talia committam. Verbum verum & stabile da in os meum, & linguam callidam fac à me. Quod pati nolo, omnimodè cauere debeo.

5 O quàm bonum & pacificum de aliis silere, nec indifferenter omnia credere, neque de facili ulterius effari: paucis seipsum reuelare, te semper inspectorem cordis quærere: nec omni vento verborum circumferri, sed omnia intima & externa, secundùm placitum tuæ voluntatis, optare perfici. Quàm tutum, pro conseruatione cælestis gratiæ, humanam fugere apparentiam, nec appetere quæ foris admirationem videntur præbere: sed ea, tota sedulitate sectari, quæ vitæ emendationem dant & feruorem.

*Pro. 25
& Isa.
24.*

6 Quàm multis nocuit virtus scita, ac præproperè laudata? Quàm sanè profuit gratia silentio seruata in hac fragili vita, quæ tota tentatio fertur & militia?

CAP. XLVI.

De confidentia in Deo habenda, quando insurgunt verborum iacula.

Ps. 36.

F I L I, sta firmiter, & spera in me. Quid enim sunt verba, nisi verba? Per aërem volant, sed lapidem non lædunt. Si reus es, cogita quòd libenter emendare te velis. Si nihil tibi conscius es, pensa quòd velis libenter pro Deo hoc sustinere. Parum satis est, vt vel verba interdum sustineas, qui necdum fortia verbera tolerare vales. Et quare tam parua tibi ad cor transeunt, nisi quia adhuc carnalis es, & homines magis quàm oportet attendis? Nam quia despici metuis, reprehendi pro excessibus non vis, & excusationum vmbracula quæris.

2 Sed inspicite te meliùs, & agnosces, quia viuit adhuc in te mūdus, & vanus amor placēdi hominibus. Cùm enim bassari refugis, & confundi pro defectibus, constat vtique, quòd nec verus humilis sis, nec verè mundo mortuus, nec mundus tibi crucifixus.

Sed

Sed audi verbum meum, & non curabis decem millia verba hominum. Ecce, si cuncta contra te dicerentur, quæ fingi malitiosissimè possent: quid tibi nocerent, si omnino transire permitteres, nec plusquam festucam perpenderes? Numquid vel vnum capillum tibi extrahere possent?

Mat 10

& Luca

11.

3 Sed qui cor intus non habet, nec Deum præ oculis, faciliter verbo mouetur vituperationis. Qui autem in me confidit, nec proprio iudicio stare appetit, absque humano terrore erit. Ego enim sum iudex, & cognitor omnium secretorum: ego scio, qualiter res acta est; ego iniuriantem noui & sustinentem. A me exiit verbum istud, me permittente hoc accidit, vt reuelentur ex multis cordibus cogitationes. Ego reum & innocentem iudicabo, sed occulto iudicio vtrumque antè probare volui.

Psal. 7.

Luca 2.

4 Testimonium hominum sæpè fallit: meum iudicium verum est, stabit, & non subuertetur. Latet plerumque, & paucis ad singula patet: numquam tamen errat, nec errare potest, etiam si oculis insipientium non

I 7 rectum

rectum videatur. Ad me ergo currendum est in omni iudicio, nec proprio innitendum arbitrio. Iustus enim non conturbabitur, quidquid à Deo ei acciderit. Etiam si iniuste aliquid contra eum prolatum fuerit, non multum curabit. Sed nec vanè exultabit, si per alios rationabiliter excusetur. Pensat namque, quia ego sum scrutans corda & renes, qui non iudico secundum faciem & humanam apparentiam. Nam sæpè in oculis meis reperitur culpabile, quod hominum iudicio creditur laudabile.

Pro. 12

Psal 7.

& A-

poal. 2.

5 Domine Deus, iudex iuste, fortis & patiens, qui hominum nostri fragilitatem & prauitatem, esto robur meum, & tota fiducia mea, non enim mihi sufficit conscientia mea. Tu nosti, quod ego non noui: & ideò in omni reprehensione humiliare me debui, & mansuetè sustinere. Ignosce quoque mihi propitius, quoties sic non egi, & dona iterum gratiam amplioris sufferentiæ. Melior est enim mihi tua copiosa misericordia, ad consequutionem indulgentiæ: quam
mea

mea opinata iustitia, pro defensione latentis conscientiae. Et si nihil mihi 1 Cor. 4 conscius sum, tamen in hoc iustificare me non possum: quia remota misericordia tua, non iustificabitur in conspectu tuo omnis viuens. Ps. 142

CAP. XLVII.

*Quod omnia graua, pro aeterna
vita sunt toleranda.*

FILI, non te frangant labores, quos assumpsisti propter me, nec tribulationes te deiiciant usquequaque; sed mea promissio, in omni euentu te roboret & consoletur. Ego sufficiens sum, ad reddendum supra omnem modum & mensuram. Non diu hinc laborabis, nec semper grauaberis doloribus. Expecta paulisper, & videbis celerem finem malorum. Veniet vna hora, quando cessabit omnis labor & tumultus. Modicum est & breue, omne quod transit cum tempore.

2 Age, quod agis: fideliter labora Mat. 20
in vinea mea, ego ero merces tua.

Scri-

Scribe, lege, canta, geme, tace, ora, sustine viriliter contraria: digna est his omnibus & maioribus præliis, vita æterna. Veniet pax in die vna, quæ nota est Domino; & erit, non dies neque nox huius scilicet temporis, sed lux perpetua, claritas infinita, pax firma, & requies secura. Non dices tunc:

Rom. 7. Quis me liberabit de corpore mortis

Pf. 119. huius? Neque clamabis: Heu mihi, quia incolatus meus prolongatus est? quoniam præcipitabitur mors, & salus erit indefectiua; anxietas nulla, iucunditas beata, societas dulcis & decora.

3 O si vidisses Sanctorum in cælo coronas perpetuas, quanta quoque nunc exultant gloria, (qui huic mundo olim contemptibiles, & quasi vita ipsa indigni putabantur) profectò testatim humiliares vsque ad terram, & affectares potiùs omnibus subesse, quàm vni præesse: nec huius vitæ lætos dies concupisceres, sed magis pro Deo tribulari gauderes: & pro nihilo inter homines computari, maximum lucrum duceres.

4 O si tibi hæc saperent, & profundè

fundè ad cor transfirent, quomodo auderes vel semel conqueri? Nónne pro vita æterna, cuncta laboriosa sunt toleranda? Non est paruum quid, perdere aut lucrari regnum Dei. Leua igitur faciem tuam in cælum. Ecce ego, & omnes Sancti mei mecum, qui in hoc sæculo magnum habuère certamen, modò gaudent, modò consolantur, modò secuti sunt, modò requiescunt, & sine fine mecum in regno Patris mei permanent.

CAP. XLVIII.

*De die æternitatis, & huius
vitæ angustis.*

O Supernæ ciuitatis mansio beatissima! Apo. 21
O dies æternitatis clarissima: quam nox non obscurat, sed summa veritas semper irradiat, dies semper læta, semper secura, & nunquam statum mutans in contraria. O utinam dies illa illuxisset, & cuncta hæc temporalia finem accepissent! Lucet quidem Sanctis perpetua claritate splendida, sed non nisi à longè

gè & per speculum peregrinantibus in terra.

Iob 7. 2 Norunt cæli ciues, quàm gaudiosa sit illa: gemunt exules filij Euæ, quòd amara & tædiofa sit ista. Dies huius temporis parui & mali, pleni doloribus & angustiiis: vbi homo multis peccatis inquinatur, multis passionibus irretitur, multis timoribus stringitur, multis curis distenditur, multis curiositatibus distrahitur, multis vanitatibus implicatur, multis erroribus circumfunditur, multis laboribus atteritur, tentationibus grauatur, deliciis eneruatur, egestate cruciatur.

Rom. 7. 3 O quando finis horum malorum: quando liberabor à misera seruitute
Pf. 70. vitiorum? quando memorabor Domine tui solius? quando ad plenum lætabor in te? Quando ero sine omni impedimento in vera libertate, sine omni grauamine mentis & corporis? Quādo erit pax solida, pax imperturbabilis & secura, pax intus & foris, pax ex omni parte firma? Iesu bone, quando stabo ad videndum te? quando contemplantur gloriam regni tui? quan-

quando eris mihi omnia in omnibus?
 O quando ero tecum in regno tuo,
 quod præparasti dilectis tuis ab æter-
 no? Relictus sum pauper & exul in
 terra hostili, vbi bella quotidiana, &
 infortunia maxima.

4 Consolare exilium meum, mitiga
 dolorem meum, quia ad te suspirat
 omne desiderium meum. Nam onus
 mihi totum est, quidquid hic mundus
 offert ad solatium. Desidero te intimè
 frui, sed nequeo apprehendere. Opto
 inhærere cælestibus, sed deprimunt
 res temporales, & immortificatæ pas-
 siones. Mente omnibus rebus super-
 esse volo, carne autem inuitè subesse
 cogor. Sic ego homo infelix mecum *Rom. 7.*
 pugno, & factus sum mihi metipsi *& 8.*
 grauis, dum spiritus sursum, & caro
 quærit esse deorsum.

5 O quid intus patior, dum mente
 cælestia tracto, & mox carnalium tur-
 ba occurrit oranti! Deus meus, ne e- *Psal. 70*
 longeris à me, neque declines in ira à
 seruo tuo. Fulgura conuulsionem
 tuam, & dissipa eas: emitte sagittas
 tuas, & conturbentur omnes phanta-
 siæ inimici. Recollige sensus meos ad
 te:

te: fac me obliuisci omnium munda-
 norum: da citò abiicere, & contemne-
 re phantasmata vitiorum. Succurre
 mihi æterna Veritas, vt nulla me mo-
 ueat vanitas. Adueni cælestis suaui-
 tas, & fugiat à facie tua omnis impu-
 ritas. Ignosce quoque mihi, & mise-
 ricorditer indulge, quoties præter te
 aliud in oratione reuoluo. Confiteor
 etenim verè, quia valdè distractè me
 habere consueui. Nam ibi multoties
 non sum, vbi corporaliter sto aut se-
 deo: sed ibi magis sum, quò cogitatio-
 nibus feror. Ibi sum, vbi cogitatio
 mea est. Ibi est frequenter cogitatio
 mea, vbi est quod amo. Hoc mihi citò
 occurrit quod naturaliter delectat, aut
 ex vsu placet.

Mat. 6. 6 Vnde tu Veritas apertè dixisti: Vbi
 enim est thesaurus tuus, ibi est & cor-
 ruum. Si cælum diligo, libenter de
 cælestibus penso. Si mundum amo,
 mundi felicitatibus congaudeo, & de
 aduersitatibus eius tristor. Si carnem
 diligo, carnis sunt sæpè imagi-
 nor. Si spiritum amo, de spiritualibus
 cogitare delector. Quæcumque enim
 diligo, de his libenter loquor, & au-
 dio,

dio, atque talium imagines mecum ad domum reporto. Sed beatus ille homo, qui propter te Domine, omnibus creaturis licentiam abeundi tribuit: qui naturæ vim facit, & concupiscentias carnis feruore spiritus crucifigit: vt serenata conscientia, puram tibi orationem offerat, dignusque sit angelicis interesse choris, omnibus terrenis foris & intus exclusis.

Matth.

19.

CAP. XLIX.

*De desiderio aterna vite, &
quanta sint certantibus bona
promissa.*

FILI, cùm tibi desiderium æternæ beatitudinis desuper infundis, & de tabernaculo corporis exire concupiscis, vt claritatem meam sine vicissitudinis vmbra contemplari possis: dilata cor tuum, & omni desiderio hanc sanctam inspirationem suscipe. Redde amplissimas supernæ bonitati gratias, quæ tecum sic dignanter agit, clementer visitat, ardentem excitat,

citat, potenter subleuat, ne proprio pondere ad terrena labaris. Neque enim hoc cogitatu tuo aut conatu accipis, sed sola dignatione supernæ gratiæ & diuini adspæctus: quatenus in virtutibus & maiori humilitate proficias, & ad futura certamina te præpares, mihiq; toto cordis affectu adhærere, ac feruenti voluntate studeas deferuire.

2 Fili, sæpè ignis ardet, sed sine fumo flamma non ascendit. Sic & aliquorum desideria ad cælestia flagent, & tamen à tentatione carnalis affectus liberi non sunt. Idcirco nec omnino purè pro honore Dei agunt, quod tam desideranter ab eo petunt. Tale est & tuum sæpè desiderium, quod insinuasti fore tam importunum. Non enim est hoc purum & perfectum, quod propria commoditate est infectum.

3 Pete, non quod tibi est delectabile & commodum, sed quod mihi est acceptabile atque honorificum: quia si rectè iudicas, meam ordinationem, tuo desiderio & omni desiderato, præferre debes ac sequi. Noui desiderium
tuum,

tuum, & frequentes gemitus audiui. Iam velles esse in libertate gloriæ filiorum Dei: iam te delectat domus æterna & cælestis patria gaudio plena, sed nondum venit hora ista: sed est *Iob 7.* adhuc aliud tempus, scilicet tempus belli, tempus laboris & probationis. Optas summo repleti bono, sed non potes hoc assequi modò. Ego sum: expecta me (dicit Dominus) donec veniat regnum Dei.

4 Probandus es adhuc in terris, & in multis exercitandus. Consolatio tibi interdum dabitur, sed copiosa satietas non concedetur. Confortare igitur, & *Iosue 1.* esto robustus, tam in agendo quàm in patiendi naturæ contraria. Oportet te *Eph. 4.* nouum induere hominem, & in alterum virum mutari. Oportet te sæpè agere, quod non vis: & quod vis, oportet relinquere. Quod aliis placet, processum habebit: quod tibi placet, vltra non proficiet. Quod alij dicunt, audietur: quod tu dicis, pro nihilo computabitur. Petent alij, & accipient; tu petes, nec impetrabis.

5 Erunt alij magni in ore hominum,
de te

de te autem tacebitur. Aliis hoc vel illud committetur, tu autem ad nihil vtile iudicaberis. Propter hoc natura quandoque contristabitur, & magnum, si filens portaueris. In his & similibus multis, probari solet fidelis Domini seruus: qualiter se abnegare, & in omnibus frangere quierit. Vix est aliquid tale, in quo tantumdem mori indiges, sicut videre & pati, quæ voluntati tuæ aduersa sunt: maximè autem, cùm disconuenientia, & quæ minùs vtilia tibi apparent, fieri iubentur. Et quia non audes resistere altiori potestati, sub dominio constitutus: ideò durum tibi videtur, ad nutum alterius ambulare, & omne proprium sentire, omittere.

6 Sed pensa fili, horum fructum laborum, celerem finem, atque præmium nimis magnum: & non habebis inde grauamen, sed fortissimum patientiæ tuæ solamen. Nam & pro modica hac voluntate, quam nunc sponte deseris, habebis semper voluntatem tuam in cælis. Ibi quippe inuenies omne, quod volueris: omne, quod

quod desiderare poteris. Ibi aderit tibi totius facultas boni, sine timore amittendi. Ibi voluntas tua vna semper mecum, nil cupiet extraneum vel priuatum. Ibi nullus resistet tibi, nemo de te conqueretur, nemo impediet, nihil obuiabit: sed cuncta desiderata simul erunt præsentia, totumque affectum tuum reficient, & adimplebunt vsque ad summum. Ibi reddam gloriam, pro contumelia perpeſsa: pallium laudis, pro mærore: pro loco nouissimo, sedem regni in secula. Ibi apparebit fructus obedientiæ, gaudebit labor pœnitentiæ, & humilis subiectio coronabitur gloriôsè.

7 Nunc ergo inclina te humiliter, sub omnium manibus: nec sit tibi curæ, quis hoc dixerit vel iusserit. Sed hoc magnoperè curato, vt siue prælatus, seu iunior, aut æqualis, aliquid à te exposcerit vel innuerit, pro bono totum accipias, & sincera voluntate studeas adimplere. Quærat alius hoc, alius illud: glorietur ille in illo, & iste in isto, laudeturque millies mille: tu autem nec in isto, nec in illo, sed in tui ipsius gaude contemptu, & in

K

mei

mei solius beneplacito ac honore. Hoc optandum est tibi , vt siue per vitam, siue per mortem , Deus semper in te glorificetur.

CAP. L.

Qualiter homo desolatus, se debet in manus Dei offerre.

IDOMINE Deus sancte Pater, Nunc & in æternum benedictus : quia sicut vis , sic factum est : & quod facis, bonum est. Lætetur in te seruus tuus , non in se , nec in aliquo alio: quia tu solus lætitia vera , tu spes mea & corona mea, tu gaudium meum & honor meus, Domine. Quid habet
 1. Co. 4. seruus tuus , nisi quod à te accepit, etiam sine merito suo? Tua sunt omnia, quæ dedisti & quæ fecisti. Pauper sum, & in laboribus meis à iuuentute mea : & contristatur anima mea nonnumquam vsque ad lachrymas: quandoque etiam conturbatur ad se , propter imminentes passionem.

2 Desidero pacis gaudium , pacem filiorum tuorum flagito , qui in lumine consolationis à te pascuntur. Si
 das

das pacem, si gaudium sanctum infundis, erit anima serui tui plena modulatione, & deuota in laude tua. Sed si te subtraxeris, sicut sæpissimè soles, non poterit currere viam mandatorum tuorum: sed magis ad tundendum pectus gentia eius incuruantur, quia non est illi sicut heri & nudiustertius, quando splendebat lucerna tua super caput eius, & sub vmbra alarum tuarum protegebatur à tentationibus irruentibus.

3 Pater iuste & semper laudande, venit hora vt probetur seruus tuus. Pater amande, dignum est, vt hac hora patiatur pro te aliquid seruus tuus. Pater perpetuè venerande, venit hora, quam ab æterno præsciebas affuturam: vt ad modicum tempus succumbat foris seruus tuus, viuat verò semper apud te intus. Paululum vilipendatur, humilietur, & deficiat coram hominibus, passionibus conteratur & languoribus: vt iterum tecum in auro nouæ lucis resurgat, & in cælestibus clarificetur. Pater sancte, tu sic ordinasti, & sic voluisti: & hoc factum est, quod ipse præcepisti.

K 2

4 Hæc

4 Hæc est enim gratia ad amicum tuum, pati & tribulari in mundo pro amore tuo, quotiescumque, & à quocumque id permiseris fieri. Sine consilio & prouidentia tua, & sine causa, *Pf. 118.* nihil fit in terra. Bonum mihi, Domine, quòd humiliasti me : vt discam iustificationes tuas, & omnes elationes cordis, atque præsumptiones abiciam. Vtile mihi, quòd confusio cooperuit faciem meam: vt te potiùs, quàm homines, ad consolandum requiram. Didici etiam ex hoc, inscrutabile iudiciũ tuum expauescere: qui affligis iustum cum impio, sed non sine æquitate & iustitia.

5 Gratiarum tibi ago, quia non percisti malis meis, sed attriuiſti me verberibus amaris, infligens dolores, & immittens angustias foris & intus. Non est, qui me conſoletur ex omnibus, quæ sub cælo sunt, nisi tu. Domine Deus meus, cælestis medicus animarum: qui percutis & sanas, deducis ad inferos & reducis. *Tob. 13. Pf. 17.* Disciplina tua super me, & virga tua ipsa me docebit.

6 Ecce Pater dilecte, in manibus tuis sum

sum ego, sub virga correctionis tuæ me inclino : percutere dorsum meum, & collum meum, vt incuruem ad voluntatem tuam, tortuositatem meam. Fac me pium & humilem discipulum, sicut benè facere consueuisti, vt ambulem ad omnem nutum tuum. Tibi me, & omnia mea, ad corrigendum commendo : melius est hîc corripî, quàm in futuro. Tu scis omnia & singula, & nil te latet in humana conscientia. Antequam fiant, nosti ventura; & non opus est tibi, vt quis te doceat, aut admoneat de his quæ gerantur in terra. Tu scis, quid expedit ad profectum meum, & quantum deseruit tribulatio, ad rubiginem vitiorum purgandam. Fac mecum desideratum beneplacitum tuum, & ne despicias peccaminosam vitam meam, nulli meliùs nec clariùs, quàm tibi soli notam.

7 Da mihi Domine scire, quod sciendum est: hoc amare, quod amandum est: hoc laudare, quod tibi summè placet: hoc reputare, quod tibi pretiosum apparet: hoc vituperare, quod oculis tuis sordescit. Non me

finas secundum visionem oculorum exteriorum iudicare, neque secundum auditum aurium hominum imperitorum sententiare: sed in iudicio vero, de visibilibus & spiritualibus discernere, atque super omnia voluntatem beneplaciti tui, semper inquirere.

8 Falluntur sæpè hominum sensus in iudicando: falluntur & amatores sæculi, visibilia tantummodò amando. Quid est homo inde melior, quia reputatur ab homine maior? Fallax fallacem, vanus vanum, cæcus cæcum, infirmus infirmum, decipit dum exultat: & veraciter magis confundit, dum inaniter laudat. Nam quantum unusquisque est in oculis tuis, tantum est, & non amplius, ait humilis sanctus Franciscus.

Bonau.
in vita
eius,
cap.6.

CAP. LI.

Quòd humilibus insistendum est operibus, cùm deficitur à summis.

FILI, non vales semper in feruentiori desiderio virtutum stare, nec in altiori gradu contemplationis consi-

consistere: sed necesse habes interdum, ob originalem corruptelam, ad inferiora descendere: & onus corruptibilis vitæ, etiam inuitè, & cum tædio, portare. Quamdiu mortale corpus geris, tædium senties, & grauiamen cordis. Oportet ergo sæpè in carne, de carnis onere gemere: eò quòd non vales spiritualibus studiis, & diuinæ contemplationi indefinenter inhaerere.

2 Tunc expedit tibi ad humilia & exteriora opera confugere, & in bonis actibus te recreare: aduentum meum & supernam visitationem, firma confidentia expectare: exilium tuum, & ariditatem mentis patienter sufferre, donec iterum à me visiteris, & ab omnibus anxietatibus libereris. Nam faciam te laborum obliuisci, & interna quiete perfrui. Expandam coram te prata Scripturarum, vt dilatato corde, currere incipias viam mandatorum meorum. Et dices: Non sunt condignæ passionēs huius temporis, ad futuram gloriam, quæ reuelabitur in nobis.

K 4

CAP.

CAP. LII.

Quòd homo non reputet se consolatione dignum, sed magis verberibus reum.

DOMINE, non sum dignus consolatione tua, nec aliqua spiritali visitatione: & ideò iustè mecum agis, quando me inopem & desolatum relinquis. Si enim ad instar maris lachrymas fundere possem, adhuc consolatione tua dignus non essem. Vnde nihil dignus sum; quàm flagellari & puniri: quia grauitè & sæpè te offendi, & in multis valdè deliqui. Ergo vera pensata ratione, nec minima sum dignus consolatione. Sed tu clemens & misericors Deus, qui non vis perire opera tua, ad ostendendum diuitias bonitatis tuæ in vasa misericordiæ, etiam præter omne proprium meritum, dignaris consolari seruum tuum supra humanum modum. Tuæ enim consolationes, non sunt sicut humanæ confabulationes.

2 Quid egi Domine, vt mihi cōferres aliquam caelestem consolationem?

Ego

Ego nihil boni me egisse recolo, sed semper ad vitia pronum, & ad emendationem pigrum fuisse. Verum est, & negare non possum. Si aliter dicerem, *Iob 9.* tu stares contra me, & non esset qui defenderet. Quid merui pro peccatis meis, nisi infernum, & ignem æternum? In veritate confiteor, quoniam dignus sum omni ludibrio & contemptu, nec decet me inter tuos deuotos commemorari. Et licet hoc ægrè audiam, tamen aduersum me, pro veritate, peccata mea arguam, vt facilius misericordiam tuā merear impetrare.

§ Quid dicam reus, & omni confusione plenus? Non habeo os loquendi, nisi hoc tantum verbum: Peccaui *Psal. 50* Domine, peccaui: miserere mei, ignosce mihi. Sine me paululum, vt *Iob 10.* plangam dolorem meum, antequam vadam ad terram tenebrosam, & opertam mortis caligine. Quid tam maximè à reo & misero peccatore requiris, nisi vt conteratur, & humiliet se pro delictis suis? In vera contritione & cordis humiliatione, nascitur spes veniæ, reconciliatur perturbata conscientia, reparatur gratia perdita.

K § tue-

tuetur homo à futura ira, & occurrunt sibi mutuò in osculo sancto, Deus & pœnitens anima.

Pf. 50. 4 Humilis peccatorum contritio, acceptabile tibi est Domine sacrificium, longè suaviùs odorans in conspectu tuo, quàm thuris incensum.

Luce 7. Hæc est gratum etiam vnguentum, quod sacris pedibus tuis infundi vo-

Pf. 50. luisti : quia cor contritum & humiliatum, numquã despexisti. Ibi est locus refugij, à facie iræ inimici. Ibi emendatur & abluitor, quidquid aliunde contractum est & inquinatum.

CAP. LIII.

Quòd gratia Dei, non miscetur terrena sapientibus.

FILI, pretiosa est gratia mea, non patitur se misceri extraneis rebus, nec consolationibus terrenis. Abiicere ergo oportet omnia impedimenta gratiæ, si optas eius infusionem suscipere. Pete secretum tibi, ama solus habitare tecum, nullius requirere confabulationem : sed magis ad Deum deuotam effunde precem, vt
compun-

compunctam teneas mentem, & puram conscientiam. Totum mundum nihil æstima : Dei vacationem, omnibus exterioribus antepone. Non enim poteris mihi vacare, & in transitoriis pariter delectari. A notis & *Mat. 19* à charis oportet elongari, & ab omni temporali solatio mentem tenere priuatam. Sic obsecrat B. Apostolus *1. Pet. 2* Petrus, vt tamquam aduenas & peregrinos in hoc mundo se contineant Christi fideles.

2 O quanta fiducia erit morituro, quem nullius rei affectus detinet in mūdo. Sed sic segregatum cor habere ab omnibus, æger necdum capit animus, nec animalis homo nouit interni hominis libertatem. Attamen si verè velit esse spiritualis, oportet eum renuntiare tam remotis quàm propinquis: & à nemine magis cauere, quàm à seipso. Si temetipsum perfectè viceris, cetera faciliùs subiugabis. Perfecta victoria est, de semetipso triumphare. Qui enim semetipsum subiectum tenet, vt sensualitas rationi, & ratio in cunctis obediat mihi, hic verè victor est sui, & dominus mundi.

K 6

3 Si

3 Si ad hunc apicem scādere gliscis, oportet viriliter incipere, & securim ad radicem ponere, vt euellas & destruas occultam inordinatam inclinationem ad teipsum, & ad omne priuatū & materiale bonum. Ex hoc vitio, quòd homo semetipsum nimis inordinatè diligit, pænè totum pender, quidquid radicaliter vincendum est. Quo deuicto & subacto malo, pax magna, & tranquillitas erit continuè. Sed quia pauci sibiipsis perfectè mori laborant, nec plenè extra se tendunt, propterea in se implicati remanent, nec supra se in spiritu eleuari possunt. Qui autem liberè mecum ambulare desiderat, necesse est, vt omnes prauas & inordinatas affectiones suas mortificet, atque nulli creaturæ, priuato amore, concupiscenter inhæreat.

CAP. LIV.

*De diuersis motibus naturæ,
& gratiæ.*

FILI, diligenter aduerte motus naturæ & gratiæ, quia valdè contrariè & subtiliter mouentur : & vix, nisi

nisi à spirituali & intimo illuminato homine, discernuntur. Omnes quidem bonum appetunt, & aliquid boni in suis dictis vel factis prætendunt, ideò sub specie boni multi falluntur. Natura callida est, & multos trahit, illaqueat, & decipit, & se semper pro fine habet. Sed gratia simpliciter ambulat, & ab omni specie mala declinat: fallacias non prætendit, & omnia purè propter Deum agit, in quo & finaliter requiescit.

2 Natura inuitè vult mori, nec premi, nec superari, nec subesse, nec spontè subiugari. Gratia verò studet mortificationi proprię, resistit sensuallitati, quærit subiici, appetit vinci, nec propria vult libertate fungi: sub disciplina amat teneri, nec alicui cupit dominari, sed sub Deo semper viuere, stare, & esse: atque propter Deum, omni humanæ creaturæ humiliter parata est inclinari. Natura pro suo commodo laborat, & quid lucri ex alio sibi proueniat, attendit. Gratia autem, non quid sibi vtile & commodum sit, sed quod multis proficiat magis considerat. Natura libenter

honorem & reuerentiam accipit: Gratia verò omnem honorem & gloriam, Deo fideliter attribuit.

3 Natura confusionem timet & contemptum: Gratia autem gaudet pro nomine Iesu pati contumeliam. Natura otium amat, & quietem corporalem: Gratia verò vacua esse non potest, sed libenter amplectitur laborem. Natura querit habere curiosa & pulchra, abhorret vilia & grossa: Gratia verò, simplicibus delectatur & humilibus, aspera non aspernatur, nec vetustis refugit indui pannis. Natura respicit temporalia, gaudet ad lucra terrena, tristatur de damno, irritatur leui iniuriæ verbo: Sed gratia attendit æterna, non inhæret temporalibus, nec in perditione rerum turbatur, neque verbis durioribus acerbatur: quia thesaurum suum & gaudium in cælo, vbi nil perit, constituit.

4 Natura cupida est, & libentiùs accipit, quàm donat, amat propria & priuata: Gratia autem pia est & communis, vitat singularia, contentatur paucis, beatiùs dare iudicat quàm accipere. Natura inclinat ad
crea-

creaturas, ad carnem propriam, ad vanitates & discursus : Sed gratia trahit ad Deum & ad virtutes : renuntiat creaturis , fugit mundum, odit carnis desideria, restringit euagationes, erubescit in publico apparere. Natura libenter aliquod solatium habet externum , in quo delectetur ad sensum : Sed gratia, in solo Deo quærit consolari , & in summo bono super omnia visibilia delectari.

5 Natura totum agit propter lucrum & commodum proprium , nihil gratis facere potest , sed aut æquale , aut melius, aut laudem, vel fauorem pro benefactis consequi sperat : & multum ponderari sua gesta & dona concupiscit : Gratia verò , nil temporale quærit , nec aliud præmium quàm Deum solum , pro mercede postulat : nec amplius de temporalibus necessariis desiderat , nisi quantum hæc sibi ad assequutionem æternorum valeant deferuire.

6 Natura gaudet de amicis multis & propinquis, gloriatur de nobili loco , & ortu generis : arridet potentibus, blāditur diuitibus, applaudit sibi
simi-

similibus. Gratia autem, & inimicos diligit, nec de amicorum turba extollitur; nec locum, nec ortum natalium reputat, nisi virtus maior ibi fuerit: fauet magis pauperi quàm diuiti, compatitur plus innocenti quàm potenti, congaudet veraci non fallaci: exhortatur semper bonos, meliora charismata æmulari, & filio Dei per virtutes assimilari. Natura de defectu & molestia citò conqueritur: Gratia constanter fert inopiam.

7 Natura omnia ad se reflectit, pro se certat & arguit. Gratia autem ad Deum cuncta reducit, vnde originaliter emanant: nihil boni sibi adscribit, nec arroganter præsumit; non contendit, nec suam sententiam aliis præfert: sed in omni sensu & intellectu, æternæ sapientiæ ac diuino examini, se submittit. Natura appetit scire secreta, & noua audire: vult exteriùs apparere, & multa per sensus experiri: desiderat agnosci & agere, vnde laus & admiratio procedit. Sed gratia non curat noua, nec curiosa percipere: quia totum hoc de vetustate corruptionis est ortum, cùm nihil nouum & dura-

& durable sit super terram. Docet itaque sensus restringere, vanam complacentiam & ostentationem deuitare, laudanda & dignè miranda, humiliter abscondere, & de omni re, & in omni scientiâ, vtilitatis fructum, atque Dei laudem & honorem quærere. Non vult se nec sua prædicari, sed Deum in donis suis optat benedici, qui cuncta ex mera charitate largitur.

8 Hæc gratia supernaturale lumen, & quoddam Dei speciale donum est, & propriè electorum signaculum, & pignus salutis æternæ: quæ hominem de terrenis ad cælestia amanda sustollit, & de carnali spirituales efficit. Quantò igitur natura ampliùs premitur & vincitur, tantò maior gratia infunditur, & quotidie nouis visitationibus interior homo, secundum imaginem Dei, reformatur.

CAP.

CAP. LV

De corruptione naturæ, & efficacia gratiæ diuinæ.

Gen. 1. **I** DOMINE Deus meus, qui me creasti ad imaginem & similitudinem tuam, concede mihi hanc gratiam, quam ostendisti tam magnam, & necessariam ad salutem: ut vincam pessimam naturam meam, trahentem ad peccata & in perditionem.

Rom. 7. Sentio enim in carne mea legem peccati, contradicentem legi mentis meæ, & captiuam me ducentem ad obediendum sensualitati in multis: nec possum resistere passionibus eius, nisi assistat tua sanctissima gratia, cordi meo ardenter infusa.

Gen. 8. 2 Opus est gratia tua, & magna gratia: ut vincatur natura, ad malum semper prona ab adolescentia sua. Nam per primum hominem Adam lapsa, & vitata per peccatum, in omnes homines pœna huius maculæ descendit: ut ipsa natura, quæ benè & recta à te condita fuit, pro vitio iam, & infirmitate corruptæ naturæ ponatur, eò quòd

quòd motus eius sibi relictus, ad malum & inferiora trahat. Nam modica vis, quæ remansit, est tamquam scintilla quædam latens in cinere. Hæc est ipsa ratio naturalis, circumfusa magna caligine, adhuc iudicium habens boni & mali, veri falsiq; distantiam, licet impotens sit adimplere omne quod approbat, nec pleno iam lumine veritatis, nec sanitate affectionum suarum potiatur.

3 Hinc est Deus meus, quòd con- *Rom. 7.*
delector legi tuæ secundum interiorē hominem, sciens mandatum tuum fore bonum, iustum & sanctum, arguens etiam omne malum, & peccatum fugiendum. Carne autem seruo legi peccati, dum magis sensualitati obedio, quàm rationi. Hinc est, quòd velle bonum mihi adiacet, perficere autem non inuenio. Hinc sæpè multa bona propono, sed quia gratia deest ad adiuuandum infirmitatem meam, ex leui resistantia resilio & deficio. Hinc accidit, quòd viam perfectionis agnosco, & qualiter agere debeam, clarè satis video: sed propriæ corruptionis pondere pressus,

pressus, ad perfectiora non assurgo.

4 O quàm maximè est mihi necessaria, Domine, tua gratia, ad inchoandum bonum, ad proficiendum, & *Iean. 15.* ad perficiendum. Nam sine ea nihil possum facere: omnia autem possum in te, confortante me gratia. O verè caelestis gratia, sine qua nulla sunt propria merita, nulla quoque dona naturæ ponderanda! Nihil artes, nihil diuitiæ, nihil pulchritudo vel fortitudo: nihil ingenium vel eloquentia, valent apud te Domine sine gratia. Nam dona naturæ, bonis & malis sunt communia: electorum autem proprium donum est gratia siue dilectio, qua insigniti, digni habentur vita æterna. Tantum eminet hæc gratia, ut nec donum prophetiæ, nec signorum operatio, nec quantalibet alta speculatio, aliquid æstimetur sine ea. *1. Cor. 13.* Sed neque fides, neque spes, neque aliæ virtutes, tibi acceptæ sunt sine charitate & gratia.

5 O beatissima gratia, quæ pauperem spiritu, virtutibus diuitem facis: & diuitem multis bonis, humilem corde reddis. Veni descende ad me;
reple

reple me manè consolatione tua, ne deficiat præ lassitudine & ariditate mentis anima mea. Obsecro Domine, vt inueniam gratiam in oculis tuis: sufficit enim mihi gratia tua, ceteris non obtentis, quæ desiderat natura. Si fuero tentatus & vexatus tribula- *Pf. 22.* tionibus multis, non timebo mala, dum mecum fuerit gratia tua. Ipsa fortitudo mea, ipsa consilium confert & auxilium. Cunctis hostibus potentior est, & sapientior vniuersis sapientibus.

6 Magistra est veritatis, doctrix disciplinæ, lumen cordis, solamen pressuræ, fugatrix tristitiæ, ablatrix timoris, nutrix deuotionis, productrix lachrymarum. Quid sum sine ea, nisi aridum lignum, & stips inutilis ad eiciendum? Tua ergo me Domine gratia semper præueniat, & sequatur, ac bonis operibus iugiter præstet esse inuentum, per Iesum Christum filium tuum. Amen.

CAP.

CAP. LVI.

Quòd nos ipsos abnegare, & Christum imitari, debemus per crucem.

ILLI, quantum à te vales exire, tantum in me poteris transire. Sicut nihil foris concupiscere, internam pacem facit; sic se interiùs relinquere, Deo coniungit. Volo te addiscere perfectam abnegationem tui in voluntate mea, sine contradictione & querela. Sequere me: Ego sum via, veritas, & vita. Sine via, non itur; sine veritate, non cognoscitur; sine vita, non viuitur. Ego sum via, quam sequi debes; veritas, cui credere debes; vita, quam sperare debes. Ego sum via inuiolabilis, veritas infallibilis, vita interminabilis. Ego sum via rectissima, veritas suprema, vita vera, vita beata, vita increata. Si manseris in via mea, cognosces veritatem, & veritas liberabit te, & apprehendes vitam æternam.

Mat. 19 2 Si vis ad vitam ingredi, serua mandata. Si vis veritatem cognoscere, crede mihi. Si vi perfectus esse, vende omnia.

omnia. Si vis esse discipulus meus, ab- *Luc. 9.*
 nega teipsum. Si vis beatam vi-
 tam possidere, præsentem vitam con-
 temne. Si vis exaltari in cælo, humilia *Ioan. 12.*
 te in mundo. Si vis regnare mecum, *Luc. 14.*
 porta crucem mecum. Soli enim serui
 crucis inueniunt viam beatitudinis, &
 veræ lucis.

3 Domine Iesu, quia arcta est vita
 tua, & mundo despecta, dona mihi te
 cum mundi despectu imitari. Non *Mat. 7.*
 enim maior est seruus domino suo, *Luc. 6.*
 nec discipulus supra magistrum. Exer-
 ceatur seruus tuus in vita tua, quia ibi
 est salus mea, & sanctitas vera. Quid-
 quid extra eam lego, vel audio, non
 me recreat, nec delectat plenè.

4 Fili, quia hæc scis, & legisti omnia;
 beatus eris, si feceris ea. Qui habet *Ioan. 14*
 mandata mea, & seruat ea, ipse est, qui
 diligit me: & ego diligam eum, &
 manifestabo ei meipsum: & faciam
 eum confedere mecum in regno. Pa-
 tris mei. Domine I E S U, sicut dixi-
 sti & promisisti, sic vtique fiat, & mihi
 promereri contingat. Suscepi, suscepi
 de manu tua crucem, portabo, & por-
 tabo eam vsque ad mortem, sicut im-
 posui-

posuisti mihi. Verè vita boni monachi, crux est, & dux paradisi. Inceptum est, retrò abire non licet, nec relinquere oportet.

¶ Eia fratres, pergamus simul, Iesus erit nobiscum : propter Iesum suscepimus hanc crucem : propter Iesum perseueremus in cruce. Erit adiutor noster, qui est dux noster, & præcessor. En, rex noster ingreditur ante nos, qui pugnabit pro nobis. Sequamur viriliter, nemo metuat terrores; simus parati mori fortiter in bello, nec inferamus crimen gloriæ nostræ, vt fugiamus à cruce.

CAP. LVII.

*Quòd homo non sit nimis deiectus,
quando in aliquos labitur
defectus.*

FILI, magis placent mihi patientia & humilitas in aduersis, quàm multa consolatio & deuotio in prosperis. Vt quid te contristat, paruum factum contra te dictum? Si amplius fuisset, commoueri non debuisses. Sed nunc permitte transire: non est primum,

num, nec nouum, nec vltimum erit, si diu vixeris. Satis virilis es, quamdiu nil obuiat aduersi: Benè etiam cōsulis, & alios nosti roborare verbis: sed cū ad ianuam tuam venit repentina tribulatio, deficiis consilio & robore. Attende magnam fragilitatem tuam, quam sapiūs experiris in modicis obiectis: tamen pro salute tua ista fiunt, cū hæc & similia contingunt.

2 Pone, vt melius nosti ex corde: & si te tetigit, non tamen deiiciat, nec diu implicet. Ad minus sustine patienter, si non potes gaudenter. Etiam si minus libenter audis, & indignationem sentis: reprime te, nec patiaris aliquid inordinatum ex ore tuo exire, vnde paruuli scandalizentur. Citò conquiescet commotio excitata, & dolor internus reuertente dulcorabitur gratia. Adhuc viuo ego (dicit Dominus) *Is. 49.* iuuare te paratus, & solito amplius consolari; si confisus fueris mihi, & deuotè inuocaueris.

3 Animæ quior esto, & ad maiorem sustinētiam accingere. Non est totum frustratum, si te sapiūs percipis tribulatum, vel grauiter tentatum, Homo
 . L es,

es, & non Deus: caro es, non Angelus. Quomodo tu posses semper in eodem statu virtutis permanere, quando hoc defuit angelo in cælo, & primo homini in paradiso? Ego sum, qui mœrentes erigo sospitate: & suam cognoscentes infirmitatem, ad meam proueho diuinitatem.

Genes. 3. 4 Domine, benedictum sit verbum tuum, dulce super mel & fauim, ori meo. Quid facerem in tantis tribulationibus & angustis meis, nisi me confortares tuis sanctis sermonibus? Dummodò tandem ad portum salutis perueniam, quid curæ est, quæ & quanta passus fuero? Da finem bonum: da felicem ex hoc mundo transitum. Memento mei Deus meus, & dirige me recto itinere, in regnum tuum. Amen.

C A P. L V I I I.

De altioribus rebus, & occultis iudiciis Dei, non scrutandis.

FILI, caueas disputare de altis materiis, & de occultis Dei iudiciis: cur iste sic relinquitur, & ille ad tantam

tam gratiam assumitur. Cur etiam iste tantum affligitur, & ille tam eximie exaltatur. Ista omnem humanam facultatem excedunt: nec ad inuestigandum iudicium diuinum, vlla ratio praualet, vel disputatio. Quando ergo hæc tibi suggerit inimicus, vel etiam quidam curiosi inquirunt homines, responde illud Prophetæ: Iustus es Domine, & rectum iudiciū tuum. Et illud: Iudicia Domini vera, iustificata in semetipsa. Iudicia mea metuenda sunt, non discutienda, quia humano intellectui sunt incomprehensibilia. *Pf. 118. Psal. 18.*

2. Noli etiam inquirere, nec disputare de meritis Sanctorum, quis alio sit sanctior, aut quis maior fuerit in regno cælorum. Talia generant sæpè lites & contentiones inutiles, nutriunt quoq; superbiam & vanam gloriam: vnde oriuntur inuidiæ & dissensiones, dum iste illum Sanctum, & alius alium conatur superbè præferre. Talia autem velle scire & inuestigare, nullum fructum afferunt, sed magis Sanctis displicent: quia non sum Deus dissensionis, sed pacis, quæ pax magis

L 2 in

in humilitate vera, quàm in propria exaltatione consistit.

3 Quidam zelo dilectionis, trahuntur ad hos vel ad illos ampliori affectu, sed humano potiùs quàm diuino. Ego sum, qui cunctos condidi Sãctos, ego donavi gratiam: ego præstiti gloriam. Ego novi singulorum merita; ego præveni eos in benedictionibus dulcedinis meæ. Ego præsciui dilectos ante sæcula; ego eos elegi de mundo, non ipsi me præelegerunt. Ego vocavi per gratiam, attraxi per misericordiam: ego perduxì eos per tentationes varias. Ego infudi consolationes magnificas; ego dedi perseverantiam: ego coronavi eorum patientiam.

4 Ego primum & nouissimum agnosco; ego omnes inæstimabili dilectione amplector. Ego laudandus sum in omnibus Sanctis meis; ego super omnia benedicendus sum, & honorandus in singulis, quos sic gloriosè magnificavi & prædestinaui, sine ullis præcedentibus propriis meritis. Qui ergo vnum de minimis meis contemplerit, nec magnum honorat; quia pusillum & magnum ego feci. Et qui dero-

derogat alicui Sanctorum, derogat & mihi, & ceteris omnibus in regno cælorum. Omnes vnum sunt per charitatis vinculum: idem sentiunt, idem volunt, & omnes in vnum se diligunt.

5 Adhuc autem (quod multo altius est) plus me, quam se & sua merita, diligunt. Nam supra se rapti, & extra propriam dilectionem tracti, toti in amorem mei pergunt, in quo & fruiuè quiescunt. Nihil est, quod eos auertere possit aut deprimere: quippe qui æterna veritate pleni, igne ardescunt inextinguibilis charitatis. Taceant igitur carnales & animales homines, de Sanctorum statu differere, qui non norunt nisi priuata gaudia diligere. Demunt & addunt, pro sua inclinatione, non prout placet æternæ veritati.

6 In multis est ignorantia, eorum maximè, qui parum illuminati, raro aliquem perfectâ dilectione spirituali diligere norunt. Multum adhuc naturali affectu & humana amicitia, ad hos vel ad illos trahuntur: & sicut in inferioribus se habent, ita &

de cælestibus, imaginantur. Sed est distantia incomparabilis, quæ imperfecti cogitant, & quæ illuminati viri per reuelationem supernam speculantur.

Eccli. 3. 7 Caue ergo fili, de istis curiosè tractare, quæ tuam scientiam excedunt: sed hoc magis satage & intende, ut vel minimus in regno Dei queas inueniri. Etsi quispiam sciret, quis alio sanctior esset, vel maior haberetur in regno cælorum: quid ei hæc notitia prodesset, nisi se ex hac cognitione coram me humiliaret, & in maiorem nominis mei laudem exurgeret? Multò acceptius Deo facit, qui de peccatorum suorum magnitudine, & virtutum suarum paruitate cogitat, & quàm longè à perfectione Sanctorum distat; quàm is, qui de eorum maioriâ vel paruitate disputat. Melius est Sanctos deuotis precibus & lachrymis exorare, & eorum gloriosa suffragia humili mente implorare; quàm eorum secreta, vana inquisitione perscrutari.

8 Illi benè & optimè contentantur, si homines scirent contentari, & vaniloquia

niloquia sua compeſcere. Non gloriantur de propriis meritis, quippe qui ſibi nihil bonitatis adſcribunt, ſed totum mihi, quoniam iſtis cuncta ex infinita charitate mea donauit. Tanto amore diuinitatis, & gaudio ſuperfluente replentur; vt nihil eis deſit gloriæ, nihilque poſſit deeſſe felicitatis. Omnes Sancti, quantò altiores in gloria, tantò humiliores in ſeipſis, & mihi viciniore & dilectiores exiſtunt. Ideoque habes ſcriptum, quia mittebant coronas ſuas ante Deum, *Apo. 4.* & ceciderunt in facies ſuas coram Agno, & adorauerunt Viuentem in ſæcula ſæculorum.

9 Multi quærunť, quis maior ſit in regno Dei: qui ignorant, an cum minimis erunt digni computari. Magnum eſt, vel minimum eſſe in cælo, vbi omnes magni ſunt: quia omnes filij Dei vocabuntur & erunt. Minimus erit in mille, & peccator centum annorum morietur. Cùm enim quærent diſcipuli, quis maior eſſet in regno cælorum? tale audierunt reſponſum: Niſi conuerſi fueritis, & efficiamini ſicut paruuli, non intrabitis

Mat. 18

in regnum cælorum. Quicumque ergo humiliauerit se, sicut paruulus iste, hic maior est in regno cælorum.

Mat. 6. 10 Væ eis, qui cum paruulis humiliare se sponte dedignantur: quoniam humilis ianua regni cælestis, eos non admittet intrare. Væ etiam diuitibus, qui habent hîc consolationes suas: quia pauperibus intrantibus in regnum Dei, ipsi stabunt foris eiulantes. Gaudete humiles, & exultate pauperes, quia vestrum est regnum Dei, si tamen in veritate ambulatis.

CAP. LIX.

Quòd omnis spes & fiducia, in solo Deo est figenda.

DOMINE, quæ est fiducia mea, quam in hac vita habeo? aut quod maius solatium meum, ex omnibus apparentibus sub cælo? Nonne tu, Domine Deus meus, cuius misericordiæ non est numerus? Vbi mihi benè fuit, sine te? Aut quando malè esse potuit, præsentem te? Malo pauper esse propter te, quàm diues sine te. Eligo potius tecum in terrâ pere-

peregrinari , quàm sine te cælum possidere. Vbi tu , ibi cælum : atque ibi mors & infernus , vbi tu non es. Tu mihi in desiderio es : & ideò post te gemere , clamare , & exorare necesse est. In nullo denique possum plenè confidere , qui in necessitatibus auxilietur opportunius , nisi in te solo Deo meo. Tu es spes mea , & fiducia mea ; tu consolator meus , & fidelissimus in omnibus.

2 Omnes , quæ sua sunt , quærunt : tu *Phil. 2.* salutem meam , & profectum meum solummodò præ tendis , & omnia in bonum mihi conuertis. Etiam si variis tentationibus & aduersitatibus exponas , hoc totum ad vtilitatem meam ordinas , qui mille modis dilectos tuos probare consueuisti. In qua probatione , non minùs diligere debes & laudari , quàm si cælestibus consolationibus me repleres.

3 In te ergo , Domine Deus , pono totam spem meam & refugium : in te omnem tribulationem & angustiam meam constituo , quia torum infirmum & instabile inuenio , quidquid extra te conspicio. Non enim prode-

L 5 runt

runt multi amici, neque fortes auxiliarij adiuuare poterunt, nec prudentes consiliarij responsum vtile dare, neque libri doctorum consolari, nec aliqua pretiosa substantia liberare, nec locus aliquis secretus & amœnus contutari: si tu ipse non assistas, iuues, confortes, consoleris, instruas, & custodias.

4 Omnia namque, quæ ad pacem videntur esse, & felicitatem habendam, te absente nihil sunt, nihilque felicitatis in veritate conferunt. Finis ergo omnium bonorum, & altitudo vitæ, & profunditas eloquiorum tu es: & in te super omnia sperare, fortissimum solatium seruorum tuorum. Ad te sunt oculi mei, in te confido, Deus meus misericordiarum Pater. Benedic & sanctifica animam meam benedictione cælesti, vt fiat habitatio sancta tua, & sedes æternæ gloriæ tuæ: nihilque in templo tuæ dignitatis inueniatur, quod oculos tuæ maiestatis offendar. Secundum magnitudinem bonitatis tuæ, & multitudinem miserationum tuarum respice in me, & exaudi orationem pauperis

peris serui tui, longè exulantis in regione vmbre mortis. Protege & conserua animam seruuli tui, inter tot discrimina vitæ corruptibilis, ac comitante gratia tua, dirige per viam pacis, ad patriam perpetuæ claritatis. Amen.

F I N I S.



L 6

THO.

THOMÆ A KEMPIS
 CANONICI REGVLARIS
 Ordinis S. AVGVSTINI
 DE IMITATIONE
 CHRISTI
 LIBER QVARTVS.

De Sacramento.

*Deuota exhortatio , ad sacram
 Communionem.*

VOX CHRISTI.

Mat. II



Iean. 6.

Mat. 26

Cor. I.

Cor. II.

Iean. 6.

ENITE ad me omnes, qui
 laboratis, & onerati estis,
 & ego reficiam vos, di-
 cit Dominus. Panis, quem
 ego dabo, caro mea est, pro mundi
 vita. Accipite & comedite, hoc est
 Corpus meum, quod pro vobis tra-
 detur: Hoc facite in meam comme-
 morationem. Qui manducat meam
 carnem, & bibit meum sanguinem, in
 me

DE IMIT. CHRISTI LIB. IV. 253
me manet, & ego in illo. Verba, quæ
ego locutus sum vobis, spiritus &
vita sunt.

CAP. I.

*Cum quanta reuerentia, Christus
sit suscipiendus.*

VOX DISCIPULI.

1 **H**Æc sunt verba tua Christe,
veritas æterna, quamuis non
vno tempore prolata, nec vno in lo-
co conscripta. Quia ergo tua sunt,
& vera, gratanter mihi & fideliter,
cuncta sunt accipienda. Tua sunt, &
tu ea protulisti: & mea quoque sunt,
quia pro salute mea ea edidisti. Li-
benter suscipio ea ex ore tuo, vt ar-
ctius inferantur cordi meo. Excitant
me verba tantæ pietatis, plena dulce-
dinis & dilectionis. Sed terrent me
delicta propria: & ad capienda tanta
mysteria, me reuerberat impura con-
scientia. Prouocat me dulcedo verbo-
rum tuorum, sed onerat me multitu-
do vitiorum meorum.

2 Iubes, vt fiducialiter ad te acce-
dam, si tecum velim habere partem:

L 7 & vt

& vt immortalitatis accipiam alimonia, si æternam cupiam obtinere vitam & gloriam. Venite, inquis, ad me omnes qui laboratis & onerati estis, & ego reficiam vos. O dulce & amicabile verbum in aure peccatoris, quod tu, Domine Deus meus, egenum & pauperem inuitas, ad Communionem tui sanctissimi Corporis. Sed quis ego sum Domine, vt ad te præsumam accedere? Ecce, cæli cælorum te non capiunt, & tu dicis, Venite ad me omnes.

Mat. II.
Ibid.

3 Quid sibi vult ista piissima dignatio, & tam amicabile inuitatio? Quomodo ausus ero venire, qui nihil boni mihi conscius sum, vnde possim præsumere? Quomodo te introducam in domum meam, qui sæpius offendi benignissimam faciem tuam? Reuerentur Angeli & Archangeli, metuunt Sancti & iusti, & tu dicis:

Mat. II. Venite ad me omnes? Nisi tu Domine hoc diceres, quis verum esse crederet? Et nisi tu iuberes, quis accedere attentaret? Ecce, Noë vir iustus in arcæ fabrica centum annis laborauit, vt cum paucis saluaretur: & ego quomodo

Genes. 6

modo me potero vna hora præparare,
vt mundi fabricatorem cum reueren-
tia sumam?

4 Moyſes famulus tuus magnus, & Exo 25
& 26.
ſpecialis amicus tuus, arcam ex lignis
imputribilibus fecit, quam & mun-
diſſimo veſtiuit auro, vt tabulas Legis
in ea reponeret: & ego putrida crea-
tura, audebo te conditorem legis, ac
vitæ datorem; tam facilè ſuſcipere?
Salomon ſapiētiffimus Regum Iſraël, 3 Reg. 6
templum magnificum ſeptem annis,
in laudem nominis tui ædificauit: &
oſto diebus feſtum dedicationis eius 3. Reg. 8
celebrauit: mille hoſtias pacificas ob-
tulit: & arcam fœderis in clangore
buccinæ & iubilo in locum ſibi præ-
paratum ſolemniter collocauit. Et
ego infelix & pauperrimus hominum,
quomodo te in domum meam intro-
ducam, qui vix mediam expendere
deuotè noui horam? & vtinam vel ſe-
mel dignè ferè mediam!

5 O mi Deus, quantum illi, ad pla-
cendum tibi, agere ſtuduerunt! Heu,
quàm puſillum eſt, quod ago! quàm
breue expleo tēpus, cum me ad com-
municandum diſpono! Rarò totus
colle-

collectus, rarissimè ab omni distractione purgatus. Et certè in tua salutari deitatis præsentia, nulla deberet occurrere indecens cogitatio, nulla etiam occupare creatura: quia non Angelum, sed Angelorum Dominum, suscepturus sum hospitio.

6 Est tamen valdè magna distantia, inter arcam fœderis cum suis reliquiis, & mundissimum Corpus tuum cum suis ineffabilibus virtutibus: inter legalia illa sacrificia futurorum præfiguratiua, & veram tui Corporis hostiam, omnium antiquorum sacrificiorum completiuam. Quare igitur non magis, ad tuam venerabilem inardesco præsentiam? Cur non maiori me præparo sollicitudine, ad tua sancta sumenda: quando illi antiqui sancti Patriarchæ & Prophetæ, Reges quoque & Principes, cum vniuerso populo, tantum deuotionis demonstrarunt affectum, erga cultum diuinum?

2 Reg. 6

7 Saltauit deuotissimus Rex David coram arca Dei totis viribus, recolens beneficia olim indulta Patribus: fecit diuersi generis organa, psalmos edidit,

dit, & cantari instituit cum lætitia, cecinit & ipse frequenter in cithara, Spiritus sancti afflatus gratia: docuit populum Israël toto corde Deum laudare, & ore consono diebus singulis benedicere & prædicare. Si tanta agebatur tunc deuotio, ac diuinæ laudis exstitit recordatio coram arca testamenti; quanta nunc mihi, & omni populo Christiano, habenda est reuerentia & deuotio, in præsentia Sacramenti, in sumptione excellentissimi Corporis Christi?

8 Currunt multi ad diuersa loca, pro visitandis reliquiis Sanctorum: & mirantur auditis gestis eorum, ampla ædificia templorum inspiciunt, & osculantur sericis & auro inuoluta sacra ossa ipsorum. Et ecce, tu præses hîc apud me in altari, Deus meus, Sanctus sanctorum, creator omnium, & Dominus Angelorum. Sæpè in talibus videndis curiositas est hominum, & nouitas inuisorum, & modicus reportatur emendationis fructus: maximè ubi est tam leuis, sine vera contritione, discursus. Hîc autem in Sacramento altaris, totus præfens

sens es, Deus meus, homo Christus Iesus: vbi & copiosus percipitur æternæ salutis fructus, quotiescumque fueris dignè ac deuotè susceptus. Ad istud verò non trahit leuitas aliqua, nec curiositas aut sensualitas: sed firma fides, deuota spes, & sincera charitas.

9 O inuisibilis conditor mundi Deus, quàm mirabiliter agis nobiscum! quàm suauiter & gratiosè cum electis tuis disponis, quibus temetipsum in Sacramento sumendum proponis! Hoc namque omnem intellectum superat: hoc specialiter deuotorum corda trahit & accendit affectum. Ipsi enim veri fideles tui, qui totam vitam suam ad emendationem disponunt, ex hoc dignissimo Sacramento, magnam deuotionis gratiam, & virtutis amorem, frequenter recipiunt.

10 O admirabilis & abscondita gratia Sacramenti, quam norunt tantùm Christi fideles! infideles autem, & peccatis seruientes, experiri non possunt. In hoc Sacramento confertur spiritualis gratia, & repa-

reparatur in anima virtus amissa : & per peccatum deformata , reedit pulchritudo. Tanta est aliquando hæc gratia , vt ex plenitudine collatæ deuotionis , non tantum mens , sed & debile corpus , vires sibi præstitas sentiat ampliores.

11 Dolendum tamen valdè & miserandum super tepiditate & negligentia nostra , quod non maiori affectione trahimur ad Christum sumendum : in quo tota spes saluandorum consistit , & meritum. Ipse enim est sanctificatio nostra , & redemptio : ipse consolatio viatorum , & Sanctorum æterna fruitio. Dolendum itaque valdè , quod multi tam parum hoc salutare mysterium aduertunt , quod cælum lætificat , & mundum conseruat vniuersum. Heu cæcitas , & duritia cordis humani , tam ineffabile donum non magis attendere , & ex quotidiano vsu , etiam ad inaduertentiam defluere!

12 Si enim hoc sanctissimum Sacramentum , in vno tantum celebraretur loco , & ab vno tantum consecraretur sacerdote in mundo : quantò putas desi-

desiderio ad illum locum, & ad talem Dei sacerdotem, homines afficerentur, vt diuina myſteria celebrari viderent? Nunc autem multi facti ſunt ſacerdotes, & in multis locis offertur Chriſtus: vt tantò maior appareat gratia, & dilectio Dei ad hominem, quantò latiùs eſt ſacra Communio diſfuſa per orbem. Gratias tibi Ieſu bone, paſtor æterne, qui nos pauperes & exules dignatus es pretioſo Corpore & Sanguine tuo reficere: & ad hæc myſteria percipienda, etiam proprij oris tui alloquio, inuitare dicendo: *Mat. II* Venite ad me omnes, qui laboratis & onerati eſtis, & ego reficiam vos.

CAP. II.

*Quòd magna bonitas & charitas
Dei, in Sacramento, homini
exhibetur.*

VOX DISCIPULI.

I SUPER bonitate tua, & magna miſericordia tua Domine conſiſus, accedo æger ad Saluatorem, eſuriens & ſitiens ad fontem vitæ, egenus ad Regem

Regem cæli, seruus ad Dominum, creatura ad creatorem, desolatus ad meum pium consolatorem. Sed vnde hoc mihi, vt venias ad me? Quis *Luc. I.* ego sum, vt præstes mihi teipsum? Quomodo audet peccator coram te apparere? & tu quomodo dignaris ad peccatorem venire? Tu nosti seruum tuum, & scis quia nil boni in se habet, vnde hoc illi præstes. Confiteor igitur vilitatem meam, agnosco tuam bonitatem, laudo pietatem, & gratias ago propter nimiam charitatem. Propter temetipsum enim hoc facis, non propter mea merita: vt bonitas tua mihi magis innotescat, charitas amplior ingeratur, & humilitas perfectius commendetur. Quia ergo tibi hoc placet, & tu sic fieri iussisti, placet & mihi dignatio tua, & vtinam iniquitas mea non obsistat.

2 O dulcissime & benignissime Iesu, quanta tibi reuerentia & gratiarum actio cum perpetua laude, pro susceptione sacri Corporis tui debetur, cuius dignitatem nullus hominum explicari potens inuenitur. Sed quid cogitabo in hac Cōmunionē, in accessu
ad

ad Dominum meum, quem debite venerari nequeo, & tamen deuotè suscipere desidero? Quid cogitabo melius & salubrius, nisi meipsum totaliter humiliando coram te, & tuam infinitam bonitatem exaltando supra me? Laudo te, Deus meus, & exalto in æternum. Despicio me, & subiicio tibi, in profundum vilitatis meæ.

3 Ecce tu Sanctus sanctorum, & ego sordes peccatorum. Ecce tu inclinas te ad me, qui non sum dignus ad te respicere. Ecce tu venis ad me, tu vis esse mecum, tu inuitas ad conuiuium tuum. Tu mihi dare vis cælestem cibum, & panem Angelorum ad manducandum: non alium sanè, quàm teipsum, panem viuum, qui de cælo descendisti, & das vitam mundo.

*Psal. 77.
Ioan. 6.*

4 Ecce, vnde dilectio procedit, qualis dignatio illucescit, quàm magnæ gratiarum actiones & laudes tibi pro his debentur. O quàm salutare & utile consilium tuum, cùm istud instituisti! quàm suaue & iucundum conuiuium, cùm teipsum in cibum donasti! O quàm admirabilis operatio tua

Domi-

Domine ! quàm potens virtus tua ! quàm ineffabilis veritas tua ! Dixisti enim , & facta sunt omnia : & hoc factum est , quod ipse iussisti. *Genes. 1. & Psal. 148.*

5 Mira res , & fide digna , ac humanū vincens intellectum : quòd tu , Domine Deus meus , verus Deus & homo , sub modica specie panis & vini , integer containeris , & sine consumptione à sumente manducaris . Tu Domine *Psal. 15* vniuersorum , qui nullius habes indigentiam , voluisti per Sacramentum tuum habitare in nobis : conserua cor meum , & corpus immaculatum : vt læta & pura conscientia , sæpiùs tua valeam celebrare mysteria , & ad meam perpetuam accipere salutem : quæ ad tuum præcipuè honorem , & memoriale perenne , sanxisti & instituisti.

6 Lætare anima mea , & gratias age Deo , pro tam nobili munere & solatio singulari , in hac lachrymarum valle , tibi relicto . Nam quoties hoc mysterium recolis , & Christi Corpus accipis : toties tuæ redèptionis opus agis , & particeps omniū meritorum Christi efficeris . Charitas etenim Christi numquam minuitur , & magnitudo propi-

propitiationis eius, numquam exhauritur. Idcò noua semper mentis renouatione, ad hoc disponere te debes, & magnum salutis mysterium, attentà consideratione pensare. Ita magnum, nouum, & iucundum tibi videri debet, cùm celebras, aut Missam audis : ac si eodem die Christus primum in vterum Virginis descendens, homo factus esset : aut in cruce pendens, pro salute hominum pateretur & moreretur.

C A P. I I I.

Quòd utile sit, sapè communicare.

V O X. D I S C I P V L I.

ECCE, ego ad te venio Domine, vt benè mihi sit ex munere tuo, & lætificer in conuiuio sancto tuo, quod parasti in dulcedine tua
Psal. 67 pauperi D E V S. Ecce, in te est totum, quod desiderare possum & debeo ; tu salus mea, & redemptio, spes & fortitudo, decus & gloria. Latifica ergo hodie animam serui tui, quoniam ad te Domine
Psal 85. Iesu

Iesu animam meam leuauit. Desidero te nunc deuotè ac reuerenter suscipere; cupio te in domum meam inducere, quatenus cum Zachæo merear à te benedici, ac inter filios Abraham computari. Anima mea Corpus tuum concupiscit, cor meum tecum vniri desiderat.

2 Trade te mihi, & sufficit. Nam præter te, nulla consolatio valet. Sine te esse nequeo; & sine visitatione tua, viuere non valeo. Ideoque oportet me frequenter ad te accedere, & in remedium salutis meæ recipere: ne fortè deficiam in via, si fuero cælesti fraudatus alimonia. Sic enim tu misericordissime Iesu, prædicans populis, & varios curans languores, aliquando dixisti: Nolo eos ieiunos dimittere in domum suam, ne deficiant in via. Age igitur hoc mecum modo, qui te pro fidelium consolatione in Sacramento reliquisti. Tu es enim suavis refectionis animæ, & qui te dignè manducauerit, particeps & hæres erit æternæ gloriæ. Necessarium quidem mihi est, qui tam sæpè labor, & pecco, tam citò torpesco & deficio; vt per frequen-

M quea-

Mat. 15
Mar. 8.

quentes orationes & confessiones , ac
 sacram Corporis tui perceptionem,
 me renouem, mundem, & accendam;
 ne fortè diutiùs abstinendo , à sancto
 proposito defluam.

Gen 8. 3 Proni enim sunt sensus hominis
 ad malum , ab adolescentia sua, & ni-
 si succurrat diuina medicina , labitur
 homo mox ad peiora. Retrahit ergo
 sancta Communio à malo, & confor-
 tat in bono. Si enim modò tam sæpè
 negligens sum & tepidus , quando
 communico aut celebros ; quid fieret,
 si medelam non sumerem , & tam
 grande iuuamen non quærerem? Et
 licet omni die non sim aptus , nec ad
 celebrandum benè dispositus ; dabo
 tamen operam , congruis temporibus
 diuina percipere mysteria , ac tantæ
 gratiæ participem me præbere. Nam
 hæc est vna principalis fidelis animæ
 consolatio , quàm diu peregrinatur à
 te in mortali corpore , vt sæpiùs me-
 mor Dei sui , dilectum suum deuota
 suscipiat mente.

4 O mira circa nos tuæ pietatis di-
 gnatio , quòd tu Domine Deus, crea-
 tor & viuificator omnium spirituum,
 ad

ad pauperulam dignaris venire animam, & cum tota diuinitate tua ac humanitate, eius impinguare esuriem.

O felix mens & beata anima, quæ te Dominum Deum suum meretur deuotè suscipere, & in tui susceptione, spirituali gaudio repleri! O quàm magnum suscipit Dominum, quàm dilectum inducit hospitem, quàm iucundum recipit socium, quàm fidelem acceptat amicum, quàm speciosum & nobilem amplectitur sponsum præ omnibus dilectis, & super omnia desiderabilia amandum. Sileant à facie tua (dulcissime dilecte meus) cælum & terra, & omnis ornatus eorum; quoniam quidquid laudis habent ac decoris, ex dignatione tuæ est largitatis, nec ad decorem tuiperuenient nominis, cuius sapientiæ non est numerus. Ps. 146.

CAP. IIII.

*Quòd multa bona præstantur, deuotè
communicantibus.*

VOX DISCIPULI.

Pf. 20. I **D**OMINE Deus meus, præueni
seruum tuum in benedictioni-
bus dulcedinis tuæ, vt ad tuum magni-
ficum Sacramentum, dignè ac deuotè
merear accedere. Excita cor meum in
te, & à graui torpore exue me. *Pf 105.* Visita
me in salutari tuo, ad gustandum in
spiritu suauitatem tuam, quæ in hoc
Sacramento tamquam in fonte, ple-
nariè latet. Illumina quoque oculos
meos, ad intuendum tantum myste-
rium: & ad credendum illud indu-
bitata fide, me roboras. Est enim
operatio tua, non humana potentia;
tua sacra institutio, non hominis ad-
inuentio. Non enim ad hæc capien-
da & intelligenda aliquis idoneus per
se reperitur, quæ angelicam etiam
subtilitatem transcendunt. Quid er-
go ego peccator indignus, terra &
cinis, de tam alto sacro secrete,
potero

potero inuestigare & capere?

2 Domine, in simplicitate cordis mei, in bona firma fide, & in tua iustificatione, ad te cum spe ac reuerentia accedo: & verè credo, quia tu præsens es hîc in Sacramento, Deus & homo. Vis ergo, vt te suscipiam, & meipsum tibi in charitate vniam. Vnde tuam precor clementiam, & specialem ad hoc imploro mihi donari gratiam; vt totus in te liquefiam & amore peresfluam, atque de nulla aliena consolatione ampliùs me intromittam. Est enim hoc altissimum & dignissimum Sacramentum, salus animæ & corporis, medicina omnis spiritualis languoris: in quo vitia mea curantur, passionibus frenantur, tentationes vincuntur aut minuuntur: gratia maior infunditur, virtus incepta augetur, firmatur fides, spes roboratur, & charitas ignescit ac dilatatur.

3 Multa namque bona largitus es, & adhuc sæpiùs largiris in Sacramento, dilectis tuis deuotè communicantibus, Deus meus, susceptor animæ meæ, reparator infirmitatis humanæ, & totius dator consolationis

M 3

internæ.

internæ. Nam multam ipsis consolationem, aduersus variam tribulationem infundis, & de imo deiectionis propriæ ad spem tuæ protectionis erigis, atque noua quadam gratia eos intus recreas, & illustras: vt qui anxij primùm & sine affectione, se ante Communionem senserant: postea refectioni cibo potuque cælesti, in melius se mutatos inueniant. Quod idcirco cum electis tuis dispensanter agis, vt veraciter agnoscant, & patenter experiantur, quantum infirmitatis ex se ipsis habeant, & quid bonitatis ac gratiæ, ex te consequantur. Quia ex semetipsis frigidi, duri, & in deuoti: ex te autem feruentes, alacres, & deuoti esse merentur. Quis enim ad fontem suauitatis humiliter accedens, non modicum suauitatis inde reportat? Aut quis iuxta copiosum ignem stans, non parum caloris inde percipit? Et

Iſa. 12.

Leuit. 6.

tu fons es semper plenus & superabundans, ignis iugiter ardens & nunquam deficiens.

4 Vnde si mihi non licet haurire de plenitudine fontis, nec vsque ad satietatem potare, apponam tamen os meum

meum ad foramen cælestis fistulæ : vt saltem modicam inde guttulam capiam , ad refocillandam sitim meam , & non penitus exarescam. Et si necdum totus cælestis & tam ignitus , vt Cherubim & Seraphim esse possim : conabor tamen deuotioni insistere , & cor meum præparare , vt vel modicam diuini incendij flammam , ex humili sumptione viuifici Sacramenti conquiram. Quidquid autem mihi deest Iesu bone , Saluator sanctissime , tu pro me supple benignè ac gratiosè , qui omnes ad te dignatus es vocare , dicens : Venite ad me omnes , qui laboratis & onerati estis , & ego reficiam vos. Mat. 11

5 Ego quidem laboro in sudore vultus mei , dolore cordis torqueor , peccatis oneror , tentationibus inquietor , multis malis passionibus implicor & premor : & non est qui adiuuet , non est qui liberet , & saluum faciat , nisi tu Domine Deus saluator meus : cui committo me & omnia mea , vt me custodias , & perducas in vitam æternam. Suscipe me in laudem & gloriam nominis tui , qui Corpus tuum Gen. 3.

M 4 & San-

& Sanguinem, in cibum & potum mihi parasti. Præsta Domine Deus salutaris meus, vt cum frequentatione mysterij tui, crescat meæ deuotionis affectus.

CAP. V.

De dignitate Sacramenti, & statu sacerdotali.

VOX DILECTI.

Mat. 18 **S**I haberes angelicam puritatem,
 & sancti Ioannis Baptistæ sancti-
 tatē: non esses dignus, hoc Sacramen-
 tum accipere, nec tractare. Non enim
 hoc meritis debetur hominum, quod
 homo consecret & tractet Christi Sa-
Pf. 77. cramentum, & sumat in cibum pa-
 nem Angelorum. Grande mysterium,
 & magna dignitas Sacerdotum: qui-
 bus datum est, quod Angelis non est
 concessum. Soli namque Sacerdo-
 tes ritē in Ecclesia ordinati, pote-
 statem habent celebrandi, & Corpus
 Christi consecrandi. Sacerdos qui-
 dem minister est Dei, vtēs verbo Dei,
 per iussionem & institutionem Dei:
 Deus

Deus autem ibi principalis est auctor,
& inuisibilis operator, cui subest om-
ne . quod voluerit , & paret omne
quod iusserit.

Gen. 1.

Ps 48.

Et Ro-

man. 9.

2 Plus ergo credere debes Deo om-
nipotenti, in hoc excellentissimo Sa-
cramento, quàm proprio sensui, aut
alicui signo visibili. Ideoque cum ti-
more & reuerentia ad hoc opus est
accedendum . Attende tibi, & vide
cuius ministerium tibi traditum est,
per impositionem manus Episcopi.
Ecce, Sacerdos factus es, & ad cele-
brandum consecratus; vide nunc, ut
fideliter & deuotè, in suo tempore,
Deo sacrificium offeras, & teipsum
irreprehensibilem exhibeas. Non al-
leuiasti onus tuum, sed arctiori iam
alligatus es vinculo disciplinæ, & ad
maiores teneris perfectionem sancti-
tatis . Sacerdos omnibus virtutibus
debet esse ornatus, & aliis bonæ vi-
tæ exemplum præbere. Eius conuer-
satio, non cum popularibus & com-
munibus hominum viis, sed cum An-
gelis in cælo, aut cum perfectis viris
in terra.

1. Tim.

4.

Phil. 3.

3 Sacerdos sacris vestibus indutus,

M 5

Chri-

Heb. 5. Christi vices gerit; vt Deum pro se & pro omni populo, suppliciter & humiliter roget. Habet ante se & retro Dominicæ crucis signum, ad memorandam iugiter Christi passionē: Ante se crucem in casula portat, vt Christi vestigia diligenter inspiciat, & sequi feruenter studeat. Post se cruce signatus est, vt aduersa quælibet ab aliis illata, clementer pro Deo toleret. Ante se crucem gerit, vt propria peccata lugeat: Post se, vt aliorum etiam commissa per compassionem defleat, & se medium inter Deum & peccatorem constitutum esse sciat: nec ab oratione, & oblatione sancta torpescat, donec gratiam & misericordiam impetrare mereatur. Quando Sacerdos celebrat, Deum honorat, Angelos lætificat, Ecclesiam ædificat, viuos adiuuat, defunctis requiem præstat, & sese omnium bonorum participem efficit.

CAP.

CAP. VI.

*Interrogatio de exercitio, ante
Communionem.*

VOX DISCIPULI.

I CUM tuam dignitatem, Domine,
& meam vilitatem penso, valdè
contremisco, & in meipso confundor.
Si enim non accedo, vitam fugio: &
si indignè me ingessero, offensam in-
curro. Quid ergo faciam, Deus meus,
auxiliator meus, & consiliator in ne-
cessitatibus?

2 Tu doce me viam rectam. Propo-
ne breue aliquod exercitium, sacrae
Communioni congruum. Utile est
enim scire, qualiter scilicet deuotè ac
reuerenter, tibi præparare debeam cor
meum, ad recipiendum salubriter
tuum Sacramentum, seu etiam cele-
brandum tam magnum & diuinum
sacrificium.

CAP. VII.

*De discussione propria conscientia,
& emendationis proposito.*

VOX DILECTI.

1 **S**UPER omnia, cum summa humilitate cordis & supplici reuerentia, cum plena fide & pia intentione honoris Dei, ad hoc Sacramentum celebrandum, tractandum, & sumendum, oportet Dei accedere Sacerdotem. Diligenter examina conscientiam tuam: & pro posse tuo, vera contritione & humili confessione, eam munda & clarifica: ita ut nil graue habeas, aut scias, quod te remordeat, & liberum accessum impediat. Habeas displicentiam omnium peccatorum tuorum in generali, & pro quotidianis excessibus magis in speciali doleas & gemas. Et si tempus patitur, Deo in secreto cordis, eunctas confitere passionum tuarum miserias.

2 Ingemisce & dole, quod adhuc ita carnalis sis & mundanus: tam immortificatus à passionibus: tam
plenus

plenus concupiscentiarum motibus:
 tam incustoditus in sensibus exterioribus:
 tam sæpè multis vanis phantasiis implicatus:
 tam multùm inclinatus ad exteriora:
 tam negligens ad interiora:
 tam levis ad risum & dissolutionem:
 tam durus ad fletum & compunctionem:
 tam promptus ad laxiora & carnis commoda:
 tam segnis ad rigorem & feruorem:
 tam curiosus ad noua audienda & pulchra intuenda:
 tam remissus ad humilia & abiecta amplectenda:
 tam cupidus ad multa habenda:
 tam parcus ad dandum:
 tam tenax ad retinendum:
 tam inconsideratus in loquendo:
 tam incontinens in tacendo:
 tam incompotus in moribus:
 tam importunus in actibus:
 tam effusus super cibum:
 tam surdus ad Dei verbum:
 tam velox ad quietem:
 tam tardus ad laborem:
 tam vigilans ad fabulas:
 tam somnolentus ad vigilias sacras:
 tam festinus ad finem:
 tam vagus ad attendendum:
 tam negligens in Horis persoluendis:
 tam tepidus in celebrando:
 tam aridus in communicando:
 tam citò distractus:
 tam rarò plenè

tibi collectus : tam subitò commotus ad iram : tam facilis ad alterius displicentiam : tam pronus ad iudicandum : tam rigidus ad arguendum : tam lætus ad prospera : tam debilis in aduersis : tam sæpè multa bona proponens , & modicum ad effectum perducens.

3 His & aliis defectibus tuis , cum dolore & magna displicentia propriæ infirmitatis confessis ac deploratis , firmum statue propositum semper emendandi vitam tuam , & in melius proficiendi. Deinde cum plena resignatione & integrâ voluntate , offer teipsum in honorem nominis mei , in ara cordis tui holocaustum perpetuum , corpus tuum scilicet & animam , mihi fideliter committendo : quatenus & sic dignè merearis ad offerendum Deo sacrificium accedere , & Sacramentum Corporis mei salubriter suscipere.

4 Non est enim oblatio dignior , & satisfactio maior pro peccatis diluendis , quàm seipsum purè & integrè , cum oblatione Corporis Christi in Missa & in Communione Deo offerre.

ferre. Si fecerit homo, quod in se est,
 & verè pœnituerit : quotiescumque
 pro venia & gratia ad me accesserit,
 Viuo ego, dicit Dominus, qui nolo Ex ec. 18
 mortem peccatoris, sed vt magis con-
 uertatur & viuat : quoniam peccato-
 rum suorum non recordabor amplius,
 sed cuncta sibi indulta erunt.

CAP. VIII.

*De oblatione Christi in cruce, & pro-
 pria resignatione.*

VOX DILECTI.

SICVT ego meipsum, expansis in Isa. 53.
 cruce manibus, & nudo corpore, & Heb.
 pro peccatis tuis Deo Patri sponte ob- 9.
 tuli, ita vt nihil in me remaneret, quin
 totum in sacrificium diuinæ placatio-
 nis transfiret : ita debes & tu temet-
 ipsum mihi voluntariè, in oblationem
 puram & sanctam, quotidie in Missa,
 cum omnibus viribus & affectibus
 tuis, quantò intimiùs vales, offerre.
 Quid magis à te requiro, quàm vt Prov. 23.
 te studeas mihi ex integro resigna-
 re ? Quidquid præter teipsum das,
 nihil

nihil curo: quia non quæro datum tuum, sed te.

2 Sicut non sufficeret tibi omnibus habitis, præter me: ita nec mihi placere poterit, quicquid dederis, te non oblato. Offer te mihi, & da te totum pro Deo, & erit accepta oblatio. Ecce, ego me totum obtuli Patri pro te; dedi etiam totum Corpus meum & Sanguinem in cibum, ut totus tuus essem, & tu meus permaneres. Si autem in teipso steteris, nec sponte te ad voluntatem meam obtuleris, non est plena oblatio, nec integra erit inter nos unio. Igitur omnia opera tua præcedere debet, spontanea tui ipsius in manus Dei oblatio, si libertatem consequi vis & gratiam. Ideò enim tam pauci illuminati, & liberi intus efficiuntur, quia seipsum ex toto abnegare nesciunt. Est firma sententia mea:

Luc. 14. Nisi quis renuntiaverit omnibus, non potest meus esse discipulus. Tu ergo si optas meus esse discipulus, offer teipsum mihi, cum omnibus affectibus tuis.

CAP. IX.

Quòd nos, & omnia nostra, Deo debemus offerre, & pro omnibus orare.

VOX DISCIPVLI.

I DOMINE, omnia tua sunt, quæ ps. 13.
in cælo sunt, & quæ in terra.
Desidero meipsum tibi in spontaneam oblationem offerre, & tuus perpetuè permanere. Domine, in simplicitate cordis mei, offero meipsum tibi hodie in seruum sempiternum, in obsequium & in sacrificium laudis perpetuæ. Suscipe me, cum hac sancta oblatione tui pretiosi Corporis, quam tibi hodie in præsentia Angelorum, inuisibiliter assistentium, offero: ut sit pro me, & pro cuncto populo tuo in salutem.

2 Domine, offero tibi omnia peccata & delicta mea, quæ commisi coram te, & sanctis Angelis tuis, à die quo primum peccare potui vsque ad horam hanc, super placabili altari tuo: ut tu omnia pariter incendas & comburas igne charitatis tuæ, & deleas
vniuer-

uniuersas maculas peccatorum meorum, & conscientiam meam ab omni delicto emundes, & restituas mihi gratiam tuam, quam peccando amisi, omnia mihi plenè indulgendo, & in osculum pacis me misericorditer assumendo.

Psal. 31. 3. Quid possum agere pro peccatis meis, nisi humiliter ea confitendo & lamentando, & tuam propitiationem incessanter deprecando? Deprecor te, exaudi me propitius, vbi asto coram te Deus meus. Omnia peccata mea mihi maximè displicent, nolo ea vmquam ampliùs perpetrare: sed pro eis doleo & dolebo, quamdiu vixero, paratus pœnitentiam agere, & pro posse satisfacere. Dimitte mihi Deus, dimitte mihi peccata mea, propter nomen sanctum tuum: salua animam meam, quam pretioso Sanguine tuo redemisti. Ecce committo me misericordiae tuae, resigno me manibus tuis. Age mecum secundùm bonitatem tuam, non secundùm meam malitiam & iniquitatem.

4 Offero etiam tibi omnia bona mea, quamuis valdè pauca & imperfecta;

fecta ; vt tu ea emendes & sanctifices ;
vt ea grata habeas , & accepta tibi fa-
cias , & semper ad meliora trahas ; nec
non ad beatum ac laudabilem finem ,
me pigrum & inutilem homuncio-
nem , perducas .

5 Offero quoque tibi omnia pia
desideria deuotorum , necessitates pa-
rentum , amicorum , fratrum , soro-
rum , omniumque charorum meo-
rum , & eorum qui mihi vel aliis , pro-
pter amorem tuum benefecerunt : &
qui orationes & Missas pro se suisque
omnibus , dici à me desiderauerunt &
petierunt , siue in carne adhuc viuant ;
siue iam sæculo defuncti sint : vt om-
nes sibi auxilium gratiæ tuæ , opem
consolationis , protectionem à peri-
culis , liberationem à pœnis , adue-
nire sentiant , & vt ab omnibus ma-
lis erepti , gratias tibi magnificas læti
persoluant .

6 Offero etiam tibi preces & hostias
placationis , pro illis specialiter , qui
me in aliquo læserunt , contristau-
erunt , aut vituperauerunt , vel aliquod
damnum vel grauamen intulerunt :
pro his quoque omnibus , quos ali-
quando

quando contristauī, conturbauī, grauauī, & scandalizauī, verbis, factis, scienter vel ignoranter: vt nobis omnibus pariter indulgeas peccata nostra & mutuas offensiones. Aufer Domine à cordibus nostris omnem suspicionem, indignationem, iram & disceptationem, & quidquid potest charitatem lædere, & fraternam dilectionem minuere. Misere-re, miserere Domine, misericordiam tuam poscentibus, da gratiam indigentibus: & fac nos tales existere, vt simus digni gratia tua perfrui, & ad vitam proficiamus æternam. Amen.

C A P. X.

Quòd sacra Communio, de facili non est relinquenda.

VOX DILECTI.

FREQVENTER recurrendum est ad fontem gratiæ, & diuinę misericordiæ, ad fontem bonitatis & totius puritatis: quatenus à passionibus tuis & vitiis curari valeas, & contra vniuersas tentationes & fallacias diaboli, fortior

fortior atque vigilantior effici merearis. Inimicus sciens fructum & remedium maximum, in sacra Communionem positum, omni modo & occasione nititur fideles & deuotos, quantum praeualet, retrahere & impedire.

2 Cùm enim quidam sacrae Communioni se aptare disponunt, peiores Satanæ immisiones patiuntur. Ipse nequam spiritus (vt in Iob scribitur *Iob. 1.*) venit inter filios Dei, vt solita illos nequitia sua perturbet, aut timidos nimium reddat & perplexos: quatenus affectum eorum minuat, vel fidem impugnando auferat: si fortè aut omnino Communionem relinquunt, aut cum tepore accedant. Sed non est quidquam curandum, de versutiis & phantasiis illius quantumlibet turpibus & horridis, sed cuncta phantasmata in caput eius sunt retorquenda. Contemnendus est miser & deridendus, nec propter insultus eius & commotiones, quas suscitatur, sacra est omittenda Communio.

3 Sæpè etiam impedit nimia sollicitudo pro deuotione habenda, & anxietas quædam de confessione facienda.

Prov. 13 cienda. Age secundum consilium sapientum, & depone anxietatem & scrupulum: quia gratiam Dei impedit, & deuotionem mentis destruit. Propter aliquam paruam turbationem vel grauitatem, sacram ne dimittas Communionem: sed vade citius confiteri, & omnes offensiones aliis libenter indulge. Si verò tu aliquem offendisti, veniam humiliter precare, & Deus libenter indulgebit tibi.

4 Quid prodest diu tardare confessionem, aut sacram differre Communionem? Expurga te cum primis, expue velociter venenum, festina accipere remedium, & senties melius, quàm si diu distuleris. Si hodie propter istud dimittis, cras forsitan aliud maius eueniet: & sic diu posses à Communionem impediri, & magis ineptus fieri. Quantò citius vales, à præsenti grauitate & inertia te excutias: quia nihil importat diu anxari, diu cum turbatione transire, & ob quotidiana obstacula, se à diuinis sequestrare. Imò plurimum nocet, diu Communionem protelare, nam & grauem torporem consuevit inducere.

Proh

Proh dolor, quidam tepidi & dissoluti, moras confitendi libenter accipiunt, & Communionem sacram idcirco differri cupiunt, ne ad maiorem sui custodiam se dare teneantur.

5 Heu, quàm modicam charitatem, & debilem deuotionem habent, qui sacram Communionem tam faciliter postponunt. Quàm felix ille, & Deo acceptus habetur, qui sic viuít, & in tali puritate conscientiam suam custodit, vt etiam omni die communicare paratus, & benè affectatus esset, si ei liceret, & sine nota agere posset. Si quis interdum abstinet humilitatis gratia, aut legitima impediēte causā, laudandus est de reuerentia. Si autem torpor obrepserit, seipsum excitare debet, & facere quod in se est, & Dominus aderit desiderio suo pro bona voluntate, quam specialiter respicit.

6 Cùm verò legitimè præpeditus est, habebit semper bonam voluntatem, & piam intentionem communicandi, & sic non carebit fructu Sacramenti. Potest enim quilibet deuotus, omni die & omni hora, ad spiritua-

lem

lem Christi Communionem, salubriter & sine prohibitione accedere: & tamen certis diebus & statuto tempore, Corpus sui Redemptoris, cum affectuosa reuerentia Sacramentaliter debet suscipere, & magis laudem Dei & honorem prætere, quam suam consolationem quærere. Nam
 1. Cor. 11. toties mysticè communicat, & inuisibiliter reficitur, quoties incarnationis Christi mysterium passionemque deuotè recolit, & in amore eius accenditur.

7 Qui aliter se non præparat, nisi instante festo, vel consuetudine compellente, sæpiùs imparatus erit. Beatus, qui se Domino in holocaustum offert, quoties celebrat aut communicat. Non sis in celebrando nimis prolixus aut festinus, sed serua bonum communem modum cum quibus uiuis. Non debes aliis generare molestiam & tædium, sed communem seruare viam secundùm maiorum institutionem: & potiùs aliorum seruire vtilitati, quàm propriæ deuotioni vel affectui.

CAP.

CAP. XI.

*Quòd corpus Christi, & sacra Scriptura maxime sint anima
fidei necessaria.*

VOX DISCIPULI.

1 **O** Dulcissime Domine Iesu, quanta est dulcedo deuotæ animæ, tecum epulantis in conuiuio tuo: vbi ei non alius cibus manducandus proponitur, nisi tu vnicus dilectus eius, super omnia desideria cordis eius desiderabilis. Et mihi quidem dulce foret in præsentia tua, ex intimo affectu lachrymas fundere, & cum pia Magdalena pedes tuos lachrymis irrigare. Luc. 7.
Sed vbi est hæc deuotio? vbi lachrymarum sanctarum copiosa effusio? Certè in conspectu tuo & sanctorum Angelorum tuorum, totum cor meum ardere deberet, & ex gaudio flere. Habeo enim te in Sacramento verè præsentem, quamuis aliena specie occultatum.

2 Nam in propria, & diuina claritate te conspicere, oculi mei ferre non possent: sed neque totus mundus in fulgore

N

gore

gore gloriæ maiestatis tuæ subsisteret. In hoc ergo imbecillitati meæ cōsulis, quòd te sub Sacramento abscondis. Habeo verè & adoro, quem Angeli adorant in cælo; sed ego adhuc interim in fide, illi autem in specie & sine velamine. Me oportet contentum esse in lumine verè fidei, & in ea ambulare, donec aspiret dies æternæ claritatis, & umbræ figurarum inclinentur. Cùm autem venerit quod perfectum est, cessabit vsus Sacramentorum: quia beati in gloria cælesti, non egent medicamine sacramentali: gaudent enim sine fine in præsentia Dei, facie ad faciem gloriam eius specularantes, & de claritate in claritatem abyssalis deitatis transformati, gustant Verbum Dei caro factum, sicut fuit ab initio, & manet in æternum.

1. Cor.

13.

3 Memor horum mirabilium, graue mihi fit tædium, etiam quodlibet spirituale solatium: quia quamdiu Dominum meum apertè in sua gloria non video, pro nihilo duco omne, quod in mundo conspicio & audio. Testis es tu mihi Deus, quòd nulla me res potest consolari, nulla creatura quietare, nisi
tu Deus

tu Deus meus, quem desidero æternaliter contemplari . Sed non est hoc possibile, durante me in hac mortalitate. Ideò oportet, vt me ponam ad magnam patientiam, & meipsum in omni desiderio tibi submittam. Nam & Sancti tui Domine, qui tecum iam in regno cælorum exultant, in fide & patientia magna, dum viuerent, aduentū gloriæ tuæ expectabant. Quod illi crediderunt, ego credo: quod illi sperauerunt, ego spero: quod illi perueniunt, per gratiam tuam me venturum confido. Ambulabo interim in fide, exemplis cōfortatus Sanctorum. Habeo etiam libros sanctos pro solatio & vitæ speculo, atque super hæc omnia sanctissimum Corpus tuum, pro singulari remedio & refugio.

4 Duo namque mihi necessaria permaximè sentio in hac vita, sine quibus mihi importabilis foret ista miserabilis vita. In carcere corporis huius de-tentus, duobus me egere fateor, cibo scilicet & lumine. Dedisti itaque mihi infirmo, sacrum Corpus tuum ad re-fectionem mentis & corporis: & po-suisti lucernam pedibus meis, verbum

N 2 tuum.

tuum. Sine his duobus, benè viuere non possem: nam verbum Dei, lux animæ meæ: & Sacramentum tuum, panis vitæ. Hæc possunt etiam dici mensæ duæ, hinc & inde in gazophylacio sanctæ Ecclesiæ positæ. Vna mēsa est sacri altaris, habens panem sanctum, id est, Corpus Christi pretiosum: altera est diuinæ legis, continens doctrinam sanctam, erudiens fidem rectam, & firmiter vsque ad interiora velaminis, vbi sunt Sancta sanctorum, perducens. Gratias tibi Domine Iesu, lux lucis æternæ, pro doctrinæ sacræ mensa, quam nobis per seruos tuos Prophetas & Apostolos, aliosque Doctores ministrasti.

Luc 14. 5 Gratias tibi Creator ac Redemptor hominum, qui ad declarandam toti mundo charitatem tuam, cœnam parasti magnam, in qua non agnum typicum, sed tuum sanctissimū Corpus & Sanguinem proposuisti manducandum: latificans omnes fideles conuiuium sacro, & calice inebrians salutare, in quo sunt omnes deliciæ paradisi, & epulantur nobiscum Angeli sancti, sed suauitate feliciori.

6. O quàm magnum & honorabile est officium Sacerdotum, quibus datum est Dominum maiestatis verbis sacris consecrare, labiis benedicere, manibus tenere, ore proprio sumere, & ceteris ministrare. O quàm mundæ debent esse manus illæ, quàm purum os, quàm sanctum corpus, quàm immaculatum cor erit Sacerdotis, ad quem toties ingreditur Auctor puritatis. Ex ore Sacerdotis nihil nisi sanctum, nihil nisi honestum & vtile procedere debet verbum, qui tam sæpè Christi accipit Sacramentum.

7. Oculi eius simplices & pudici, qui Christi Corpus solent intueri. Manus puræ, & in cælum eleuatæ, quæ Creatorem cæli & terræ solent contractare. Sacerdotibus specialiter in Lege dicitur: Sancti estote, quoniam ego Leu. 19
v. 20. sanctus sum Dominus Deus vester.

8. Adiuet nos gratia tua omnipotens Deus, vt qui officium Sacerdotale suscepimus, dignè ac deuotè tibi in omni puritate & conscientia bona famulari valeamus. Et si non possumus in tanta innocentia vitæ conuersari, vt debemus; concede nobis

N 3 tamen

tamen dignè flere mala, quæ gessimus:
& in spiritu humilitatis, ac bonæ vo-
luntatis proposito, tibi feruentius de
cetero deferuire.

CAP. XII.

*Quòd magna diligētia se debeat, Com-
municaturus Christo, preparare.*

VOX DILECTI.

Psal. 23 **E**GO sum puritatis amator, & da-
& Mat. 5. tor omnis sanctitatis. Ego cor-
purum quæro, & ibi est locus requie-
Mar. 14 tionis meæ. Para mihi cœnaculum
& Luca 22. grande stratum, & faciam apud te Pa-
scha cum discipulis meis. Si vis, ut ve-
1. Cor. 5 niam ad te, & apud te maneam: expur-
ga vetus fermentum, & munda cordis
Exodi 34. tui habitaculum. Exclude totum sæcu-
lum, & omnem vitiorum tumultum:
fede tamquã passer solitarius in tecto,
& cogita excessus tuos in amaritudine
animæ tuæ. Omnis namque amans,
suo dilecto amatori, optimum & pul-
cherrimum præparat locum, quia in
hoc cognoscitur affectus susipientis
dilectum.

2 Scito tamen te nō posse satisfacere
huic

huic preparationi, ex merito tuę actionis, etiamsi per integrum annum te præparares, & nihil aliud in mente haberes. Sed ex sola pietate & gratia mea, permitteris ad mensam meam accedere, ac si mendicus ad prandium vocaretur diuitis, & ille nihil aliud habeat ad retribuendū beneficiis eius, nisi se humiliando & ei regratiando. Fac, quod in te est, & diligenter facito: non ex consuetudine, non ex necessitate, sed cum timore, & reuerentia, & affectu, accipe Corpus dilecti Domini Dei tui, dignantis ad te venire. ego sum qui vocavi, ego iussi fieri; ego supplebo quod tibi deest: veni, & suscipe me.

3 Cū gratiam deuotionis tribuo, gratias age Deo tuo: non quia dignus es, sed quia tui misertus sum. Si non habes, sed magis aridum te sentis, insiste orationi, ingemisce & pulsa: nec desistas, donec merearis micam aut guttam gratiæ salutaris accipere. Tu mei indiges, non ego tui indigeo. Nec tu me sanctificare venis, sed ego te sanctificare & meliorare venio. Tu venis, vt ex me sanctificeris, & mihi

vnariis , vt nouam gratiam recipias , & de nouo ad emendationem accendaris . Noli negligere hanc gratiam : sed præpara cum omni diligentia cor tuum , & introduc ad te dilectum tuum .

4 Oportet autem, vt non solùm te præpares ad deuotionem ante Communionem , sed vt etiam te sollicitè conserues in ea, post Sacramenti perceptionem. Nec minor custodia post exigitur, quàm deuota preparatio priùs. Nam bona postmodùm custodia , optima iterùm est præparatio , ad maiorem gratiam consequendam . Ex eo quippe valdè indispositus quis redditur , si statim fuerit nimis effusus ad exteriora solatia. Caue à multiloquio, mane in secreto , & fruire Deo tuo . Ipsum enim habes, quem totus mundus tibi auferre non potest. Ego sum, cui te totum dare debes : ita vt iam vltra non in te, sed in me, absque omni sollicitudine, viuas.

Prov. 10

CAP.

CAP. XIII.

*Quòd toto corde anima deuota, Christi
unionem in Sacramento, affe-
ctare debet.*

VOX DISCIPULI.

I QVIS mihi det, Domine, vt inue-
niam te solum, & aperiam tibi
totum cor meum, & fruatur te, sicut de-
siderat anima mea: & iam me nemo
despiciat, nec vlla creatura me moueat
vel respiciat, sed tu solus mihi loqua- *Exod.*
ris, & ego tibi, sicut solet dilectus ad *33. &*
dilectum loqui, & amicus cum amico *Cant. 3.*
conuiuari? Hoc oro, hoc desidero, vt
tibi totus vniam, & cor meum ab om-
nibus creatis rebus abstraham, ma-
gisque per sacram Communionem, ac
frequentem celebrationem, cælestia
& æterna sapere discam. Ah Domine
Deus, quando ero tecum totus vnitus
& absorptus, mei que totaliter obli-
tus: Tu in me, & ego in te, & sic nos *Ioan. 15*
pariter in vnum manere concede.

2 Verè tu es dilectus meus, electus *Cant. 5.*
ex millibus, in quo complacuit anime
meæ habitare omnibus diebus vitæ
N 5 suæ.

suæ. Verè tu pacificus meus, in quo pax summa & requies vera, extra quem labor & dolor, & infinita miseria. Verè tu es Deus absconditus, & consilium tuum non est cum impiis, sed cum humilibus & simplicibus sermo tuus. O quàm suavis est Domine spiritus tuus, qui vt dulcedinem tuam in filios demonstrares, pane suauissimo, de cælo descendente, illos reficere dignaris. Verè non est alia natio tam grandis, quæ habeat deos appropinquantès sibi, sicut tu Deus noster ades vniuersis fidelibus tuis, quibus ob quotidianum solatium, & cor erigendum in cælum, te tribuis ad edendum & fruendum.

3 Quæ est enim alia gens tam inclyta, sicut plebs Christiana? Aut quæ creatura sub cælo tam dilecta, vt anima deuota, ad quam ingreditur Deus, vt pascat eam carne sua gloriosa? O ineffabilis gratia! ô admirabilis dignatio! ô amor immensus homini singulariter impensus! Sed quid retribuam Domino pro gratia ista, pro charitate tam eximia? Non est aliud, quod gratius donare queam, quàm vt cor meum

Deo

Deo meo totaliter tribuam, & intimè coniungam. Tunc exultabunt omnia interiora mea, cùm perfectè fuerit vnita Deo anima mea. Tunc dicet mihi: Si tu vis esse mecum, ego volo esse tecum. Et ego respondebo illi: Dignare Domine manere mecum, ego volo libenter esse tecum. Hoc est totum desiderium meum, vt cor meum tibi sit vnitum.

CAP. XIII.

De quorundam deuotorum ardenti desiderio, ad Corpus Christi.

VOX DISCIPULI.

I QUAM magna multitudo dulcedinis tuæ Domine, quam abscondisti timentibus te! Quando recordor deuotorum aliquorum, ad Sacramentum tuum Domine, cum maxima deuotione, & affectu accedentium, tunc sæpiùs in me ipso confundor, & erubescō: quòd ad altare tuum, & sacrae Cōmunionis mensam, tam tepidè & frigidè accedo. Quòd ita aridus, & sine affectione cordis maneo. Quòd non sum totaliter ac-

Psal. 30

N. 6 census

census coram te Deo meo ; nec ita vehementer attractus & affectus , sicut multi deuoti fuerunt, qui præ nimio desiderio Communionis , & sensibili cordis amore, à fletu se non potuerunt cōtinere: sed ore cordis & corporis pariter, ad te Deum fontem viuum medullitus inhiabant, suam esuriem non valentes aliter temperare nec satiare, nisi Corpus tuum cum omni iucunditate & spiritali auiditate acceperint.

Luc. 24. vera ardens fides eorum , probabile existens argumentū sacræ præsentia tuæ. Isti enim veraciter cognoscunt Dominum suum in fractione panis, quorum cor tam validè ardet in eis, de Iesu ambulante cum eis. Longè est à me sæpè talis affectus & deuotio, tam vehemens amor & ardor. Esto mihi propitius Iesu bone, dulcis & benigne: & concede pauperi mendico tuo, vel interdum modicum de cordiali affectu amoris tui, in sacra Communione sentire, vt fides mea magis conualescat, spes in bonitate tua proficiat, & charitas semel perfectè accensa, & cæleste manna experta, numquam deficiat.

3 Potens est autem misericordia tua, etiam gratiam desideratam mihi præstare, & in spiritu ardoris, cum dies beneplaciti tui venerit, me clementissimè visitare. Etenim licet tanto desiderio tam specialium deuotorum tuorum non ardeo, tamen de gratia tua, illius magni inflammati desiderij, desiderium habeo, orans & desiderans, omnium talium feruidorum amatorum tuorum, participem me fieri, ac eorum sancto consortio annumerari.

CAP. X V.

*Quòd gratia deuotionis, humilitate
& suiipsius abnegatione, acquiritur.*

VOX DILECTI.

IPORTET te deuotionis gratiam instanter quærere, desideranter petere, patienter & fiducialiter expectare, gratanter recipere, humiliter conseruare, studiosè cum ea operari ac Deo terminum & modum supernæ visitationis, donec veniat, committere. Humiliare præcipuè te debes, cum parum aut nihil deuotionis interiùs sentis; sed non nimium de-

N 7 iici,

iici, nec inordinatè contristari. Dat sæpè Deus in vno breui momento, quod longo negauit tempore. Dat quandoque in fine, quod in principio orationis distulit dare.

2 Si semper citò gratia daretur, & pro voto adesset, non esset infirmo homini benè portabile. Propterea in bona spe, & humili patientia, expectanda est deuotionis gratia. Tibi tamen, & peccatis tuis imputa, cùm non datur, vel etiam occultè tollitur. Modicum quandoque est, quod gratiam impedit & abscondit, si tamen modicum, & non potiùs grande dici debeat, quod tantum bonum prohibet. Et si hoc ipsum modicum vel grande amoueris, & perfectè viceris, erit quod petisti.

3 Statim namque, vt te Deo ex toto corde tradideris, nec hoc vel illud, pro tuo libitu seu velle quæreris, sed integrè te in ipso posueris, vnitum te inuenies, & pacatum; quia nil ita benè sapiet & placebit, sicut beneplacitum diuinæ voluntatis. Quisquis ergo intentionem suam, simplici corde sursum ad Deum leuauerit, seque ab omni
ni

ni inordinato amore, seu displicentia cuiuslibet rei creatæ, euacuauerit, aptissimus gratiæ percipiendæ, ac dignus deuotionis munere erit. Dat enim Dominus ibi benedictionem suam, vbi vasa vacua inuenerit. Et quantò perfectiùs infirmis quis renuntiat, & magis sibi ipsi per contemptum sui moritur, tantò gratia celerius venit, copiosiùs intrat, & altiùs liberum cor eleuat.

4 Tunc videbit, & affluet, & mirabitur, & dilatabitur cor eius in ipso, quia manus Domini cum eo, & ipse se posuit totaliter in manu eius vsque in sæculum. Ecce sic benedicetur homo, qui quærit Deum in toto corde suo, nec in vanum accipit animam suam. Hic in accipiendo sacram Eucharistiam magnam promeretur diuinæ vñionis gratiam, quia non respicit ad propriam deuotionem & consolationem, sed super omnem deuotionem, & consolationem, ad Dei gloriam & honorem.

Isai. 60.

CAP.

CAP. XVI.

Quod necessitates nostras Christo aperire, & eius gratiā postulare debemus.

VOX DISCIPULI.

I **O** Dulcissime atque amantissime Domine, quem nunc deuotè desidero suscipere, tu scis infirmitatem meam & necessitatem, quam patior; in quantis malis & vitiis iaceo; quàm sæpè sum grauatus, tentatus, turbatus, & inquinatus. Pro remedio ad te venio, pro consolatione & subleuamine te deprecor. Ad omnia scientè loquor, cui manifesta sunt omnia interiora mea, & qui solus potes me perfectè consolari, & adiuuare. Tu scis, quibus bonis indigeo præ omnibus, & quàm pauper sum in virtutibus.

2 Ecce, sto ante te pauper & nudus, gratiam postulans, & misericordiam implorans. Refice esurientem mendicum tuum, accende frigiditatè meam igne amoris tui, illumina cæcitatem meam claritate præsentiae tuæ. Verte mihi omnia terrena in amaritudinem, omnia graua & contraria in patientiam,

tiam, omnia infima & creata in contemptum & obliuionem. Erige cor meum ad te in cælum, & ne dimittas me vagari super terram. Tu solus mihi ex hoc iam dulcescas vsq; in sæculum; quia tu solus cibus & potus meus, amor meus & gaudium meum, dulcedo mea & totum bonum meum.

3 Vtinam me totaliter ex tua præsentia accendas, comburas, & in te transmutetur; vt vnus tecum efficiar spiritus, per gratiam internæ vnionis, & liquefactionem ardētis amoris. Ne patiaris me ieiunum & aridum à te recedere, sed operare mecū misericorditer, sicut sæpius operatus es cum Sanctis tuis mirabiliter. Quid mirum, si totus ex te ignescerem, & in meipso deficerem; cum tu sis ignis semper ardens, & numquam deficiens; amor corda purificans, & intellectum illuminans. 2. Cor. 6

CAP. XVII.

De ardenti amore, & vehementi affectu suscipiendi Christum.

VOX DISCIPULI.

I CVM summa deuotione & ardenti amore, cum toto cordis affectu

affectu & feruore, desidero te Domine suscipere, quemadmodum multi Sancti & deuotæ personæ, in communicando te desiderauerunt, qui tibi maximè in sanctitate vitæ placuerunt, & in ardentissima deuotione fuerunt. O Deus meus, amor æternus, totum bonum meum, felicitas interminabilis, cupio te suscipere cum vehementissimo desiderio & dignissima reuerentia, quam aliquis Sanctorum vmquam habuit, & sentire potuit.

2 Et licet indignus sum omnia illa sentimenta deuotionis habere, tamen offero tibi totum cordis mei affectum, ac si omnia illa gratissima inflammata desideria, solus haberem. Sed & quæcumque potest pia mens concipere & desiderare, hæc omnia tibi, cum summa veneratione, & intimo fauore, præbeo & offero. Nihil opto mihi reseruare, sed me & omnia mea, tibi sponte & libentissimè immolare. Domine Deus meus, creator meus, & redemptor meus, cum tali affectu, reuerentia, laude & honore; cum tali gratitudine, dignitate, & amore; cum tali fide, spe & puritate, te affecto hodie susci-

fufcipere, ficut te fufcepit & defideravit fanctiffima mater tua, gloriofa virgo Maria, quando Angelo euangelizanti fibi incarnationis myfterium, humiliter ac deuotè refpondit: Ecce ancilla Domini, fiat mihi fecundùm verbum tuum. *Luce 1.*

3 Et ficut beatus præcurfor tuus, excellentiffimus Sanctorum Ioannes Baptifta, in præfentia tua letabundus exultauit in gaudio Spiritus fancti, dum adhuc maternis clauderetur vifceribus: Et postmodum cernens inter homines Iefum ambulantem, valdè fe humilians, deuoto cum affectu dicebat: Amicus autem fponfi, qui ftat, & audit eum, gaudio gaudet propter vocem fponfi: fic & ego, magnis & facris defideriis opto inflammari, & tibi ex toto corde me ipfum præfentare. Vnde & omnium deuotorum cordium iubilationes, ardentes affectus, mentales excessus, ac supernaturales illuminationes, & cælicas vifiones tibi offero & exhibeo cum omnibus virtutibus & laudibus, ab omni creatura in cælo & in terra celebratis, & celebrandis, pro me & omnibus mihi in oratio-

oratione commendaris ; quatenus ab omnibus dignè lauderis , & in perpetuum glorificeris.

4 Accipe vota mea Domine Deus meus, & desideria infinitæ laudationis, ac immensæ benedictionis ; quæ tibi, secundum multitudinem ineffabilis magnitudinis tuæ, iure debentur. Hæc tibi reddo, & reddere desidero, per singulos dies & momenta temporum; atque ad reddendum mecum tibi gratias & laudes, omnes cælestes spiritus, & cunctos fideles tuos, precibus & affectibus inuito & exoro.

Pf. 116. 5 Laudent te vniuersi populi, tribus, & linguæ ; & sanctum ac mellifluum nomen tuum, cum summa iubilatione, & ardenti deuotione magnificent. Et quicumque reuerenter ac deuotè altissimum Sacramentū tuum celebrant, & plena fide recipiunt, gratiam & misericordiam apud te inuenire mereantur, & pro me peccatore suppliciter exorent. Cumque optata deuotione, ac fruibili vnione, potiti fuerint, & benè consolari, ac mirificè refectioni, de sacra mensa cælesti abscesserint, mei pauperis recordari dignentur.

C A P.

CAP. XVIII.

*Quòd homo non sit curiosus scrutator
Sacramenti, sed humilis imitator
Christi, subdendo sensum suum sa-
cræ fidei.*

VOX DILECTI.

I **C**AVENDVM est tibi à curiosa,
& inutili perscrutatione huius
profundissimi Sacramenti, si non vis
in dubitationis profundum submer-
gi. Qui scrutator est maiestatis, op- Prom. 25
primeretur à gloria. Plus valet Deus
operari, quam homo intelligere po-
test. Tolerabilis, pia, & humilis in-
quisitio veritatis, parata semper doce-
ri, & per sanas Patrum sententias stu-
dens ambulare.

2 Beata simplicitas, quæ difficiles
quæstionum relinquit vias, & plana ac
firma pergit semita mandatorum Dei.
Multi deuotionem perdiderunt, dum
altiora scrutari voluerunt. Fides à te
exigitur, & sincera vita; non altitudo
intellectus, neque profunditas myste-
riorum Dei. Si non intelligis, nec ca-
pis, quæ infra te sunt, quomodo
compre-

comprehendes , quæ supra te sunt ? Subdere Deo, & humilia sensum tuum fidei, & dabitur tibi scientiæ lumen, prout tibi fuerit vtile ac necessarium.

3 Quidam grauitè tentantur de fide & Sacramento, sed non est hoc ipsis imputandum , sed potiùs inimico . Noli curare, noli disputare cum cogitationibus tuis, nec ad immisillas à diabolo dubitationes responde; sed crede verbis Dei, crede Sanctis eius & Prophetis, & fugiet à te nequam inimicus. Sæpè multum prodest, quòd talia sustinet Dei seruus. Nam infideles & peccatores non tentat , quos securè iam possidet ; fideles autem deuotos, variis modis tentat & vexat.

4 Perge ergo cum simplici & indubitata fide, & cum supplici reuerentia ad Sacramentum accede. Et quidquid intelligere non vales , Deo omnipotenti securè committe . Non fallit te Deus; fallitur , qui sibi ipsi nimium credit. Graditur Deus cum simplicibus, reuelat se humilibus, dat intellectum paruulis , aperit sensum puris mentibus, & abscondit gratiam curiosis & superbis. Ratio humana debilis est,

118.
Mat. 11

est, & falli potest; fides autem vera, falli non potest.

§ Omnis ratio, & naturalis inuestigatio, fidem sequi debet, non præcedere, nec infringere. Nam fides & amor ibi maximè præcellunt, & occultis modis in hoc sanctissimo & superexcellentiſſimo Sacramento operantur. Deus æternus & immenſus, infinitæque potentiæ, facit magna & inſcrutabilia in cælo & in terra, nec est inuestigatio mirabilium operum eius. Si talia eſſent opera Dei, vt facilè ab humana ratione caperentur, non eſſent mirabilia, nec ineffabilia dicenda.

F I N I S.



IN-

I N D E X IN HOS QVATVOR DE IMITATIONE C H R I S T I L I B E L L O S.

A



ANNEGATIO sui , ac Christi imi-
tatio per Crucem. lib. 3, cap. 32,
n. 1. c. 56, n. 1. & seq. Vide, Con-
temptus. Communio.

Acedia. l. 1, c. 25, n. 10

Aduentus Dei in mentem. l. 2, c. 1, n. 2

Aduersitatis utilitates. l. 1, c. 12, n. 1. 2

Aestimatio sui vilis in oculis Dei. lib. 3, cap. 8,
num. 1. & seq.

Aeterna vita. v. *Vita aeterna.*

*Affectus noster quibus rebus inhareat, expen-
dendum sedulo.* l. 3, c. 31, n. 4

in Agendo non debet esse homo importunus.
lib. 3, cap. 39, n. 1. 2

Amandus IESVS super omnia. l. 2, c. 7, n. 1.
& seq.

*Amandus proximus: cuius amor tunc perit,
quando illius imperfectiones non aequo animo
perferuntur.* l. 1, c. 16, n. 1. 2

Amāti Deum, super omnia sapit Deus. l. 3,
c. 34, n. 1. 2

Amator Christi verus quis sit. l. 3, c. 6, n. 1

Amatores crucis Christi pauci. l. 2, c. 11, n. 1.
& cap. seq.

Amato-

Amatoris veri probatio. L. 3, c. 6, n. 12. & c. 7, n. 1.2

Ambulandum sincerè coram Deo. l. 3, c. 4, n. 1

Amor IESV, rerumque aeternarum ac caelestium. l. 2, c. 1, n. 2

Amoris divini effectus mirabiles. l. 3, c. 5, n. 1. & seq.

Amor creaturarum, homini plurimum nocet. L. 2, c. 1, n. 8

Amor proprius valdè retardat à fruitione summi boni. l. 3, c. 27, n. 1. & seq.

Amicitia IESV, quanti sit facienda. L. 2, c. 8, n. 1. & seq.

Amici si te deserant, ne molestè feras. l. 2, c. 9, n. 2

Amico carere cum sit molestum, da operam, ut sis cum IESV familiaris. l. 2, c. 8, n. 1. & seq.

Anni conversionis seu vocationis. L. 1, c. 11, n. 5

Annos conversionis plerique numerant, sed pauci emendationis vita. l. 1, c. 23, n. 2

Apostoli Christi quales fuerint. l. 3, c. 22, n. 4

Appetitus inordinatus, parit inquietudinem. L. 1, c. 6, n. 1.2

Avari & superbi nulla pace fruuntur. L. 1, c. 6, n. 2

Auditus curiositas cauenda. L. 3, c. 44, n. 1.2

Auxilium divinum petendum, cum fiducia recuperanda gratia. L. 3, c. 30, n. 1. & seq.

B

Beneficia Dei expendenda sunt. L. 3, c. 22, n. 1. & seq.

Beneficiis Dei quis sit indignus. l. 3, c. 22, n. 2.3

Beneplacitum Dei. Vide, Voluntas Dei. Oratio.

Boni nihil ex se habet homo. L. 3, c. 40, n. 1

O

Car-

C

C Aralia sectari, maxima vanitas. l. 1, c. 1, n. 4. 5.

Cecitatis humana consideratio. l. 2, c. 5, n. 1.
 & seq.

Celestium rerum amor. l. 2, c. 1, n. 1. 2. 3

Cella continuata dulcescit. l. 1, c. 20, n. 5

Cella in te seruabit quod foris amittes. ibid.

Cella & silentij fructus. l. 1, c. 20, n. 6. & seq.

Charitas non querit qua sua sunt, sed omnia
 in Deum refert. l. 1, c. 15, n. 3

absque Charitate opera nostra sunt vana. l. 1, c. 15, n. 2

Charitas ad omnes habenda est, non autem familiaritas. l. 1, c. 8, n. 2

Christi vitam sequentes, illuminantur. l. 1, c. 1, n. 1

Christi verba interna ad animam fidelem. l. 3, c. 1, & seq.

Christi doctrina cur quibusdam non sapiat. l. 1, c. 1, n. 2

Christi doctrina antecellit omnium Sanctorum doctrinas. ibid. in ea est manna absconditum. ibid.

Christi vita imitatio. l. 1, c. 1, n. 1, & l. 3, c. 56, n. 1. & seq.

Christum qui habet magistrum, is felix est. l. 1, c. 3, n. 1

Christi exemplo, Superiori obediendum est. l. 3, c. 13, n. 1. & seq.

contra Cogitationes malas oratio. l. 3, c. 23, n. 4.

Vide, Desideria.

Cognitio sui, summa sapientia est. l. 1, c. 2, n. 4

Communione fructus. l. 4, c. 1, n. 9

Com-

Communicare sæpè est utile. l.4, c.3, n.1. & seq.
 ante Communionem exercitia. l.4, c.7, n.1. & seq.
 per Communionem, unio cum Deo optanda est.
l.4, c.13, n.1. & seq.

Communionem qua præparatione, & cum quan-
 ta reuerentia adire oporteat. l.4, c.1, n.1. &
seq. & c.12, n.1. & seq.

ad Communionem Christi exhortatio. In libri
 quarti præmio. Item l.4, c.1, n.1.

Communion non est facilè relinquenda. l.4, c.10,
n.1. & seq.

in Communione orandum est pro nobis, ac etiam
 pro omnibus. l.4, c.9, n.1. & seq.

ad Communionem quorundam ardens deside-
 riū. l.4, c.14, n.1. & seq. & c.17, n.1. & seq.

Communionem non sumus digni, si nos ipsos spe-
 ctemus. l.4, c.1, n.1.

per Communionem acquiruntur humilitas,
 deuotio, suiq; abnegatio. l.4, c.15, n.1. & seq.

ante Communionem oportet suam consciētiam
 examinare; concipiendum quoque sese emen-
 dandi propositum. l.4, c.7, n.1. & seq.

Communicantes debent Christo suas necessitates
 aperire, atque eiusdem gratiam postulare. l.4,
c.16, n.1. & seq.

Communicantibus deuotè ampla gratia con-
 fertur. l.4, c.4, n.1. & seq.

Communicantes tum nos, tum nostra Deo offer-
 re debemus. lib.4, c.7, n.4, c.8, n.12, c.9, n.1

Vide, Eucharistia.

Compunctionis bona. l.1, c.1, n.3

Compunctionis interioris commēdatio. l.1, c.21,
n.1. & seq.

Cōpunctio cordis unde nascatur. l.1, c.21, n.5.6

Compunctio quomodo acquiri possit. l. 1, c. 20,
n. 5

Compunctionis interioris commendatio. l. 1,
c. 21, n. 1. & seq.

Concupiscentia breues & falsa. l. 3, c. 12, n. 3. 4
contra Concupiscentias pugna necessaria. l. 3,
c. 35, n. 2

Concupiscentiis minimè est indulgendum. l. 3,
c. 12, n. 1. & seq.

*Confessio propria infirmitatis, atque miseria-
rum huius mundi.* l. 1, c. 20, n. 1. & seq.

*Confidentia habenda est de gratia recuperanda,
si fortè illa recessisset.* l. 3, c. 30, n. 1. & seq.

*Confidentiam suã in Deo debet reponere iniuriis
laceffitus.* l. 3, c. 46, n. 1. & seq.

Confidendum est nec in se, nec in aliis. l. 1, c. 7,
n. 1, c. 20, n. 3. 4

Coniunctio cum Deo unde nascatur. l. 1, c. 21,
n. 5. 6

Conqueri non oportet facilè. l. 2, c. 1, n. 5

Conscientia bona gaudium. l. 2, c. 6, n. 1. & seq.

Conscientia mala pacem non habet. l. 2, c. 6, n. 1

Consideratio sui ipsius, & cecitatis humana. l. 2,
c. 5, n. 1. & seq.

Consilium accipere melius est, quàm dare. l. 1,
c. 19, n. 3

Consolatione caelesti quis sit dignus. l. 1, c. 20, n. 5

*Consolatione homo haud dignus est, quin potiùs
verberibus.* l. 3, c. 52, n. 1. & seq.

ex Consolatione merita non sunt aestimanda. l. 3,
c. 7, n. 5

Consolatio humana aspernanda est. l. 3, c. 16,
n. 2

Consolatio in Deo quarendam est. l. 3, c. 16, n. 1

Con-

Consolatione omni carere, magnum quid est. l. 2, c. 9, n. 1. & seq.

Consolationes nonnumquam recedunt, iterumq̃ reuertuntur. l. 2, c. 9, n. 4

Consolationes quando dantur vel auferuntur, quo pacto se gerere debeat homo. l. 2, c. 9, n. 5

Consolationes externa frequenter internas impediunt. l. 1, c. 10, n. 2. & c. 21, n. 3. 4

Consolationem humanā qui non querit, signum est, quod inceperit Deum gustare. l. 1, c. 25, n. 10

Consolationes diuina non semper ad votum habentur. l. 1, c. 10, n. 2

Contemplari alta qui non nouit, sese in Christi passione exerceat. l. 2, c. 1, n. 4

Contemptus sui, est summa sapientia. l. 1, c. 2, n. 4

Contemptus tum sui, tum voluptatum. l. 3, c. 32, n. 1. & seq.

Contempto mundo, quā sit dulce Christo seruire. l. 3, c. 10, n. 1. & seq.

Contemptus honoris temporalis. l. 3, c. 41, n. 4

Contemptus externarum rerum. l. 2, c. 1, n. 3. & seq. Vide, Humilitas.

Contumelia patienter ferenda. l. 3, c. 46, n. 1

Conuersatio in mundo qualis esse debet. l. 1, c. 7, n. 1. & seq. l. 3, c. 22, n. 4

Conuersandum cum quibus sit. l. 1, c. 8, n. 1

Conuersatio externa multū nocet. l. 1, c. 20, n. 1

Conuersari cum bonis recte, parum quid est; at cum malis, res est maxima. l. 2, c. 3, n. 2

Conuersari secum intus, & cum IESU, optimum est. l. 2, c. 1, n. 6

Conuersionis seu uocationis anni. l. 1, c. 11, n. 5

Conuerſionis annos plerique numerant, ſed pauci emendationis vitæ. l. 1, c. 23, n. 2

Cor hominis eſt mutabile & inſtans. l. 3, c. 32, n. 1. 2, c. 33, n. 1. 2

Cor purum quibus fruatur bonis. l. 2, c. 4, n. 2

Cordis pacem quinam habeant. l. 2, c. 6, n. 3

Cordis deſideria examinanda. l. 3, c. 15, n. 1

Creaturarum amor homini plurimum nocet. l. 2, c. 1, n. 8

Creaturarum contemptus efficit, vt creator facile inueniri poſſit. l. 3, c. 31, n. 1. & ſeq.

Credendum minimè omnibus, quia homo mendax eſt. l. 3, c. 45, n. 2. 3. 4

Credimus de aliis citiùs malum quàm bonum. l. 1, c. 4, n. 1

Crucis Chriſti amatores pauci admodum inueniuntur. l. 2, c. 11, n. 1. Item c. ſeq. per totum.

Crucis Chriſti qui ſint veri imitatores. l. 2, c. 12, n. 2. & ſeq.

Crucis ſancta via regia. l. 2, c. 12, n. 2. 3

Crucem ſuam mundani habent. l. 3, c. 12, n. 2

Cubiculum intrandum, & tumultus mundi excludendi. l. 1, c. 20, n. 5

Cupiditas omnis reſecanda eſt. l. 3, c. 15, n. 1, c. 32, n. 1. & ſeq.

Cura & ſollicitudo omnis in Deo ponenda. l. 3, c. 17, n. 1. & ſeq.

Curioſitas de vita aliorum inquirenda, euitanda. l. 3, c. 24, n. 1. & ſeq.

Curioſitas cauenda eſt, tum audiendo, tum videndo. l. 3, c. 44, n. 1. 2

D

Demonſtratur bona deſideria impedire. l. 3, c. 6, n. 4

Deſe-

Defectus aliorum tolerandi. l. 1, c. 16, n. 1.
 & seq. & l. 2, c. 3, n. 2

*Defectus nostros ab aliis sciri, ad humilitatem
 nostri subinde utile est.* l. 2, c. 2, n. 1

pro Defunctis in Missa orandum. l. 4, c. 9, n. 5

Deseri ab amicis non molestè ferendum. l. 2,
 c. 9, n. 2

Desiderium nimium sciendi est reprehensibile.
 l. 1, c. 2, n. 2

*Desideria sua homo debet offerre Deo, ac tum
 ipsius voluntati planè acquiescere.* l. 3, c. 15,
 n. 1. & seq.

*Desideria nostra ordinata esse debent, diuinæq;
 voluntati conformia.* l. 3, c. 15, n. 1

Desideria cordis examinanda. Ibid.

*Desolatus debet ad Deum confugere, ac ei se
 offerre.* l. 3, c. 50, n. 1. & seq.

Detrectatores sunt patienter ferendi. l. 3, c. 26,
 n. 1. & seq.

Deuotio acquiritur per Communionem. l. 4,
 c. 15, n. 1. & seq.

*Deuotio quorundam posita est in libris & ima-
 ginibus.* l. 3, c. 4, n. 4

Deuoti hominis consolatio. l. 3, c. 18, n. 1

*per Deuotionem indiscretam, quidam se destru-
 xerunt.* l. 3, c. 7, n. 2

pro Deuotionis gratia impetranda, oratio. l. 3,
 c. 3, n. 5

Deuotionis gratia occultari debet. l. 3, c. 7, n. 1

Deuotionis gratia non est in manu hominis. l. 3,
 c. 7, n. 2

Deus sapit super omnia amanti Deum. l. 3,
 c. 34, n. 2

Deus cur permittat nonnullos tētari. l. 1, c. 13, n. 7

Dei voluntas omnibus in rebus querenda est.
l. 3, c. 15, n. 1. & seq.

Deo nihil occultum. l. 3, c. 46, n. 3. & seq.

ad Deum via, potius per sui cognitionem habetur, quàm per scientiam. l. 1, c. 3, n. 4

Deo sunt cōmittēda omnia nostra. l. 3, c. 24, n. 1. 2

Deus est in tribulatione inuocandus, & benedicendus. l. 3, c. 29, n. 1. 2

Deus est vera quies interna. l. 3, c. 21, n. 1

in Deum, tamquam in finem, omnia sunt referenda. l. 3, c. 9, n. 1. 2, c. 10, n. 4

Dilectio, Vide, Charitas.

Disputatio de Trinitate, Deo non placet sine humilitate. lib. 1, c. 1, n. 3

Dissolutum esse ac vagum, nocet homini quàm maximè. l. 1, c. 21, n. 1. & seq.

Diuitia spernenda. l. 3, c. 41, n. 1

Doctrina Christi antecellit omnium Sanctorum doctrinas, in qua manna est absconditum. l. 1, c. 1, n. 2

Doctrina Christi cur quibusdam non sapiat. l. 1, c. 1, n. 2

ob Doctrinam multi perierunt. l. 1, c. 2, n. 2

Docti ut plurimum fiunt viri elati. l. 1, c. 2, n. 2

Docti, raro sunt boni subditi. l. 3, c. 7, n. 3

Docti punientur ceteris grauius, nisi pra aliis melius vixerint. l. 1, c. 2, n. 3

Doctus quis verè sit. l. 1, c. 3, n. 3

Doloris iusti materia, sunt peccata & vitia nostra. l. 1, c. 21, n. 4

Domi manendum. l. 1, c. 20, n. 1. & seq.

E

Effectus mirabiles amoris diuini. l. 3, c. 5, n. 1. & seq.

Emen-

Emendatio vita. l. 1, c. 25, n. 1

Emendationis propositum non differendum. l. 2, c. 22, n. 5

Emendationem morum duo impediunt. l. 1, c. 25, n. 3

ad Emendationem vita ac morum duo plurimum conducunt. l. 1, c. 25, n. 4

ex Euangelij audita siue prädicatione, cur vel nullus, vel exiguus admodum fructus in plerisque fiat. l. 1, c. 1, n. 2

Eucharistia dignitas. l. 4, c. 5, n. 1

Eucharistia nobis est quàm maximè necessaria. l. 4, c. 11, n. 1

de Eucharistia ne sit homo indagator curiosus; sed suos sensus fidei simpliciter subiiciat. l. 4, c. 18, n. 1. & seq. Vide, Communio.

Examen conscientie faciendum, tum manè tum vesperi. l. 1, c. 19, n. 4

Exempla perfectorum multum ad profectum conducunt. l. 1, c. 18, n. 1

Exempla bonorum magis nos ad virtutem impellere debent, quàm malorum ad vitam laxiorem. l. 1, c. 18, n. 4

Exercitia corporalia quatenus sunt assumenda. l. 1, c. 19, n. 4

Exercitia spiritualia, diuersis temporibus, alia atque alia assumenda sunt. l. 1, c. 19, n. 5. 6

Exercitia ante Communionem. l. 4, c. 7, n. 1. & seq.

F

Familiaritas cum IESU optima est. l. 2, c. 8, n. 1

Familiaritas nimia cauere debet, maximè verò cum mulieribus. l. 1, c. 8, n. 1. 2

Familiaritas nimia cum hominibus subinde tollit bonam opinionem de nobis prius conceptam. l. 1, c. 8, n. 2

Feruori oportet se dare. l. 1, c. 25, n. 11

Feruido omnia fiunt leuia. l. 1, c. 25, n. 11

Festo die solemnii appropinquante, quid agendum sit. l. 1, c. 19, n. 6

Fiducia nec in se, nec in hominibus ponenda est, sed in Deo nostro. l. 1, c. 7, n. 1. 2, & l. 2, c. 1. n. 2. 3. & l. 3, c. 59, n. 1

Fidere sibi nimium non oportet. l. 2, c. 5, n. 1

Finis ultimus & supremus, Deus. l. 3, c. 9, n. 1. 2

Fragilitas hominis est magna. l. 1, c. 22, n. 5. 6

Fructum facere ex aliorum dictis & factis debemus, tametsi peccata esse appareant. l. 1, c. 2, n. 4

G

G *Audium conscientiae bona.* l. 1, c. 20, n. 3, & l. 2, c. 6, n. 1. & seq.

Gaudium mala conscientia non habet. ibid.

Gaudium verum in Deo solo. l. 3, c. 16, n. 1. 2

Gaudij priuatio. l. 2, c. 9, n. 1. & seq.

Gloria vera & falsa, qua sit. l. 2, c. 6, n. 2

Gloria aterna, eiusq; desiderij consideratio. l. 3, c. 48, n. 1. & seq. & c. 49, n. 1. & seq.

Gloriari homo de nullo potest, quia ex se nihil habet. l. 3, c. 40, n. 4

Gloriandum in tribulatione. l. 2, c. 6, n. 2

Gloriandum in nulla re h'c. l. 3, c. 40, n. 4

Gloriandum in Deo solo, non autem in aliis. l. 1, c. 7, n. 2. & l. 3, c. 9, n. 2. 3

pro Gratia Dei impetranda, oratio. l. 3, c. 3 n. 5

Gratia

Gratia interna custos est humilitas. l. 3, c. 7, n. 1

Gratia Deo pro acceptis beneficiis agenda. lib. 2, c. 10, n. 2. & seq.

Gratia Dei & natura, sunt motus diuersi. l. 3, c. 54, n. 1. & seq.

Gratia diuina vis ac necessitas. l. 3, c. 55, n. 2. & seq.

Gratia diuina efficacia; item corrupta natura mala. l. 3, c. 55, n. 1. & seq.

Gratia occultanda est sub humilitate. l. 3, c. 7, n. 1

Gratia recedente qualis homo remaneat. l. 2, c. 8, n. 5

H

H *Abitus Religiosorum qualis. l. 3, c. 25, n. 8*
Homo mendax est, ideo in omnibus non ei credendum. l. 3, c. 45, n. 2. 3. 4

Homo debet in hoc mundo esse instar peregrini cuiusdam & exulis. l. 1, c. 23, n. 9

Homo verè internus, numquam se in totum ad externa diffundit. l. 2, c. 1, n. 7

Homo existimare debet, se omni consolatione indignum. l. 3, c. 52, n. 1. & seq.

Homini interius non sese colligētis mala. l. 2, c. 5, n. 2

Honores spernendi. l. 3, c. 41, n. 4

Humilitas acquiritur per Communionem. l. 4, c. 15, n. 1. & seq.

Humilis se vilem aestimat. l. 3, c. 8, n. 1. & seq.

Humiles fuerunt omnes Sancti. l. 2, c. 10, n. 4

cum Humili quid agat Deus. l. 2, c. 2, n. 2

Humiles & pauperes multa pace fruuntur. l. 2, c. 6, n. 1

Humiliare se sub omnibus decet, & nulli se prafer-

- præferre. l. 1, c. 7, n. 1. & seq.*
Humilis sui ipsius submissio. l. 2, c. 2, n. 1. 2
Humilitas est custos gratiæ internæ. l. 3, c. 7,
n. 1
Humilitas retinenda est in doctrina & scientia.
l. 1, c. 2, n. 2. & c. 3, n. 1. 2
Humilitas & veritas est retinenda in conuer-
satione cum Deo. l. 3, c. 4, n. 1. & seq.

I

- I**ESVS est super omnia amandus. l. 2, c. 7, n. 1.
 & seq.
cum IESV familiaritas optima. l. 2, c. 1, n. 1. 2.
& c. 8, n. 1. 2
IESVS quomodo amitti soleat. l. 2, c. 8, n. 3. 4
Illuminatio mentis ut impetretur, oratio. l. 3,
c. 23, n. 4
Imitatio vitæ Christi. l. 1, c. 1, n. 1. & l. 3, c. 56,
n. 1. & seq.
Imperfectiones aliorum patienter toleranda. l. 1,
c. 16, n. 1. & seq. & l. 2, c. 3, n. 2
Inconstantia seu instabilitas. l. 3, c. 33, n. 1. 2
Inferni ignis quidnam comburat, & quàm sit
ipse grauis. l. 1, c. 24, n. 3. 4
Infirmittatis propria, atque miseriarum huius
mundi confessio. l. 3, c. 20, n. 1. & seq.
ex Infirmittate pauci euadunt meliores. l. 1, c. 23,
n. 4
Iniuriæ sunt æquo animo ferenda. l. 3, c. 19, n. 1.
& seq. & c. 36, n. 1
Iniuriis laceffitus suam confidentiam debet in
Deo reponere. l. 1, c. 24, n. 2. & l. 3, c. 46, n. 1.
& seq.
Inquieti fieri quinam soleant. l. 1, c. 9, n. 1
Inquirere de aliorum statu & vitæ, est pericu-
losum.

- losum. l. 3, c. 24, n. 1. & seq.*
pro Intellectus illuminatione oratio. l. 3, c. 23, n. 4
Intentio in omni re debet esse recta, atque in Deum fieri. l. 2, c. 4, n. 1, & l. 3, c. 33, n. 1. 2
Iudicium Dei metuendum. l. 1, c. 24, n. 1
in Iudicio extremo examen quibus de rebus fiet, aut non fiet. l. 1, c. 3, n. 5, & c. 24, n. 1
Iudicia Dei non sunt scrutanda. l. 3, c. 14, n. 1. & seq. & c. 58, n. 1. & seq.
Iudicia Dei qui consideravit, de se facile senties humiliter. l. 3, c. 14, n. 1. & seq.
Iudicia temeraria reijcienda sunt. l. 1, c. 14, n. 1. & l. 2, c. 6, n. 3. item l. 3, c. 36, n. 1. & seq.
Iudicandus nemo est, etsi malus appareat. l. 1, c. 2, n. 4
Iudicio proprio standum non est. l. 1, c. 4, n. 2, & c. 9, n. 2. 3

L

- L** *Apsum in verbo facilis. l. 3, c. 45, n. 4. 5*
L *Lapsus non debet desperare. l. 3, c. 57, n. 1. & seq.*
Laudes & vituperia aliorum non sunt curanda. l. 2, c. 6, n. 2. 3
Lectio Scriptura sacra anima necessaria. l. 4, c. 11, n. 4
Lectio sacra Scriptura qualis esse debeat. l. 1, c. 5, n. 1
Latitiam veram mali numquam habent. l. 2, c. 6, n. 1
Leuitates maximè nocent homini. l. 1, c. 21, n. 2
Libertas cordis magna, est resignatio sui in Deum. l. 3, c. 38, n. 1. & seq.

Libertas nimia est noxia. l. 1, c. 21, n. 1. 2

Libri p̄j sunt subinde legendi, maxime qui ad compunctionem conferunt. l. 1, c. 5, n. 1. & seq.

Libri p̄j quomodo legi debeant. l. 1, c. 5, n. 1

Literæ sacrae. Vide, *Scriptura sacra.*

Locimutatio sæpè animum non facit tranquilum. l. 1, c. 9, n. 1

Loqui & confabulari cur tantoperè inter nos desideremus. l. 1, c. 10, n. 1

qualia sint illa, de quibus ut plurimum loquimur. l. 1, c. 10, n. 1

Loquutio interna Christi cum anima. l. 3, c. 1, n. 1. & seq. & c. 2, n. 1. & c. 3. per totum.

M

M *Agistrum qui habet Christum, is felix est.* l. 1, c. 3, n. 1

Magnus quis verè sit. l. 1, c. 3, n. 6

Mendax est homo, idè in omnibus ei non credendum. l. 3, c. 45, n. 2. 3. 4

Mens exponit Deo suum desiderium, quatenus à peccatorum periculis liberari possit. l. 3, c. 36, n. 1. & seq.

Mentis illuminatio ut impetretur, oratio. l. 3, c. 23, n. 4.

Merita nostra non sunt ex consolatione estimanda. l. 3, c. 7, n. 5

Miraculo maius est, scire latere, & sui curam gerere. l. 1, c. 20, n. 6

Miseria humana magna est. l. 1, c. 22, n. 1. & seq. & l. 3, c. 20, n. 1. & seq.

Miseria humana patienter ferenda sunt. l. 3, c. 18, n. 1. & seq. & c. 20, n. 1. & seq.

Misericordia humana consideratio, & felicitatis aterna. l. 3, c. 48, n. 1. & seq.

Mise-

Miseriarum humanarum cōsideratio. l. 1, c. 22, n. 1. & seq.

in Missa pro defunctis orandum est. l. 4, c. 9, n. 5

Morum emendationi duo conducunt. l. 1, c. 25, n. 4

Mors cogitanda, appropinquante die festo. l. 1, c. 19, n. 6

Mors multorum varia. l. 1, c. 23, n. 7

Mortis meditatio utilis est. l. 1, c. 23, n. 1

Mortis memoria quotidie habenda, tum manè, tum vesperi. l. 1, c. 23, n. 2

post Mortem qua proderunt, & qua non proderunt. l. 1, c. 24, n. 4. & seq.

in Morte qualis vis inueniri, talis sis in vita. l. 1, c. 23, n. 4

Morientem qua poterunt consolari. l. 1, c. 23, n. 4

Mortificatus, ex quavis re fructum colligit. l. 2, c. 1, n. 8

Mortificatus, magis Deum gustat, quàm alius. l. 1, c. 11, n. 3

non Mortificatus facilè tentatur & vincitur. l. 1, c. 6, n. 1

Mulierum familiaritas cavenda. l. 1, c. 8, n. 1. 2

Mundani nō carēt & ipsi sua cruce. l. 3, c. 12, n. 2

Mundus corde sapè à Deo docetur. l. 1, c. 3, n. 3

Mundo contempto, dulce Christo servire. l. 3, c. 10, n. 1. & seq.

Mutatio loci sapè facit animum non tranquilum. l. 1, c. 9, n. 1

N

Natura corrupta mala; item gratia diuina efficacia. l. 3, c. 55, n. 1. & seq.

Natura & gratia motus sunt planè diuersi. l. 3, c. 54, n. 1. & seq.

Necessi-

Necessitatibus corporis subijci & seruire, graue est ac permolestum, magnaq; est miseria. l. 1, c. 22, n. 1. & seq.

Necessitatibus corporis Sancti liberari optabāt. l. 1, c. 22, n. 3

Negotia sapienter & prudenter agenda. l. 1, c. 4, n. 1. 2

Negotia nostra omnia Deo committere debemus. l. 3, c. 39, n. 1

in Negotiis homo non debet esse importunus. l. 3, c. 39, n. 1. & seq.

O

Obedientia est res valdè magna. l. 1, c. 9, n. 1
Obedientia humilis subditi, ad exemplum Christi. l. 3, c. 13, n. 1. & seq.

Obedire alteri, optimum est. l. 1, c. 9, n. 1

Obediendum est Superiori, exemplo Christi. l. 3, c. 13, n. 1. & seq.

Oblatio dignissima, seipsum purè & integrè in Missa & Cômunionem Deo offerre. l. 4, c. 7, n. 4

Obtrectatorum lingua flocci pendenda. l. 3, c. 26. & seq.

Occupatio. Vide, Opera.

Ociosus in toto numquam sis. l. 1, c. 19, n. 4

Oculi non in alios, sed in seipsum reflectendi sunt. l. 1, c. 21, n. 3

Offerre Deo, tum nos tum nostra debemus, quoties communicamus. l. 4, c. 7, n. 4. & c. 8, n. 1. & c. 9, n. 1

Opera & exercitia quotidiana, quando fieri debent, & quādo sunt intermittenda. l. 1, c. 19, n. 3

Opus bonum nonnumquam est intermittendum ob bonum finem. l. 1, c. 15, n. 1, & c. 19, n. 3

Opus quoduis ex charitate factum, fructuosum est.

est. l. 1, c. 15, n. 1

Operibus humilibus est insistendum, quando al-
tioribus non possumus. l. 3, c. 51, n. 1. & seq.

in Operibus quibusdam putatur esse charitas,
cū mera sit sensualitas. l. 1, c. 15, n. 2

Operatur ille multū, qui multū diligit. l. 1,
c. 15, n. 2

Opera nostra debent prius intus ordinari, quā
foras prodeant. l. 1, c. 19, n. 3

Opera, quæ ex charitate non fiunt, nihil prosunt.
l. 1, c. 15, n. 1

Opiniones aliorum non curanda. l. 1, c. 11, n. 1

Opiniones & contentiones in scientia sunt evi-
tanda. l. 1, c. 3, n. 1. & seq.

Oratio ad Dei volūtātē perficiendā. l. 3, c. 15, n. 3

Oratio ut impetretur illuminatio mentis. l. 3,
c. 23, n. 4

Oratio ad obtinendam divinam gratiam, contra
naturam corruptam. l. 3, c. 55, n. 5

Oratio pro beneplacito Dei perficiendo. l. 3, c. 15,
n. 3

Oratio contra malas cogitationes. l. 3, c. 23, n. 4

Oratio pro impetranda deuotionis gratia. l. 3,
c. 43, n. 5

Oratio pro impetranda cordis puritate, celestiq;
sapientia. l. 3, c. 27, n. 4

Oratio magis eleuat mentem, quā lectio. l. 3,
c. 26, n. 1. & seq.

P

Passio & vita Christi sint vita nostra exem-
plar. l. 2, c. 1, n. 4

in Passione Christi se exercent, qui alta contem-
plari non nouit. l. 2, c. 1, n. 4 (n. 1)

Passio aliquando est, cū zelus estimatur. l. 2, c. 5,
Passio-

- Passiones sunt mortificanda. l. 1, c. 11, n. 3*
Passiones suas qui sequitur, sit inquietus; quiete
verò sibi acquirat, is resistendo. l. 1, c. 6, n. 2
Passionibus obnoxius qualis esse soleat. l. 2, c. 3, n. 1
Passionibus suis resistere durum est. l. 1, c. 25, n. 11
Passionibus suis serviens, quomodo sit affectus.
l. 2, c. 5, n. 1
Passionum aculeis qui urgetur, subinde plus in
vita spiritali proficit, quàm passionibus va-
cuius. l. 1, c. 25, n. 4
Patientia in iniuriis ferendis seruanda. l. 3, c. 19,
n. 1. & seq. & c. 36, n. 1
Patientia est necessaria in omni tentatione, item
& pugna contra concupiscentias. l. 3, c. 35, n. 2
Patientia exemplar Christus. l. 3, c. 18, n. 2
Patientia utendum est omnibus in rebus. l. 3,
c. 35, n. 2
Patiens verè quis sit. l. 3, c. 19, n. 3
Patiens ut quis fiat, quid sit expendendum. l. 3,
c. 12, n. 2
Pati qui nouit, sentiet Dei in se auxilium. l. 2,
c. 2, n. 1
Pati modicum qui nescit modò, quomodo poterit
inferni aut purgatorij pœnas perferre? l. 1,
c. 24, n. 6. 7
Pauperem te videri, non te pudeat. l. 1, c. 7, n. 1
Pax super humilem & pauperem spiritu re-
quiescit. l. 1, c. 6, n. 1
Pax animi quomodo acquiritur. l. 1, c. 11, n. 1
Pax animi non est in affectibus inordinatis. l. 1,
c. 6, n. 1
Pax cordis quibus in rebus sita sit. l. 2, c. 6, n. 2,
& l. 3, c. 25, n. 1
Pax talis non est quaerenda, qua omni pugna ca-
reat.

- reat. l. 3, c. 12, n. 1.
- Pax sæpenumero dissoluitur ex opinionum di-
uersitate. l. 1, c. 14, n. 2
- Pax nostra non debet pendere ex ore & sermone
hominum. l. 3, c. 28, n. 1
- Pax non est in hominibus ponenda. l. 3, c. 42, n. 1. 2
- in Pace quidam sibi videntur tunc esse, quando
ipsis cuncta ex voto cedunt. l. 1, c. 14, n. 2
- Pacem cordis quinam habeant. l. 2, c. 6, n. 3
- qua Pacem unicuique afferunt, quatuor sunt.
l. 3, c. 23, n. 1
- qui Pace frui desiderat, in multis debet se fran-
gere. l. 1, c. 17, n. 1
- in Pace multa erit, qui se non inuoluet verbis
factisq; aliorum. l. 1, c. 11, n. 1
- Pacificus homo qualis sit. l. 2, c. 3, n. 3
- Pacificorum multiplex genus. l. 1, c. 3, n. 3
- Peccata sunt ignis inferni atque purgatorij ma-
teria. l. 1, c. 24, n. 3
- Peccatorum pœna. l. 1, c. 24, n. 3. 4
- Peccatum nullum umquam est perpetrandum,
in gratiam alicuius persone, aut propter rem
aliquam. l. 1, c. 15, n. 1
- ad Peccandum procliuus est natura humana.
l. 1, c. 22, n. 6
- Pœnitentia sanctorum Patrum qualis olim. l. 1,
c. 18, n. 1 (n. 9)
- Peregrini omnes hic sumus. l. 1, c. 17, n. 1, & c. 23,
instar Peregrini homo in hoc mundo debet se ge-
rere. l. 1, c. 23, n. 9
- Peregrinando raro homines sanctificantur. l. 1,
c. 23, n. 4
- Perfectio omnis habet imperfectionem admix-
tam. l. 1, c. 3, n. 4

Pericu-

- Pericula cùm adsunt, ad Deum confugiendum est. l. 3, c. 38, n. 2
- Placere sibiipsi, Deo ingratum est. l. 1, c. 7, n. 2
- Præcipitem non esse, & sensui suo non inharere, magna est sapientia. l. 1, c. 4, n. 2
- Præferre se aliis non decet. l. 1, c. 7, n. 3
- Pramia vita aterna proposita laborantibus & patientibus. l. 3, c. 49, n. 6
- Probantur in terra serui Dei, caelestia pramia expectantes. l. 3, c. 49, n. 1. & seq.
- Profectus spiritalis. l. 1, c. 11, n. 5. 6
- Profectus noster quibus in rebus sit positus. l. 3, c. 24, n. 1
- Profectus noster qualis sit, tentatio declarat. l. 1, c. 13, n. 7. 8
- ad Profectum conferunt sequentia:
- Si te hic gesseris ad instar peregrini. l. 1, c. 17, n. 1
- Vitas Sanctorum frequenter legendo. l. 1, c. 8, n. 1
- Si ut stultus volueris reputari. l. 1, c. 17, n. 1
- Si frequenter tua, tum externa, tum interna examinaveris. l. 1, c. 19, n. 3. 4
- Si in silentio & quiete vixeris. l. 1, c. 20, n. 6
- Si vim tibiipsi intuleris. l. 1, c. 11, n. 6. & c. ultimo, in fine.
- Profectus citò in Religione perit, quãdo tantum habetur carimoniarum ratio. l. 1, c. 11, n. 4
- Profectus magnus fieret, si singulis annis saltem vitium unum euelleremus. l. 1, c. 11, n. 5
- Profectus noster talis est, quale est propositum nostrum. l. 1, c. 19, n. 2
- Profectus noster debet quotidie crescere. l. 1, c. 11, n. 1
- Profectus nostri negligentia efficit ut parum ad id

- id quod loquimur attendamus.* l. 1, c. 10, n. 2
Propositum nostrum bonum . quotidie est renouandum. l. 1, c. 19, n. 1. 2. 3. 4
Propositum benè agendi, ac sese emendandi, minime differri debet. l. 1, c. 22, n. 5
Propositum infirmum. l. 1 c. 22 n. 6
Propositum sua vocationis negligere nocet plurimum. l. 1, c. 25, n. 5
Prudentia in agendo. l. 1, c. 4 n. 1. 2
Prudens verè quis nam sit. l. 1, c. 3, n. 6
Purgatorij ignis materia sunt peccata. l. 1, c. 24, n. 3
Purgatorium patientis & iusti sunt tribulationes, & aduersarij. l. 1, c. 24 n. 2
Puritas cordis ut impetretur, oratio. l. 3, c. 27, n. 4
Puritas cordis quærenda. l. 2, c. 4, n. 1. & seq.
Pusillanimis ne fias si fortè lapsus fueris. l. 3, c. 57, n. 1. & seq.

Q

- Q* *Vies qua in re inuenitur.* l. 2 c. 1, n. 1
Quies in solo Deo ponenda. l. 3, c. 21, n. 1
Quotidianum hominis studium debet esse vincere seipsum. l. 1 c. 3 n. 3
Quotidie bonum propositum est renouandum. l. 1, c. 19, n. 1. & seq.

R

- R* *Refugium nostrum Deus esse debet.* l. 3, c. 38, n. 2
Religiosi debent (Christi exemplo) Superiori obedire. l. 3, c. 13, n. 1. & seq.
Religiosorum habitus. l. 1, c. 25, n. 8
Religionis feruor intepest. l. 1, c. 18, n. 5
in Religionis ingressu, malum omnino signum
 inte-

- intepescere*. l. 1, c. 22, n. 7
in Religionis ingressu, nonnulli sunt meliores
quàm in progressu. l. 1 c. 11, n. 5
Religiosum esse, magna est gratia. l. 3, c. 10, n. 1.
 & seq.
Religiosus debet sapè cogitare ad quid venerit.
 l. 1 c. 25, n. 1
Religiosus qualis debeat esse, ut pacem habeat:
 & *qua sint illius exercitia*. l. 1, c. 17, n. 1. &
 c. 19, n. 1
Renovatio spiritus exuit veterem hominem, sic-
ut ferrum in igne amittit rubiginem. l. 2, c. 4,
 n. 2. Vide, *Propositum. Emendatio vite*.
Requies aterna Sanctorum, Deus l. 3, c. 21, n. 1
Requies qua in re invenitur. l. 2 c. 1 n. 1
Resignatio sui plena ad Dei nutum & volunta-
tem. l. 3, c. 17 n. 2. 3
Resignatio sui ipsius in Deo magnam affert cor-
dis libertatem. l. 3 c. 37, n. 1. & seq.
Resignatio plena in Deo omnibus in rebus, & in
cunctis desideriis. l. 3. c. 15 n. 1. & seq.
Res alta non sunt scrutanda. l. 3, c. 58 n. 1. 2
Res externa quomodo à nobis tractari debeant.
 l. 3. c. 38 n. 1. 2
Revelare sua secreta cui oportet. bonum est; cui
verò non oportet, malum. l. 1, c. 8, n. 1

S

- S** *Acerdotum dignitas*. l. 4 c. 5, n. 1. & seq.
Sacra Scriptura. Vide, Scriptura.
Saluti anima imprimis incumbendum. l. 1, c. 3,
 n. 5
Sanctorum vita qualis olim fuit, quàm servi-
da. l. 1, c. 18, n. 1
de Sanctorum gloria disputare, utpote quis in
ea sit

- ea sit maior vel minor, stultum est, Sanctiſq;
ingratum. l. 3, c. 58, n. 2*
- Sapientia ſumma, eſt cognitio ſui. l. 1, c. 2, n. 4*
- Sapientia qua vera ſit. l. 1, c. 1 n. 3*
- Sapientia magna eſt, non eſſe in agendis precipi-
tem, ſuóque ſenſui non fidere. l. 1, c. 4, n. 2*
- Sapiens ille eſt, qui res tales aſtimat, quales
ſunt. l. 2, c. 1, n. 7*
- Sapientes qui ſunt ſibiipſis, in periculo verſan-
tur. l. 3, c. 7. n. 3*
- Satiari nemo híc poteſt. l. 1, c. 1, n. 5*
- Scientiâ multi perierunt. l. 1, c. 2. n. 2*
- Scientia vera qua ſit. l. 1, c. 2, n. 1*
- Scientia noſtra habet quamdam imperſectio-
nem annexam. l. 1, c. 3 n. 4*
- Scientia qua probanda, & qua improbanda. l. 1,
c. 3 n. 1. 2*
- Scientia non eſt culpanda, ſed bona vita maior
habenda eſt ratio. l. 1, c. 3 n. 6*
- Scientia abſque humilitate non prodeſt. l. 1,
c. 1, n. 3. & c. 2 n. 1*
- Scientia hominis parua eſt, ignorantia autem
eius maxima. l. 1, c. 2, n. 3*
- Scientia ſecularis contemptus. l. 3, c. 43, n. 1.
& ſeq.*
- Scriptura ſacra eſt nobis neceſſaria. l. 4, c. 11,
n. 4*
- Scriptura ſacra quomodo legi debeat. l. 1, c. 5,
n. 1*
- Secreta ſua reuelare cui oportet, bonum eſt;
cui non oportet malum. l. 1, c. 8, n. 1*
- Securitas híc nulla. l. 1, c. 20, n. 3*
- Senſualitas in quibuſdam operibus, putatur
eſſe charitas. l. 1, c. 15, n. 2*

Senſua-

Sensualitatem suam sequi, malum est. l. 1, c. 1, n. 5

Servire Deo, dulce est. l. 3, c. 10, n. 1. & seq.

Servire alijs, decorum est. l. 1, c. 7, n. 1

Silentij & Cella fructus. l. 1, c. 20, n. 6. & seq.

Simplices & puri corde à Deo docentur. l. 1, c. 3, n. 3

Simplicitas debet esse in intentione, puritas in affectione. l. 2, c. 4, n. 1

Simplicitate atque puritate mentis subleuatur homo à terrenis. l. 2, c. 4, n. 1. 2

Solitudo quarenda interdum, & amanda. l. 1, c. 20, n. 1

Sollicitudo omnis in Deo ponenda est. l. 3, c. 17, n. 1. & seq.

Spes seu fiducia in solo Deo ponenda est. l. 1, c. 7, n. 1. 2. & l. 3, c. 59, n. 1

Sperans de Dei auxilio, debet interim facere quod in se est. l. 1, c. 25, n. 2. 3

Spiritus renouatio exuit veterem hominem. sicut ferrum in igne amittit rubiginem. l. 2, c. 4, n. 2. Vide, *Emendatio vite.*

Spiritualia impediunt necessitates huius corporis. l. 1, c. 22, n. 3. 4

Studium nostrum esse debet in extirpandis vitiis, & in virtutibus inferendis. l. 1, c. 3, n. 5

Studium quotidianum hominis esse debet, vincere seipsum. l. 1, c. 3, n. 3

Stultus fias propter Christum, si vis religiosam ducere vitam. l. 1, c. 17, n. 1

Subiectio est res valdè magna. l. 1, c. 9, n. 1

Superbi & auari nulla pace fruuntur. l. 1, c. 6, n. 2. Vide, *Docti. Tentatio.*

Superior quis sit idoneus. l. 1, c. 20, n. 2

Tempus

T

- T** Empus prasens est valde pretiosum. l. 1, c. 23, n. 5. 8
- Tempus prasens nobis concessum est, ut nos preparemus ad mortem. l. 1, c. 19, n. 6. 7
- Temporis summa habenda ratio. l. 1, c. 25, n. 11
- Temporalium rerum vanitas. l. 1, c. 7, n. 1. & seq.
- Tentationes sunt utiles. l. 1, c. 13, n. 2
- à Tentatione nemo liber est. l. 1, c. 22, n. 1
- per Tentationes transierunt omnes Sancti, & profecerunt. l. 1, c. 13, n. 2
- eorum qui Tentantur, varia genera. l. 1, c. 13, n. 6
- Tentationes quomodo sint perferenda. l. 1, c. 13, n. 4
- Tentatione una recedente, alia atque alia succedit. l. 1, c. 13, n. 3. Item l. 3, c. 20, n. 3
- Tentationes pro gloria aterna sunt toleranda. l. 3, c. 47, n. 1. & seq.
- Tentationibus viri perfecti quandoque pulsantur. l. 1, c. 13, n. 1
- Tentationum initium, progressus, & quo pacto illis sit resistendum. l. 1, c. 13, n. 5. 6
- Tentatio est vita hominis. l. 1, c. 13, n. 1. & l. 3, c. 35, n. 1
- Tentationes a quo animo patientibus quanta bona sint promissa. l. 3, c. 49, n. 1. & seq.
- Tentationibus non omnino carere quibusdam expedit. l. 1, c. 20, n. 4
- Tentationum nulla securitas, & nullus finis in hac vita. l. 3, c. 35, n. 1. 2. Vide, Patientia.
- Tepor in religionis ingressu, malum signum. l. 1, c. 11, n. 5

P

Terre-

Terrena sunt aspicienda per modum transeuntis. l. 2, c. 1, n. 4

Timor Domini praesens, liberat à timore mortis futura. l. 1, c. 23, n. 6

Tribulatio homini necessaria est. l. 1, c. 13, n. 2.

cuius quanta utilitas. l. 1, c. 12, n. 1.

in Tribulatione gloriandum. l. 2, c. 6, n. 2

in Tribulatione magis necessarium sibi Deum intelligit homo bonae voluntatis. l. 1, c. 12, n. 2. Vide, Tentatio.

Tribulationes inueniet, qui non quarit Iesum. l. 1, c. 17, n. 2.

Tribulationes passi sunt omnes Sancti. l. 1, c. 13, n. 2

de Trinitate disputare, Deo non placet, si careas humilitate. l. 1, c. 1, n. 3

Tristitia iusta materia sunt peccata & vitia nostra. l. 1, c. 21, n. 4

Tristitia causa multa hic sunt. l. 1, c. 21, n. 4. 5

V

V *Acare sibi ipsi in secreto, optimum est. l. 1, c. 20, n. 1. & seq.*

Vanitas quibus in rebus insit, l. 1, c. 7, n. 1. & seq.

Vanitas maxima sectari opes, honores, vitam longam amare, transitoria querere, &c. l. 1, c. 1, n. 4. 5

Verbo labi, est facillimum. l. 3, t. 45, n. 4. 5

Verba Christi interna ad animam fidelem. l. 3, c. 1. & seq.

Verba superflua sunt omnino refecanda. l. 1, c. 10, n. 1

Verba

- Verba contumeliosa patienter toleranda.* l. 3, c. 46, n. 1
flocci pendenda. l. 3, c. 46, n. 1
Verba qualia in colloquium adduci debeant. l. 1, c. 10, n. 2
Veritas ipsa tandem aliquando à verbis hominum improborum liberat. l. 3, c. 4, n. 1
Veritas retinenda in conuersatione cum Deo. l. 3, c. 4, n. 1. & seq.
Veritas aterna amanda super omnia. l. 3, c. 4, n. 3
Via regia sanctæ Crucis. l. 1, c. 12, n. 2. 3
Via ad Deum, potiùs per sui cognitionem habetur, quàm per scientiam. l. 1, c. 3, n. 4
Vilitas hominis maxima debet sibi semper displicere. l. 3, c. 4, n. 3
Vincere seipsum, debet esse quotidianum studium hominis. l. 1, c. 3, n. 3. Vide, *Mortificatio*
Virtus non comparatur nisi diligentia. l. 1, c. 25, n. 11
Vis sibi inferenda ad profectum. l. 1, c. 11, n. 6. & seq. & c. ult. in fine.
Vita hominis tentatio est. l. 1, c. 13, n. 1, & l. 3, c. 35, n. 1
Vita Christi imitatio. l. 1, c. 1, n. 1. & l. 3, c. 36, n. 1. & seq.
Vita aterna consideratio. l. 3, c. 48, n. 1
Vita aterna pramia proposita laborantibus & patientibus. l. 3, c. 49, n. 6
Vita emendatio. l. 1, c. 25, n. 1.
Vita emendationi duo conducunt. l. 1, c. 25, n. 4
Vita Sanctorum olim qualis. l. 1, c. 18, n. 1
de Vita alterius inquisitio curiosa euitanda. l. 3, c. 24, n. 1. & seq.

340 INDEX RERVM.

propter Vitam aternam quidvis perferendum est. l. 3, c. 47, n. 1. & seq.

Vitam longam quidam amant, tametsi miseram. l. 1, c. 22, n. 3

Vituperia & laudes aliorum non curanda. l. 2, c. 6, n. 2, 3

Voluntas Dei omnibus in rebus querenda est. l. 3, c. 15, n. 1. & seq.

ad Voluntatem Dei perficiendam oratio. l. 3, c. 15, n. 3. Vide, *Resignatio sui.*

Voluptatum contemptus. lib. 3, cap. 32, n. 1. & seq.

Z

Z *Elus quandoque aestimatur, cum tamen sit passio.* l. 2, c. 5, n. 1

Zelus primò ad se, quàm ad alios habendus. l. 2, c. 3, n. 2

F I N I S.

HERIBERTI ROS-VVEYDI

è Societate IESV

VINDICIÆ

KEMPENSES

ADVERSVS

CONSTANTINVM

CAIETANVM

Abbatem S. Baronti:

AD

SS. D. N. PAVLVM V.

PONT. MAX.

BENEVOLO LECTORI.



ETSI Abbas Caieta-
nus, vel ab ipso au-
ctore suo monitus,
labori suo parcere
potuerat; cùm ille li-
bro I. capite v. Lectorem suum ita
alloquatur: Non quæras quis
hoc dixerit, sed quid dicitur
attende: quia tamen ille Belgica
nostra vinea, quæ tot annis fa-
mam tulere, succidere conatus est;
spero non mihi vertendum vitio, si
prouocatus eos traduces Belgis af-
feram, quos non minùs nunc quàm
olim fecunda Scriptorum Belgica
terra produxit. Equidem nullo
cōtentionis studio Caietanum vin-

P 4 dicas

dicias postulo, sed ex iure Quiritiū, vnius veritatis amore flagrans.

*Non infelicitè in hoc auctore perpurgādo laborauit iam ante me R. Pater noster Henricus Somma-
lius, cui iam antiquo dierum placuit antiquarium agere, & senectutem suam labore hoc, sibi quidem iucundo, posteris verò fructuoso, oblectare. Non produxit ille quidem argumenta, quibus libellos hos de Imitatione Christi vindicaret, solā famā, eaque & verosimili & constanti contentus; eos tamen ab inutilibus stolonibus & spurio vitulamine liberauit.*

*Quare mihi potissimū in id incumbēdum fuit, vt fructuosam hanc vineam solo suo Belgico adsererem, quæ iam peregrinā glebā
con-*

*conflictabatur. Quod dum facio,
 placuit simul solum repastinare,
 sarrire humum, pampinare palmi-
 tes, & luxuriantia cacumina de-
 fringere. Ad duo igitur autogra-
 pha libellos hos rursus comparavi,
 superflua refecui, supposititia re-
 moui, malè contorta reposui, & ex
 eorum concordi fide omnia expres-
 si. Quòd si quis Sommalij & Caie-
 tani editionem cū hac nostrā con-
 tulerit, illum inueniet quàm pro-
 ximè ad veritatem accessisse, hunc
 recessisse quàm remotissimè. Nec
 enim aliter fieri potuit. quippe cui
 nō nisi refex aliquis è Belgio trans-
 latus domi fuit, qui alieno solo ma-
 lè inoleuit; cū nobis viuiradix
 ad manus esset.*

SYLLABVS CAPITVM.

- C**AP. I. *An vlla aliquando inter populos & nationes de auctore quatuor librorum de Imitatione Christi contentio fuerit?* Pag. 349
- C**AP. II. *Quâ etate auctor librorum de Imitatione Christi vixerit.* 351
- C**AP. III. *An libri de Imitatione Christi D. Bernardo adscribendi sint?* 358
- C**AP. IV. *Vtrum libri de Imitatione Christi Ioanni Gersoni tribuendi sint?* 359
- C**AP. V. *An libri de Imitatione Christi Ioanni à Gessen sint adferendi.* 366
- C**AP. VI. *Libri de Imitatione Christi, Thoma à Kempis Canonico Regulari ex Ordine S. Augustini vindicandi sunt. Cuius sententia prima ratio ducitur ab auctoritate Ioannis Busch, qui eidem vicinus eodem tempore vixit.* 371
- C**AP. VII. *Secunda ratio ducitur à testimonio Trithemij.* 378
- C**AP. VIII. *Tertia ratio ducitur à phrasi Flandricâ.* 386
- C**AP. IX. *Quarta ratio ducitur ab auctoritate manuscriptorum.* 391
- C**AP. X. *Quinta ratio ducitur ex auctore Vitæ eius.* 397
- CAP.**

CAP. XI. Primum Caietani argumentum, libros de Imitatione Christi Thomæ à Kempis non esse, ob diuersitatem styli à reliquis eius Operibus. 401

CAP. XII. Secundum Caietani argumentum, quòd à D. Bonauenturâ citentur, qui ducentis annis Thomam à Kempis præcessit. 404

CAP. XIII. Tertium Caietani argumentum, quòd diuus Thomas de Aquino ex illis quadam excerpserit in Officio Corporis Christi. 430

CAP. XIV. Quartum Caietani argumentum, quòd auctor horum librorum videatur fuisse monachus, imò Abbas Benedictinus. 432

CAP. XV. Quintum Caietani argumentum, quòd phrasim Italicam resonent. 439

CAP. XVI. Sextum Caietani argumentum, quòd auctor Vitæ eius nullam horum librorum mentionem faciat. 446

CAP. XVII. Quæ horum librorum inscriptio, quis numerus, quis ordo, quæ methodus. 453

CAP. XVIII. Comparatio manuscripti Aronensis, quo vsus est Caietanus, cum manuscriptis Antuerpiensi & Louaniensi, quibus

quibus vsus est Sommalius & Ros-vvey-
 dus. 460

C A P. X I X. De variis horum librorum edi-
 tionibus: Henrici Sommalij, Gasparis Bel-
 leri, Constantini Caietani, Heriberti Ros-
 weydi. 472

*Vita Ioannis à Kempis, Thoma fratris, natu-
 maioris, Canonici Regularis, auctore Ioan-
 ne Buschio synchrono.* 477

*Vita Thomae à Kempis Canonici Regularis,
 auctore incerto panè coauro.* 487

*Vita Thomae à Kempis Canonici Regularis,
 ab Heriberto Ros-weydo ex variis auctori-
 bus concinnata.* 493

HERI-

HERIBERTI ROS-VVEYDI

è Societate I E S V

VINDICIÆ
KEMPENSES.

CAPVT I.

An vlla aliquando inter populos & nationes contentio de auctore libelli de Imitatione Christi fuerit.

ROS-W E Y D V S. Vti Caietanvs faciliùs auctorem hunc Italis vindicet, fingit sibi non vna bella pro auctore hoc debellara. Non Helena olim tanti, quæ tot nationes inter se commisit. Non tãti Homerus, quem tot olim populi sibi arrogarunt. Imò non tantì Iupiter, cuius natalem tot sibi regiones vindicarunt. Ait igitur:

CAIETANVS. Non mirum est igitur, si inter populos ac nationes tãta Epist. dedit.
hactenus fuit de huius libri auctore

350 HERIBERTI ROS-VVEYDI
contentio, illum sibi vnaquaque regio-
ne certatim vindicante : prout Home-
ro accidisse narrat Antiquitas.

R O S- W E Y D V S. Quæ hæ, quæ so,
nationes , qui populi, quæ regiones,
quæ de huius libri auctore certamen
instituere ante Caietanum? Nullas in-
uenio, nullas lego ; nullas certè ipse
producit. Immò verò, dum plerasque
omnes editiones Thomæ nostri lustro,
nullam contentionem , nullam pu-
gnam inuenio.

Pag. 1. C A I E T A N V S. Inter Gallos &
Teutonicos ab antiquis temporibus
ad hanc vsque diem , magna existit
controuersia ; quis aurei illius de Imi-
tatione Christi Operis auctor censen-
dus sit.

R O S- W E Y D V S. Nunc duas tan-
tùm nationes inter se committi video,
pugnam tamen non deprehendo. Scio
equidem, in ipsâ typographiæ infan-
tiâ, nunc Bernardi, nunc Gersonis no-
mine librum hunc olim editum ; sed
absque vllâ controuersia vel pugna.
Typographorum ea res fuit lucrum
captantium. Nempe vt tabernarij oculi-
feria quadam exponunt, quæ per se
splen-

splendent & oculos transeuntium feriunt, ac emptores prolestant; idem speciosis titulis, quos vulgo in pretio esse sciunt, sæpè ementiuntur typographi. Equidem crediderim librum hūc olim vulgo expositum, absque certo familiæ nomine, sine vllis, quibus dignosci posset, crepundiis. quæ res occasionem typographis dedit, vt certæ eum familiæ, eique illustri, infererent. Et sanè in nullis Thomæ Kempensis autographis, quibus tum hæc, tum alia eius Opuscula continentur, nomen vllum præfixum inuenio.

CAPVT II.

Quâ ætate auctor librorum de Imitatione Christi vixerit.

CA I E T A N V S. Non lōgè à S. Frācisci ætate vixisse, non perperam colligitur ex eiusdem verbis istis: *Nam quantum vnusquisque est in oculis tuis, tantum est & non ampliùs, ait humilis sanctus Franciscus.* Ita habet autographum Aro-nense, sicut & alia multa exemplaria, cū in Henrici Sommalij codice loco illius verbi ait, malè legatur, agit.

De Imit.
Christi,
lib. 3.
c. 50. in
fine.

Ros-

ROS-WEYDV S. Iam te proximè sequar, Caietane, de auctoris etate differentem, vbi priùs Sommalij codicem ab errore, ipsum Sommalium ab incuriâ liberauero. Næ tu palato valdè delicato es, qui tantâ subtilitate vinum Sommalij vitiosum beneq; limphatû deprehendisti. Quasi verò non persæpè victorum vitio, dum vina elutriantur, & de vase in vas transferuntur, vitium aliquod contrahant. Codex autographus Sommalij rectè habet, *ait*. Ioânes Morerus typographus, qui primus quatuor Thomæ à Kempis de Imitatione libros ex Sommalij recensione prælo subiecit, & in primâ editione suâ anno M. D. XCIX. & in secūdâ anno M. DC. I. & in tertiâ anno M. DC. VII. rectè expressit, *ait*. Quam lectionem si in posterioribus editionibus typothetæ corrupere in *agit*, quæ hîc Sommalij culpa? Quis (amabò) seriò existimabit Sommalium voluisse producere *agit* pro *ait*, tamquam nouam lectionem è codice suo MS? Vel puer, qui à limine Latinas scholas salutauit, hîc typographi vitium animaduertat.

Et

Et verò candorem hîc quoque tuum requiro, Caietane, qui cùm tribus te editionibus librorum de Imitatione Christi vsum testeris, Antuerpiensi, anno Christi M. D. XCVI. & M. DC. deinde Coloniensi, M. DC. X. è nescio quâ editione errorem typographicum sublegeris, quem in aliis animadvertere poteras esse emendatè editum. quem dum persequor & inquirò, tandem in Coloniensi editione sumptibus Conradi Butgenij procuratâ deprehendo, *agit humiliter sanctus Franciscus*. Quis ignorat eam depravatissimam esse? Poteras eodem negotio & errorem *humiliter* in codicem Sommalij conferre.

Quòd Antuerpienses editiones allegas, anno M. D. XCVI. & M. DC. nullas tales agnoscunt Moreti, sed annorum M. D. XCIX. & M. DC. I.

Quòd si eodem tecum iure agere velim, Caietane, tot tibi errores è Romanâ tuâ editione producerem, ut heminam errorum Belgicę editionis dolio Romano sis compensaturus. Quos omnes si ad autographum tuum referam, imperitum me dices, quòd nesciam

354. HERIBERTI ROS-VVEYDI
sciam inter autographi & typographi
errores distinguere. Sed otio hîc abuti
nolo. Pergamus te audire de ætate hu-
ius auctoris.

CAIETANVS. Hac itaque Scri-
ptoris huius attestatione facile confi-
citur, vixisse illum circa annum Chri-
sti M. CC. XX. Illud namque (*ait humi-
lis sanctus Franciscus*) coniecturam haud
leuem parit, auctorem hunc nostrum
de Francisco, cum mortalibus adhuc
conuersante, locutum fuisse. Vt quid
enim Francisco anno M. CC. XXVI. in
cælos translato, & anno M. CC. XXVII.
catalogo Sanctorum adscripto, pru-
dens doctor addere voluerit vocem il-
lam, *humilis*? Apophthegma enim istud
ex ore B. Francisci quàm sæpissimè au-
ditum esse, S. Bonaventura etiam te-
statur.

ROS-WEYDVVS. Ergone quia au-
ctor sanctum Franciscum *humilis* titu-
lo afficit, eius eum ætate conficietur
vixisse? Ita sanè omnis æui homines
S. Frācisco facillè suppare facies. Non
existimo quemquam futurum, qui hæc
leget, quin aceti hîc aliquid Italici sit
desideraturus, Vel ipse Thomas no-
ster,

ster, qui duobus sæculis post S. Francisci etatem vixit, hîc intercedet. Nōne illè libello de tribus Tabernaculis cap. i. S. Francisci meminit cum eodem epitheto *humilis*? Scribit enim: *Bene veniat domina mea paupertas, castitas, & obediētia. Ista scilicet paupertas & dua prædictæ sorores eius, sunt præcipua vota religionis. Hac de humili dixi Francisco. Idem iii. parte Sermonum ad Nouitios, Ser. ix. Plus enim sanctitatis & dulcedinis inuenit humilis Franciscus in passione Christi, quàm subtilis astronomus in speculando sidera cali. Quis hinc (emunctioris naris esse qui velit) cōficiet, Thomam nostram sancti Francisci ætate vixisse, quia eum *humilem* vocat? Nec felicius succedit coniectura, quam subiungis.*

CAIETANVS. Quod si cuipiam Pag. 12.
non satis verisimile sit, Franciscum in humanis adhuc agentem, *Sanctum* fuisse appellatum; saltem fateri necesse est, hunc librum Francisco paullò antè è mortalibus erepto, cum recens memoria sanctitatis eius in animis hominum vigeret, fuisse elucubratum: atque ideò auctorem nostrum suis auribus ea, quæ de Francisco commemorat,

356 HERIBERTI ROS-WEYDI
morat, ab illius ore audiuisse, vel alio-
rum relatu de viuente accepisse.

ROS-WEYDVS. Vide, quæso, in
quantas te angustias cōiectura illa tua
de voce *humilis* coniiciat. Primò, eâ vo-
cis vsurpatione confici vis, horum li-
brorum auctorem de Francisco, cùm
adhuc in viuis ageret, locutum: dein-
de cùm subueritus esses, ne quis repli-
caret, non facile quēquam *sancti* titu-
lo affici antequam è viuis excessisset;
pertendis librum hunc saltem scri-
ptum non diu post mortē S. Francisci.
Quid igitur Thomę Kempensi facies,
qui ducentis annis post Franciscum
vixit, qui Manuali paruulorum cap. v.
eum & *humilem* & *sanctum* vocat? *Quid*
fecit humilem & sanctum Franciscum tam
deuotum & Deo dilectum in hac vitâ, & tam
altum in gloriâ? Verè profunda humilitas sua.
Vide quàm familiare Thomæ nostro
fuit Franciscum & *humilem* & *san-*
ctum vocare. Aliquando afficit eum
solo epitheto *humilis*, subinde & *humilis*
& *sancti*, vti iam vidimus, nonnum-
quam *sancti* tātum. In Vitâ Ioannis Ca-
cabi: *Speciali deuotione sibi praelegit sanctum*
Franciscum, paupertatis amatorem.

Quòd

Quòd si tua ratiocinatio vel umbram aliquam veritatis haberet, hæc clarâ lucē omnibus se proderet: Thomas à Kempis cap. 1. libelli de tribus Tabernaculis, & Serm. ix. ad Nouitios 111. par. S. Francisci meminit cum solo epitheto *humilis*, ergo certissimò eius ætate vixit. Si enim eo in Diuos relato vixisset, eum non *humilem*, sed *sanctum* indigetasset. Quis non videt ratiocinationis huius futilitatem? Pergis:

CAIETANVS. Hoc etiam esse verissimum, SS. Thomæ & Bonauenturæ, qui à S. Francisco non multum ætate distarunt, loca ex hoc ipso auctore totidem verbis desumpta, de quibus antea mentionem fecimus, indubitatè testantur.

ROS-WEYDVS. De S. Bonauenturâ infra cap. xii. prolixè satisfaciam. vbi etiam cap. sequenti, dum ex S. Thomâ argumentaris, te aquam in mortario tundere ostendam. Cur enim potius credam S. Thomam ex huius libri fonte suum riuulum deriuasse, quàm contrâ? vt mirari satis non possim, cur tam asseueranter indubitatum testimonium hinc deduci velis.

CAP.

CAP. III.

*An libri de Imitatione Christi
D. Bernardo adscribendi sint.*

ROS-VVEYDV S. Neminem vnum vidi, qui diuo Bernardo librum hunc adscripserit. Quia tamen Achilles Staius (vti monet Caietanus) libro suo Thomæ à Kempis Parisiis edito, anno Christi M. D. XLI. annotauerat, *veterem impressionem Brixianam S. Bernardo hunc libellum tribuere*, monendus es, Lector, hunc errorem temerè in vulgus emanasse; cùm & stylus huius libri longè diuersus sit à stylo Bernardi, & temporum quoque ratio ætati Bernardi repugnet: nam lib. I I I. cap. I. auctor huius libri S. Franciscum in testem adducit: *Quantum vnusquisque est in oculis tuis, tantum est, & non amplius, ait humilis S. Franciscus.* Atqui Bernardus obiit anno M. C. LII. Franciscus autem M. CC. XXVI.

Memineris tamen, Lector, hinc quoque confirmari opinionem meam, quam mox cap. IV. producam nimirum libellum hunc olim sine nomine aucto-

VINDICIÆ KEMPENSES. 359
auctoris circumlatum, vnde quidam
D. Bernardo, alij Ioanni Gersoni in-
scripsere, quòd utrosque meminissent
fuisse viros pientissimos, & valdè spi-
rituales.

CAP. IV.

*Vtrum libri de Imitatione Christi
Ioanni Gersoni tribuendi sint.*

ROS-VVEYDVS. Vetustissimæ quæ-
que editiones librum hunc Ioan-
ni Gersoni inscribere. ita vetus edi-
tio Mediolanensis impensis Leonardi
Pachel de Alemaniâ, & Veneta apud
Bernardinum de Benaliis, vtraque an-
no M. cccc. lxxxviii. Parisiësis apud
Georgiû Mittelhus an. M. cccc. xvi.
præferunt, qui error apud plurimos
typographos inualuit, pænè ad nostra
vsque tempora. Sed & doctiorum
eum animos hominum occupasse vult
Caietanus. Ait enim:

CAIETANVS. Et quidem tantus
error adedò inualuit in hominum etiam
doctiorum pectoribus, vt Lucas Pinel-
lus suum De perfectione religiosâ O-
pusculum *Gersonem* inscripserit.

Ros-

ROS-WEYDVS. Ita quidem ille inscripfit libellum suū verè aureum de Perfectione religiosā, quòd ita vulgò in Italiā libellus de Imitatione Christi notior esset, què in eo imitari statuerat. Non errore igitur vllò, sed studio eum libro suo titulum dedit: nec enim ignorabat cum ab aliis Thomæ à Kempis tribui. Ita enim ille præfatur ad religiosos Dei seruos: *Institutum meum est, religiose Lector, stylo simplici & perspicuo libellum conscribere, non absimilem illi, qui de IMITATIONE CHRISTI, auctore Gersonis vel Thomæ de Kempis inscribitur, sed religiosorum professioni in primis accommodatum.*

Et quidem Ioanni Gersoni tribuendū non esse, rectè ita probat Caietanus:

CAIETANVS. Verū enim uerò libellos hosce Ioanni Gersoni minimè adscribi debere, primū manifestè docemur ex testimonio ipsius Gersonis fratris, qui in epistolā quadam ad Anselmum (Cælestinum etiam monachum) scriptā, dum eiusdem omnia scripta singillatim enumerat, horum tamen de Imitatione Christi librorum nequaquam meminit. Imò quicumq; is fuerit, in illā certè Gersonis laude, quam

quam ante primam eiusdem Opusculorum partem attexuit, ita testatum reliquit: *Alij autem tractatus, qui sibi nonnumquam tribuuntur, sed tamen auctorem certum habent; ut est libellus de Contemptu mundi, quem constat à quodam Thomâ Canonico Regulari editum.*

Ad hæc in omnibus fermè, vbicumque euulgatis exemplaribus tale quidpiâ verbis istis animaduertitur: *Quamuis iste libellus dicatur Ioannis Gerson, auctor tamen ipsius fuit Thomas de Kempis Canonicus Regularis.*

Antonius insuper Posseuinus in Apparatu in Ioanne Gersone: *Neque aded defuerint, qui eidem adscripserint, quæ non censentur esse fetus ipsius: qualis est liber de Imitatione Christi, variis iam linguis editus, cuius fuit auctor Thomas de Kempis.*

ROS-VVEYDVVS. Rectè hæctenus Cæietanus, rectè. quem tamen postea memorem fore optauerim trium horum testimoniorum, quæ dum à Gersonis Operibus librum hunc proscribunt, Thomæ à Kempis vno velut calamo simul adscribunt.

Quibus accedunt editiones (quas quidè vidi) omnes Operum omnium

Q

Ioan-

362 HERIBERTI ROS-VVEYDI.
Ioannis Gersonis, vti Colonienſis anno M. cccc. lxxxiii. apud Ioannem Koelhoeff de Lubeck; Argentinenſis anno M. cccc. lxxxviii. apud Petrum Schottum; Argentinenſis anno M. cccc. xciv. apud Martinum Simum; Argentoratenſis anno M. d. xiv. apud Ioannem Knoblauch; Baſileenſis anno M. d. xviii. Pariſienſis anno M. d. xxi. apud Ioannem Paruum, & Franciſcum Regnault; Pariſienſis anno M. dc. vi. apud Societatem Typographicam, quarum nulla libros de Imitatione Chriſti nomine Ioannis Gersonis expreſſit, ſed ab Operibus eiusdem reſecuit & excluſit.

Et verò ne neſcias quis ille fuerit, qui ante primam Opusculorum Gersonis partem, laudem eiusdem attexit; fuit ille Petrus Schottus Typographus Argentinenſis; qui Argentinæ in folio Tomis tribus Gersonis Opera edidit anno M. cccc. lxxxviii.

Ioannem verò Gersonem, qui Galus fuit, huius libri auctorem eſſe non poſſe, vel inde poſtea, præter alia argumenta, maximè probabitur, quòd liber hic Flandricis aliquot ſit reſper-

VINDICIÆ KEMPENSES. 363
spersus, quos Gallica lingua non admittit.

Sed quæ origo, quæ occasio esse potuit inscribendi hunc librum Ioanni Gersoni?

CAIETANVS. Quâ de causâ Ioanni Pag. 3.
huic Gersoni Cancellario libellos illos quatuor de Imitatione Christi adscripsere permulti, vno excepto nominum pænè similia aucupio, nescire me fateor.

ROS-WEYDVS. Et ego hîc ignorantiam meam profiteri malim, quàm temerè quid statuere. Existimat igitur Caietanus, nominû similitudine Ioannis Gersen & Ioannis Gerson errorem hunc contigisse. Quia igitur manuscr. Aronensis codex præfert nomen Ioannis Gersen (quem ille Abbatem Italo-Benedictinû vult fuisse, etsi hætenus incognitû) inde existimat Ioanni Gerson Gallo, viro per totum orbem celeberrimo, librû eum olim inscriptum.

Ego verò ita statuo, nullum vnquam Ioannem Gersen distinctum à Ioanne Gerson extitisse, sed errore scriptoris Gersen vel Gessen pro Gerson positû. Cedò, vel vnus testis proferatur, qui

Q₂

Ioan-

Ioannis Gersen vel Gessen meminerit. Qui si inuentus fuerit, probandum adhuc restabit, eum librorum horum auctorem esse. Nónne scriptoris incuria & oscitantia manifesta deprehenditur, dum eundem auctorem in eodem libro nunc *Gesen*, nunc *Gessen*, nunc *Gersen* exprimit? Scripsisset *Gerson*, & communi errori, quo Ioannes Gerson horum librorum auctor tunc existimabatur, se conformasset. Nunc nouus auctor ex antiquarij imperitiâ & lapsu Caietano cuditur. Vide infrà cap. v. de Gersen seu Gessen fusiùs.

Quòd si diuinare liceat, cur Gersoni libri hi de Imitatione Christi inscripti fuerint, fortè hæc non improbabilis cuiquam videbitur coniectura. Quia Thomas à Kempis nullis vmquam Opusculis suis ex humilitate nomen suum præfixit (vnde & dum Vitam B. Liduinae in compendium redigit, etsi ad Canonicos Regulares monasterij S. Elizabeth prope Brielam eam mittat, tamen *fratris N. pauperis peregrini* velo se obteggit, quo etiam velamento vtitur in Prologo Sermonum ad Nouitios) hinc factum, vt dum

varij

VINDICIÆ KEMPENSES. 365
varij ea exscriberent , in diuersas
prouincias sine nomine auctoris per-
uenerint. Adeò vt in Germanicum
quoq; sermonem transfusa & impressa
fuerint anno M. D. XLV. nullo aucto-
ris expresso nomine , vt tute ipse diffi-
teri non potes , qui paginâ 13. eius
rei Conradum Gesnerum (damnatæ
licet notæ scriptorem) in testem vocas.
Quia verò Ioannis Gersonis quoque
Opuscula à variis expetebantur , &
describebantur (cùm ipse diu ante
inuentam Typographiam obierit) eue-
nit, vt libri de Imitatione Christi sine
auctoris Thomæ à Kempis nomine,
coniuncti fuerint Opusculo Ioannis
Gersonis de Meditatione cordis.
Quod quia Ioannis Gersonis nomen
præferebat , creditum fuit , eundem
etiam præcedentium librorum , qui
inibi coniuncti erant , auctorem esse;
vnde vetustissimæ editiones libellum
Ioannis Gersonis de Meditatione cor-
dis coniunctum exhibent cum libris
de Imitatione Christi. Hoc probabi-
lis fortè coniecturæ locum apud po-
steros obtinebit.

CAP. V.

An libri de Imitatione Christi Ioanni à Gessen sint asserendi?

ROS-VVEYDVS. Constantinus Caietanus vno potissimum argumento libellum hunc Ioanni à Gessen adserere conatur, ex Aronensis perantiqui, vt ait, codicis fide.

Pag. 15 **CAIETANVS.** Exstat ad angustias Verbani Galliæ Cisalpinæ lacus, Arona Borromæorum Principum oppidum, naturâ loci & arce munitissimum; necnon Aronense Benedictinorum monasterium SS. Gratiniani & Felini martyrum, olim celeberrimum; nunc Patrum Societatis Iesv Domus Probationis. In huius porro Archiuo Ioannis Gessen Abbatis manu exaratum, vel eo dictante ab alio conscriptum, in quinâ paginâ Opusculum adseruatur. Atque idem Gessenis dum non tantum in fine (prout in suo illo exemplari Thomas à Kempis obiter notabat) verum etiam & in vniuscuiusque libelli tam inscriptione quàm subscriptione nomen suum apponit, eosdem

VINDICIÆ KEMPENSES. 367
eosdem libellos à se compositos attestari voluisse quis non videt? Sic enim ibi: *Incipiunt capitula libri primi, Abbatis Ioannis Gessen. Incipit Tabula libri secundi, Abbatis Ioannis Gessen. Incipit Tabula tertij libri, Abbatis Ioannis Gessen. Incipiunt Capitula quarti libri, Abbatis Ioannis Gessen. Explicit liber quartus & vltimus Abbatis Ioannis Gessen, de Sacramento Altaris.*

ROS-VVEYDVS. Ergone rursus ad auguria me vocas, Caletane? Vnde, quæso, tibi constat, quod tam assue-ranter dicis, libellum hūc, qui in Aronensi Domo nostrā exstat, *Ioannis Gessen Abbatis manu exaratum, vel eo dictante ab alio conscriptum?* quem testem, quas tabulas producis? Nullas profectò, præter eas ipsas, quæ certissimò euincunt contrariū. Cui enim iudicioso persuadebis, auctorem ipsum nomen suum ignorasse, vt nunc *Gesen*, nunc *Gessen*, nunc *Gersen* scripserit, aut dictauerit?

Quòd si mihi quoque augurari licet, dixerim librum eum descriptum ex libro, qui Ioannis Gerson nomen præferebat, siue impressus ille siue manuscriptus fuerit. Nunc quàm facile fuit scriptori Aronensis codicis scri-

Q 4

bere

bere *Gersēn* pro *Gerson*: cū ipse in eodem libro satis suam inconstantiam & incuriam prodat, dum eundem auctorem nunc *Gesen*, nunc *Gessen*, nunc *Gersēn* inscribat? Vnde quoque consequitur, nullum vñquam Ioannem à *Gessen* libelli huius auctorem in Italiā exstitisse, nisi fortè exscriptor aliquis vel herus libri eo nomine appellatus fuerit, qui nomen suum ita præscripserit.

Quòd si quispiam prætereà roget, si *Gerson* in *Gersēn* seu *Gessen* mutatus est, vnde *Gersoni* nomen *Abbatis* adhæserit; in re incertā nonnisi coniecturis vti licet. Quidni fieri potuit, vt Scriptor ille in aliis incorrectus, ex propriā opinione addiderit nomen *Abbatis*; quòd videlicet aliquoties eū in his libris legeret monachorum meminisse, & iis velut præcepta præscribere. quod mirū videri non debet, cū Caietanus pag. 48. & 49. in eam opinionem iis ex locis se ipse induerit, vt non solū monachum, sed & monachorum Præsulem seu Abbatem fuisse, apertissimè inde colligi velit.

Quòd si ea coniectura minùs placeat,

cet, vide an altera hæc magis satisfaciat. Eius tituli occasio fortè in quorundam animis oboriri potuit, quòd Ioannes Gerson Cancellarius Parisiensis fratrem habuerit eiusdem nominis, qui Prior fuit Cælestinorum Lugduni; quod video Posseuino nostro contigisse in Apparatu sacro, vbi vtrumque confundit: vel certè legerant quidam in eius Operibus, in causis ob quas Cancellariam dimittat, quòd Prælaturâ aliquâ præditus fuerit. Ibi enim ille ita de se: *Consideretur, quòd perfectus esse Brugis potest solo etiam vitæ exemplo, si verba deessent: vbi tamen proficere beneficium notabile perstringit Prælatura tam solemnis.* Non fuit tamen Prælatura illa Abbatia aliqua, sed potius Decanatus Canonorum. Ita enim ibidem ait: *Cogor prouidendo Decanatum tenere, vbi proficere verbis & exemplis sum adstrictus.*

Sed pergit Caietanus auctorem suum Gessen inquirere.

CAIETANVS. Quod insuper ad Pag. 10.
familia nomen, Gessen, attinet, nihil certi affirmare possum. Hoc tamen verissimum est, familiam de Gessen vel

Q 5 de

370 HERIBERTI ROS-VVEYDI
de Gessate, Mediolani inter nobiles
quasque numeratam fuisse: vt etiam
antiquissima ciuitatis eius monumenta
demonstrant, ac rerum Mediolanen-
sium Scriptores testantur. Mediolani
quoq; nostrum S. Petri monasterium,
ac prope illud viæ siue domus, ab ea-
dem familiâ denominantur de Gesse,
aut de Gessate, vulgò Gessa. Sed &
non longè ab eâ ipsâ ciuitate exstat
præterea oppidum Gessatum.

ROS-W E Y D V S. Vbi monumenta
familix de Gessen vel de Gessate pro-
duxeris, credam talem aliquam esse;
virum tamen aliquem ex eâ familiâ
huius libelli auctorem esse non cre-
dam. Aliud loquuntur certissimæ ta-
bulæ Belgicæ non vnæ, testantur viri
graues & Thomæ coæui. Equidem in-
constãtia tua dum nunc *de Gessen*, nunc
de Gesse, nunc *de Gessate*, nunc in *Gessa* ci-
tas, dubium me reddit de certâ au-
ctoris familiâ. Vereor ne nomina ad
arbitrium sint detorta. Certè vir gra-
uis Mediolani habitans hæc monet:
Mediolani nulla est familia de Gessen, aut
Gersen, quod sciam, neque Genua. Est Me-
diolani tantum monasterium Ordinis S. Be-
nedicti,

nedicti, quod dicitur S. Petri in Gessato; in quo verbo fortassis D. Constantinus exultat. sed ego existimo esse cognomen loci, quemadmodum Thoma à Kempis. Ita ille. Quidquid sit, siue Mediolani siue Genuæ talis aliqua familia sit, nihil ad causam facit. Proferendus aliquis ex illâ familiâ qui Abbas fuerit. nec hoc satis: restabit enim probare eum auctorem libri de Imitatione Christi fuisse.

C A P. VI.

Libri de Imitatione Christi, Thoma à Kempis, Canonico Regulari ex Ordine S. Augustini, vindicandi sunt. cuius sententiæ prima ratio ducitur ab auctoritate Ioannis Busch, qui eidem vicinus eodem tēpore vixit.

R O S - W E Y D V S. Cū anno M. DC. XV. Caietanus Romæ bellum stitueret indicere Thomæ à Kempis, scripsit ad me R. P. Iacobus à Quaille pro suppetijs. Hunc ego tunc primipilum primâ in acie posui.

Ioannes Busch (quem manu-scriptum ex S. Martini monasterio Louanienſi habeo) Canonicus Regularis

*Epist. ad P. Quail
le, 4. lu-
nij, 1615*

Q 6

Capi-

Capituli Windesimēsis, in libro, quem scripsit de Viris illustribus Ordinis Canoniorum Regularium in Windesem, diœcesis Traiectensis, in Præfatione dicit, se hoc opus aggredi, quia omnes panè Patres nostros in Windesem, primitiuos magistri Gerardi Magni, Dominiq, Florentij Radewini discipulos vidi & agnoui, à quibus ad istam Ordinem à primo sum susceptus. Dicit prætereà se scripturum, quæ oculatâ fide coram positus vidi, audiui, inspiratus sum. In capite verò XXI. vbi agit de morte Ioannis de Heusden Prioris Windesem, qui obiit anno M. cccc. XXI. ait: Contigit ante paucos dies sui obitus, vt duo fratres notabiles de Monte sanctæ Agnetis, prope Swollis, Ordinis nostri, dictum Priorem nostrum sub certis rebus consulturi, in Windesem aduenirent. Quorum vnus frater Thomas de Kempis, vir probata vita, qui plures deuotos libros composuit, videlicet, Qui sequitur me, de Imitatione Christi, cum aliis, nocte insecutâ somnium vidit, præsagium futurorum.

Vin' clarius testimonium, quàm ab ipsius Thomæ coæuo? Auctor hic ætatem suam, quâ hæc scripsit, prodit in Præfatione ante sequens Opusculum
de

de Origine monasterij in Windefem :
*A me autem in Windefem pro tunc simplici
 fratre , post aliquorum monasteriorum re-
 formationem , & Pralaturarum transactio-
 nem ista sunt inchoata ; sed in Sultensi Prala-
 turâ Ordinis nostri & Capituli nostri in Sa-
 xoniâ , anno Domini M. cccc. lxiij. ut-
 cumque completa. Quo tempore Thomas
 à Kempis adhuc viuebat : quare nihil
 de eo præter iam suprâ dicta attingit.*

Hæc ego tunc Romam litteris meis
 perscripsi ; quæ tam solida, tam testata
 esse existimaui , ut repertum iri nemi-
 nem crederem , qui tabulis his non ab
 annis , non à fide laborantibus , fidem
 abrogaret . Quid tamen ad hæc Caietan-
 us ?

CAIETANVS. Numquid forsan Pag. 8.
 & Ioannes iste Busch eodem errore,
 quo & Sommalius, vel ante hunc alij,
 decipi non potuerit ? Nec mirum pro-
 fectò esse debet , si Scriptor hic sparsâ
 apud suos, falsò licet, famâ sit halluci-
 natus ; quandoquidem & de certis li-
 brorum auctoribus non modò vulga-
 res, sed eruditissimos etiam quosque
 homines ab antiquissimis ad hæc no-
 stra tēpora, delusos esse cognoscimus.

ROS-W E Y D V S. Scio equidem libros sæpè circumlatos & editos alienis nominibus, quod variâ occasione fieri potuit. Sed cùm Ioannes Busch eodem cum Thomâ tempore, in eodem Ordine, in monasterio vicino, quod nisi vno milliari à Thomæ Kempensis monasterio distat, vixerit; quæ hîc vel levis vmbra famæ falsò sparsæ esse potuit? Vixit Ioannes Busch in monasterio Canonicoꝝ Regularium in Windefsem, prope Swollam, quod fundatum est anno Domini M. CCC. LXXXV I I. Thomas à Kempis in monasterio S. Agnetis prope Swollam, quod initium cœpit anno M. CCC. XCV I I I. In huius ciuitatis confinio sita erant atrinsecus duo illa monasteria recens exstructa, cùm Thomas à Kempis & Ioannes Busch ea incolerent, ita sibi vicina, vt vnâ die sæpiùs hinc inde commeare possis. Religiosi sæpè se inuicem inuisebant, libros communicabant; & hîc de famâ falsò sparsâ comminisci audes? Ioannes Busch è primis Capituli Windefsimensis scriptoribus, cùm in acta, vitam, scripta suorum Religiosorum inquit, cùm fundatio-

dationes monasteriorum, quæ sub Capitulo Windesimensi censentur, exequitur; ea se scribere ait, *quæ oculatâ fide coram positus vidi, audiui, inspiratus sum.* quis hîc de famâ, & quidê falsò sparsâ, suspicari potest? Miror equidem virum qui in sacra monumenta inquit, tam leuiter à monumento testatissimo recedere. Paginâ 13. credi vis auctori Vitæ Thomæ à Kempis, qui Thomam numquam viderat, sed tantum quædam à Confratribus Thomæ superstitibus acceperat; & auctori Ordinisque sui actuario fidem derogas, qui Thomam conspexit, cum eo versatus est. Quis non hîc iudicium requireret? Quamquam nec auctor Vitæ Thomæ à Kempis à tuis stat partibus, vti tibi falsò persuades, sed egregiè cum Ioanne Busch conspirat. Ille igitur paulò post nobis, vel te iudice, testatissimum dabit testimonium. Pergis porrò Ioannis Buschij de Thomâ fidem eleuare.

CAIETAN. Buschij de illo testimonio: *Contigit vt duo fratres notabiles de Monte S. Agnetis prope Swollis, Ordinis nostri, dictum Priorem nostrum sub certis rebus consulturi, in Windeſem aduenirēt: quorum vnus*
frater

Pag. 12

frater Thomas de Kempis, vir probata vita, qui plures deuotos libros composuit, videlicet, Qui sequitur me, de Imitatione Christi cum aliis: valdè suspectum redditur Lectoribus: à quopiam enim post Buschium addita ea esse verba, quis non videt? Nam si duo fratres erant notabiles, cur vnus tam affectatis & extra rei propositum effusis verbis exprimitur, alter verò tam ignobili silentio præteritur?

ROS-W E Y D V S. Quæ hæc demum argutandi ratio? Quia præuidebas non faciliè te persuasurum Lectori, vt Ioanni Buschio, qui cum Thomâ versatus est, fidem abrogaret, & innominato auctori vitæ Thomæ, qui eum numquam viderat, fidē commodaret (quāquam nec ipse Buschio contrarius est, vt post videbimus) quid non comminisceris? Vis verba ea, quæ Thomam libri de Imitatione Christi auctorem faciunt, post Buschium addita. quo quæso fundamento? Nam, inquis, *si duo fratres erant notabiles, cur vnus tam affectatis & extra rei propositum effusis verbis exprimitur, alter verò tam ignobili silentio præteritur?*

Vtinam, Caietane, hîc in te ipsum
peni-

penitiùs descendisses, aduocasses iudici-
 um, perpēsiùs testimonium hoc con-
 siderasses; non diceres, *unum tam affe-*
ctatis & extra rei propositum effusis verbis
exprimi. Nempe non animaduertisti,
 Thomam à Kempis hîc testem magnæ
 rei aduocari. Non vides de illo solo
 dici, *quòd nocte insecutâ somnium vidit,*
præsagum futurorum? Cui bono, socio
 eius fides præstrueretur, vel vitæ vel
 scriptorum commendatione, cùm illi
 nulla visio contigisset, cùm ad nullam
 contestationem aduocaretur? Pruden-
 ter igitur Buschius Thomæ socium si-
 lenter præteriit, vnū Thomam nomi-
 natim honorificeq; expressit; cui vni ac
 soli somnium futurorum præsagum
 obtigerat, qui vnus solusque testimo-
 nium sanctitati Ioannis Heusden Prior-
 is Windesimensis dixerat ac mortem
 prædixerat. Quòd si visionem illam, si
 somnium, si prædictionem videre de-
 sideras, consule Thomæ Vitam, quam
 hîc in calce habes; vbi in Notis cala-
 mo Ioannis Buschij rem totam dedi.
 Vides nunc, Caietane, nec verba illa
 post Buschium esse addita, nec affecta-
 tis & extra rei propositum effusis ver-
 bis

378 HERIBERTI ROS-VVEYDI
bis vnum exprimi, & alterum ignobili
silentio præteriri.

Et verò ne vlla tibi dubitatio inhæ-
reat, quasi vel margini vel textui ea
verba postmodum fuerint apposita vel
inserta, librum Ioannis Buschij habeo,
eâ ipsâ ætate auctoris scriptum, in quo
nullum marginale, nihil addititium
apparet. Et plura sunt in Belgio talia
exemplaria, quæ vbi opus fuerit, testi-
monium dicent.

CAP. VII.

*Secunda ratio, quâ libri de Imitatione
Christi Thomæ à Kempis vindican-
tur, ducitur à testimonio Trithemij.*

ROS-W E Y D V S. Secundò accedit
testimonium Trithemij de Scri-
ptoribus Germaniæ; vbi narrat, suo
tempore dubitatum, an Opusculum
hoc de Imitatione Christi esset Tho-
mæ à Kempis senioris an iunioris.
Nam duo in eodem loco, eodem no-
mine vixerunt. Et ibi sententiam se-
niorum suorum, qui eodem tempore
vixerant, refert.

Pag. 9. CAIETANVS. Verùm enim ve-
rò &

rò & hoc Trithemij testimonio, quod Ros-weyduſ tamquam ſententiæ ſuæ fauens propoſuit, nos, Ioannis Buſch fides, pro Thomâ à Kempis aſſerta, quantum vacillet, adhuc oſtendamus.

Et notandum (ait Trithemius) quòd duo *I. Trith.*
feruntur huius fuiſſe nominis, ambo de Kem- *Catal.*
pis, ambo Regulares in Monte S. Agnetis, am- *illuſtr.*
bo ingenio præſtantes, & ambo varia cudentes *Vir. Ger-*
mania.

Opuscula: quorum primus temporibus magiſtri Gerardi Magni ad Religionem conuerſus, diuinis reuelationibus dignus habitus, ea, quæ ſuprà recensuimus, Opuscula ſcripſiſſe dicitur. Secundus verò adhuc noſtris temporibus panè viguit in humanis, & varia compoſuit, quæ ad manus noſtras non venerunt. Et forſitan primo nonnulla ſunt adſcripta, quæ ſecundus feiſſe putatur. Libellus autem de Imitatione Chriſti, primi fertur auctoris, quem ante multos annos ſeniores noſtri ſuos ferunt legiſſe ſeniores: quamuis ſciam nonnullos in hac re ſentire contrarium. Hæc Trithemius iam ſcripſerat anno Domini M. cccc. xcv. quod apertè conſtat ex ipſo eius Opere de Illuſtribus viris Germanicæ nationis: vt videas hunc illū eiufdem Thomæ, qui obiit anno M. cccc. lxxi. etiã coæuum; & Ioanni Buſch, qui eo in
Ope-

380 HERIBERTI ROS-WEYDI
Opere Arnoldus de Busco vocatur,
ætate per omnia æqualem existisse.
Nihilominus auctor Germanus, & in
eisdem Germaniæ partibus, & per ea
ipsa scribens tempora, vano aliquo-
rum rumore quasi constrictus, affir-
mare non dubitavit: *Libellus de Imitatio-
ne Christi primi fertur auctoris*. Fertur, in-
quam, ait Trithemius: nam quòd ab
eo hîc obiter dici contigerit, non nisi
ex aliorum relatione se potius referre
fatetur. Quod autem certò scire idem
poterat, indubitanter aperit, dum ait:
*Quamvis sciam nonnullos in hac re sentire
contrarium*. Quòd si Thomas à Kempis
verus fuisset illius libri auctor, mini-
mè quidem tanta sententiarum diuer-
sitas, ipso vix mortuo, superfuisset. Et
cò maximè, quòd Thomas à Kempis
senior, licet ætate prior, eodem tamen,
quo iunior Thomas, eodem quo Tri-
themius & Buschius, saculo vixit.

ROS-WEYDVS. Nescio equidem
quam hîc rutubam moueas, Caietane:
ita nec Trithemium percipis, vel certè
non percipere præ te fers, vt eum in
alienum sensum detorqueas.

Primò, Dictum illud Trithemij,
Quam-

Quamuis sciam nonnullos in hac re sentire contrarium, ita interpretaris, quasi utrique Thomæ, & seniori & iuniori, librum de Imitatione Christi abiudicet, vel certè ab aliis abiudicari sentiat. Nihil tale vel sensit vel cogitavit Trithemius. vbi dissidium narrauit de utroque Thomâ seniore & iuniore, utri liber ille adscribendus sit, dicit famâ ferri, senioris esse; *quãuis*, ait, *sciam nonnullos in hac re sentire contrarium*, id est, sciam nōnullos sentire iunioris esse. De iisenim duobus tantum erat inter contubernales suos disceptatio. Fuit igitur Thomas à Kempis, etiam Trithemio teste, verus eius libri auctor: quamquam in medio relinquat utrius fuerit, senioris an iunioris. Nullo verò modo dubitasse Trithemium quin alterutrius Thomæ liber ille fuerit, vel inde manifestum euadit, quòd idem in libro Ecclesiasticorum Scriptorum (quem post librum de Scriptoribus Germaniæ scripsit, cum hunc in illo citet) simpliciter & absolutè Thomæ à Kempis eum librum esse asserat. Cum verò addeis, Trithemium, dum ait, *Quamuis sciam nonnullos in hac re sen-*
tire

scire contrarium : his verbis *indubitanter aperire, quod certò scire idem poterat*, vides quàm certum mihi & indubitatum pro Thomâ Kempensi iuniore testimonium à Trithemio præbeas.

Secundò, Mirari satis non possum, quomodo asseras Trithemium Ioanni Busch *ætate per omnia aequalem extitisse*; cùm ipse Busch Thomæ à Kempis ætate pænè æqualis fuerit & suppar, vt tum ex eius libro de Illustribus viris Ordinis sui colligitur, tum ex Prologo libri de Origine monasterij in Windesem; vbi scribit, se ea vtcumque complexisse anno M. cccc. lxiv. cùm ipse esset iam plus quàm sexagenarius : Thomas verò à Kempis obierit nonagenario maior, anno M. cccc. lxxi. Trithemius autem natus est anno M. cccc. lxii. Fuerit igitur ipse tunc tantùm bimulus, cùm anno M. cccc. lxiv. Buschius testatur se supra sexaginta annos vixisse. Certum est igitur, Trithemium puerum fuisse, cùm Busch iam decrepitâ erat ætate. Imò Trithemius existimauit etiam Thomam iuniorem ante sua tempora mortuum.

Ideò

Ideò enim dicit : *Secundus verò adhuc nostris temporibus panè viguit in humanis.*

Tertiò , Errorem errore cumulas. Nam cùm hîc dicas , quòd Thomas à Kempis senior , licet ætate prior , eodem tamen , quo iunior Thomas , eodem quo Trithemius & Buschius , sæculo vixit : quomodo paginâ 47. verba Trithemij , quem ante multos annos seniores nostri suos ferunt legisse seniores ; trahis ad tempus cuius memoria non exstat ? Ætate Trithemij certum erat , librum de Imitatione Christi Thomæ à Kempis esse ; sed tantùm dubium erat , (cùm duos Thomas fuisse in eodem monasterio existimassent) vtrius ille liber esset. Ita igitur ratiocinatur Trithemius : Cùm duo Thomæ à Kempis fuisse dicantur , & dubium sit cui hic liber tribuendus sit , quidam existimant senioris Thomæ esse. rationem addit : Quia cùm seniores nostri , qui meo tempore viuunt , dicant seniores suos iam ante multos annos eum librum legisse , videtur sequi , eum librum senioris Thomæ esse , cum iunior Thomas nostris panè viguerit temporibus : atque ita si ille iunior eius libri auctor esset ; non videtur apparere , quo-

quomodo seniores (non qui ætate Trithemij viuebant , sed qui iam ante multos annos vixerant , cùm seniores ætate Trithemij viuentes , adhuc iuuenes essent) eum librum potuerint legere . His tamen non obstantibus , ait fuisse nonnullos , qui contrarium hac in re senserint , id est , Thomæ iuniori librum de Imitatione Christi tribuendum censuerint . Quorum verissima est sententia ; modo seniore sciant non Thomam à Kempis , sed Ioannem à Kempis fuisse vocatum : quam animaduersionem non grauatè mihi concedes , cùm Trithemius dicat , *quòd duo feruntur huius fuisse nominis* . Nosti enim quàm modicæ fidei apud te sit , ferri aliquid , etiam in hoc ipso Trithemij loco .

Vixère igitur in Monte S. Agnetis duo Kempenses germani fratres , quorum maximus nati Ioannes dicebatur , alter Thomas . Ita clarè Ioannes Buschius refert in libro de Viris illustribus Capituli Windesimensis .

Ioannes à Kempis in Ordinem susceptus est anno M. CCC. LXXXVII . vti scribit

scribit idem Busch cap. xiiii. de Origine monasterij in Windefem, & tertius inter sex fratres primitiuos professione fuit, vt ibidem dicitur, & capite xxxv. de Viris illustr. quo posteriore loco cùm dicatur obiisse, postquam xl. annos in ordine compleuerat, sequitur eum decessisse circa annum m. cccc. xxvii. vel m. cccc. xxviii. Variis locis Priorem egit, etiã in Monte S. Agnetis, vbi Thomas à Kempis eius frater ei conuixit. Nihil inuenio eum scripsisse seu composuisse, sed tantùm Excerptum aliquod ex S. Bernardo confecisse, & varia exscripsisse, illuminasse, & emendasse volumina.

Thomas verò à Kempis, eius frater, addixit se Ordini anno m. cccc. & obiit anno m. cccc. lxxi. postquam lxx. annos in Ordine vixisset, vt refert innominatus auctor Vitę Thomę à Kempis, tantopere Caietano laudatus.

Ex his iam clarum euadit, quomodo seniores tempore Trithemij anno m. cccc. xev. dicere potuerint, seniores suos iam ante multos annos librũ de Imitatione Christi legisse. Certum est enim ex Thomę autographo, vbi

R

anno-

386 HERIBERTI ROS-WEYDI
annorum notam apposuit, librum
eum scriptum anno M. cccc. xli. Scri-
psit tunc quidem hoc exemplar, sed
fortè annis aliquot antè composuerat,
& aliud exemplar scripserat. Nónne
multi anni sunt LI III. qui inter an-
num M. cccc. xli. & M. cccc. xcv. in-
tercedunt? Haftenus de Trithemij, in
caussâ Thomæ Kempensis meæque
opinionis, testimonio.

CAP. VIII.

*Tertia ratio, quâ libri de Imitatione
Christi Thomæ à Kempis vindican-
tur, ducitur à phrasi Flandricâ.*

ROS-WEYDVS. Scripseram ego
in epistolâ meâ priuatâ pro tertiâ
ratione: Phrasis Teutonica seu Flan-
drica Flandrum auctorem loquitur.
Contra quam sic replicat Caietanus.

Pag. 18. CAIETANVS. Quid si demon-
straremus id à Ros-weydo gratis ex-
cogitatum, & quòd potius phrasis Ita-
lica Italum auctorem loquatur?

ROS-WEYDVS. De Italicâ phrasi
visuri sumus cap. xiv. Nunc agamus
de

VINDICIÆ KEMPENSES. 387
 de eo quod præ manibus est. Ne gratis
 quidquam à me excogitatum suspice-
 tur Caietanus, ecce manipulos aliquot
 Teutonicæ seu Flandricæ phrasim; quos
 in epistolâ meâ prætermiseram, quod
 ad Flandrum eam scriberem, qui vnâ
 mecum linguam eam callebat, qui si-
 miles quoque ipse animaduverterat.
 Nec nouiter hæc ratio à me excogita-
 ta est, cum eius iam olim meminerit
 editio Parisiensis anno M.D.XXI. apud
 Iodocum Badium Ascensium in 8. n-
 tomulo tertio Enchiridij piarum mē-
 tium; vbi dicitur, quod libri hi per-
 peram M. Ioanni Gersoni adscribi so-
 lent: stylus enim totus Teutonicam
 redolet phrasim. Nec tamen hæcenus
 quispiam fuit, qui id gratis excogita-
 tum scripserit. Satisfaciamus igitur
 Caietano, & Teutonismos in medium
 producamus.

Libro primo cap. i. §. 3. *Si scires to-
 tam Bibliam exterius, Al cost ghy den ghe-
 heelen Bybel van buypen.* Quis memo-
 riâ aliquid tenere, dixit *exterius scire?*
 Hæc phrasim solis Flandris vulgò vsi-
 tata est. Eam quoque (quod epimetri
 loco addo) vsurpat Florentius Thomæ

388 HERIBERTI ROS-VVEYDI
 nostri moderator in epistolâ ad Hen-
 ricum Balueren, qui fuit vestiarius in
 Windefem, vti refert Ioannes Busch
 Thomæ quoque vicinus collega, in li-
 bro de Viris illustr. Capituli Windefi-
 mensis, cap. xxxix. *Consulo tibi, quòd ha-
 beas circa te Speculum monachorum, aut Spe-
 culum Bernardi, secundùm quod omnes actus
 tuos potes ordinare: quod etiam ita discas ex-
 teriùs, vt in omnibus operibus tuis occurrat ti-
 bi, quomodo te debeas habere. Item: Et hoc
 erit tibi leue, quando promptâ consuetudine
 libellum scis exteriùs. Quæ phrasis Aro-
 nensis codicis scriptori, Italo cælo, ita
 in solens visa fuit, vt exteriùs primo ca-
 pite de Imitatione Christi omiserit,
 non capiens quid auctor Teuto eâ si-
 bi veller. Eam tamen vocem & duò
 MSS. autographa & editiones omnes
 exhibent, vnâ exceptâ, quæ exteriùs in
memoriter mutauit, sensum videlicet
 Latiniùs ad omnium captum expri-
 mens.*

Cap. LV. §. 2. *Magna sapientia est, non
 esse præcipitem in agendis, nec pertinaciter in
 propriis stare sensibus. Merus Flandri-
 smus, in propriis stare sensibus, op sijn ep-
 ghen sinnen staen.*

Cap.

Cap. vi. §. 1. *Leuiter etiam indignatur, si quis ei resistit.* Hic leuiter indignari, est lichtelijck gram worden/ id est, facile indignari, non autem parum vel venialiter: quæ locutio auctori nostro valdè frequentatur. sic cap. xi. §. 5. *facere cum leuitate*, id est, facilitate, capite xiv. §. 1. *leuiter peccare.* cap. xix. §. 3. *leuiter deficere,* c. xxi. §. 6. *leuiter conqueri.* Lib. ii. cap. ii. §. 2. *leuiter satisfacere.* Libro iii. cap. xxx. §. 3. *leuiter trahi.*

Libro secundo cap. ix. §. 3. *quando homo stat super seipsum.* purus putus Teutonismus, *stare super seipsum*, op sijn seluen staen. Sic dixit lib. i. c. vii. §. 1. *Ne stes super teipsum.*

Cap. ix. §. 3. *facile labitur ad consolationes humanas.* Item: *Non cadit super consolationes.* Non facile obuium in aliâ linguâ quàm Flandricâ, *labi & cadere super consolationes,* vallen op troost, id est, confugere ad consolationes.

Libro tertio cap. xlv. §. 1. *Si benè steteris cum Deo, facilius te victum portabis.* Vsitatissimum Flandris, *benè stare cum aliquo,* met pemandt wel staen, id est, amicum alicui esse.

Cap. xlv. §. 1. *Quare tam parua tibi ad*

390 HERIBERTI ROS-VVEYDI
*cor transeunt? Nihil frequentius Belgis,
Hoc transit mihi ad cor, dat gaet my ter
berten. Sic etiam loquitur cap. XLVII.
§. 4. O si tibi hac saperent, & profundè ad
cor transirent.*

*Lib. IV. cap. I. §. 1. Ad capienda tanta
mysteria me reuerberat propria conscientia.
Quod Flandris est, dit verslaet my,
verbo vertit, hoc me reuerberat, id est,
percellit. Sic lib. III. cap. XX. §. 2. Hoc
est quod me sepè reuerberat.*

*Cap. X. §. 3. Propter aliquam paruam
turbationem vel grauitatem, sacram non di-
mittas Communionem. Verbotenus swas-
righept, grauitas, pro tribulatione. quod
sæpiùs tum in his libris, tum in aliis
eius Opusculis occurrit. Sic dixit li. I.
cap. XII. §. 1. habere grauitates. cap. XII. I.
§. 8. grauitatē non sentire. Lib. II. cap. XII.
§. 14. perferre magnas grauitates. Lib. III.
cap. VII. §. 3. tempus grauitatis. cap. XXV.
§. 2. sentire grauitatem. cap. XXX. §. 3. in-
herere grauitati. Ibidem §. 5. admittere
grauitatē. cap. XXXV. §. 3. habere grauitates.*

*Possem compluria eius generis pro-
ducere, quæ solis Teutonibus in quo-
tidiano vsu sunt. Sed hæc iudicioso
Lectori suffecerint. Illud certò mihi
affir-*

affirmare posse videor, nullâ omnino linguâ omnes suprâ dictos idiotismos & loquendi formulas reperiri; vel ab auctoribus Latinis, præterquam apud Flandros, vſitatos eſſe. Atque ita Caietano ſatisfactum ſpero, me non gratis rationem tertiam de phraſi Flandricâ, pro libris de Imitatione Chriſti Thomæ à Kempis aſſerendis, excogitaſſe.

CAP. I X.

Quarta ratio, quâ libri de Imitatione Chriſti Thomæ à Kempis vindicantur, ducitur ab auctoritate Manuſcriptorum.

ROS-WEYDVS. Scripſeram in priuatâ meâ epistolâ & hoc argumentum, quo Thomæ Kempenſi Opusculum hoc aſcribebam: Omitto alia argumenta, vt quod Opusculum hoc ſemper in manuſcriptis (quæ aliquot vidi) inueniatur inter alia Thomæ Opuscula, de quibus non dubitatur, inferum: quibus Caietanus hanc gloſſam appinxit.

C A I E T A N V S. Id ſi verum eſſet, Pag. 10.
vt hîc tantopere aſſeueratur (quod niſi

R 4 de

392 HERIBERTI ROS-VVEYDI :
de codice recentissimè scripto non
crediderim) quam ob rem idem Opu-
sculum , quod suam ob excellentiam
aliis Thomæ ipsius Opusculis absque
dubio præferri debuerat, sicut semper,
(vt vnus Ros-weyds ait) in manu-
scriptis, ita & in excusis aliquândo saltē
insertum non inuenitur ? Vnde quis-
quis ille fuerit , qui omnium primus
Antuerpiæ salutis anno M. D. LXXIV. &
Henricus Sommalius , qui in eadem
ciuitate anno M. DC. inter Kempensis
Opuscula illud de Imitatione Chri-
sti inserere ausi fuêre , non immeritò
culpandi forent , nisi communis er-
ror iis aliquam præberet excusatio-
nem.

ROS-WEYDVS. Multa hîc sanè,
Caietane, congeris, & à fide historię
& candore aliena. Nullus hîc *communis*
error, nulla Typographi Antuerpiensis
vel Sommalij nostri *culpa*, nihil Ros-
weyds *vnus* asseuerauit , quod non
prolatis testatissimæ fidei tabulis pro-
betur. Age, videamus singula.

Communem errorem non esse, iam tot
testibus probauimus . Sed nec vllam
culpam Typographi Antuerpiensis , &
Som-

Sommalij nostri hîc intercedere , etiam communi errore quem tibi fingis secluso , vel inde manifestum euadit, quòd panè integro antè sæculo liber ille de Imitatione Christi reliquis Thomæ Operibus fuerit insertus & adiunctus. Nam editio Norimbergen- sis anni M. cccc. xciv. reliquis Thomæ Operibus eum præfigit. Quem deinde imitati sunt reliqui Typographi , qui Thomæ Kempensis Opera integrè exp- res- sère. Ita Iodocus Badius Ascen- sius Parisiis anno M. D. xx. in fo- lio ; Ioannes Roginius Parisiis an- no M. D. xlviii. in folio. Vt omittam alias editiones non paucas, quæ etiam separatim libellos hos Thomæ nomi- ne ante annû M. D. lxxiv. imp- res- sère. Immò etiam editio Veneta anni M. D. xxxv. apud Stephanû Sabiensem, li- bros de Imitatione Christi nonnullis Thomæ Kempensis Opusculis inter- ferit, quæ anno vno editionē Venetam, cui tantopere fidis, ex officinâ D. Ber- nardini, vbi libri illi temerè omittun- tur, præuertit. Vide nunc quàm im- prouidè, quàm nullâ fide historicâ audaciam Typographo Antuerpiensi

R ;

(erat

394. HERIBERTI ROS-VVEYDI
(erat is Philippus Nutius) affingas;
quasi ille primus anno M. D. LXXIV. li-
brum de Imitatione Christi, reliquis
Thomæ Operibus inseruerit, cum tot
duces annis tam variis habuerit.

Nec vnus Ros-weydu tantum affe-
ruit, librum de Imitatione Christi in
manuscriptis, semper aliis Operibus
adiungi. Vidit hoc ipse P. Sommalius,
qui ante me recensuit: videt Belgium,
in quo non vnus manuscriptus huius
auctoris liber reperitur.

Non est quoque, vt codices, quos
citaui, recentissimos suspiceris. Illi ipsi
quos adduxi, etate Thomæ scripti sunt,
ipsius auctoris manu, quorum vnus
quoque certum annum exhibet, vide-
licet M. CD. XLI. Illéne recentissimus
codex huius auctoris censendus est?
Auctor ipse in fine miniatâ litterâ te-
statur: *Finitus & completus anno Domi-
ni M. cccc. xli. per manus Fratris Thomæ
Kempis in Monte S. Agnetis prope Swollis.*
Initio autem Opusculorum (nam varia
sunt coniuncta) habetur: *Liber mona-
sterij Canonicorum Regularium in Monte
S. Agnetis virginis ac martyris prope Swol-
lis. Vbi Ioannes Bellerus typographus*
Ant-

Antuerpiensis ita subscripserat : quem
 F. Ioannes Latomus professus Ord. Regularium in Throno B. Mariæ prope Herentals,
 eiusdem Ordinis Generalis Minister , factâ
 visitatione monasterij B. Agnetis prope Swol-
 lam, eiusdem monasterij ruinis ereptum , ne
 penitus interiret, Antuerpiam allatum Ioan-
 ni Bellerio amico veteri & fideli D.D. anno
 Salutis M.D.LXXVII. Porro Ioannes Bellerus
 PP. Societatis IESV in gratiam suorum filio-
 rum, quos eadem Societas religiosos fouet, lu-
 bens donauit Kalendis Iunij, M.D. XC. Cùm
 autem Bellerus ex autographo de Imi-
 tatione Christi petiisset sibi exscribi
 apographum , præstari hoc curauit
 R. P. Duras , hoc adiungens testimo-
 nium : Ego Georgius Duras, Rector Collegij
 Societatis IESV Antuerpia, fateor hoc ex-
 emplum ex ipso autographo auctoris, quod à
 D. Ioanne Bellerio dono accepi, esse desum-
 ptum; ac deinde factâ relectione, per omnia
 emendatum cum autographo conuenire. Ec-
 ce grauißimorum virorum testimonia
 pro manuscripto Antuerpiensi Socie-
 taris nostræ . Nec codex Louaniensis
 S. Martini antiquitate cedit, qui eius-
 dem auctoris manu scriptus est; quod
 & idem character, eadem abbrevia-

396 HERIBERTI ROS-VVEYDI
tiones, & idem per omnia contextus
manifestissimè probant. Ne mirere
igitur, Caietane, me id tam asseueran-
ter affirmasse, cùm tam solidum affir-
mationis meæ fundum haberem: nec
est quòd ampliùs codicem recentissi-
mè scriptum suspiceris.

Quòd autem Thomas ipse in fine
Opusculorum suorum ponit, *finitus &
completus per manus fratris*, &c. scio non
inde sequi, quòd ea composuerit (nam
potuisset tantùm scripsisse:) sed cùm
constet, reliqua Opuscula, quibus libri
de Imitatione Christi adiunguntur, à
Thomâ ipso sine vllò dubio compo-
sita, cur de solis libris de Imitatione
Christi dubitabimus? maximè cùm
nullis Opusculis suis auctor ipse no-
men suum ex humilitate præfixerit,
vti suprà cap. iv. ostendimus. Quin &
venerandus senex Societatis nostræ
P. Ioannes Hasius ad me scribit, pas-
sim codices manuscriptos librorũ de
Imitatione Christi, præsertim in Re-
gularium Canonicorum monasteriis
reperiri, etiam ipsius Thomæ à Kem-
pis ætate exaratos, qui nomen eius
tamquam auctoris præferant: *Cuiusmo-
di,*

di, inquit, ante aliquot annos repperi Confluentia in Collegio nostro, cui obuenerant plerique codices è desolato Regularium monasterio. Ne igitur nunc dubita de veritate & antiquitate manufcriptorum quæ citavi, cùm tam grauiâ accedant testimonia.

CAP. X.

Quinta ratio, quâ libri de Imitatione Christi Thomæ à Kempis vindicantur, ducitur ab auctore Vitæ eius.

ROS-WEYDVS. Quæso, Lector, attentius hanc rationem perpende: aduerte telum non ex meâ sed ex Constantini pharetrâ depromptum. Videbis eum propriis concidere vulneribus. Prouocat me ad auctorem Vitæ Thomæ à Kempis, quem maximi facit, vt verè debuit. Considera, quæso, quo eum telo armet, quo amento telum instruat; visurus deinde quem feriat.

CAIETANVS. Inter Opuscula Pag. 11.
Thomæ Vita exstat litteris consignata.
Sed & qui eadem Opuscula primùm

in Germaniâ recensuit, licet Religio-
nis causâ nomen suum reticendum
putauerit, attamen spectata ipsius fi-
des in iis se ipsam commendat; ait
enim: Thomas de Kempis, cognomen ha-
bens Malleus, natus fuit de ciuitate cui nomen
Kempis, diœcesis Coloniensis, qui. studuit Da-
uentriæ in domo Fratrum, scilicet Clericorum;
qui ingeniosus & docilis fuit, & tractabilis, &
ideò multum fuit amabilis Domino Florentio
& eius Fratribus. Et paulò post: Intra-
uit Ordinem Canonicorum Regularium, qui
tunc temporis breuî fuerat reformatus, in
domum scilicet in Monte S. Agnetis prope
Svvolis, anno Domini scilicet M. CD. & fuit
inuestitus ibidem anno Domini M. CD. VI. &
sic fuit per sex annos probatus, antequam in-
uestitus, quia tunc temporis fuit consuetudi-
nis, quod sic probabantur prius, antequam in-
uestiebantur, tamquam aurum in fornace.
Subdit etiam: Anno Domini M. CD. LXXI.
obiit iste deuotus Pater Thomas de Kempis: &
sic seruierat Domino in Ordine Canonicorum
Regularium septuaginta annis, in magnâ au-
steritate vite & seruire spiritus. Sed quan-
tâ fide hæc de Thomâ scripta sint, au-
dias: Adhuc multa alia de eius vitâ & con-
uersatione audiui à Fratribus illius Conuen-
tus,

*tus, qui adhuc viuunt. Ex quibus studio-
sè adeò descriptis, quilibet potest per-
pendere, maiori fuisse vsum diligentia
antiquum hūc auctorem, quàm Ioan-
nem Busch in illustrando Thomâ.*

*ROS-WEYDVS. Valdè mihi auctoris
huius fides, valdè studium, valdè dili-
gentia placet. Sed vide ne hostē tuum
laudaueris & armaueris. Quid igitur
auctor ille Thomę synchronos de Tho-
mâ, deque eius scriptis? Iste bonus Pater
solitus erat dicere quando fuit cum conuentu
spatiando, vel cum aliis, quando sensit inspira-
tionem diuinam, quando sponsus eius, scilicet
Iesus Christus voluit cum sponsâ loqui, tunc
humiliter petiit licentiam dicendo: Dilecti fra-
tres, oportet me ire, vnus me expectat in cellâ.
Et fratres piè annuentes petitioni eius, multum
edificati fuerunt. Et sic inpletum fuit in eo il-
lud: Ducam eum in solitudinem, & ibi *Os 2. 1.*
loquar cum eo. Et ipse Thomas ad Domi-
num illud: Loquere Domine, quia audit *1. Reg. 3*
seruus tuus. Quid tunc loquebatur Do-
mino, & quid loquebantur ad inuicem, habe-
mus in Tractatu eius de Internâ Christi
locutione ad animam fidelem: qui Tra-
ctatus habet hoc idem pro themate, in secundo
capitulo: Loquere Domine, quia audit *1. Reg. 3*
seruus*

seruus tuus. *quod Samuel propheta etiam dixerat ad Dominum, quando Dominus eum vocauerat.* Fidem tuam contestor, Caie-
tane, quid de hoc auctoris testimonio
censes ? Non aduertis hîc tertium de
Imitatione librum Thomæ à Kempis
ab auctore Vitæ eius tribui ? Quis
enim ille Tractatus *de Internâ Christi lo-
cutione ad animam fidelem*, quàm liber
tertius de Imitatione Christi ? in quo
hoc lemma primi capituli est ; sicut
thema secundi capituli, *Loquere Domine,
quia audit seruus tuus.* Ergo & auctor il-
le & Buschius egregiè in fide senten-
tiaq; conspirant. Non mihi nunc, sed
tibiipsi crede, qui tam lautum auctori
Vitæ Thomæ dedisti testimonium,
cuius fidem ita dilaudas, diligentiam-
que deprædicas. Non licuerat mihi
antè in hoc armamentarium introire,
cùm editio mihi deesset, in quâ Vita il-
la continetur. Tuo indicio inueni, in-
traui, & hoc spiculum deprompsi.
Sit sanè indicinæ tuæ præmium.

CAP.

CAP. XI.

Primum Caietani argumentum, libros de Imitatione Christi Thomæ à Kempis non esse, ob styli diuersitatem à reliquis eius Operibus.

CAIETANVS. Tametsi non ig- Pag. 18
nore eos etiam scriptores, qui Latini sermonis elegantiam neglexerunt, diuersitate styli, & variâ scribendi ratione inter se facile discerni posse; ego tamen hac in re operæ pretium nō arbitror diutiùs immorari. Quantum enim Thomas à Kempis & Ioannes Gessen orationis phrase, ac toto scribendi genere inter se distent, non est meum in præsentia definire; sed eruditæ viris litem hanc sine magno labore diiudicandam relinquo.

R O S-VV E Y D V S. Tūc hīc styli diuersitatem subodoraris? Non rosa rosam magis redolet, quàm liber de Imitatione Christi similis est reliquis Thomæ à Kempis scriptionibus. Sed quia in hac re ipse iudicium declinas, & nos ad emunctiores eruditorum viro-

virorum nares remittis, non abibo hîc à tuis ipsius scriptis. Vide quid pagina 17. ex Cardinale Bellarmino lib. De scriptoribus Ecclesiasticis in Ioanne Gersono cites : *Hinc apparet, quia non inueniebatur hoc Opus inter Opera Ioannis Gersoni Cancellarij Parisiensis, tributum fuisse Thomæ à Kempis ; ob similitudinem aliquam styli.* quid etiam pag. 16. ex Bernardino Roissnolo apud Possevinum in Apparatu sacro: *Libellus de Contemptu mundi & Christi Imitatione ab alijs propter styli ac phrascos formulas tribuitur Thomæ à Kempis.* Et verò qui aliquot Opuscula inter se comparare voluerit, nullo ille negotio paritatem styli deprehender.

Non ignoro equidem libellum hunc præ alijs auctoris libris nectare fluere; sed non tam ex stylo id, quam ex materiâ exundat. Quis nescit vnum eiusdem auctoris Opus frequentius & delectabilius altero legi? Vel de suarum Confessionum libris id ipsum testatur Augustinus, libro de Bono perseuerantiæ, cap. xx. *Quod meorum Opusculorum frequentius & delectabilius innotescere potuit, quam libri Confessionum mearum.*

• Scripsit

Scripsit eos auctor vnus humilitatis
 studio, vti testatur Possidius Episcopus
 Calamensis in eius Vitâ, vbi in Prolo-
 go ait, eum libros Confessionum ideò
 scripsisse, *ne de se quisquâ hominum supra
 quàm se esse nouerat, aut de se auditum fuisset,
 crederet vel putaret.* Quod ipsum Augu-
 stinus ipse quoque prodit, mittens li-
 bros Cōfessionum suarū Dario Comi-
 ti, qui eos petierat: *Sume (inquit epi-
 stolâ CCLXIV.) libros quos desiderasti Con-
 fessionum mearum: ibi me inspicere, ne me
 laudes vltra quàm sum: ibi non alijs de me
 crede, sed mihi: ibi me attende, & vide quid
 fuerim in meipso per meipsum: & si quid in
 me tibi placuerit, lauda ibi mecum, quem
 laudari volui de me.* Placuit ea Augusti-
 ni humilitas posteris, placuit singula-
 ris auctoris in eo Opusculo spiritus,
 ideoque frequentius & delectabilius
 legitur. Non mirum idem Thomæ
 nostro contigisse, vt vnus eius libellus
 præ alijs placeat, gestetur sinu, lega-
 tur frequentius, delectabilius relega-
 tur; non ob styli diuersitatem, quam
 nullus doctior & cordatior hîc depre-
 hendit; sed ob materiam valdè variam
 & omni statui aptam, & singularem in

404 HERIBERTI ROS-VVEYDI
co relucens spiritum. Vt iure optimo de his libellis dici possit, quod olim de sancti Augustini Opusculis Seuerus asseruit (epistolâ xxxvii. apud Augustinum) *Fauos esse nectaris plenos, delicias animæ; ex quibus ea quidquid in se minus inuenit, aut imbecillum sentit, refarciat atque suffulciat.* Tales libros hocce B. P. N. IGNATIVS (vti suprà in Elogijs dedi) in se expertus est.

C A P. XII.

Secundum Caietani argumentum, libros de Imitatione Christi Thomæ à Kempis non esse, quod à D. Bonauenturâ citentur, qui CC. annis Thomam à Kempis præcessit.

ROS-W EYDV S. Hic verò totius controuersię cardo vertitur. Si enim D. Bonauentura, tantò Thomâ Kempensi anterior, vt duobus eum sæculis anteuenterit, librorū de Imitatione Christi meminit, & ex iis integrum caput citat, quis tam effrons futurus, qui hîc obluetari audeat?

Equidem pridem audieram, in Hispaniâ

spaniâ rumorem circumferri, Thomam Kempensem auctorem non esse horum librorum; sed præter rumorem nulla prætereà ratio ad aures meas peruenerat. Cùm ecce Româ litteras accipio à R. P. Iacobo van Quaille Belgâ, Thomæ à Kempis amantissimo, quæ nuntiabant Romam ex Hispaniâ appulisse virum reuerendum & grauem, qui hanc rumoris Hispanici rationem adferebat, quòd apud Bonauenturam (qui antiquior est Thomâ Kempēsi) Tomo vii. Operum, Opusculorū parte iv. Collatione vii. inter octo quas habuit Tolosæ, habeatur ad verbum bona pars capitis vltimi ex libro primo de Imitatione Christi, cum his verbis in fine illius Collationis: *& cetera, ut patet in deuoto libello de Imitatione Domini nostri IESU Christi.* Vnde colligi videtur, libellum controuersum tunc temporis exstitisse; vel certè similem cum iisdem verbis. Quod argumentum primum publicè proditum inuenio à Don Pedro Manrique Licentiatò, (vel quisquis eo nomine latet) in libro Hispanico quem inscripsit: *Apareios*

rejos para administrar el Sacramento de la Penitencia : quem Mediolani, in ipso Ducis palatio, Marcus Tullius Malatesta impressit, anno CIO. IO C. IV.

Arrisit hoc argumentum Romæ viris aliquot grauissimis : & verò tale videbatur, vt nihil ambigendum iam esset, quin Thomas à Kempis hætenus malæ fidei possessor fuerit, & de possessione suâ sit deturbandus. Ego primâ fronte perstrictus hæere cœpi, & iam pænè de vadimonio relinquendo cogitare. Placuit tamen antè Bonauenturæ Collationes illas excutere, mantellum detegere, frontem inspicere. Cùm ecce impostoremprehendo alienis ornatum plumis, & ætatem non suam mentientibus. In hunc igitur modum tunc Romam perscripsi:

Argumentum, quod asserit, à Bonauenturâ in Collationibus Tolosæ habitis citari libellum de Imitatione Christi, non videtur mihi habere difficultatem. Nam in Collationibus illis citatur Vbertinus, quem constat diu post S. Bonauenturam vixisse: vel certè si non diu post S. Bonauenturam

VINDICIÆ KEMPENSES. 407.
ram vixit, non est vero simile D. Bonauenturam eum citasse vel coæuum, vel se recentiore. S. Bonauentura obiit anno M. CC. LXXIIII. vel M. CC. LXXV. Vbertinus suum librum absoluit anno M. CCC. V. ut patet ex primo eius Prologo. Hæc ego tunc scribebam, innuens Collationes illas Bonauenturæ non esse, quod Vbertinus, qui in iis citatur, post Bonauenturam vixisset. Quid ad hæc Caietanus?

CAIETANVS. Nos, postquam Pag. 23.
aliqua ex rerum Franciscanarum scri- 24.
ptoribus præmiserimus, contrarium dicere non difficile speramus.

In primis itaque animaduertendum est, quod anno Christi M. CC. XLIII. F. Haymo Generali Ordinis Minorum Ministro, S. Bonauentura eius Religionis habitum induit: anno autem M. CC. XLV III. electus est Generalis Minister F. Ioannes à Parmâ, qui rexit annos octo, & F. Vbertinum à Casali ad Ordinem recepit. Hoc ipsum præter huius Religionis historicos, idem Vbertinus de se ita testatur: *Romana sanctuaria visitans, & ad ange-*

Vbertin.
in Pro-
log.
1. Ar-
bor. Vit.
Cruci-
fix.

angelum faciei IESV verè sanctissimum
Ioannem de Parmâ ad rupem deueniens, læ-
tus, & ab ipso confortatus, absolutus & in-
structus, in die indulgentiæ secundæ diei Au-
gusti, intraui ecclesiam B. Mariæ de Por-
tiunculâ de Assysio, & iuxta eam pernocta-
ui: in quâ gloriosa Virgo Maria, quæ primò
Christi personam in Bethlehem pepererat, in
Francisco & Clarâ, & eorum Ordinibus, pe-
perit eius vitam. Vbi tantam immutationem
accepi, & nomen vitæ, spiritû Christi, & san-
ctæ Regulæ intellectum, quòd tunc frustra cre-
didi me vnquam communibus relaxationibus
inquinari. Sic de nouo genitum alumni fide-
libus spiritu IESV tradidit nutriendum.

Vbertin.
vbi su-
prâ.

Animaduertendum prætereà, quòd
Vbertinus huiusmodi de vitâ Christi
exercitationes ab ipso suo in Religio-
nem ingressu, quoquo modo in libros
redigens, sibi conscripserat. Vnde
ait: Hic est speciosæ myrrhæ fasciculus, qui
à primæuo Nouitiatus mei inter vbera mea se
collocare studuit. & non longè post:
Sicq; mihi indigno tam fortiter se immisit,
quòd à Nouitiatus principio in totum cor
meum occupare vellet in actibus vitæ suæ;
quam & mihi distinxit septenario, iuxta nu-
merum dierum septimana. Vt sic cùm in or-
bem

bem transissent dies totius vitæ IESV, & reuerendissima Matris suæ, in corde meo volueretur decursus. In hisce autem Christi IESV vitæ studiis (vt opportunè etiam animaduertit Marcus Vlyssiponenſis) postquam quatuordecim annorû spatio Vbertinus se exercuiſſet, religioſorum virorum hortatu res illas ſacras, quas non adèd effusè primùm tractauerat, pergrandi mox volumine apud Aluerniæ montem, licet neque tunc ab extremâ manu, conſcluſit. Marci, inquam, Vlyssiponenſis ex eodem Vbertini in Opus ſuum Prologo, verbis in Latinum translatis, attestatio hæc eſt: *Diuina gratia lumine optimè informatus, post annos quatuordecim, in quibus huiusmodi ſanctis exercitijs delectatus eſt, piorum hominum conſilio, de Christi vitâ, eiſq; ſectatorum, librum composuit.*

M. Vlyſſ Chron.
Fratrum;
Min. par
te 2. l. 7.
cap. 22.

Itaque S. Bonauentura, qui nonniſi anno Domini M. CC. LXXI V. obiit, eam ſummam dictorum, quæ Vbertinus circa ſalutis annum M. CC. LXIV. perſcripſit, ſuum in libellum de octo Collationibus utiq; transferre potuit. Summam, inquam, eorum, quæ fuſius poſteâ diſſeruit Vbertinus, excer-

psit Bonauentura : vt ex hoc etiam intelligas, Doctorem hunc, sicut in septem reliquis Collationibus, diuersorum sententiis ; ita & in primâ Vbertini vsum fuisse testimonio.

R O S - W E Y D V S. Multa hîc peccas, multa per omnem modum, Caictane.

Primò asseris, Vbertinum in Ordinem Minorum receptum à Fr. Ioanne à Parmâ, cùm Generalis esset. Id nullo modo subsistit, vt mox intelliges.

Secundò ais, id huius Religionis historicos testari : & tamen cùm aliquot eius opinionis esse insinues, nullum producis. Existimo te id legisse apud Petrum Rodolphum Seraphicæ historiae libro 11. vbi ita habet: *Refert ipse sub Fr. Ioanne Parmensi Generali suscepisse habitum, annum agentem xiv.* Sed iam intelliges, Rodolphum Vbertini mentem non percepisse.

Tertiò affirmas, Vbertinum ipsum id de se testari, productis eius verbis. Ego verò ex eius verbis contrarium potius colligo. Nam cùm scribit, Romana sanctuaria se visitantem deuenisse ad Ioannem de Parmâ *ad rupem*, intelligit rupem illam, quæ est prope Reate,

Reate, in quâ triginta circiter annis Ioannes de Parmâ iam Generalatu defunctus habitauit, vt habetur in Chronico Marci Vlyssiponensis lib. 1. capite LVII. Ad hanc igitur deuenit Vbertinus intra triginta illos annos.

Sed apertius id probatur ex ipsis Vbertini verbis, quæ prioribus à Caietano citatis paulò post subnectit: *Ad Vbert. Prouinciã Tusciã veniẽs sub titulo studij, &c. Col. 4. adfuit tunc cum predictis magistris practicis Seraphica sapientiæ Doctor speculatiuus, & Christi vitæ defensor præcipuus, Deo charissimus Fr. Ioannes Oliui.* Hic autẽ Fr. Ioannes Oliui (vt cõstat ex Chronico Marci Vlyssiponensis lib. v. cap. XXI I I.) duodennis fuit à proprio patre oblatus Religioni anno M. CC. LIX. Ergo anno M. CC. XLV I I I. & octo sequentibus, quibus officio Generalis functus est Ioannes à Parmâ, erat hic Fr. Ioannes Oliui adhuc puer, non Doctor Theologiẽ: vnde non potuit tunc eum conuenire Vbertinus; sed multis annis postea, cum scilicet Ioannes à Parmâ Generalatu defunctus commorabatur ad rupem, vt suprà dictum est.

Accedit, quòd ex ipso Vbertino
S 2 colligi

colligi posse videtur annus ; quo ad
Ordinem susceptus est , vel certè quo
Ioannem à Parmâ cōuenit. Nam cū
dicat, se mēse Septembri librum suum
terminasse ; *Torminaui, inquit, in Vigiliā*
Col. 8. *Michaëlis Archangeli anni praesentis M. CCC. V.*
à felicissimo ortu veri Solis I E S V, à meâ verò
viti conuersione anno XXXII. sequitur, con-
uersionem eam contigisse anno M. CC-
LXXIII. anno vno ante mortem S. Bo-
nauenturæ.

Quartò pertendis , Vbertinum ab
anno atatis x i v. quo Religionem est
ingressus, suas Exercitationes quoquo
modo in libros redegisse, sibi quē con-
scripsisse. quod merum commentum
est : quia nusquam hoc dicit Vberti-
nus , neque vllō modo ex eius verbis
id colligi potest, sed planè cōtrarium ;

Vbertin.
Col. 3. *hæc enim sunt eius verba : In primis*
quoque exercitiis sic quasi per quatuordecim
annos circa forinseca IESV me suus spiritus
occupabat , nondum me introducens ad altas
sue mentis perfectiones. Quibus verbis ni-
hil aliud indicat Vbertinus , quàm se
tot annis versatum fuisse circa forin-
seca IESV , postea verò circa altiores
mentis perfectiones. Nihil autem hîc
memi-

meminit de descriptione libri; sed longè infrà multis verbis narrat, quomodo & quâ occasione librum illum componere sit aggressus; imò nec ipse eum scripsit, sed alteri tantùm dictavit: *Novit, inquit, IESVS, qui librũ istum, ut arbitror, ipse complebit, quòd tantùm eram extraneus à prædictis in corde meo, licet verbis transirem cum postulantis hæc, quasi sicut modò mihi videor extraneus ab edificio manuali. Huius autem difficultatis ratio mihi ab infantiã insuit: quia vix unquam potui vnã modicam dictiunculam, vel aliquid aliud scriptitare, vel cuicumque scribenti dictare, quantumcumque vtile vel deuotum, etiam importunis non tam precibus quàm conatibus à pluribus molestatus; de quibus plenam experientiam habuit, qui mihi præerat Guardianus, cuius importunis molestiis sæpiùs iteratis, illius manu hoc modo liber iste incepit. Animaduertis nunc, Caietane, quàm & secunda tua animaduersio procul à scopo aberret, cùm vis pergrandi mox volumine Vbertinum tractasse, quod non adeò effusè primùm tractauerat. Imò verò serò manum scriptioni admouit, vel potius mentem applicuit, alterius librariã manu vtens.*

Vbertin.
Col. 6.

414 HERIBERTI ROS-VVEYDI
Marcus Vlyssiponenſis, ſi aliud vo-
luit, non rectè Vbertini mentem eſt
aſſecutus.

Vin' adhuc clariuſ Vbertini testi-
monium, quòd hoc demum tempore vel
verſiculos primò tantùm incepit ſcri-
bere, & parum explicare, vt nulla eſſe
poſſit ſuſpicandi oceasio, quòd olim
quædã non adeò effuſè tractauerat? Nunc
enim primùm dicit ſe incipere vel me-
diã lineã verſiculos explicare. Nam, in-
quit, vterinuſ frater & mihi curã filiuſ, quem
ad Ordinem ſanctum adduxi, qui minor tem-
pore, ſupra me virtute ſeneſcit; me moleſtabat
continuè precibuſ dum præſens eſſet, litteriſ
abſens, & Guardianum prædictum, vt me
propulſaret, quòd ſaltem verſiculoſ, qui ſunt
huiuſ vitæ capitula, cum eo quod ſentiebam
de cordiali paſſione IEſu, ſcribenti Guardiano
loquendo edicerem, quia neuter eorum ſpera-
bat meam adhuc nimiam dubitiam ad am-
pliuſ emolliri. Qui magiſ motuſ moleſtiã
quàm complacentiã, acceptauit ſolùm verſicu-
loſ, intendens tranſcurrere. Nam eoſ ex alio-
rum dictiſ, & à Chriſto IEſu mihi immiſiſ,
compereram ad Chriſti vitæ faciliorem recol-
ligendo memoriã, & præſentis ſtatuſ miſe-
riam cordialiter deplorandã. Suadente verò
mihi

mibi prædicto scriptore, quòd breuiter vel eorum intellectum exponerem, illud intendi, vix alicubi mediam lineam pro expositione versiculi ponens. Vide quàm clarè. Dicit se loquendo edicere, non ex chartâ dictare. Dicit se intendisse vix alicui mediam lineam pro expositione versiculi ponere. quid, quæso, antè posuerat, cùm eum dicis, quædam olim non adeò effusè tractasse? Pugnant hæc cum verbis Vbertini. Sed pergit Caietanus Bonauenturæ Opusculum propugnare.

CAIETANVS. Huius porrò de Pag. 36.
octo Collationibus Opusculi germanum auctorem esse S. Bonauenturam, nemo hæctenus dubitauit.

R O S - V V E Y D V S. Immò verò dubitasse aliquos, tute ipse dices, qui nescire non potes, cùm aliquid ferri in auctoribus legis, quòd incertam tunc famam & rem dubiam fuisse in tuâ Concertatione pronuntias. Iam verò nōne in ipsâ Vaticanâ editione Col- Pag. 10.
lationibus hisce præfigitur, vt in impressis hæctenus Opusculis fertur? Dubitata te igitur nonnullos, de auctore harum Collationum insinuat. Nec vniuersè verum est, in impressis hæcte-

416 HERIBERTI ROS-VVEYDI
nus Opusculis Collationes illas haberi :
nam defunt in Argentinensi editione
anni M. cccc. lxxxix. Sed per-
git Caietanus Collationes illas Bona-
uenturæ asserere.

Pag. 36. CAIETANVS. Accedit etiam ,
quòd cùm F. Franciscus Zamora, Or-
dinis Minorum Generalis Minister,
horratu Bernardi Fresnedæ, Conchê-
sis Episcopi, & Philippi II. Hispania-
rum Regis à confessionibus & confi-
liis, omnia ipsius Bonauenturæ Opu-
scula, tã ex MSS. quàm editis exem-
plaribus (vt eius epistolæ attestazione
clarescit) recensita, Venetiis à Domi-
nico Nicolino M. D. LXIII. impri-
menda curaret, hunc ipsum de octo
Collationibus libellum, sicut & Vati-
cana Sixti V. editio, Tomo Operum
septimo, Bonauenturæ indubitanter
inscripsit. Nam quæ incertâ fide ei-
dem Doctori attribuuntur, in Appen-
dicem reiecta sunt.

ROS-VVEYDVS. Iam proximè
ostendi, quàm non indubitanter Col-
lationes illas inter Opera Bonauentu-
ræ retulerit Vaticana Sixti V. editio,
cùm verbo illo dubioso, *fertur*, vritur.

Et

Francisc.
Zamor.
ep. dat.
Trident.
Kalend.
August.
1663.
præfix.
1. Tom.
Opusc.
S. Bona-
uent.

Et satis insinuat, se nullum eius Opusculi M S. exemplar inuenisse. nec enim aliàs diceret se id in *impressis hactenus Opusculis* inuenisse : addidisset, & MSS. quare manifestè insinuat se illas inter MSS. nusquam inuenisse: sicut etiam non inueniuntur inter alia eius Opuscula MSS. quæ adseruantur in Bibliothecâ Vaticanâ, nec etiam in Columnianâ, Sforzianâ, & Congregationis Oratorij, nec in vlllo S. Francisci de Vrbe monasterio, nec Bononiæ, nec Tolosæ, vbi tamen habitæ dicuntur. Quare iure suspicatur R. P. Iulius Nigronius noster, omnia Opuscula spiritualia, quæ sine auctore circumferebantur in Ordine Minorum à pio viro collecta, data esse in lucem sub nomine S. Bonauenturæ.

Nec clausula tua certâ fide consistit, quâ scribis, *quæ incertâ fide eidem Doctori attribuuntur, in Appendicem reiecta esse.* Audi enim, quàm multa extra Appendicem sint, quæ inter Opera indubitata Vaticana editio retulerat, de quibus tamen non tam dubium est, quàm certissimò constat Bonauenturæ non esse.

S S

Non-

Nónne in editione Vaticanâ To. vii. parte i v. Opusculorum pro indubitato Bonauenturæ Opusculo ponitur, *Speculum disciplina ad Nouitios*, cum Prefatione R. P. Henrici Sedulij Cliuiensis, tunc Guardiani Antuerpiensis, nūc Prouincialis, qui id egregiè recensuerat, & typis Plantinianis apud Moretum emiserat anno M. D. xci? Audi tamen quid ipse Sedulius in secūdâ editione anno M. DC. apud eundem Moretum Lectorem præmoneat: *Te præmoneo, nonnullos opinari S. Bonauenturam non esse huius Speculi auctorem. non ago censor: sed hic præscribo, quod vetus exemplar Argentinense editum anno M. CCCC. xcv. in recensu Operum S. Bonauenturæ partis secundæ his verbis præscribit: Speculum disciplina, quod in hanc formam redactum est à Fratře Bernardo de Bessâ, Prouinciæ Aquitaniæ. Nam ab ore S. Bonauenturæ fuit scriptum, & inordinatè relictum, in quo caelestes homines mores discerent, quibus proficerent. quibus subnectit idem Sedulius: Firmamentum trium Ordinum S. Francisci refert sub decimo Generali F. Hieronymo de Esculo, quondâ eximium magistrum inter alia Speculum disciplinæ composuisse. Sitne ille,*
quem

quem supra dixi, tu cogita. Vide quàm cautè & prouide Sedulius de Opusculo hoc censeat, quod tibi indubitatum est, quia inter Opera Bonauenturæ ex typographiâ Vaticanâ prodiit.

Habes in editione eadem Vaticanâ librum primum *de Profectu Religiosorum* inter libros Bonauenturæ, qui eius certò esse existimantur. quem etiam idem Sedulius anno M. D. XCI. eius nomine typis Plantinianis imprimi curauerat. qui tamen anno M. DC. eundem D. Bonauenturæ abdixit. Eum audi: *In priore editione, libello de Profectu Religiosorum nomen S. Bonauentura præscripsi: verùm erravi, ouium more pergens, non quò eundum erat, sed quò ibatur, secutus plura exemplaria; quorum, quotquot videre hæcenus potui, præsertim Gallicana, vnanimiter in S. Bonauenturam consentiunt. Porro quæ scripsi, rescribo. Nec est leuitas à cognito errore discedere: & ingenuè fatendum est, Aliud putavi, deceptus sum. Illius auctorem non esse Bonauenturam, sed Fr. Davidem ab Augustâ, item ex Ordine Minorum, opinor æqualem S. Bonauenturae, certissimis rationibus docuit me vir pius & eruditus Marcus Velferus Augustanus,*
S 6 *amicus*

420 HERIBERTI ROS-VVEYDI
amicus meus: nempe testimonio Ioannis Tri-
themij, & manuscriptis Germanicis quam-
plurimis codicibus nomen F. Davidis præ-
ferentibus: vt iure auctori suo assertus in lu-
cem prodierit hoc titulo, Formula interio-
ris hominis, Augusta anno M. D. xcvi.
Haftenus R. P. Sedulius: & rectè in
Augustanâ editione deest prior Pro-
logus, qui est in Vaticanâ & editione
P. Sedulij. nam adiectitius est. Vi-
des, post Vaticanam & Sixtinam edi-
tionem vnum Opusculum Bonauen-
turæ certò detractum, alterum dubio-
sum redditum?

Nonne in eâdem editione Vaticanâ
exstat *de Profectu Religiosorum liber secun-*
du, qui agit de septem Processibus re-
ligiosi profectus: atqui iste liber cum
superiori libro Augustæ editus est no-
mine *Davidis* iam citati, qui ibi titulum
præfert, *de septem Processibus religiosi status.*
Eum quoq; Trithemius libro de Scri-
ptoribus Ecclesiasticis in recêsu Ope-
rum Davidis eodê titulo ponit. Eum
quoque P. Sedulius in priore editione
libro proximè citato adiunxerat, quem
in posteriore retraxit.

Quid si & quartum adiiciam? Va-
ticana

ticana editio, Bonauenturæ adscribit partem primam *de Institutione Nouitiorum*; quam tamē inter Opuscula F. Davidis Augustæ impressa reperies hac inscriptione: *Formula Nouitiorum de exterioris hominis reformatione*. Cui ipse David Prologum præfixit ad Fr. Bertoldum, qui illi charissimus erat. Eum quoq; librum Trithemius inter Opuscula Davidis recenset.

Quid si & Thomas à Kempis hîc Vaticanos typographos repetundarum agat? Nōne inter Opuscula Bonauenturæ censetur *Alphabetum monachorum*? Atqui hoc Thomæ à Kempis omnes editiones vindicant, etiam antiquissima, quæ penes me est, vbi nec locus, nec annus, nec typographus exprimitur, vt solemne erat, cū typographia adhuc in cunabulis versaretur. Nec est, quòd Caietanus hîc tergiuersetur, quasi Thomas à Kempis hoc Bonauenturæ surripuerit, cū ipse suprâ cap. x. auctorem Vitæ Thomæ à Kempis à spectatâ fide, studio, diligentiaque commendet; quippe qui ex ore Thomæ sodalium sua perceperit; atqui ille *Alphabetum monachorum*

rum inter Opera Thome à Kempis impressit; quod etiam habetur in editione Venetâ ex officinâ D. Bernardini, quam velut Achillem aliquem in hac Concertatione suâ producit; vbi licet in indice non ponatur, in textu tamen exprimitur.

Et verò nescio quo casu factum, ut omnia prædicta Opuscula controuersa, in editione Vaticanâ sese subsequantur, *Alphabetum monachorum*, *Collationes octo*, *Speculum disciplinae ad Nouitios*, *de Progressu Religiosorum liber primus*, *de Progressu Religiosorum liber secundus*, *de Institutione Nouitiorum pars prima*; nisi quod perca semper sepiam sequitur. Sed proseguitur Caietanus pro Vbertino à Bonauenturâ citato agens.

Pag. 36. CAIETANVS. Ros-weydem prætereà non mirari non possum, asseuerantem videlicet: *Vel certè si Vbertinus non diu post S. Bonauenturam vixit, non est verisimile D. Bonauenturam eum citasse, vel coeuum, vel se recentiolem.* Quibus ego, ne prolixior sim, illud vnum adiciam, quod in scholis, præcipuè Societatis IESV, coeutorum & recentiorum Scriptorum contestationes quàm frequenter

frequentissimè adductas, nos ipsi audiuius. Toleti Commentaria in Aristotelis Logicam & Philosophiam, ipso adhuc viuente, ab ætate prioribus, non modò æqualibus, publicè prælecta, nos minimè ignoramus. Quid de Francisci Suarez, Gregorij de Valentia, Roberti Bellarmini, aliorumq; ex eadem Societate Doctorum scriptis recentissimè editis edisseram?

R o s - w e y d v s. Nempe cùm nec aciem nec agmen posses perrumpere, in exercitus tergum conaris impetum facere, siquem fortè segregem & solitarium possis inuadere. Sed hæreat is agmini suo, & nullus euiceris. Probaui manifestissimè, Vbertinum diu post mortem sancti Bonauenturæ librum suum scripsisse: addidi, etsi non diu post Bonauenturam vixisset, non esse tamen verisimile D. Bonauenturam eum citasse, vel sibi coæuum, vel se recentiorē. Non dixi, certum hoc esse, sed tantum, vero simile. Et nōne tale prudenti Lectori videbitur, qui considerauerit D. Bonauenturam Generalem sui Ordinis & Doctorem Theologum fuisse, Vbertinum eius subdi-

tum,

424 HERIBERTI ROS-VVEYDI
tum, immò ab Ordine suo dissiden-
tem? quæ gratia, vt Generalis ali-
quis in Capitulo adducat exhortatio-
nem aliquam Religiosi, qui à commu-
nitate dissidet? Hoc mihi visum non
vero simile. Coæuum à coæuo citari
posse nimis notum, maximè cùm liber
aliquis impressus est, & publici iam
iuris factus.

Pag. 38. CAIETANVS. Ad hæc (vt cetera
veritati repugnantia prætermittamus)
Vbertinum anno Christi M. CCC. V. &
conuersionis suæ XXXII. librum ipsum
terminasse, cùm ex superioribus fal-
sum apparuerit, mendum in codice
latère omnino dicendum est.

ROS-VVEYDVS. Ne quæso, præ-
termitte aliquid veritati repugnans.
Quomodo aliquid prætermitteres,
qui etiam in apices inquiris, dum
pag. 47. P. Henrico Sommalio nostro
obiicis, quòd non rectè ex codice suo
manuscripto *agit pro ait* expresserit,
de quo suprà cap. I I. obiter actum: vbi
tamen assertio tua è diametro veritati
repugnabat.

Iam verò quòd effracto etiam muro
euadere conaris, non effugies: vel per
aper-

apertam portam retrahêris. Nullum errorem in anni numerum irrepsisse, ipse Vbertinus clarissimè testabitur. Postquam enim narrauit, quomodo impulsus fuerit ad scribendum, & in difficultatibus roboratus à virgine prudentissimâ de ciuitate Castelli, infert: *Et iuxta quod ipsa prædixit, dans mihi* Vbertin. Col. 8
terminum mensis Septembris, illo mense terminauit in Vigiliâ Michaëlis Archangeli anni præsentis M. CCC. V. à felicissimo ortu veri Solis IESV, à meâ verò vili conuersione anno XXXII. Si exprimerem quæ mihi intimabat de contentis in libro Thymeo, quasi incredibile foret legentibus. Nam septem mensium tempore durauit huius libri tractatus; & fuit quatuor vicibus impedimentis notabilibus, longo dierum spatio, interruptus: à IX. die Martij in Quadragesimâ, in festo XL. Martyrum, quæ dies fuit feria III. post Dominicam Quadragesimæ, quando legitur Euangelium secundum Matthæum, in quo dicitur, quòd intrauit IESVS in templum, & eiecit euentes & vendentes de templo, inchoatus est iste liber, prædicto dierum numero, cum multo cordis mei stupore, cum recogito, fuit die prædictâ finitus. Quid hac annorum epochâ clarius? Ad calculos, quæso, Lector, sede;

426 HERIBERTI ROS-VVEYDI
 de; considera annum, vide diem, per-
 pende feriam, & omnia conquadrate
 dices. Nónne anno M. CCC. V. aureus
 numerus fuit XIV. cyclus Solis XXVI.
 ac proinde littera Dominicalis C. &
 dies Cinerum III. Martij, atque adeò
 Dominica Quadragesimæ VII. Martij,
 & dies IX. Martij, feriâ III. sequenti?
 Aduerte nunc, Caietane, quàm iure
 scripserim, Vbertinum non potuisse
 citari à D. Bonauenturâ, cum Vber-
 tinus testetur, se primùm absoluisse
 suum librum, idque trium mensium
 spatio, anno M. CCC. V. ipse verò Bo-
 nauentura obierit anno M. CC. LXXIV.
 Sufficiat hæc nunc brevis Mathema-
 tica demonstratio, nullum errorem in
 anni assignatione interuenisse. Sed
 pergit Constantinus librum Vbertini
 mendi arguere.

Fig. 18. CAIETANVS. Mendum quoque
 est, quòd idem ipse trium mensium
 spatio, vel circa, totum eundem li-
 brum scripserit. Nam (præter id, quod
 ex eius Operis Prologo & libro ultimo
 contrarium colligitur) ingens reuerà
 volumen est, utpote libris quinque,
 qui vno & centum capitibus diuidun-
 tur,

VINDICIÆ KEMPENSES. 427
tur, profuso satis sermone contextum:
quod quilibet, aliis etiam Religionis
suae exercitiis addictus, vix commodè
legere, nedum componere valeat.

ROS-W E Y D V S. Equidem mirari
satis non possum, Caietane, hominem,
qui sacris litterarum monumentis præ-
est, tam parum reuerenter ea tractare,
ut quidquid auctores ipsi manifestè
scripserint, in dubium reuoces, & de
mendis libros, cum sententiæ tuæ mi-
nùs suffragatur, suspectos habeas. Au-
ctoris verba proposuisse, cōfutasse est
suspicionem tuā. Ita igitur clarè Vber-
tinus, postquam dixit impulsione spi-
ritus I E S V se ad scribendum fuisse
motum, *Ad scribendum*, inquit, ipse sine co-
gitatione præambulâ impellebat. Nam in more
solitudinis, vbi librorum penuria, vbi possem
dubia reuidere, non plus quàm trium mensium
& septem dierum, vel circa, spatium temporis
in scribendo totum hunc librum, de quo scri-
bendo vix vñquam cogitaueram, occupare
permisit: & tunc etiam, nisi quando dicta-
bam, vel ab aliis libris accipiebam, valdè pa-
rum cogitare sinebat. Quòd si præcogitabam
aliquando, dum postea dictarem scriptori,
ut sæpius, I E S V totaliter alterabat, & nullo
modo

Vberre.
Col. 7.

428 HERIBERTI ROS-VVEYDI
modo formabat conceptum. Nec quod scri-
ptum est adhuc potui vel cursoriè reuidere:
propter quod habeat me Lector excusatum.

Videat nunc Lector, vtri æquum sit
credere, Caietano sine iustâ ratione
negâti, an Vbertino clarè id affirmanti?

Quòd verò Caietanus ex eius Ope-
ris Prologo & libro vltimo contra-
rium colligi vult, frustrâ est. Locum
non adducit, diuinare vix possum.
Existimo, eum ob oculos habuisse lo-

Vbertin. cum hunc Prologi: *Nam septem*, inquit,
Col. 8. *mensium tempore durauit huius libri tracta-*
tus. Ita quidem Vbertinus: sed memi-
nisse oportuerat Caietanum, aucto-
rem ipsum dicere se quater opus in-
terrupsisse septem illorum mensium
spatio. quibus interruptionibus dem-
ptis, impendit tantùm tres menses &
dies aliquot. Nā proximè citatis ver-
bis subiungit: *Et fuit quatuor vicibus impe-*
dimentis notabilibus, longo dierũ spatio, inter-
ruptus, cum reliquis, quæ iā antè citaui.

Nec mirum cuiquam videri debet,
librum illum trimestri spatio cum
aliquot diebus absolutum; cum du-
centa tantùm & aliquot supra qua-
draginta folicula contineat, eaquæ in
paruo

paruo folio . Etiamſi in diem dictaſſet Vbertinus duo ſolummodò follicula cum medio , quod facile eſt , diebus præſertim interruptis , ſpatio trium circiter menſium librum abſolvere poterat.

Credes nunc, Caietane, non temerè libros conuellendos eſſe, non trahendos auctores obtorto velut collo in tuam ſententiam, cùm tot errores in vno Vbertino admiferis? Et ne pergas errorum funiculos neſtere, huius te quoque monendum eſſe cenſeo, Caietane, ne dum Vitam S. Franciſci à S. Bonaventurâ conſcriptam percurris, in errorem ruruſum incidas. Vereor enim ne dum cap. xvi. (in quo de miraculis à S. Franciſco poſt obitum editis agitur) §. ix. exemplo v. r. legeris Vbertinum nouitium à paralyſi & amentia meritis S. Franciſci curatum, ſtatim illud velut *ἐπιμαχον* aliquod arripas, in clamitesque *εὐφρα* *εὐφρα*, atque ita argumentari incipias: Bonaventura in Vita S. Franciſci meminìt Vbertini; ergo & in Collationibus illis eiufdem meminiffe potuit.

Sed memineris, illum Vbertinum
dici

430 HERIBERTI ROS-VVEYDI
dici de Ripariolo, nostrum verò de
Casali. Et fortè Bonaventura eius mi-
raculi scriptor non est, cùm Bonauen-
turæ commentator R. P. Sedulius se
hoc adscripsisse ex duobus antiquis
manuscriptis testetur. Hæc ad cautio-
nem dicta sunt.

CAP. XIII.

*Tertium Caietani argumentum, libros
de Imitatione Christi Thomæ à
Kempis non esse, quod D. Thomas
de Aquino ex illis quadam ex-
cerptis in Officio Corporis Christi.*

Pag. 43. CAIETANVS. Quid si Thomam
Cillum Aquinatem, Doctorem An-
gelicum, Bonaventuræ Doctori Sera-
phico coætaneum, ex eodem Ioannis
Gessensis Opere sua quoque littera-
rum monumenta perornasse dixe-
rimus?

ROS-VVEYDVVS. Quàm tu hoc
facile dixeris, tam ego id facile nega-
uero. Adducis quidem tria loca, in
quibus D. Thomas quadam habet,
de venerabili Sacramento communia
cum

cum Thomâ Kempensi, seu tuo Gessen; sed vter ab altero acceperit, id verò non probas. Quamquam duo posteriora loca non omnino videntur ex mutuis scriptis expressa. Solus primus eadem in vtroque verba repræsentat. Ego verò assero, Thomam à Kempis ex Officio Corporis Christi, à D. Thomâ composito, quædam verba libro suo quarto de Imitatione Christi cap. XIII. inseruisse. Quod mirum videri non debet, cum & alijs Opusculis suis quædam ex Officio Ecclesiastico inseruerit. Nam libro de tribus Tabernaculis capitulo tertio de Patientiâ habet Thomas à Kempis: *O consolator optime, dulcis hospes animæ, dulce refrigerium.* quod desumptum ex Sequentiâ de Spiritu sancto.

Et verò cum omni testium genere probauerimus, Thomam à Kempis auctorem esse librorum de Imitatione Christi; omnino æquius & proclivius est concludere, Thomam à Kempis in materiâ de venerabili Sacramento à Thomâ Aquinate quædam desumpsisse.

CAP.

CAP XIII.

Quartum Caietani argumentum, libros de Imitatione Christi Thomae à Kempis non esse, quòd auctor horum librorum videatur fuisse monachus, imò Abbas Benedictinus.

Pag. 48.
& 49.

CAIETANVS. Ex iisdem ipsis libris non nisi monachum & monachorum Præsulem fuisse, apertissime colligimus. Ait enim ille lib. III. cap. x. Fecisti vltra omnem spem misericordiam cum seruo tuo, & vltra omne meritum gratiam & amicitiam exhibuisti. Quid retribuam tibi pro gratiâ istâ? Non enim omnibus datum est, vt omnibus abdicatis saeculo renuntient, & monasticam vitam assumant. Atque etiam lib. III. c. LVI. Suscepi, suscepisti de manu tuâ crucem, portabo & portabo eam vsque ad mortem, sicut imposuisti mihi. verè vita boni monachi crux est & dux Paradisi. Inceptum est, retrò abire non licet, nec relinquere oportet. Eia, fratres, pergamus simul, IESVS erit nobiscum: propter IESVM suscepimus hanc crucem, propter IESVM perseueremus in cruce. Postremò (vt

.1110 mul-

multas eiusmodi testificationes præteream) alio loco lib. i. cap. ultimo sic ait: *Quomodo faciunt tam multi alij Religiosi, qui satis arctati sunt sub disciplinâ claustrali? Rarò exeunt, abstractè viuunt, pauperimè comedunt, grossè vestiuntur, multum laborant, parum loquuntur, diu vigilant, maturè surgunt, orationes prolongant, frequenter legunt, & se in omni disciplinâ custodiunt. Attende Carthusienses, Cistercienses, & diuersæ Religionis monachos, qualiter omni nocte ad psallendum Domino surgunt: & ideo turpe esset, vt tu deberes in tam sancto opere pigritare, vbi tanta multitudo Religiosorum incipit Deo iubilare.*

RIO S-W E Y D V S. Hæc nempe vna causa fuit, cum Caietanus suam concerrationem instituerit, vt libellum hunc natalibus Benedictinæ familiæ infereret. Hinc in omnes se hætenus partes versauit, nunc MSS. fidem eleuando, nunc typographos, nunc Sommalium, nunc me, nunc doctissimos quosque viros erroris arcessendo. Ergo pro argumento contra Thomam adfert, quòd auctor libelli se monachum fuisse insinuet. Nihil hætenus dicis, nihil concludis, Caietane. quis

T

nega-

negauit libri huius auctorem monachum fuisse; si quidem laxè ea vox, ut sæpè fit, capiatur? Vtinam vel obiter Thomæ Kempensis reliqua Opuscula inspexisses, inuenisses profectò, cum monachi nomen vsurpat, vel monachos ad virtutem exhortatur, non suos Canonicos Regulares exclusisse, sed cuiuscumque Ordinis Religiosos intellexisse. Quid enim volūt inscriptiones horum librorum, *Alphabetum monachi*, *Epitaphium seu Enchiridion monachorum*, *Vita boni monachi*? Censebisne auctorem hæc aliis Religiosis omnibus scripsisse, solis Canonicis Regularibus eximiis? Quin Innocentius III. Pont. Max. (vti habetur lib. i. Decretalium Gregorij IX. Tit. ix. de Renuntiatione, cap. xi.) monachorum nomenclaturâ etiam Canonicos Regulares comprehendit. Nam scribens ille Episcopo Fauentinensi in Archiepiscopum Raennatensem electo, de Canonico Regulari (qui relicto Episcopatu Sarnatensi ad Ordinem Canonicorum Regularium sancti Frigidiani Lucanensis transierat) nunc rursus in Episcopum Fauentinensem electo, ait, non videri postu-

postulationē eam admittendam, quod Constantinopolitani Concilij capitulo statutum sit, vt quicumque de Pontificali dignitate ad monachorum vitam & pœnitentiae locum descenderit, nequaquam vlteriùs ad Pontificatum resurgat. Vbi Pontifex per monachorum vitam etiam intelligit vitam Canoniorum Regularium, cùm eo loco de Canonico Regulari agatur. Omitto compluria alia auctorum loca, in quibus Canonici Regulares in monachorum quoque censum veniunt. Non ignoro interim, in Iure Canonico monachos subinde à Canonicis Regularibus distingui. Satis nobis esse poterat, Thomam Kempensem etiam in aliis suis, praterquam de Imitatione Christi, Opusculis, monachorum nomine Canonicos quoque Regulares comprehendisse.

Quòd verò addis, iisdem verbis apertissimè colligi, auctorem libri monachorum Præsulem fuisse; nihil ego hîc tale dispicere possum. An quia fratres suos adhortatur, ideò Præsul erit? Næ id minùs procedit. valdè velles, vt video, supposititio tui auctoris titulo *Abbatis* patrocinari. Nec

436 HERIBERTI ROS-VVEYDI
hîctamen sistis. Etiam Benedictinum
fuisse ex iisdem verbis conaris exscul-
pere.

Pag. 49
C 50. CAIETANVS. Quibus ex verbis
manifestissimum redditur, sapiùs ci-
tati Operis auctorem in Regulâ S. Be-
nediti militasse, quando & is mona-
chorum suorum mores, ex laudabili
eiusdem instituti sectatorum disci-
plinâ ad normam redigendos censuit.
Quod si Canonicus exstitisset S. Au-
gustini Regulæ addictus, vt Thomas
à Kempis, extra rei sanè propositum
estimari deberet, quod seipsum potiùs
monachum, quàm Canonicum vel
Clericû appellitare voluerit; & Con-
canonicos suos multò magis præmo-
nere ex Benedictinorum Regulis, qui-
bus ipsi adstricti non erant, quàm ex
Augustinianorum sanctionibus, quas
statutis votis obseruare debebant.

ROS-W E Y D V S. Quò te non ra-
pit affectus tuus, vt auctorem libelli
de Imitatione Christi Benedictinum
facias? Ain' verò, Caietane, quia Tho-
mas à Kempis suos Concanonicos
hîcad exemplum aliorum Religioso-
rum exstimulat, debuisse potiùs pro-
ducere

ducere exēpla sub Regulâ Augustini militantium quàm Benedicti? Ego verò contrarium assēro. Militabat Thomas à Kempis sub Augustini Regulâ, sed ritè obseruatâ, & certis adhuc legibus, seu, vt ipsi vocant, statutis, sub Capitulo Windesimēsi astrictâ. Quos quæso, Religiosos sub Augustini Regulâ militantes in medium produxisset, quorum exemplo suos ad meliora charismata æmulanda inuitasset? Imò verò, quia Windesimēsi Capitulo parētes (inter quos erāt Religiosi Montis S. Agnetis prope Swollas, quibus Thomas conuiuebat) strictissimè Regulam S. Augustini obseruare profitebantur, vt suos sodales ad obseruationem Regularum suarum strictiorem incitaret, aduocat incensa Religiosorum aliorū sub diuersâ Regulâ militantium studia. Ita in aliis suis Opusculis nunc S. Benedictū, nunc S. Bernardum suis ob oculos statuit. In Vitâ boni monachi cap. vi.

Imitare sanctum Benedictum,

Quære Iesum cum Bernardo.

Vt verò in hanc opinionem descenderes, auctoremque horum librorum

438 HERIBERTI ROS-VVEYDI
crederes sub Benedicti Regulâ mili-
tasse, occasione tibi quoque fortè de-
derit, quòd cum P. Rossignolio nostro
existimaueris, librum M.S. quem Aron-
ensem indigetatis, reliquum fuisse
ex verustâ Bibliothecâ monasterij A-
ronensis Benedictinorum, vbi nunc
est Domus probationis Societatis no-
stræ. Quòd aliter omnino accidit. Ec-
ce enim P. Andrea Maioli nostri te-
stimonium, qui fatetur se librum il-
lum Genuâ Aronam deportasse:

*Ego Andreas Maiolus, Presbyter Societatis
IESV, testificor, me anno M. D. LXXIX. cùm
Genuâ proficiscerer Aronam ad Domum pro-
bationis Societatis IESV, vt in eam admitte-
rer, detulisse mecum codicem manuscriptum
de Imitatione Christi, sub nomine Io. Abbatis
de Gessen, siue Gersen, quem in domo paternâ
reperi, nec scio vnde venerit, eumq; reliqui
Arona in eadem Domo, vbi conseruatus est
multis annos, & inde accepit nomen Aronen-
sis codicis à P. Bernardino Rossignolio, & aliis,
qui legerunt Arona; & ignorantes quòd ego
illum attulerim, existimarunt, ibidem ab an-
tiquis monachis, qui illud monasterium inha-
bitarant, esse relictum. In quorum fidem hoc
testimonium meâ manu subscripsi. Cremona,
die*

die XXVIII. Ianuarij, M. DC. XVII.

Quare nullam nunc rationem suppetere video, quâ horum librorum auctor in familiam Benedictinorum adscisci possit.

CAP. XV.

Quintum Caietani argumentum, libros de Imitatione Christi Thomæ à Kempis non esse, quod phrasim italicam resonent.

CAIETANVS. Phrasis Italica Italulim auctorem loquitur. Et idè nos nonnulla, quæ ad rem hanc demonstrandam faciant, ex eodem Opusculo in medium adferamus. Lib. I. cap. I I I. *Quanto aliquis magis sibi vnitus, & interius simplicatus fuerit.* Cap. IV. *Cum sapiente & conscientioso viro consilium habe.* Cap. XV. *Totaliter ad Deum refert, à quo fontaliter omnia procedunt.* Cap. vltimo: *Pauperrimè comedūt, grossè vestiuntur.* Lib. III. cap. I I I. *Erubescere ergo serue piger & querulose.* Cap. VII I. *Si autem me vilificauero, & ad nihilum redegero, atque sicut sum puluerizauero.* Cap. XV. *In manu tuâ*
Pag. 18
T 4
sum,

440 HERIBERTI ROS-VVEYDI
sum, gyra & reuersa me. Cap. XLVI. Cum
enim bassari refugit & confundi pro defecti-
bus, constat utique quod nec verus humilis sit.
Cap. I. Ne despicias peccaminosam vitam
meam. Et iterum: Non me sinas secundum
auditum aurium hominum imperitorum sen-
tentiare. Cap. LVIII. Illi benè & optimè
contentantur, si homines scirent contentari.
Et demum lib. IV. cap. XII. Ille ni-
hil aliud habeat ad retribuendum beneficiis
eius, nisi se humiliando, & ei regratiando.
Hæc igitur pauca ex scriptis viri illius
exempli gratiâ in medium proposuif-
se sufficiat.

ROS-VVEYDVS. Qui Italum libri hu-
ius auctorem faceret, legi neminem
præter Caietanum: nam etsi Bernar-
dinus Rossignolius Societatis nostræ
Theologus apud Posseuinum in Ap-
paratu sacro in Thomâ de Kempis, &
Cardinalis Bellarminus de Script.
Eccl. in Ioanne Gersone, existimaue-
rint, solo Aronensi codice nixi, librum
hunc Ioanni de Gessen tribuendum,
nihil tamen de auctoris patriâ prodi-
dêre. Vnus Constantinus hîc augu-
rem egit, regiones lituo descripsit,
garritum auium captauit. Sed videa-
mus

mus quàm illi auguralis lituus , quàm auris faueat.

Equidem si hæc pauca , vt tu quidem existimas , Italum auctorem arguunt , quò me vertam vbi plura produxeris ? Amphotides mihi adhibendæ erunt , ne Belgica auris Italis his vocibus velut cæstibus obtundatur. Sed dic , fodes , quas tu hîc voces Italas agnoscis ? Nullas exprimis , integras sententias produxisse contentus. Fors quædam barbara & simpliciora verba Italo cælo adscribis. Quid si ego ex Belgicis scriptoribus , imò ex reliquis Thomæ ipsius Operibus , non iam similia , sed eadem vocabula producam ? Etiamne ea scripta Italiæ deputabis ? Maluisssem te , Caietane , parcius auguratum. Quia tamen me prouocasti , & ad augurium hoc oborto , quod aiunt , collo rapuisti ; patere , quæso , vt fallacem tibi lituum , aures minùs purgatas fuisse ostendam. Ecce enim & cælo nostro voces hæ resonant , *bassari* , *contentari* , *grossè* , *gyrare* , *querulosus* , *regratiare* , *totaliter* , *vilificare* , & aliæ similes , quas in Italiâ tantùm notas existimasti.

Bassari. Thomas à Kempis in Vitâ

T 5

Gerar-

Gerardi Magni post cap. xviii. vbi agit de libris sacris studendis : *Humilis illa adoratio & bassatio corporis decens Deo, & menti congrua.* Idem in Vitâ boni monachi, cap. viii. *caput denudare, bassè inclinare, genua curuare Crucifixi pedibus.* Vitâ Florentij cap. xii. *Pro illis fecerat sibi parua & bassa calopodia.*

Contentari. Thomas à Kempis parte ii. Serm. v. ad Nouitios in exemplo: *Nullatenus possum in conscientia contentari.* In Vitâ Ioannis Cacabi de Vianâ, capite ii. *Si quis nobiscum habitare desiderat, oportet quod se humiliet, & omnibus minorem se faciat: & talis paradisum hîc habet, & optimè contentatur.*

Grossè. Thomas à Kempis in Vitâ Gerardi Magni post cap. xviii. titulo, de Sacris libris legendis : *Vt videas grossos Ecclesia primitiua fructus.* Idem lib. de tribus Tabernaculis, in Paupertate : *Statim cum grossiora quaque & abiectiora eam viderint diligere.*

Gyrare. Thomas à Kempis Serm. v. ad Nouitios parte ii. *Ille verò Religiosus est, qui saculo spontè renuntiat, & corde ad saculum non regyrat.*

Querulosè. Thomas à Kempis in
Hospi-

Hospitali pauperum capite v. *Verus obediens non est tardus, nec negligens, nec querulosus.*

Regratiare. Thomas à Kempis III. parte Serm. ad Nouitios, Serm. x. *Ita & nos multò deuotiores esse debemus regratiando Deo.* Item Sermone I. *Quàm delectabile est pro omnibus bonis datis & creatis etiam pro minimis Deo regratiari.* Vitâ Ioannis Kessel: *Regratians benefactori suo.* In Epitaphio seu Enchiridio monachorum cap. I. *Nam mensa egenorum in more & fletu dolorum Christi versari debet, & Deo regratiari.*

Totaliter. Thomas à Kempis in Valle liliorum cap. I v. *Verus amator Dei amat purè Deum totaliter & finaliter propter suam infinitam bonitatem.* Sæpiùs eo Aduerbio utitur.

Vilificare. Thomas à Kempis in Hospitali pauperum cap. v. *Semper in gaudio est & pace, qui seipsum vincit, abnegat, spoliât, & vilificat.*

Vide nunc, quàm omnia pænè verba, ex quibus putabas te posse colligere, auctorem librorum de Imitatione Christi Italum esse, & ita Thomæ Kempensi Belgæ eos eripere, etiam

444 HERIBERTI ROS-VVEYDI
 Belgico cælo resonent. Vt nihil ex illis
 vocabulis confieri possit, quod non
 Thomæ potius, qui ijs etiam in alijs
 suis Opusculis vtitur, quàm alteri, cu-
 iuscumque ille sit nationis, suffra-
 gium ferat. Sed pergit Caietanus pro
 Italo auctore agere:

Pag. 19. CAIETANVS. Superioribus et-
 iam rationibus addi potest & alia con-
 iectura, fortasse non contemnenda, ex
 ijs quæ habentur capite vltimo libri
 primi, ipsius Operis, desumpta. Quo
 loco cum monachos, quibus ille præ-
 erat, aliorum exemplo inflammare
 vellet, inter alia his verbis vtitur: *At-
 tende Carthusienses, Cistercienses, & diuersa
 Religionis monachos & moniales.* Ex quibus
 probabiliter satis deducitur, aucto-
 rem non in Galliâ vel Germaniâ, sed
 in Italiâ vixisse: etenim illa Religio-
 num diuersitas inter monachos &
 moniales, vbinam locorum extra Ita-
 liam spectari tunc temporis, aut ad
 exemplum proponi poterat? Sanè
 (præter monachos nigros, necnon
 Carthusianos & Cistercienses) erant
 in Italiâ Camaldulenses, Fontis-aue-
 lani, Vallis-ymbrosæ, Humiliati, &
 Mon-

Montis-virginis : omnes inter se diuersæ, & tam genere vestium , quàm modo viuendi distinctæ monachorum familiæ. Sed hos Religiosorum Ordines satis constat Italiæ fines non excessisse. En igitur auctor Italum tacitè se profitetur. Cur enim, si Transalpinus fuisset, eruditus ipse Christi discipulus, ac optimus animarum medicus, exempla aliorum monachorum in remotissimis oris degentium, tamquam quotidiana, & in conspectu sita , suis imitanda proposuisset monachis?

R O S-VV E Y D V S. Hic verò crim tuam, Caietane, nullus non desiderabit. quamquam dum coniecturam vocas, valdè rem mitigas. Quid? Nullibine præter *Carthusienses & Cistercienses* dicendi sunt esse diuersæ Religionis monachi, nisi ibi sint *Camaldulenses, Fontis-auellani, Vallis-umbrosæ, Humiliati, & Montis-virginis*? Quo igitur numero censes Dominicanos, Franciscanos, Carmelitas, Augustinianos, qui toto hoc Belgio frequentes nunc sunt, & ætate Thomæ nostri passim florebant? An in monachorum censum venire nō possunt? Iam suprà monui cap. XIII.

446 HERIBERTI ROS-VVEYDI
auctorem nostrum *monachi* nomen
laxè capere pro quouis Religioso.

C A P. XVI.

*Sextum Caietani argumentum, libros
de Imitatione Christi Thomæ à
Kempis non esse, quòd auctor Vi-
tæ eius nullam horum librorum
mentionem faciat.*

Pag. 13 **C**AIETANVS. Auctor Vitæ Tho-
mæ à Kempis, quisquis sit, syn-
chronos tamen eorum temporum,
quæ scribit de Thomâ ac eius scriptis,
ab eiusdem Confratrum Conuentus
S. Agnetis, Thomæ superstitum, ore
se habuisse cùm testetur, nihilominus
& in describendâ illius Vitâ, & in
euulgandis Opusculis, quorum cata-
logus ab eo Trithemij minimè dif-
fert, ipsorum de Imitatione Christi
librorum meminisse nequaquam vo-
luit. Quod certè eidentissimum si-
gnum est, Thomam à Kempis hu-
iusmodi Opusculi auctorem non exti-
tisse: reuerà enim si esset, fratres ij, qui
in eâdem domo, in quâ & ipse Tho-
mas diu vixit, degebant, rem tantâ
lau-

laude dignam neutiquam silentio contextissent: immò virum illum Operum Kempensium illustratorem vltro docuissent.

R O S - W E Y D V S. Concidere profectò poteram vel ad aspectum tam amentati teli, nisi experienciâ didicissem, arundinea plerumque esse, quæ primâ fronte credûtur cornea. Primò dicit Caietanus Opusculorû Thomæ catalogum, quem auctor ille vulgat, ab eo Trithemij minimè differre. Hoc si verum est, telum in se ipse retorquet. Ecce enim Opusculorum Thomæ catalogum apud Trithemium de illustribus Germaniæ Scriptoribus:

De contemptu mundi & imitatione Christi, lib. I V.

Sermonum ad Nouitios, lib. I I I.

Dialogus Nouitiorum, lib. I.

Sermonum ad fratres, lib. I.

De vitâ solitariâ, lib. I.

De tribus tabernaculis, lib. I.

De verâ compunctione, lib. I.

Hortulus rosarum spiritualium, lib. I.

Vallis liliorum, lib. I.

Alphabetum monachi, lib. I.

Consolatio pauperum, lib. I.

Epi-

Epitaphium monachi, lib. I.

Qualis debeat esse monachus, lib. I.

Manuale paruulorum, lib. I.

Doctrinale iuuenum, lib. I.

De vanitate mundi & contēptu eius, lib. I.

Epistolarum ad diuersos, lib. I.

Et alia.

Quæ omnia Trithemius rursus exprimit in Catalogo Virorū illustrium totius orbis. Nōne hīc Trithemius libros iv. de Imitatione Christi Thomæ tribuit, & in fronte Opusculorum eius ponit? Si igitur catalogus ille, quem auctor Vitæ concinnauit, ab eo Trithemij minimè, vt ipse ait, differt; nōne suo se iaculo velut alter Philoctetes vulnerat? Scio in Catalogo, quem citat sed non exprimit, non comparere quatuor illos libros de Imitatione Christi. Ecce enim illum ipsum, quem editio Veneta quam citat, in officinâ D. Bernardini an. m. d. xxxvi. præfert:

De disciplinâ claustralium.

Soliloquium.

Sermonum prima pars.

Sermonum secunda pars.

Sermonum tertia pars.

Item sermones nouem.

Dia-

- *Dialogus Nouitiorum.*

Eiusdem epistole.

- *De paupertate, humilitate, & patientiâ.*

- *De verâ compunctione cordis.*

Hortulus rosarum.

Vallis liliorum.

Manuale paruulorum.

Doctrinale iuuenum.

Hospitale pauperum.

De Vitâ auctoris breuis Annotatio.

Sed & hoc scio, in aliâ Venetâ editione per Stephanum Sabiensem anno M. D. xxxv. quæ alteram illam vno anno præcessit, & in contextu & in Catalogo post Hortulum rosarum exprimi & recenferi *de Imitatione Christi libros quatuor*. In illâ editione etiam Vita illa Thomæ continetur eodem auctore. Si antiquiorem editionem quærit, occurret Norimbergensis anni M. cccc. xci v. quæ & Vitam illam, & libros de Imitatione Christi, & plures alios Thomæ tractatus, qui in editione Venetâ D. Bernardini desiderantur, repræsentat. Quid? quòd in vtraque editione Venetâ *Alphabetum monachorum* in Catalogo Operum Thomæ à Kempis non recësetur; & tamen vtraque editio

textum

450 HERIBERTI ROS-VVEYDL
textum illius Alphabeti post Solilo-
quium exprimit & repræsentat.

Omisit igitur Venetus ille typo-
graphus in officinâ D. Bernardini li-
bros de Imitatione Christi reliquis
Thomæ Opusculis inferere, quod sci-
ret eos Gersonis nomine in Italiâ no-
tiores esse.

Secundò, Non rectè censet Caic-
tanus, catalogum illum Venetæ edi-
tioni anni M. D. xxxvi. præfixum, esse
concinnatum ab auctore qui Vitam
Thomæ composuit. Imò verò longè
ille copiosorem concinnauit, quem
habes Norimbergensi editioni præ-
missum. Suspicio enim typographum
ex Thomæ Vitâ, quæ in medio libri in
eâ editione ponitur, eum catalogum
ad primum folium retraxisse. Quod
clarum apparet, cum auctor in fine
Vitæ hæc verba habeat: *Et quia multos
tractatus scripsit & dictauit in vitâ, & pauci
sciunt quomodo intitulantur vel vocantur,
ideò tabulam de eius tractatibus & libris hic
intitulare & scribere intendo, vt omnes, qui
legunt vel audiunt, possint scire quot sunt: &
tamen ibi catalogus ille in eâ editione
nō representetur. Hinc apparet etiam,*
vtram-

utramque editionem Venetam valdè imperfectam esse, cùm hæc vltima verba proximè citata eis desint. Vnde quoque consequitur, eos tātum quosdam tractatus ex omnibus Thomæ Operibus selegisse; ideoq; illa verba, quæ tabulæ omnium Operum meminere, p̄fidentes scientesque omisisse.

Tertiò, Mirari satis non possum, quî Caietanus sibi persuadere potuerit, eum catalogum Operum Thomæ, qui Venetæ editioni D. Bernardini præfigitur, perfectum esse, cùm in eo desint Vitæ Gerardi Magni, Florentij, & aliorum, quas certissimò constat à Thomâ compositas, cùm in iis tyrocinia studiorum suorum ipse describat, & eorum aliqui eius magistri, alij eius sodales fuerint.

Quartò, Iam suprà cap. x. ex eo ipso auctore, qui Vitam Thomæ descripsit (cuius fidem mirificè Caietanus deprædicat) ostendimus, quàm egregiè sententiæ nostræ ille suffragetur; cùm in ipsâ Thomæ Vitâ, libri tertij de Imitatione Christi mentionem faciat, adducto lemmate capitis primi, & themate capitis secundi ex eodem libro.

452 HERIBERTI ROS-VVEYDI
bro. Vt nullum iam dubium esse de-
beat, quin hoc Caietani argumentum
arundine fragilius sit censendum: im-
mò in eum validissimè retorqueatur,
vti suprà cap. x. ostendimus.

Quintò, Næ valdè sui immemor
Caietanus est, cùm me Trithemij &
innominati auctoris Vitæ Thomæ ca-
talogo constringere conatur; qui igno-
rare non potest, quot Opuscula Bona-
uenturæ Trithemius omiserit, quæ
nuper Sixtinâ editione prodierunt
Romæ, an. M. D. LXXXVIII. adeò vt ti-
tulus præferat: *Libris eius multis vndique
conquisitis aucta Opera.* vt F. Constantius
Cardinalis Sarnanus initio Tomi pri-
mi post catalogum Operum Bona-
uenturæ à Trithemio commemora-
torum hæc subnectat: *Alia sanè verò
longè plura, quæ suprà p. asserim à Trithē-
mio diligentissimo veterum scriptorum inue-
stigatore, commemorata sunt, S. Bonauen-
tura perenni quodam scribendi studio utili-
ter sapientérque edidit.* Si Trithemius di-
ligentissimus aliàs veterum scriptorum in-
uestigator omisit alia longè plura Opuscu-
la, quàm commemorauit; cur quæso
tam acer exactor est, vt ad vnâ Tri-
themij

themij auctorisque illius innominati trutinam nos Thomæ Kempensis scripta examinare velit? Quamquam iam quoque vtriusque lancem in nostram partem propendere manifestè monstrauerim.

CAP. XVII.

Quæ horum librorum inscriptio, quis numerus, quis ordo, quæ methodus, quæ peritia.

ROS-VVEYDV S. Quod ad inscriptionem seu titulum attinet, quatuor potissimum inscriptiones inuenio in libris editis. Vel enim inscribuntur *de Imitatione Christi. vel, de Contemptu mundi. vel, de Imitatione Christi, & contemptu omnium vanitatum mundi. vel, Qui sequitur me.* Ita quidem libri hæcenus editi passim præferunt.

Quarum inscriptionum ratio ex capite primo libri primi desumpta est. Nam titulus primi capituli ita concipitur: *De Imitatione Christi & contemptu omnium vanitatum mundi.* Initium verò eiusdem libri & capituli: *Qui sequitur me.* Et quidem omnes quatuor libri passim

454 HERIBERTI ROS-VVEYDI
sim. *de Imitatione Christi* inscribuntur.

Ego verò dum manuscriptos consulo, ne vnum quidem quatuor librorum ita inscriptum inuenio ; sed primum: *Incipiunt admonitiones ad spiritua- lem vitam vtilis*. secundum: *Incipiunt admonitiones ad interna trahentes*. tertium: *Incipit liber interna consolationis*. quartum: *De Sacramento*.

Atque ita ante singulos libros auctor titulum manu suâ notauit. Qui dum initio Opusculorum suorum in libris manu suâ scriptis, catalogum præfigit, singulos hos notat initialibus vocabulis primorū capitum. primum: *Qui sequitur me*. secundum: *Regnum Dei*. tertium: *Audiam quid loquatur*. quartum: *Venite ad me*. Nec aliter citant Scriptores Thomæ coæui, vt Buschius supra cap. vi. *Qui sequitur me, de Imitatione Christi*. vbi & initium primi libri, & inscriptionem capitis primi exprimit: & auctor Vitæ Thomæ supra cap. x. vbi librum tertium de Imitatione Christi ab inscriptione seu lemmate capitis primi, *De internâ Christi locutione*, citat & indicat.

Quod numerum spectat, quatuor
quidem

quidem vulgò feruntur esse libri de Imitatione Christi, sed eum numerum nulli manuscripti certò asserunt.

Nam Corssendonckanus manuscriptus vnum tantum habet, videlicet primum. Louaniensis S. Martini manuscriptus tres libros tantum exhibet, primum, secundum, & tertium, diuersis singulos inscriptionibus, sicut iam monstraui. Antuerpiensis Collegij nostri manuscriptus quatuor quidem libros habet, sed diuersis quoque singulos inscriptionibus. In nullo autographo ordinalis nota *primi*, *secundi*, *tertij*, & *quarti* præfigitur.

Quod ad *ordinem* attinet, nec vllum hîc certum auctor ipse præscripsit. Nam Antuerpiensis manuscript. eum, qui vulgò quarto loco imprimitur, reponit tertio.

Ex quibus omnibus manifestum euadit, nullam auctori mentem fuisse hos quatuor libros inscribendi *de Imitatione Christi* (cùm singulis suos titulos præfixerit) sed solum primum ita inscribi posse ratione tituli & argumenti, quod præfert caput primum. Placuit tamen, ne quid in retam vulgatâ

gatâ immutarem , omnes quatuor
communi inscriptione retinere eodem
quoque numero & ordine.

Iam verò , qui *methodum* aliquam
practicam in his libris inueniunt, næ
pium eorum studium vehementer lau-
do: quamquam auctori, cùm hæc scri-
beret, nullam sibi hîc methodum præ-
fixisse, planè mihi persuadeam. Cur
enim ipse aliàs nec eundem nume-
rum seruasset, nec eundem semper
ordinem? Credo eum potius, vt Spi-
ritus quæque dictabat, sua elocu-
tum. Et quidem singuli libri ita per-
sparsi sunt variorum condimentorum
materiâ, vt quodcumque caput for-
tuitò inspicias, conuenientia semper
præsenti necessitati remedia inuenias;
quòd & prudentissimè animaduer-
tit, & pientissimè in se expertus est
B. P. N. IGNATIUS, mirificus libelli
huius æstimator.

Quare peritiùs quoque egit, qui
primus horum librorum *Peritiam*, (ita
eam vocant Belgicę editiones, vbi Ca-
ietanus habet *Breue epitomen*) quàm qui
Methodum practicam concinnauit. Nam
cùm vterque concinnator quatuor his
libris

libris agi velit de triplici viâ, Purgatiuâ, Illuminatiuâ, & Vnitiuâ, prudenter *Peritiâ* concinnator quamque viam per quemque librum sparsam recognouit, cùm reuerà auctor quouis libro de singulis aliquid attigisse dici possit. Vt ordine processerit, quod *methodi Practicæ* collector existimauit, nulli facilè persuadebitur, cùm ne quidem inter ipsos libros certus & stabilis ordo in veteribus MSS. reperiatur, vt paulò antè declarauì. Vnde mirari satis non possum iudicium Caietani, qui cùm editioni suæ & *Methodum Practicam & Breuem Epitomen* seu *Peritiâ* præfigat, non animaduertit alteram cum alterâ pugnare: cùm collector *Methodi Practicæ* velit ab auctore perfectionem, velut feram, vno tenore inuestigatam recto tramite; *Peritiâ* verò concinnator diuersis viis, nunc huc, nunc illuc, nunc antrorsum, nunc retrorsum, recurrendo quoquò se interdum meta condatur, quaquà caput efferat, persequendam iudicet. Sed nec *Peritiâ* nec *Methodo* hîc opus, cùm auctor nullum certum ordinem librorum seruauerit, vt iam dixi. *Peritiâ* tamen

458 HERIBERTI ROS-VVEYDI
loco indicis seruire possit ; etsi liber
nullo magnopere indice indigeat. Per-
misi tamen aliquem in fine adiici.

Atque ita ego de horum librorum
inscriptione, numero, ordine, methodo, peritiâ
statuendum censuero. Quia tamen
Caietanus de *inscriptione* aliter censeret,
eum audiamus, ne quid intactum à
me prætermissum conqueratur.

*Pref. ad
Lectore.*

CAIETANVS. Cur titulos vni-
cuiq; libro à nonnullis præfixos, nec-
non aliquot voces ante verborum cō-
textum appositas, quales sunt illæ,
Vox Christi, Vox Discipuli, omiserim, il-
lud in causâ fuit, quia cū in omni-
bus vetustioribus codicibus, tam Aro-
nensi manuscripto, quàm impressis,
qui cum eo optimè consentiunt, desi-
derentur (licet in eo, qui Thomæ à
Kempis manum præ se fert, reperian-
tur) iure mihi persuadeo, illius viri
esse glossemata potiùs, quàm Aucto-
ris germanum partum.

ROS-WVEYDVVS. Næ tu semper
Andabatarum more in tenebris pu-
gnas, aërem verberans inani conatu,
frustratoriis ictibus. Ego verò proxi-
mo capite cominus in luce loca vtriuf-
que

que codicis, Aronensis & Belgici, tam clarè inter se comittam, vt quiuus Lector facilè iudicaturus sit, quis in gradu stet, quis arenam mordeat. A Belgico staturos omnes codice, nullus dubito.

Cedò verò, Caietane, quem tuus Aronensis codex titulum in fronte singulorum librorum præfert? Nullum planè exprimis pag. 15. vbi tamen inscriptionem vniuscuiusq; libelli refers. Nam primi libri titulum ita tantum citas: *Incipiunt Capitula libri primi Abbatis Ioannis Gesen*; & sequentium librorum non alij tituli sunt. Quomodo igitur sine testimonio tui libri MS. quem tanti facis, ausus es *de Imitatione Christi* singulos libros inscribere? An hoc ex fide agere, eius rei non monito Lectore? Ego verò sine teste nihil adduxi, dum titulos & inscriptiones præscribo; vti nec ante me P. Sommalius. Indicem capitum, qui singulis quibusque libris præfixus erat, initio primi libri simul sub vno obtutu dedi, Lectoris commodo.

CAP. XVIII.

Comparatio manuscripti Italici Aronensis, quo usus est Caietanus, cum manuscriptis Belgicis Antuerpiensi & Louaniensi, quibus usus est Sommalius, & Ros-vveydus.

ROS-VVEYDVS. Valdè passim Caietanus Aronensem codicem extollit, Belgicum Sommalij deprimit. Sed omnino vereor, ne illimi fonte relicto, ad lacunas infectas & vitiatas se contulerit, ne æruginem pro aurugine elegerit. Eum de Aronensi codice audiamus.

Pag. 10 CAIETANVS. Nemo inficiabitur, Aronensis monasterij codicem, eosque qui Mediolani & Venetiis, anno Christi M. cccc. lxxxviii. & post obitum ipsius Thomæ decimo septimo, sub Ioannis Gerson nomine editi fuere, illi ab eodem Thomâ scripto auctoritate præcellere, cum longè sint emendatiores; ita vt valdè probabile sit, ab archetypo fuisse desumptos.

ROS-W E Y D V S. Si simpliciter asseruisse, probasse est, iam euicisti. Sed
pari

VINDICIÆ KEMPENSES. 461
pari ego iure contrarium asseruero.
Sed nolo solâ asseueratione videri
vincere frustratoriâ præsumptione.
Tu hîc Tusce aquilex, tu libripens,
cum bilance assidete. Cuiusque venæ,
cuiusque momenti præstantiam pariter
expendite.

Lib. 1. cap. 1. §. 3. Manuscriptus
Belgicus habet: *Si scires totam Bibliam
exterius*. Manuscriptus Aronensis: *Si
scires totam Bibliam*. Nempe non cepit
exscriptor Aronensis phrasim Belgi-
cam *scire exterius*, *van buypen weten* /
quod est *memoriâ tenere*, omisit istud
exterius, quod non intelligebat, & vi-
tiosum existimabat. Reperitur quo-
que editio Ægidij Steelsij Antuerpiæ
anni M. D. LXXV. quæ loco *exterius* sup-
posuit *memoriter*.

Cap. 11. §. 1. MS. Belgicus: *Scientia
sine timore Dei quid importat?* MS. Aro-
nensis non rectè omittit *Dei*. Scio
te in calce libri inter addenda reponere
Dei: sed ex ingenio tuo, non ex M S.
quâ in re fidem tuam non nemo requi-
ret, Caietane, qui non mones te sensu
ita flagitante id addere.

Cap. 111. §. 1. MS. Belgicus: *Quid pro-*
dest

462 HERIBERTI ROS-VVEYDI
*dest magna cauillatio de occultis. Vbi malè
 pro magna est modica in M S. Aronensi.
 Ibidem §. 2. M S. Belgicus : Et quid cu-
 ra nobis de generibus & speciebus ? Non
 rectè in Aronensi M S. omittitur cura.
 Ibidem §. 3. M S. Belgicus : Quanto
 aliquis magis sibi vnitus. M S. Aronensis
 imperfectè : Quanto quis magis vnitus.
 Ibidem §. 5. M S. Belgicus : O si tan-
 tam adhiberent diligentiam ad extirpanda vi-
 tia, sicut ad mouendas quæstiones. M S. Aro-
 nensis ne rectè : sicut mouendi quæstio-
 nes. Ibidem §. eodem M S. Belgicus:
 Non quæretur quàm benè diximus, sed quàm
 religiosè viximus. M S. Aronensis pro
 diximus malè exhibet discimus. Ibidem
 §. 6. M S. Belgicus post in cogitationibus
 suis habet hanc sententiam: Verè magnus
 est, qui magnam habet charitatem. quæ to-
 ta in Aronensi omittitur.*

Cap. XIX. §. 3. M S. Belgicus : Sem-
 per tamen aliquid certi proponendum est, &
 contra illa præcipuè, quæ ampliùs nos impe-
 diunt. M S. Aronensis omittit, contra;
 quod tamen ad sensum & scopum au-
 ctoris hîc requiritur.

Cap. XXII. §. 2. M S. Belgicus: Quan-
 tò homo voluerit esse spiritualior, tantò præ-
 sens

sens vita fit ei amarior. Vbi M S. Aronensis loco *amarior* habet *amantior*, planè contra sensum, quod ex sequentibus verbis colligitur. Dicit enim, homini spirituali ideò præsentem vitam fieri amariorem, *quia*, inquit subiungendo, *sentit melius, & videt clariùs humana corruptionis defectus.*

Cap. xxiii. §. 5. M S. Belgicus: *Noli confidere super amicos & proximos.* vbi M S. Aronensis loco *confidere* malè exhibet *considerare.*

Cap. xxv. §. 1. M S. Belgicus: *Hac intra se reuoluit.* vitiosè in Aronensi, *inter.* qui error imperito librario contigit ex compendiariâ scriptione, vt paulò pòst hoc capite ostendam.

Lib. ii. cap. ix. §. 2. M S. Belgicus: *Ita & tu aliquem necessarium & dilectum amicum pro amore Dei disce relinquere.* Non rectè in Aronensi codice *aliquid*, cuius erroris causam mox prodam.

Lib. iii. cap. iiii. §. 3. M S. Belgicus: *Pro summo bono & gloriâ interminabili.* desideratur hoc in Aronensi M S. ex scriptoris oscitantia.

Cap. v. §. v. M S. Belgicus: *Amor sicut viuax flamma & ardens facula sursum*

V 4 *erum-*

464 HERIBERTI ROS-WEYDI
erumpit. Vbi imperitè librarius Aronensis fauilla pro facula scripsit.

Cap. VI. §. 3. M S. Belgicus : *Nec est illusio, quòd aliquando in excessum subito raperis. Ineptè Aronensis: quòd aliquando in excelsum subito rapiaris seu raperis.*

Cap. XXV. §. 3. M S. Belgicus : *Nec te iustificaueris, quasi hæc tantaq³ pari non deberes; sed me in omnibus dispositionibus iustificaueris, & sanctum laudaueris.* M S. Aronensis tantum habet : *nec te iustificaueris & sanctum laudaueris*, omiſſis intermediis, quæ ad perfectum sensum requiruntur. Quis non videt hîc antiquarium hallucinatum, cùm integram sententiam transilit, quia bis occurrebat, *iustificaueris*? Qui error simili occasione exscriptoribus sæpè obuenit.

Cap. LVIII. §. 9. M S. Belgicus : *Multi querunt quis maior sit in regno Dei, qui ignorât an cum minimis erunt digni computari.* Purum putum aurum hoc præscoriâ Aronensis codicis, in quo: *Multi querunt, quis maior sit in regno calorum siue Dei, qui ignorant, an tam minimis debeant computari, siue erunt digni computari.* Et dubitabit quispiam an Belgicus codex Aronensi præſtet?

Cap.

Cap. LIX. §. 3. MS. Belgicus: *Totum & infirmum & instabile inuenio, quidquid extra te conspicio.* Vbi MS. Aronensis profert *sumum* pro *infirmum*, manifesto errore. Pro *infirmum* in manuscr. compēdiariâ ratione erat *inf'mum*, inde *sumum* improuidus exscriptor fecit.

Lib. IV. cap. I. §. I. MS. Belgicus: *Quia ergo tua sunt, & vera.* MS. Aronensis: *Quia ergo tua sunt verba.* Prior lectio genuina & vera, quia respicit ad proximè præcedentia: *Hæc sunt verba tua, Christe, veritas æterna.*

Has ego nunc paucas ex Aronensi lamâ guttas, è Ioannis Gessen fodinâ Italicâ eris ramenta produxi; tu vide, Lector, quid hæc ad Thomæ Kempensis fontem, quid ad aurum Belgicum sint. Notum, aquam, quò à fonte magis abit, impuriorem semper fluere: quod & picturis euenit, quæ exprimuntur ex antitypis tantò posterioribus prototypo. Quare placet omnino epiphonema Caietani.

CAIETANVS. Sicut enim in pi- Pag. 23.
cturis vsu venire experienciâ comper-
tum est, vt prima exemplaria magis
speciei, quam imitantur, similitudi-

V s

nem

466 HERIBERTI ROS-VVEYDI
nem exprimant; ita etiam libros ex ip-
forum auctorum autographis descri-
ptos, quis nescit minùs mendosos ef-
se, & ad eorum sinceritatem propiùs
accedere?

ROS-WEYDVS. Nil pote melius. Age
porrò, epiphonemati super acclama.

Prefat. CAIETANVS. Videant igitur, quâ
ad Lect. se ratione tueantur, qui Thomæ à
Kempis exemplar in autographum
transformant.

ROSWEYDVS. Nullâ hîc meta-
morphosi opus. Ipse codex Belgicus
Thomæ à Kempis planè integer & il-
libatus præstantiam suam Lectori pro-
bavit, præ Aronensi vestro Ioannis
Gessen mutilo & delumbato; vt mira-
ri satis non possim, quomodo pag. 16.
scribere audeas:

Pag. 16. CAIETANVS. Est autem liber ille
Aronensis sanè quàm emendatè scri-
ptus: vt hoc etiam nomine illi codici,
quem Henricus Sommalus pro au-
tographo Thomæ Kempensis edidit,
erroribus scatentem (vt ex eius lectio-
ne cuius apparere potest) longè præ-
stet. Neque etiam in vulgari papyro,
vt ille est descriptus, sed in membra-
nâ,

VINDICIÆ KEMPENSES. 467
nâ, & quidem peruetustâ; ita ut iis, qui
vtrumque inspexerunt, probatæ fidei
testibus, non solum Italis, sed etiam
Belgis & Gallis, minimè persuaderi
potuerit, scriptorem eiusdem tam re-
centi sæculo, quo Thomas in humanis
fuit, exstitisse.

ROS-W E Y D V S. Immò verò ex le-
ctione & vtriusque codicis compara-
tione contrarium iam apparuit. Non
hîc recuso cuiusvis Lectoris (quaquâ
ille natione sit) subire iudicium. Et
quis ille Belga, Gallus, Italus, qui as-
seruit codicem nostrum in vulgari pa-
pyro descriptum? Addidisset membra-
nam hinc inde mixtam, & ex vero de
codice Belgico retulisset. Non eę erant
opes Thomæ Kempensis monasterio
tunc recens exstructo, ut libros om-
nes suos membranâ scribere posset.
Abundauerit Aronensis scriptor ma-
ioribus opibus, membranâ scripserit:
quasi verò non multi libri hoc proxi-
mo sæculo membranâ scripti sint, et-
iam typographiâ inuentâ. Vidi ego
Gandavi Virgilium, Ausonium, &
alios aliquot auctores veteres mem-
branâ elegantissimâ ex chartaceo im-
347

V 6 presso

468 HERIBERTI ROS-VVEYDI
presso exemplari descriptos. Non
semper igitur membrana vetustatem
arguit.

Qui illi periti antiquarij sint, qui
Romæ de absente codice nostro ferunt
iudicium, equidem scire aueo. Vel
lyncei illis oculi fuerint, quibus tam
procul nostratia peruideant; vel val-
dè illis fauet imaginatio, & memoria,
cui tam fideles species impresserint.
Ego verò Romā intelligo codicem
Aronensem non magnam præ se ferre
vetustatem. Quòd si de codice nostro,
etsi anni indicium secum ferat, non-
dum vobis liquet, lubens quædam
eius folicula Romam transmittam, ut
cum Aronensibus foliis comparentur.

Etsi præcedentia omnia satis clarè
ostendant, vter manuscriptus alteri
præstet, vter autographus, vter apo-
graphus sit; ne quod tamen dubium
animo alicuius possit adhuc obhære-
scere, clariùs rem ipsam patefaciam.

Manuscriptum Aronensem non esse
autographum, vel ab auctore dicta-
tum (quod tamen Caietanus existima-
uit pag. 15.) immò ne quidem ab ar-
chetypo desumptum (ut idem opina-
tur

VINDICIÆ KEMPENSES. 469
tur Præfatione ad Lectorem) multis
manifestis indiciis deprehenditur.

Lib. 1. de Imitatione Christi, cap. iv.
§. 1. MS. Aronensis habet : *Et in verbis
satis labilem siue bibilem*. Caietanus pro
bibilem impressit *debilem*. Neutrum huic
loco quadrat. MS. Belgicus tantum
habet : *& in verbis satis labilem*. atque ita
omnes editiones. Nempe quia Aro-
nensis exscriptor in exemplari, è quo
suum describebat, inuenerat *labilem*
scriptum per compendium *Obilem*, ig-
norans quid hoc esset, expressit ipse,
labilem siue bibilem, & loco posterioris
Caietanus *debilem* substituit.

Cap. v. §. 2. MS. Aronensis habet:
Si vis profectum siue perfectum haurire.
Quis non videt hîc hæsitantiam scri-
ptoris? Inuenerat in MS. (sicut & Bel-
gicus MS. representat) *Si vis pfectum
haurire*. Non percepit compendiarîam
scriptionem. quare maluit vtrumque
secundum suum captum ponere, *pro-
fectum siue perfectum*, cum hæc sola vera
lectio sit : *Si vis profectum haurire*.

Cap. xxv. §. 2. MS. Aronensis: *Hac
inter se reuoluit dicens*. Rursus hîc error
exscriptoris se prodit, quod non sit

470 HERIBERTI ROS-VVEYDI
affecutus hanc abbreviationē MS. ex
quo sua exprimebat, *in* ^z, quod *intra*
est, non *inter*. Nam *inter* antiquarij tunc
ita scribebant, *in* ^z. Atque vtraque
abbreviatio hoc §. in Belgico manu-
scripto occurrit, vbi editio habet, *inter*
metum, & *intra se*.

Lib. i i. cap. ix. §. 2. MS Aronensis:
Ita & tu aliquid necessarium & dilectum
amicum pro amore Dei disce relinquere.
Scribendum fuerat Aronensi *aliquem*,
vt habet MS. Belgicus. Iterum dece-
ptus fuit abbreviaturâ. Nam hîc MS.
habet, *aliq̃*, id est *aliquem*. Et eodem §.
paulò antè, vbi est, *libenter habemus ali-*
quid pro solatio, idem MS. Belgicus ex-
hibet *ali q̃*, id est, *aliquid*.

Lib. i i i. cap. vi. §. 3. MS. Aronen-
sis: *Nec est illusio, quodd aliquando in excel-*
sum subito rapiaris seu raperis. Veram le-
ctionem iam paullo antè dedi ex MS.
Belgico. Sed nota hîc curiosam peri-
tiâ scriptoris Aronensis. Quia in MS.
erat compendiosè *rapiis*, id est, *raperis*,
ne scriptor ex compendio laboretur;
duas lectiones ponit, *rapiaris seu raperis*.

Tædet pudetque me hisce minuta-
libus immorari. Et tamen faciendum
fuit,

VINDICIÆ KEMPENSES. 471
fuit, vt ad obrussam aurū exigeretur,
& fonte suo pura se aqua probaret.

C A P. X I X.

*De varijs horum librorum editioni-
bus, Henrici Sommalij, Gasparis Bel-
leri, Constantini Caietani, Heri-
berti Ros-veydi.*

ROS-WEYDVS. Non hîc ago de dua-
bus editionibus, quæ non dignæ
sunt vt nomen Thomæ à Kempis in
fronte præferant: quarum vnâ Ba-
sileæ anno M. D. LXIII. adornauit Seba-
stianus Castalio, homo damnatæ me-
moriæ: qui cùm libros hos Latiniores
voluit reddere, barbaricè eos & au-
ctoris mentem & genium defraudan-
do deprauauit: alteram curauit Ant-
uerpiæ anno M. D. LXXV. apud Ioan-
nem Bellerum Fr. Franciscus Tolen-
sis, Canonicus Regularis, qui editio-
nem hæretici Castalionis, omisso no-
mine iterauit; suppletis ijs, quæ alter
truncauerat, & quartum, quem alter
omiserat, suâ operâ Latiniozem addi-
dit. Vtinam vir pius & religiosus suam
operam alibi vtiliùs collocasset! Non
indi-

indiget veritas fuco, non pietas stibio.
 Optassem Tolensem memorem fuisse
 Thomę ipsius Kempensis, qui omnem
 ornatum respuit, & in Prologo ad Vi-
 tam Florentij monet : *Tu qui non apices
 litterarum, sed virtutes morum quaris in lit-
 teris, propter inopiam dictaminis non debes
 aspernari margaritas in vilibus conchis.*

Omitto quoque hęc editiones om-
 nes veteres, quę ante primam P. Hen-
 ricı Sommalij recensıonem passim cir-
 cumlatę sunt, nunc Ioannis Gersonis,
 nunc Thomę à Kempis nomine. Hęc
 enim omnes ferè eodem modo tex-
 tum exprimunt; nisi quòd subinde ty-
 pographus aliquis vel corrector quę-
 dam verba mutavit & transposuit,
 magis pro captu suo quàm ex manu-
 scriptorum codicum fide. De iis tan-
 tùm nunc ago, quę aliquam curam &
 recognitionem ex auctoris archetypo
 adpromittunt.

Et quidem noster P. Henricus Som-
 malius codicem manuscriptum Tho-
 mę à Kempis Louanij apud Marti-
 nenses, & alium Antuerpię in Colle-
 gio nostro nactus, animum adiecit ad
 recensıonem librorum eius quatuor
 de

de Imitatione Christi, quos typis Plantinianis primùm dedit apud Ioannem Moretum anno M. D. xcix. inde anno M. DC. I. & M. DC. VII. Ille primus textum per numeros seu paragraphos distinxit, quod posteriores postea typographi quoque obseruarunt. Curiosè sanè Sommalius noster textum distinxit, sed non vbique ipsa Thomæ verba ex autographo expressit, quorundam, vti videtur, barbarie offensus.

Successit deinde editio Gasparis Belleri Antuerpię anno M. DC. xvi. qui propiùs accessit ad auctoris autographum. Cùm enim Ioanni Bellerio patri eius beneficio Latomi, Capituli Windesimensis tunc Generalis, autographum è ruinis monasterij seruatum, cessisset, eo munere affecit ille R. P. Georgium Duras, nostri tunc Collegij Antuerpiensis Rectorem; qui eidem Bellerio apographum (ita eo flagitante) ex autographo descriptum redonauit. Ex hoc apographo Gaspar Bellerus suam editionem adornauit. Et quia exemplar eius tertio loco librum de Sacramento altaris exhibebat, eo quoque ipse ordine in suâ editione

474 HERIBERTI ROS-VVEYDI
tione dedit. Quod tamen non omni-
bus probatur, qui consuetum malint
librorum ordinem. Si antigraphus
autographum ritè expressit, & com-
pendia litterarum benè affecutus est,
eorum erit iudicium, qui hanc no-
stram cum eâ contulerint. Mihi curâ
fuit, Sommalij textum ad duo auto-
grapha reuocasse.

Eodem ipso anno Constantinus
Caietanus, Abbas S. Baronti, libros
quatuor de Imitatione Christi Romæ
prælo commisit, detracto Thomæ à
Kempis nomine, & Ioânis Gessen Ab-
batis substituto. Quo iure, quæve in-
iuriâ id fecerit, hætenus vindicijs hæ-
ce Kempensibus inquisuimus. Nunc
tantum de præstantiâ textus & editio-
nis agimus. Ille de editione suâ ita Le-
ctorem affatur:

Prefat.
ad Lect. CAIETANVS. Quid in hoc Ope-
re Ioannis Gessen Abbatis de Imi-
tatione Christi, corrigendo & re-
cognoscendo, à me præstitum fue-
rit, ex collatione aliarum editionum
facilè tibi, benigne Lector, vt spe-
ro, innotescet. Neque enim mihi
consilium est, labores hosce, quales-
cumque

cumque sint, verbis extollere.

ROS-WEYDVS. Equidem optassem Domino Constantino Caetano talem codicem obtigisse, qui libros hos de Imitatione Christi & emendatiores & commendatiores reddere potuisset. Sed imperitū ducem codicem Aronensem nactus, à viâ plerumque aberravit. Errores non paucos capite proximè præcedenti exhibui. Plures, imò centenos exhibere possem; sed prudens Lector ex paucis suprâ positis facillè de editione eius, quàm minimè correctâ sit, iudicabit.

Ego verò autographo Antuerpiensis nostri Collegij (nunc Domus Professæ) vsus, in subsidium quoque Louanio Martiniësem codicem & ipsum auctoris manu exaratum aduocans, postremam Sommalij nostri editionem ad eorum fidem exegi, & pænè centum locis ad auctoris calamus reuocaui. Et quidem liber noster Antuerpiensis tam accuratè ab auctore scriptus est, vt ne litterulâ quidem aberrarit. Si quæ inibi transpositio verborum scribenti euenit, ipse pòst minio, dum libros relegit (nam Enchiridion

476 H. ROS-WEYDI VIND. KEMP.
ridion eius quotidianum videtur fuisse.) fugitiuum vocabulum in locum suum reuocandum monuit.

Variantes lectiones huius editionis scio plerasq; minutulas esse, quædam tamen omnino necessarie erant. Quidquid sit, mihi curæ fuit auctoris manum mentemque exprimere. Quod ut facerem, coëgit me Constantinus Cæteranus, qui fidem codicis nostri in dubium reuocauerat, & me nominatim in certamen deposcebat. Parui, me stiti: nec de homine mihi (quem æstimo, quem colo, quem amicum habeo) sed de errore profligato triumphare, animus fuit.



VITA

V I T A

'IOANNIS A KEMPIS,

THOMÆ FRATRIS

natu maioris,

Canonici Regularis,

Auctore IOANNE BVSCHIO synchrono.

TERTIVS *in ordine, inter fratres primitivos, in Windeſem primò profeſſos, vir fuit venerabilis frater Ioannes de Kempis, oppido diœceſis Colonienſis. Hic ſtaturâ brevis, viribus corporis fuit imbecillis; aſpectu ſimplex, moribus compoſitus, corde humilis, animo modeſtus, ingenio ſagax, conſilio prudens, mente purus, ſibi internus; Deo deuotus & affectuoſus, fratribus amabilis, & dulciter ſerioſus: numquam audax & clamorſus, ſed quietus & zelofus, valdè amans diſciplinam & cellæ cuſtodiam; numquam vacans otioſus, ſed utilibus occupatus, diem duxit in veſperum.*

Ex lib.
MS. de
Vir. ill.
V Vin-
def. c. 35

Ioannis
ſtatura
& indo-
les.

*Discipulus hic fuerat magiſtri Gerardi Magni, & Domini Florentij, in quorum ſcholâ doctiſſimâ virtutum nutritiâ, in-
terius*

Discipu-
lus Ge-
rardi &
Floren-
tij.

Fit Reli-
giosus.

terius & in moribus tantum profecit, ³ ut cum primis in VVindesem ad Ordinem suscipiendis à Domino Florentio mitteretur. Vbi deuotis exercitijs, orationibus & laboribus, feriatis insistens diebus, in virum perfectum paulatim succreuit.

Insignis
est anti-
quarius.

Qui gratiam specialem suscepit à Deo libros corrigendi & benè scribendi, diuersa quoque exemplaria inter se repugnantia ad inuicem concordandi, & ea in formam propriam apè componendi. Unde librorum Ecclesia nostra & Capituli, Missalium, Gradualium, Antiphonariorum, Lectionariorum, Capitularij, Martyrologij, Ordinarij, & Kalendarij, ipse precipuus unà cum certis in hac parte collegis, ad id sibi deputatis, factus est emendator authenticus: & post fratrem Arnoldum Kalker Suppriorem nostrum, Constitutionumstrarum editor & compilator preclarus. Et quia subtilis erat ingenio, quia

Ingenio pollet, cui vim natura negauit,

Priori
charus.

ideò pro nouis etiam monasterijs in Ordine nostro construendis, & eius edificijs pro disciplinâ conseruandâ apè collocandis, frequenter pro consilio noscitur directus.

Quem magnus Pater noster Ioannes de Huesden

Huesden plurimum dilexit, eò quòd pe-
ctus suum frequenter pulsans, propter ex-
pertam eius prudentiam, ipsum virum esse
consilij sapius inuenisset, sanis eius consilijs
libenter acquiescens.

Vir est
consilij.

Conuocatis aliquando fratribus in cel-
lam Prioris, & causâ propositâ, singuli à
Patre interrogati responderunt, quod se-
cundum conscientiam rectius indicabant.
Inde exeuntes, frater Ioannes Kempis
quemdam fratrem iuniorem, satis sibi fa-
miliarem, traxit in partem, dicens: Frater
mi charissime, in talibus causis sic mihi
propositis communiter ad finem respicio, &
quem exitum tale negotium sit habiturum,
acutè considero: & tunc ita responsum
meum tempero, ut ipsum retractare non
habeam necesse; sed alijs meam sententiam
approbantibus ipsa sortiatur effectum:
dans ei intelligere, ut disceret prudentiam;
& eius exemplo in simili sic fieret acutior.

Prudens
in respō-
sis.

Interrogatus aliquando, an etiam ex in-
de in conscientia grauaretur, quòd tam
multis annis fuisset prælatus, & pro no-
uis Domibus in regulari obseruantia in-
stituendis & conseruandis, sapè foras
fuisset emissus; respondit: Ex hoc, quod
de mandato Prioris mei aut Capituli, seu
per

Ex obe-
dientia
in culpa-
tus.

per electionem Canonicam foris fui, omnino iam non doleo: sed in quibus malè me habui, inde contristor & pœniteo.

Sancti Patres & viri virtutum, eamdem non omnes semper habent gratiam deuotionis in Scripturis, sed singuli secundùm feruorem sui spiritus & animi qualitatem, singularem à Domino gratiarum obtinent influentiam. Nam frater Ioannes Huesden Prior noster, notabile satis Excerptum ex B. Bernardi Sermonibus super Cantica pro deuotione suâ compilauit, mediam panè partem Sermonum eorundem.

Eius scri-
pta.

Frater autem Ioannes Kempis Excerptum pro suâ deuotione ex iisdem volens extrahere, non ea, quæ Pater Ioannes Prior noster inde sibi collegerat, sed ea magis, quæ in suo Excerpto ipse omiserat, utiliora pro suo profectu, & sibi magis sapida esse indicans, propriâ edoctus experienciâ in unum ea collegit.

Varijs
locis
Prior.

Iste frater Ioannes de Kempis columna fuit monasterij nostri & Capituli, in plurimis locis Capituli nostri Prior & Rector constitutus. Nam⁴ in Fonte B. Mariae prope Arnheim primus post Priorem de Vindeſem Rector factus, quosdam ibidem fratres de eius licentiâ inuestiuit.⁵ In
Monte

Monte S. Agnetis prope Svullis in primum Priorem constitutus, dictum monasterium ex magnâ paupertate cum multâ familiâ laicali ad omnium rerum, domorum, & utensilium competentiam suo tempore promouit, ecclesie muros pro parte maiori in altum produxit, plurima ligna pro tecti consummatione procurauit; refectoria Fratrum, & laicorum coquinam, & cellarium, & sacristiam pro diuinis inter ecclesiam & domum Capituli, de lignis & lapidibus ipse consummanit. Et in his omnibus nūquam fuit pretiosus; sed inter laborantes trullam camentarij manu continens frequenter murauit, & arenam fodiens in carrucam cum sarculo proiecit. Hortum pomiferum in partem Australem plantari fecit; in cuius circuitu arbores statuit siluestres. Temporibus intermediis, sacris lectionibus, Fratrum eruditionibus, & nouis libris scribendis, illuminandis & emendandis operam diligentem impendit. Et quia pauperes tunc erant, Fratribus suis pro pretio scribere concessit. Cœmeterium infra ambitum per Dominum Hubertum Traiectensem Suffraganeum consecrari fecit circa horam Vesperorum, secretè propter Svullenses,

Varia
cius in
Monte
S. Agne-
tis opera

X

qui

Pfal. 62 *qui impediērant : & sic obstructa sunt ora loquentium iniqua.*

Variis
locis
Prior.

Post horum consummationem, & Prioratus sui resignationem, alius Frater de VVindeſem frater VVilhelmus Vorncken, ibidem electus est in Priorem, ipſo in VVindeſem iā reuerſo. Deinde per Capitulū paucis aſſumptis Fratribus, ad monaſterium Stagni S. Petri prope Bommel miſſus eſt inchoandū. Vbi aliquanto tempore demoratus, primus poſtmodum⁸ Sanctimonialiū in Bronopiā in ſuburbio Kampenſi, per Patres Capituli Rector eſt ordinatus. Rurſum à Conuentu monaſterij Viſitationis⁹ B. Maria Ordinis noſtri prope Harlem, in Priorem fuit electus. Cui ſeptem annis continuis in tēporalibus & ſpiritalibus bonis benè praefuiſſe dignoſcitur. Inde rurſus reuerſus in VVindeſem, circa finem vite ſuae miſſus¹⁰ in Bethaniam, cœnobiū Monialium Ordinis noſtri prope Arnhem, in primum Rectorem, poſt annum & dimidium, quadraginta annis in Ordine iam expletis, in verā obedientiā & ſenectute bonā, tertio die poſt Animarum, horā duodecimā diem clauſit extremum, in eodem monaſterio in ambitu Sororum ſepultus.

Eius ob-
itus.

Qui

Qui dum adhuc esset in humanis, sic ait inter alia in quadam Collatione: Volumus esse humiles sine despectione, patientes sine tribulatione, obediētes sine coarctatione, pauperes sine defectu, virtuosī sine labore, pœnitentes sine dolore; laudari sine virtute, amari sine bonitate, honorari sine sanctitate: sed Christus Deus noster ita non fecit & docuit, qui regnum celorum vim sibi facientibus repromisit; & iniuriam patientibus gloriam & honorem retribuet, nullumque malum relinquet inultum.

Spiri-
tualis
eius col-
latio.

Ecce quantis laboribus & fatigis Patrem istum reuerendum pro Dei honore, & Fratrum salute Capituliq; dilatatione vsque in senium videmus fatigatum: qui imbecillo corpore cum antiquo hoste viriliter decertans, in verâ obedientiâ, resignatione propriâ, & veris virtutibus vsque in finem perseverauit; donec Spiritus ei diceret, ut à suis laboribus in ænum requiesceret, aterna gloria coronam à Deo recepturus; quam cunctis se diligentibus, & ipsi in fide fideliter seruientibus in finem vita, indubitanter donabit.

NOTATIO.

I. **IOANNES à Kempis.**] Ita aliquoties vocatur à Ioanne Busch, qui cum eo vixit, tum in libro de Viris illustribus Capituli Windesheimensis, tum in libro de Origine monasterij in Windesheim. Quare cur Trithemius Catalogo illustrium virorum Germaniæ hunc etiam Thomam vocatum scribat (*nam duo, inquit, feruntur huius nominis fuisse, ambo de Kempis, ambo ingenio prestantes, & ambo varia cudentes Opuscula*) diuinare non possum: nisi fortè pater eius Arnoldus dictus fuerit, vt inde filius cognomen traxerit *Ioannes Arnoldi de Kempis*: quod in istis locis ferè solemne est.

2. *Tertius in ordine.*] Non seruauit igitur ordinem idem Ioannes Busch, cum libro de Origine monasterij in Windesheim, eum quarto loco enumerat: *Dominus Henricus Clingebile de Huxaria sacerdos, V Vernerus Keymcamp de Lochem, Henricus V Vilsem de Campis, Ioannes de Kempis, V Vilde de Buscoducis, & Bertoldus ten Haue de Suvollis, cuius fuerat monasterij nostri fundus.* Vbi Ioannes de Kempis ordine quartus est.

3. *Vt cum primis in V Vindehem ad Ordinem suscipiendis.*] Chartula professionis eius, manu eiusdem scripta seruatur Coloniae in monasterio Canoniorum Regularium ad Corpus Christi: quâ continetur, fratrem Ioannem Kempensem Diaconum, fecisse professionem suam anno Domini M. CCC. LXXXVII. in Windesheim sub Reuerendissimo Domino Hupertio, Episcopo Yppusensi Suffraganeo, cum Recto-

Rectorem scilicet illo anno elegerunt, qui incepturi erant illud cœnobium, promittentes obedientiam sub Prælato constituendo. Ioannes Busch libro de Origine monasterij in Windesem cap. xx. exprimit hanc formulam votorum, quam Religiosi ibidem futuri mittebant: *Ego frater N. Clericus, promitto, Deo auxiliante, perpetuam continentiam, carentiam proprij, & obedientiam tibi, Pater Prior, & successoribus tuis canonicè instituerdis, secundum Regulam beati Augustini, & secundum Constitutiones istius loci iam constitutas, & postea constituendas.* Porro Ioannem à Kempis Diaconum quoque fuisse, cum vota emitteret, notat Ioannes Busch libro de Viris illustribus Capituli Windesimensis cap. xxxvi. ubi agit de Henrico Wilde: *Qui licet iuuenis tunc esset, atate, ut ante professionem Diaconus tantum sit ordinatus, sicut & frater Ioannes Kempis iam antè præfatus.*

4. *In Fonte B. Maria prope Arnhem.*] Hoc Canonicorum Regularium monasterium fundatum est anno Domini M. ccc. xcii. Ita Compendium Priuilegiorum Capituli Windesimensis, & Buschius de Orig. monaster. in Windesem cap. xxxvii.

5. *In Monte S. Agnetis.*] Fundatum est hoc monasterium virorum anno Domini M. ccc. xcvi. Compendium Capituli Windesimensis, & Buschius sup. cap. xxxix. originis huius monasterij ita meminit: *Anno Domini M. ccc. xcvi. primi quatuor fratres monasterij Montis S. Agnetis prope Survolles inuestiti sunt à Domino Ioanne VVael Canonicorum Regularium*

rium Priore intra Oppidum Survolleſe, ipſo die Annuntiationis Dominica, eodemq; die profeſſi. Qui ibidem Prioratus quoque Ioannis noſtri à Kempis meminit.

6. Septem fratres Clericos.] Inter hos omnino numerandus eſt Thomas à Kempis, frater eius germanus. Nam cùm monaſterium hoc fundatum ſit anno Chriſti M. CCC. XCVIII. & Ioannes à Kempis inibi à primâ fundatione primus Prior fuerit creatus, & in Prioratu novem annos egerit; ſequitur, Thomam à Kempis è primis eius monaſterij Religioſis fuiſſe; cum ipſe Ordini ei ſe addiderit anno M. CCCC. ut mox in eius Vitâ patebit.

7. Ad monaſterium Stagni S. Petri prope Eommel.] Fundatum hoc fuit circa annum M. CCCC. VII. Buſchius libro de Origine monaſterij in Windeſem cap. XXXIX.

8. Sanctimonialium in Bronopiâ.] Eſt D. Ioanni Baptiſtæ ſacrum, ut habet Compendium Privilegiorum Capituli Windeſimendiſ. Fundatum eſt, ſeu potius Capitulo Windeſimendiſ aſſociatum, anno Domini M. CCCC. XII. Buſchius ſuprà cap. XLIV.

9. B. Maria.] Dicitur hoc monaſterium Viſitationis B. Mariæ, & exſtructū eſt circa annum Domini M. CCCC. VII. Buſchius de Orig. monaſterij in Windeſem cap. XXXIX.

10. In Bethaniam.] Eſt monaſterium Monialium prope Arnheim in Geldriâ, diœceſis olim Traiectenſis, nunc Ruræmundenſis.

V I T A
THOMÆ A KEMPIS
CANONICI REGVLARIS

Auctore incerto pænè coæuo.

Hic Thomas, cognomento Hä- Ex editione No-
rimb. 1494.
merlein, id est Malleus, qui verè
malleus existens in suis dictis
& tractatibus, deuotis & in deuotis: de-
uotos per suos tractatus excitando & per-
cutiendo corda eorum ad maiorem deu- Thomas
quomo-
do Mal-
leus.
tionem, & profectum virtutum, & gra-
tiarum actiones; sed in deuotis existens
malleus, videlicet corda eorum excitando
ad compunctionem & recognitionem pro-
pria infirmitatis & imperfectionis, & ad
emendationem vitæ compellendo, tentatos
& tribulatos consolando & roborando, &
in omnibus viam incipiendi ac perficiendi
ostendendo, ut meritò sibi adscribendum sit
iam illud: Qui erudiunt multos, quasi Dan. 12
stellæ in perpetuas æternitates.

Multum affabilis & consolatorius
fuit infirmis & tentatis iste bonus & de-
uotus Pater, & valde Zelosus pro salute
animarum, & omnes cupiebat saluos fieri.

X 4

sicut

sicut seipsum, ideò scriptis & admonitionibus, instructionibus, modis quibuscunque potuit, alios etiam secum trahere ad regnum calorum nitebatur, sicut S. Gregorius hortatur in quadam Homiliâ, &c.

Prou. 22. Et quia in inuentute cœpit congregare diuitias, scilicet virtutum, ideò sortitus est nomen bonum: & illud Threnorum tertio
 Thr. 3. impletum est in eo, scilicet: Beatus vir, qui portauerit iugum Domini ab adolescentiâ suâ: sedebit solitarius & tacebit, quia leuabit se super se, &c.

Iste bonus Pater solitus erat dicere, quando fuit cum conuentu spatiando vel cum alijs, quando sensit inspirationem diuinam, quando sponsus eius, scilicet IESVS Christus voluit cum sponsâ loqui, tunc humiliter petijt licentiam, dicendo: Dilecti Fratres, oportet me ire; unus me exspectat in cellâ. Et Fratres piè annuentes petitioni eius, multum adificati fuerunt. Et sic impletum fuit in eo illud: Ducam eum in solitudinē; & ibi loquar cum eo. Et ipse
 Osee 2. Thomas ad Dominum illud: Loquere Domine, quia audit seruus tuus. Quid tunc loquebatur Domino, & quid loquebantur ad inuicem, habemus in tractatu eius, de Internâ Christi locutione ad
 ani-

Cum
 Deo familiaris.

1. Reg. 3

animam fidelem : qui tractatus habet hoc idem pro themate, in secundo capitulo : Loquere Domine , quia audit seruus tuus. quod Samuel Propheta etiam dixerat ad Dominum , quando Dominus eum vocauerat, &c. 1. Reg. 3

Item adhuc multa alia plura de eius vitâ & conuersatione audiui à Fratribus illius conuentus , qui adhuc viuunt , quod vix millesimam partem enarrari scribendo. Sed quid dicam ampliùs ? Sicut alios docuit & instruxit dictando & scribendo, sic ipse fecit viuendo ; opere impleuit, quod sermonibus dixit faciendum.

Hic Thomas Kempis, cognomen habens Malleus, natus fuit de ciuitate , cui nomen Kempis, diœcesis Colonienfis, qui studuit Dauentria in domo Fratrum, scilicet Studet Dauentrix. Clericorum, qui ingeniosus & docilis fuit & tractabilis ; & ideo multum fuit amabilis Domino Florentio & eius Fratribus. qui postea vocatus à Deo per inspirationem diuinam ad seruiendum Deo viuenti, acquieuit citò inspirationibus diuinis, ne sibi improperearet Dominus illud : Vo- Prou. 1. caui, & renuistis. & illud sibi contingeret : Vocabis tu me in orationibus, sed Ibidem. non exaudiam te , quia renuisti vocem

X meam

meam audire. sed fecit iste Thomas Kem-
 Matth. 4 pis, sicut scriptum est de S. Andrea, mox
 ut audiuit vocem Domini vocantis se, re-
 lictis omnibus quæ huius mundi sunt, in-
 traivit Ordinem Canoniorum Regularium, qui tunc temporis in brevi fuerat
 Fit Reli- reformatus, in Domum scilicet in Monte
 giosus. S. Agnetis prope Svollis, anno Domi-
 ni M. cccc. & fuit inuestitus ibidem an-
 no Domini M. cccc. vi. & sic fuit per
 sex annos probatus, antequam inuestitus:
 quia tunc temporis fuit consuetudinis,
 quod sic probantur prius antequam inue-
 stiantur, tamquam aurum in fornace;
 Eccli. 34. ideò aurum probatum fuit: Quia qui non
 est probatus & tentatus, qualia scit?
 Et quia acceptus erat Deo, ideò necesse
 fuit ut multis tentationibus & exercita-
 tionibus & humiliationibus probaretur,
 ut postea sciret aliis dare remedium, sicut
 in se & in aliis fuit expertus sapè: sicut &
 fecit in suis sermonibus & tractatibus.

Proficit. Hic Thomas multum profecit in vir-
 tutibus, de die in diem proficiens, addens
 semper fervorem fervori, deuotionem de-
 uotioni, virtutem virtuti; ita ut omnes
 mirabantur de eius fervore & deuotione.
 Et quia multum humilis fuit, ideò à Deo
 magnam

magnam & singularem gratiam meruit habere, sicut patet ex dictis eius.

Item bis Supprior fuit, & semel Procurator: & quia multum fuit internus & deuotus, & ideo simplex in temporalibus rebus, ideo depositus fuit ab officio Procuratoris, & in Suppriorum iterum electus: quia sic maiorem fructum dictando, contemplando, orationibus insistendo, fecit. Quod Fratres considerantes, fecerunt sibi misericordiam, eum subleuando ab exterioribus.

Supprior
Procu-
rator.

*Anno Domini M. CCCC. LXXI. obiit iste deuotus Pater Thomas Kempis, & sic seruierat Domino in Ordine Canonico-
rum Regularium LXX. annis in magnâ austeritate vite & seruire spiritus.*

Et quia multos tractatus scripsit & dictauit in vitâ, & pauci sciunt quomodo intitulantur, ideo tabulam de eius tractatibus & libris hîc intitulare & scribere intendo, ut omnes, qui legunt vel audiunt, possint scire quot sunt.

NOTATIO.

E*T idè tabulam.*] Tabula hæc deest in editione Norimbergensi anni M. cccc. xciv. certè Vitę eius nō subiicitur. Si typographi initio libri posuere, ecce istam tabulam in fronte Norimbergensis editionis:

De Imitatione Christi libri 4.

Liber Vita M. Gerardi Magni.

Liber de Humilitate Christi, quam

D. Florentius studuit imitari.

Liber de Discipulis D. Florentij.

De Disciplinā claustralium.

Aliqua notabilia de conuersatione

Thoma de Kempis.

Alphabetum deuoti monachi Thoma Kempis.

Sermonum ad Nouitios partes tres.

Item Sermones eiusdem.

Dialogus Nouitiorum.

Canticum de laudibus SS. Virginum.

Epistola plures.

Libellus de paupertate, humilitate, patientiā.

Libellus de verā compunctione.

Libellus Hortuli animarum.

Libellus vallis liliorum.

Epitaphium monachorum.

Vita boni monachi.

Manuale monachorum.

Doctrinale iuuenum.

Hospitale pauperum.

Ex his postremi libri post *de conuersatione Thoma*, iam olim impressi erant, cū typographia recens inuenta, & paucis locis nota erat: fors & priores in alio Tomo.

VITA

V I T A
 THOMÆ A KEMPIS
 CANONICI REGVLARIS
¹ ex varijs auctōribus
 AB HERIBERTO ROS-WEYDO
 concinnata.

THOMAS à Kempis oriundus est ^{Thom}
² Kempis, quod per modicum est in ^{patria.}
 agro & diœcesi Colonienſi oppi-
 dum, unde cognomen quoque ei adhaſit.
 Parentes habuit, ſi ſaeculum ſpectes, nullo ^{Parent}
 quidem generis ſplendore, nullâ diuitia-
 rum opulentiâ conſpicuos, ſed quibus omnis
 nobilitas in pietate, cenſus in vita probita-
 te erat. Manuum igitur labore vitam
 ſuam tolerantes, reculâ ſuâ benè contenti
 vivebant. Quibus gemina proles maſcula
 obligit (de pluribus certè non liquet) Ioan- ^{Frater.}
 nes & Thomas: quorum ille nati gran-
 dior, ſtudiorum curriculo Dauentria con-
 ſectò, Gerardi Magni familiaritate uſus,
 ad omnem vita honeſtatem efformatus eſt,
 & in Ordine Canoniorum Regularium,
 X 7 è diſci-

è disciplinâ Capituli VVindesimensis, varijs perfunctus muneribus, feliciter obiit.

Natalis. Thomas igitur noster natalem habuit circa annum virginiei partus M. CCC. LXXX. Urbano VI. orbis uniuersi Pontificium, & Carolo IV. Imperium administrante. Postquam primam etatem sub parentum oculis exegerat, & iam capeffendis litterarum studijs idoneus videbatur, Dauentriam (quæ Transisulana ditionis metropolis est) se contulit; tredecenni, ut colligere licet, non maior. Dauentriam ut peteret, Florentij eum sacerdotis cum primis pijs ac eruditi, & Fratrum Clericorum præfæcti fama exciuerat, quam crebra commeantium studiosorum turba celebrabat. Florebant tunc ibi bonarum artium studia, ut Belgicæ Athenæum diceres.

Studiū. Vbi Dauentriam peruenit, prima illi cura fuit de fratre suo germano inquirere, ut eius consilio & operâ (nam tunc illi vel nullum peculium erat) ad studia capeffenda dirigeretur. Commendatus igitur Domino³ Florentio⁴ (nam Gerardus Magnus anno M. CCC. LXXXIV. iam è viuis excesserat, cum Thomas noster quadrien- nis tantum esset) ab eo exceptus est perhumaniter; qui ei de domo, de libris, de victu

*viſtu proſpexit . Hac occaſione bona indo-
 lis & honeſta frontis adoleſcens, dum inter
 illuſtres pietate & eruditione viros, qui in
 Florentiâ viuentes conſortio, religione, vita
 innocentia, morum ſinceritate elucebant,
 quotidie verſatur, mores eorum expreſſit,
 quorum delectabatur conſuetudine; domi
 ſedulus, in ſcholis aſſiduus, in templo fre-
 quens . Vbi paucis annis eos non in ſtudijs
 magis quàm pietate progreſſus fecit, quos
 tot conſcripta ab eo numquam ſatis lau-
 data teſtantur volumina. Dum in Collegio
 Fratrum Clericorum verſatur, quidquid
 calligraphiâ lucrari potuit (nam anti-
 quarij manu valebat) omne id manu pre-
 tium in commune ſubſidium conferebat.*

Profe-
 ctus in
 virtute
 & litteris

*Fuit à puero diua Virginis cultor exi-
 mius, cui ſtatas quotidie preces ſolitus erat
 perſolvere . Verùm quia inſtabilis & nu-
 tabanda eſt puerilis pietas, cœpit & in eo
 laxioribus velis pia hac conſuetudo navi-
 gare . Pedetentim igitur ſolitas orationes
 atque ſuffragia, primò ad unum diem, de-
 hinc ad duos aut tres, demum ad quatuor,
 tandem ad integram ſeptimanam negle-
 xit; & (quod dolendum eſt) poſtremò uni-
 verſa poſtpoſuit. Quod dum ageret, viſum
 eſt ſibi in viſione nocturnâ, quaſi ſtaret in
 atrio*

D. Ma-
 rix de-
 uotus.

atrio magistri Florentij: ubi, dum simul cum alijs scholaribus, qui simul confluebant ad audiendum diuinum verbum, anidas aures ad ea quæ dicerentur inclinaret, conspexit in nubibus celi desuper venientem Dominam mundi: quæ dum facie decorâ & fulgenti habitu ad prædictum atrium descendisset, circuiuit Fratres, qui illic verbum Dei audientibus loquebantur: & nunc hunc nunc illum benignè complexata, gratias videbatur eis refundere, quòd tam pijs admonitionibus satagere viderentur, ne pretium Sanguinis dulcissimi Filij sui, in illis inuenibus deperiret. At adolescens hac intuens, & videns Virginem in mulieribus benedictam ruere in amplexus Fratrum dictorum, ardens & æstuans, liquefcens, & sperans stabat; & in ipsam amore plenos oculos firmius detorquens, intra semetipsum dicebat: Paululum expectabo, & cum felix Virgo charitatis insignia ceteris sufficienter ostenderit, tum etiam & mihi, qui eam, etsi non digno, saltem quoquo possum amore prosecutus sum, amplexum charitatis benignè offeret. Sed heu! quia sæpè in contrarium vadunt spes firmæ mortalium, Thomas osculum, dulce amoris pignus, spera-

In Mariæ
cultu
negligē-
tior vi-
sione
monetur

sperabat, sed verbum aspera increpationis accepit. Si quidem Virgo beata, posteaquam singulos, qui pijs admonitionibus florentem confluentium scholarium aetatem ad meliora prouehabant, dulcibus amplexibus demulsisset, venit tandem ad Thomam, & seuerioribus luminibus eum adspiciēs, Frustrā, inquit, amplexum petis sancti amoris, hostis acerbe, qui exosā inimicitia negligentia, malo consule fretus, debitam atque solitam mihi pensionem flammantium precum non exoluis. Si quidem ubi nunc sunt consueta preces tuae? quò solitæ orationes auolarunt? ubi mixta suspirijs pia suffragia? Nonne refrixit in te charitas, torpuit amor, pietas quondam habita vacillauit? Et nunc tu, quasi nihil peccatum sit, stas, & audaci fronte amplexum manes, qui argui magis meruisti? Et indignabunda vultum auertens: Abi, inquit; abi à me: quia amplexibus meis indignus censeberis, qui tam facilem precem amata soluere neglexisti. Atque sic iustis increpationibus laceratum relinquens, callis refusa disparuit. Thomas post visionem euigilans, discutit conscientiam, agnoscit culpam, & emendationem adpromittit. Et ne de cetero Virginis beata frustra-

reitur

Resumit
D. Ma-
ria cul-
tum.

retur amplexibus, neglecta dimissaque suffragia, ita legenda rursus arripuit, ut usque in finem vitæ suæ, nullo ea die in posterum ausus fuerit prætermittere. O felix reprehensio, quæ correxit errorem, quæ amoris fœdera nonnihil dirupta resarciit, quæ negligentia nauum aboleuit!

Religio-
ni se ad-
dicat.

Cum iam septennio consuetudine Domini Florentij reliquorumque Fratrum usus esset, atque omnium virtutum numeris se omnibus probasset, exarsit in eo Religionis ardor, cuius igniculos D. Florentius animo eius subinde subiecerat. Anno igitur M. cccc. quo Florentius à vitâ migravit, Thomas noster ad Montem S. Agneti sacrum, qui proximè Swollensi imminet ciuitati, concessit; ubi recens tunc monasterium Canonorum Regularium, sub D. Augustini habitu Regulaque militarium, ad Vidrum amnem exstructum erat. Erat ea Domus eâ tempestate admodum obscura, paucissimis nota, raroque (ut sunt ferè omnium rerum exordia humilia & difficilia) colebatur ciue. Vbi in montem hunc Florentij litteris commendatus aduenit, à fratre suo germano, qui ei tunc monasterio primùm cum potestate Prioris præerat, exceptus est sanè perquàm humaniter,

*maniter, & in caeleste hoc iubilum simul
erupere: Quàm bonum & quàm iu-* Pl. 132.
cundum est habitare fratres in vnum.

Hic igitur Religionis candidatus, etsi Sexen-
præferuè Religionem expeteret; ne quid nio pro-
tamen temerè, ne quid præproperè ageret, batur.
feruorem suum temporis morâ, qua una
prudentiam parit, omnino temperauit. Post
quinque annos igitur in tyrocinio positos,
sexto demum sacrum habitum induit, & Votum
sequenti sacro se voto ei vitæ generi ob- emittit.
strinxit. Hic in primis egregiâ in Deum
pietate, erga Superiores obseruantia, in
collegas suos charitate & beneuolentiâ
valdè emicuit. Otio, malorum omnium Religio-
fonti, numquam indulgit, sed vel Sacris li- sa eius
bris lectitandis, vel in communem vsum domi ex-
scribendis, vel ingenio suo procudendis se ercitia.
exercebat, quod ille concubiâ plurimùm
nocte à Matutinis Laudibus factitabat, se
geniûmq; defraudans suum, lasâ etiam
corporis valetudine, quò de omnibus pie-
tatem colentibus quàm optimè mereretur.
Supersunt etiamnum vniuersa⁷ Biblia, in
quatuor tomos dispartita, ingens præterea
Missarum liber, & nonnulla S. Bernardi
Opuscula præcellenti arte & magnâ indu-
striâ à Thomâ conscripta.

In

In tēplo
pius.

In Oratorio & ecclesiasticis muneribus, dictu difficile, quàm reuerenti præsentiq̃ue animo omnia obierit. Dum psalleret, vultu semper in calum sublato, sacro enthusiasmo afflatus, dulcedine nimirum Psalmorum incredibili captus, & extra se raptus aduertebatur: sic, ut nonnumquam calcibus non terræ hereret infixus, sed summis dumtaxat pedum digitis solum contingens, reliquo corpore in calum subuolare, ubi animo & desiderio agebat, meditaretur. In psallendo erecto corpore consistebat perpetuò, numquam sedili vel brachio vel tergo innitens. Ingredientium Oratorium nocte diēque primus, egredientium semper postremus erat. Diuinus cultus & ecclesiasticum decus mirificè illi cordi erat; adeò ut semel cuidam ioculariter dicenti, videri sibi felicem Thomam, nec admiratione dignum magnopere, quòd tantā vocis alacritate, animi promptitudine, & pietate Psalmos decantaret; quippe cui Psalmi Davidici salmones (genus est piscium delicatissimum) saperent; incunctanter responderit: Ita est, ut ais; Deo gratia: Psalmi mihi salmones. qui tamen non raro in nauseam & mortem, quoties ignauos, rei præsenti non intentos & voci par-

Diuini
cultus
studio-
sus.

par-

parcentes conspicio, conuertuntur.

Eius sermo omnis de Deo & Sacra scri- Sermo
eius om-
nis de
Deo.
pturâ. In præsentia grauium virorum, si
ipso præseente forensia aut mundana agita-
rentur, velut mutus ac elinguis sedebat;
nec respondebat, ne rogatus quidem, nisi
insigni alicuius rei commoditate illectus:
quasi ignarus rerum, de quibus commen-
tabantur, omnium. Porro si de Deo re-
busque celestibus haberetur sermo, mox
postulatus sententiam, velut limpidissi-
mus fons, perpetuis verborum riuulis
scaturiens loquebatur, aut potius proflue-
bat. Rogatus ex tempore, in quorundam Vis di-
cendi.
commodum, numquam abnuitt declamare:
quod tamen non fecit nisi aliquo ad medi-
tandum capto tempore, aut degustato pau-
lulum somno. Eâ verò dicendi facultate
facilitateque pollebat, ut complures saepe-
numero ex urbibus locisque remotioribus
fama exciret, & certatim ad Montem
S. Agnetis confluerent, quos cum audiendi
cupido incessebat.

Non minima sodales eius cepit admi- Varie
eius
virtutes.
ratio, cum cōsiderarent eius in aduersis re-
bus latè ferendis tolerantiâ, patientiam in
hominum vitijs non solum æquabiliter to-
lerandis, sed & benignè excusandis, in om-
ni vi-

ni vitâ sobrietatem, pudicitiam, verecundiam, sedulitatē in prouehendis Fratrum commodis, in templi procurando cultu & ornatu impensum studium, in precibus non minùs flagrantiam quàm frequentiam, lacrymarum profusionem, & reliqua solide pietatis testatissima indicia. Tanta verò erat in eo vanitatum illecebrarumq; mundi despicientia, ut præter diuina, fluxa omnia velut ad se nihil pertinentia adeò negligeret, ut illorum appellationes vsumque addiscere grauaretur.

Corporis castigatio.

Dum animo medetur, corpori quoque curam adhibuit; quod adeò non neglexit, ut certis in septimanâ diebus pro more habuerit, flagro sese affligere, Hymnum illum, Stetit Iesus, decantando.

Eius symbolum.

Sacræ lectionis, cellaq; suæ ita amans fuit, ut hoc symbolum sæpius ore proferret, librisq; suis inscriberet: In omnibus requiem, quæsiui, sed non inueni, nisi in boerkins ond boerkins, quod postremum Teutonicum Latine sonat: nisi in angellis & libellis; quietem inueniendam insinuans in abditis recessibus & libellulis.

Eius officia.

Porro sic affabilis & mansuetus fuit, ut multum licet reluctans, communi suffragio Supprior, etate adhuc florente, crearetur.

tur. Postea æconomia præfectus seu Procurator, quod propensus ad eleemosynas videretur, constitutus est: quam provinciam etsi obibat diligenter, nihilominus, quoniam à contemplatione & p̃ys libellis conscribendis nimium auocabatur, priori muneri restitutus est.

Sapè accidit, ut dum inter Fratres versaretur, & cum illis sermonem misceret, intus Deum se alloquentem manifestè sentiens, modestè petita veniâ, quasi quispiam eum conventum expetens opperiretur, discederet in cubiculum: ibi cor suum coram Domino effundens, hauriebat illam sapientiam, quam in eius sanctissimis libellis omnes p̃j admirantur.

Celesti quoque visione servum suum benignus Dominus subinde dignatus est. Dum enim officij an negotij causâ, Ioannem de Huesden Priorem in VVindesem agrotantē inuiseret, & de quibusdam Religionis negotijs consuleret, è Monte sanctæ Agnetis in VVindesem abiisset, ibidemque pernoctaret, vidit sub matutinum crepusculum beatorum spirituum agmina coruscare ac concurrere, velut ad magni viri funus properarent, cuius beatam animam calo essent illaturi. Nec fefellit visio,

Familia.
ritas cū
Deo.

visio.

sio, cùm & aurium iudicium accederet. Nam tabula sonitu excitatus è lecto exiit. Inde futurorum præfagus, mortem Prioris VVindesimensis prædixit.

Virtus
contra
dæmo-
nem.

Dæmonum terriculamenta, experientiâ doctus, floccifecit. Cùm enim quadam vice dæmon eum teterrimâ horrendâque formâ circumstetisset, & lecto appropinquare conaretur, intremuit primùm ad larvalem intuitum; & quid contra tam horrendi hostis insidias auxilij sumeret, ignoravit. Tandem diuino spiritu instigatus, angelicam cœpit Salutationem tremulâ voce (ut timentibus ferè evenit) quàm optimè potuit, personare. Sed diabolus, quasi nihil ad hanc Salutationem motus, magis magisque; trepido cœpit proximare: quousque in Salutatione prædictâ eoque pervenisset, ut, Dominus noster IESVS CHRIS-
TUS, Amen, acclamaret. Quod terrificum nomen ubi dæmon audiuit, quasi horrèdo quodam tonitruo pauefactus, vultum vertit, & quàm citissimè potuit, ad clamantis vocem aufugit. Videns igitur Thomas ad tanti nominis virtutem dæmonem stare non posse, audaciùs caput pauidum erexit, & repetitis vicibus benedictum nomen IESVS CHRISTVS, post

Nomi-
nis IESV
vis.

post fugientem hostem inclamavit: & quò ipse clamat fortius, cò vehementius teter spiritus fugiebat. Quod ubi animadverit religiosus vir, gratias agens Domino Deo intra se dixit: Si hoc sanctissimo nomine IESU, tam facile possum adversa potestatis vires infringere, de cetero nolo, ut hactenus feci, vel demonum machinamenta timere, vel sub eorum quamvis horrendis minis, fide vacillante trepidare.

Sed & alia signa atque miracula, quæ ipse passim tacito nomine ad incerti preces facta recitat, ipsius precibus ostensa creduntur, ¹² ut de libri perditii in cellâ receptione, atque alia ¹³ pluscula.

Staturâ corporis fuisse dicitur infra mediocritatem, formâ viro convenienti, ^{Corporis forma.} colore in vultu virido, sed fusco; acie oculorum perspicacissimâ (quod etiam Moyse obtigisse legimus) ut numquam, vel capulo proximus, sit usus conspicio.

Cùm iam annos LXXI. (comprehensio simul tirocinio) in Monte S. Agnetis religiosam vitam magnâ cum laude & sodalium fructu duxisset, evocatus est à Domino in montem aternitatis, quem toties prospexerat, ad quem toties anhelarat; & beata anima, testaceo corporis relicto hospitio,

Y

spitio,

LXXI.
annis Religiosus.

Eius ob-
itus.

*spitio, in aeterna tabernacula immigravit;
Deo suo aeternum fruitura. ¹⁴ Mortualis
illi dies fuit anno aetatis suae XCII. parte per
Christum salutis M. CCCC. LXXI. octavo
Kalendas Augusti.*

NOTATIO.

I. **E**x variis auctoribus.] Operam dedi, vt
nihil admodum præterirem, quod qui-
dē vel ex MSS. vel ex impressis libris de Tho-
mā nostro consequi potui. Quædam de Vitā
eius primus, quod sciam, Anonymus quidam
attigit, quam hic præmisi.

Inde Vitam eius fusiùs scripsit Iodocus Ba-
dius Ascensius, anno M. D. XXIII. quam ex
ipsius Thomæ Opusculis hinc inde collegit, &
Operibus eius à se Parisiis eo anno editis præ-
fixit. sed multa paraphrasticè & encomiasticè
insparsit, quæ ingenium magis quàm fidem hi-
storicam sapiūt, vt quod cap. III. IV. V. VI. VII.
de quatuor eulogiis Thomæ ad imitationem
Platonis sibi finxit; quod video aliis etiā erran-
di occasionem præbuisse. De tribus eum gratias
egisse (quamquam ex ore potiùs cuiusque ani-
mæ fidelis loquitur) constat ex Soliloquio ani-
mæ cap. XXVI. de *creatione, redemptione, iusti-
ficatione*. Eandem contraxit Fr. Gabriel Pu-
therbeus in suâ Thomæ à Kempis editione Pa-
risiensi, anno M. D. XLVIII.

Pòst Fr. Franciscus Tolensis Canonicus Re-
gularis Vitam Thomæ collegit, partim ex pri-
scorum monumentis, partim ex relictis semi-
notis

rosis chartulis, qui nonnulla quoque encomiasticè miscet è Rhetorum lecythis. Eam præfixit editioni suæ librorum de Imitatione Christi, quâ Thomam nostrû Latiniozem quàm pien-
torem nescio quo zelo maluit, quam Ioannes Bellerus impressit Antuerpiæ an. M.D.LXXV.

Nonnulla quoque auctor Speculi exemplorum, quisquis ille fuerit, qui haud dubiè Thomæ nostro vicinus & pænè coævus vixit, in decimâ distinctione Speculi attingit.

Ego nunc breuiter ex omnibus his Vitam Thomæ concinnaui, seruatis subinde auctorum verbis, vbi ita res & stylus ferebant; visionem vnam ex Buschio manuscripto toties iam citato interserui. Nunc quædam præterea in gratiam Lectoris annotabo, quæ & Vitæ huic lucem inferunt, & quorundam quoque errores cauendos monent.

2. *Kempis.*] Oppidum id est diœcesis Colonien-
sis, postremum eius districtus, inter Cliuiam & Iuliacum. Cliuiensium olim fuisse dicitur. Thomam nostrum inde oriundum esse, non Campis Transisulaniæ ciuitate, vt vulgò creditum à multis, qui Badium errantem sunt secuti, multa suadent.

Primò, cognomen *Haemercken* vel *Hämerlein*, id est, Malleolus, quia superiori sæculo talis ibi familia fuit.

Secundò, fama publica eius loci, quâ vulgò dicitur ac creditur ipsum ex parœciâ seu plateâ S. Petri natalem ducere.

Tertiò, quia in antiquis editionibus Germanicis, verbi causâ, Dilinganâ variis annis impressâ, in Præfatione expressè additur: *Ausz*

Kempen im Cölnischen Bisthumb.

Quartò, Thomas ipse affirmat se aliquando, venià à Superioribus obtentâ, visitasse Reliquias SS. quę Treuiris asseruantur, atque in viâ amicos intuisse. Eunti è monasterio S. Agnetis, quod dimidio milliari Svvollâ situm est, Treuiros, occurrunt non *Campi Transisulania*, sed ciuitas *Kempis* in Colonienſi ditione.

Quintò, Quia Thomas noster semper se scribit *Kempis* vel à *Kempis*; cùm tamen aliàs agens de ciuitate Transisulanię, eam constanter *Campos* seu *Campis* vocet, vt cap. IX. & XV. Vitę Gerardi Magni,

Sextò, Quia Thomas à *Kempis* in Vitâ Ioannis Gronde cap. I. verbis mox citandis, dicit, famam Florenſij qui Dauentrię commorabatur, adscendiſſe *ad partes superiores*, in quibus ipse habitabat, & se famâ eâ illectum Dauentriam contuliſſe. Atqui respectu Dauentrię, pars superior *Kempi* oppidum Colonienſe, non *Campi* oppidum Transisulanicum, quę pars inferior est.

3. Florentio.] Quomodo ad Florentij notitiam peruenerit, & ab eo exceptus fuerit, narrat ipse Thomas à *Kempis* in Vitâ Ioannis Gronde cap. I. Cùm igitur studij cauſſâ in annis adoleſcentia Dauentriam perueniſſem, quaſiui iter pergendi ad Regulares in VVindſem. Ibiq; inuētis Fratribus Canonicis Regularibus, cum germano meo, hortatu illius inductus sum adire ſumma reuerentia virum, magiſtrū Florentium Dauentrienſis Eccleſiæ Vicarium, ſacerdotemq; deuotum, cuius fama dulciſſima ad partes superiores iam adſcenderat, & in amorem ſui mentem meam traxerat, quę frequens turba
ſcho-

scholarium in diuinis rebus agentem cōmendare solebat. Visu enim & auditu iustus erat, atque omnium oculis graciosus, utpote verus Dei cultor, & sancta matris Ecclesia deuotissimus reuerentor. Venientem ergo ad praesentiam Patris reuerendi, mox pietate motus aliquantisper me secum in domo tenuit, & ad scholas instituit, datis insuper libris, quibus me egere putauit. Demum hospitium cum quadam honestâ & deuotâ matronâ gratis impetrauit, qua mihi & aliis multis clericis sapius benè fecit. Adiunctus igitur tam deuoto viro & Fratribus eius, quotidie deuotam eorum cōuersationem attendi & inspexi: & gaudisus sum ac delectatus in bonis moribus eorum, & in verbis gratia, qua de ore humilium procedebant. Eiusdem Florentij beneficentiam etiam in Prologo ad eius Vitam deprædicat: Denique durum & ingratum mihi indigno videtur, si tam dilecti Patris virtutes reticerem, qui mihi & multis aliis benefecit in vitâ, & primò traxit ad Dei seruitium, ac tandem direxit ad monasterij portum. Particulariùs quoque, quibuscum habitauerit, & quorum consortio in vitâ spiritali profecerit, describit ipse in Vitâ Arnoldi Schoenhouiensis: Eodem tempore adiuuante D. Florentio & consulente, domum illam (antiquam Florentij) inhabitare cœpi, & fere per annum in congregatione illâ cum Arnolde permansi, simul unâ camerulâ, vnoq; lecto ambo contenti. Ibi quippe didici scribere, & sacram Scripturam legere, & qua ad mores spectant, deuotosq; tractatus audire. Ad seculi quoque contemptum fortius animabar, maxime dulci conuersatione

Fratrū, & piā admonitione Arnoldi quotidie adiutus & instructus. Quidquid tunc scribendo lucrari potui, in sumptus communes tradidi, & quod mihi defuit, largā pietas dilecti mei Domini Florentij pro me persoluit, & paternē in omnibus subuenit.

4. *Nam D. Gerardus.*] Labitur Tolensis, cū ait Gerardum fuisse præceptorem Thomæ à Kempis. Ipse Gerardus iam pridem obierat, antequam Thomas noster Kempis Dauentriam venit studiorum causā. Siquidem Thomas natus est anno M. CCC. LXXX. & Gerardus obiit (vt Thomas ipse testatur in Vitā eius cap. XVI.) anno M. CCC. LXXXIV. Eo tempore quadriennistantum erat Thomas, domi apud parentes versans.

5. *Fratrū Clericorum.*] Horum vitæ institutum describit ipse Thomas noster, qui inter illos vixit, in Vitā Ioannis Gronde, cap. I. Numquam prius tales homines tam deuotos & feruentes in charitate Dei & proximi, me vidisse memini: qui inter seculares viuentes, de seculari vitā nihil habebant, nihilq; de terrenis negotiis curare videbantur. Nam domi quietē manentes, libris scribendis operam sollicitē dabant: sacris lectionibus & deuotis meditationibus frequenter insistentes, ad iaculatas orationes laboris tempore pro solamine recurrabant. Manē etiam dictis Matutinis Horis ecclesiam visitabant; & inter Missarum celebrationem, primitias oris sui & cordis suspiria Deo libantes, puras manus & oculos mentis, corpore prostrati, leuabant ad calum; precibus & lamenti Deum sibi per Hostiam saluta-

lutarem reconciliari quarentes.

Huius eximia Congregationis primus institutor & spiritualis Rector extitit Dominus ac M. Florentius, virtutibus ornatus; & diuinâ sapientiâ in agnitione Christi refertus: sacra Apostolica vitâ, cum suis presbyteris & clericis, formam humiliter imitando. Isti ergo cor unum & animam unam in Deo habentes, singuli quæ sua erant in commune conferebant; & simplicem victum ac vestitum accipientes, de crastino cogitare vitabant. Sponte namque se Deo dicantes, omnes Rectori suo aut eius vicario obedire satagebant: & sanctam obedientiam pro summâ Regulâ tenentes, totis viribus se ipsos vincere, & passionibus resistere, ac motus propriæ voluntatis frangere nitebantur: rogantes insuper feruenter, ut pro defectibus & negligentis suis seriose corriperentur. Idcirco gratia magna & vera deuotio erat in eis, & multos adificabant verbis & exemplis: atque patienter derisiones secularium ferentes, plures etiam ad saculi contemptum perducebant. Et qui antea illos despexerant, vitam eorum sine honore tamquam stultitiam existimantes, postea ad Deum conuersi, & deuotionis gratiam experti, veros Dei seruos & amicos, palam illos conscientiam perurgente, fatebantur.

Multi ergo viri ac mulieres, mundanâ felicitate contemptâ, conuersi sunt ad Dominum: & consiliis dilecti Patris Domini Florentij innitentes, præcepta Dominica seruare, & misericordia opera Christianâ deuotione in pauperes exercere studuerunt. Adiunabant autem eum omnes Fratres sui, verbum vitæ retinentes; qui tam-

quam luminaria cali in medio turbarum lucebant mundo senescenti. Quidam etiam sacerdotes, scientiâ diuinâ legis illustrati, strenuè in ecclesiâ prædicabant: quorum ex prædicatione fideles populi, in actibus piis exercendis & sermonibus sacris audiendis, salubriter sunt instructi.

6. *Diua Virginis*] Exemplum hoc narrat auctor Speculi exemplorum, dist. x. §. 7. qui et si nomen suum ex humilitate subicit, testatissima tamen narrat. Ita enim de hac distinctione præfatur: *Incipit decima & ultima distinctio Speculi exemplorum, in quâ habentur exempla, quæ aut verissimâ relatione didici, aut in libris Teutonicis scripta inueni, aut ipse facta cognoui.*

7. *Biblia.*] Ea in folio quatuor Tomis, compacta asservantur Coloniae apud Canonicos Regulares in monasterio ad Corpus Christi, ubi in fine primi Voluminis, quo continetur Pentateuchus usque ad finem libri Ruth, sic scribitur: *Finitus & completus anno Domini M. cccc. xxxix. in Vigiliâ S. Iacobi Apostoli, per manus fratris Thomæ Kempis, ad laudem Dei in Monte S. Agnetis.* Et in tertio ad extremum libri Machabæorum additur: *Scriptum per manus Fr. Thomæ à Kempis, &c.*

8. *Missarum liber.*] Is servatur in folio, apud Canonicos Regulares ad S. Martinum Louanij, in cuius ultimâ paginâ rubris litteris est notatum: *Anno Domini M. cccc. xiiii. per Fratrem Thomam de Kempen.*

9. *Sed non.*] Effigies ex tabulâ & picturâ Syvollensi edita, hoc symbolon Thomæ verbulo

bulo mutato, & magis ad linguam Flandricam, ita exprimit: *In omnibus requiem quasui, & nusquam inueni, nisi in een hoecksken met een hoecksken*, id est, *nisi in angello cum libello*. Prout in Vitâ habetur, ex Francisco Tolensi sumpsi, qui scribit se vidisse eius effigiem admodum deformatam, valdeque oblitteratam cum symbolo, ut expressi.

Lubet hic Thomæ nostri apophthegma adscribere ex Vitâ Arnoldi Schoenhouiensis: nam cum Arnoldo spes admissionis in Domum Fratrensiū à D. Florentio facta esset, modò antè benè disceret scribere; solebat hoc ipse frequenter iterare, & Thomæ auribus, quicum in eodem viuebat cubiculo, ingeminare, ut ipse Thomas refert: *O si scirem benè scribere, ut possim citiùs cum Domino Florentio habitare. Spero quòd benè per gratiam Dei vellem passionem meam vincere, si tantummodò scribere scirem. Et cum hac audissem, miratus sum probitatem eius & feruorem, qui omni conamine satagebat agere, quæ Dominus Florentius dixerat. Et ego versâ vice cogitavi mecum dicens: Benè vellem addiscere scribere, si scirem me benè emendare.*

10. *Calesti quoque visione.*] Visio hæc ita narratur à Ioāne Busch libro de Viris illustribus Patrum & Fratrum antiquorum in VVindesem, vbi agit de morte Ioannis Heusden Prioris cap. xxx. *Contigit ante paucos dies sui obitus, ut duo Fratres notabiles de Monte sancta Agnetis prope Suvollis Ordinis nostri, dictum Priorem nostrum super certis rebus consulturi in VVindesem aduenirent, quorum unus*

Y S

frater

frater Thomas de Kempis vir probata vita, qui plures deuotos libros composuit, videlicet, *Qui sequitur me*, de Imitatione Christi, cum alijs. nocte insecutâ somnium vidit prasagium futurorum. Aspexit namque in visu noctis concursum spirituum beatorum fieri in caelestibus quasi pro alicuius obitu celeriter festinantium, statimq; tabulam tamquam pro morientis exitu in somnis audiuit pulsari, ut exinde experrectus enigilaret. Surgens ergo de lecto, & quidnam esset factum volens ire visum, neminem percepit. Erat autem manè ante horâ quintam, & Fratres adhuc dormiebant. In se itaque reuersus coepit tacite cogitare, quod Prior de VVinde sem in breui esset migraturus; nemini tamen de VVinde sem tunc retulit visionem, sed clerico de Brabantia secum inde pergenti dixit in secreto: Dicatis Domino Hermanno Scutken in Thenis-monte commoranti, si Priori velit loqui in VVinde sem, quod citò veniat, quia diu hic non erit, si vera fuit visio, quam hac nocte vidi. Qui non longè post pramissa, viam vniuersa terra est ingressus.

11. *Damon.*] Hoc exemplum narrat auctor Speculi dist. 10 §. 8. Sed & idem Thomas eius meminit par. 111. Serm. ad Nouitios, Serm. 11. exemplo 111. quamuis nomine suo suppresso.

12. *Vt de libri perdit.*] Ipse narrat loco proximè citato, exemplo 1.

13. *Pluscula.*] Quæ illa sint nolo diuinare, nec sine teste quidquam proferre. Hoc vnum addo ad commendationem horum libellorum, quod habet Georgius Pirckamerus Prior Carthusianorum Norimbergæ epistolâ ad M. Petrum

trum Danhausser, quæ præfigitur ante Opera eius Norimbergæ impressa: Fuit reuerà Thomas de Kempis professus monachus fratrum Ordinis Canonorum Regularium, vir sanctitate & doctrinâ eximius, parentibus mediocris fortuna, matre humili genere, patre verò opifice, qui hisce libellis Plutonium furiasq; Infernales sæpenumerò fugauit.

14. Mortualis dies eius.] Chronicon Bethleëniticum: Thomas à Kempis transit ex hac vitâ anno M. cccc. lxxi. ætatis xci. viii. Kal. Sextiles. Quod etiam confirmat carmen tabulæ inscriptum, quæ Syvallis seruat:ur :

Montanaq; domus, vicinorumq; locorum

Effigiem Thoma Kempisq; vides.

Qui sacri quondam primaria gloria dictus
Ordinis, & phœnix delictumq; gregis.

Isula quas vrbes, quas præterlabitur arces,
Quos saltus Vechtis picta tabella refert.

Is denis LVstris annos si dempseris o Cto,

o VbVit ThoMas fVnctus, & astra
petit.

Hoc tibi, Diue, domus præses Cuperinus a-
lumno

Mnemosynon posuit, quem prece iunge Deo.
Hanc tabulam quæ cœnobium montis sanctæ Agnetis vnâ cum effigie Thomæ à Kempis repræsentat, fieri curauit vltimus cœnobij illius Prior R. P. Cuperinus anno M. D. lxi. In penultimo disticho ætatem Thomæ disertè expressit, & simul obitum eius chronographico versu, prout illa ætas ferebat, litteris eminentioribus indicauit M. cccc. lvvvi. Cœnobium autem in Monte S. Agnetis vulgò dicitur

citur Bergh-clooster van mirakelen / id est,
 Montis-monasterium miraculorum: quod no-
 men obtinuit ex miraculorum frequentia, quæ
 Deus ibi exhibere solet; hodieque multi Ca-
 tholici, antiquæ retinentes pietatis, nudis id pe-
 dibus adeunt, ob signorum ibi editorum & ip-
 sus Thomæ memoriam; cuius me suffragio
 cuius commendo.

F I N I S.

Paginæ 484. lineæ 12. Arnoldus,
 lege Thomas; & lin. 13. Arnoldi, lege
 Thomæ.



A P P R O B A T I O.

Hos Thomæ à Kempis de Imitatione Christi libros quatuor, nunc denuò ad duo autographa operâ R. P. Heriberti Ros-veydi recensitos, vnâ cum Vindicijs Kempensibus eiusdem Ros-veydi aduersus Abbatem Constantinum Caietanum, quibus egregiè auctori suo librum suum solidissimis rationibus vindicat, dignissimos iudico, qui Typographiæ beneficio ad manus plurium perueniant. Datum xxiii. Martij, anno M. DC. xvii.

*Egbertus Spitholdius S. T. L.
Canonicus & Plebanus Ant-
nerpiensis, librorum Censar.*

SYMMA PRIVILEGII.

ALBERTI & ISABELLAE CLARAE EVGENIAE, Archiducum Austriae, Ducum Burgundiae, Brabantiae, &c. Serenissimorum Belgicae Principum Privilegio cautum est: ne quis THOMAE A KEMPIS *Canonici Regularis Ordinis S. AUGUSTINI De Imitatione CHRISTI Libros quatuor, nunc postremo ad duo autographa recensitos, cum Vindicijs Kempensibus HERIBERTI ROS-VVEYDI Soc. IESV, adversus CAIETANVM Abbatem S. Baronti, praeter Balthasaris & Ioannis Moretorum fratrum voluntatem intra sexennium excudat, aut alibi excusos in Inferioris Germaniae ditiones venales importet. Qui secus faxit, confiscatione librorum, & alia graui poena mulstabitur, vti latius patet in litteris datis Bruxellae, xxx. Martij, M. DC. XVII.*

Signat.

De VVitte.

